







13-205

HERMANNI BOERHAAVII

A P H O R I S M I  
D E C O G N O S C E N D I S ,  
E T C U R A N D I S M O R B I S ,

E T M A T E R I E S M E D I C A E J U S D È M S U I S  
L O C I S I N T E R P O S I T A .

P A R S I .

P R O L E G O M E N A ,  
C H I R U R G I A , F E B R I S .  
E D I T I O N E M I S T A M C U R A V I T , E T A U X I T  
J O A N N E S B A P T I S T A S O L D E V I L L A  
M E D I C I N Æ D O C T O R : C E N S O R : A R C H I A T E R .



S U P E R I O R I P E R M I S S I O N E .

M A T R I T I :

E X T Y P O G R A P H I A V I L L A P A N D E A .  
A . M . D C C . X C V I I I .



## LECTORI EDITOR.

**T**h̄n hoc Volumine tertio continentur Scientiæ Prolegomena , Generalissima morborum , Chirurgia , et Febris; quæ omnia primam Aphorismorum Boerhaavii *De cognoscendis , et curandis morbis* partem efficiunt. Materies medica , et remediorum formulæ hisce Aphorismis deservientes ex eodem Boerhaaviae suis locis interponuntur.

Circa prima nihil notandum nisi horum Prolegomenon innuere commendationem maximam. Plenissima certe sunt ista bonæ frugis , et necessario præscienda , ut posteriora aptius percipiantur. In iis enim I. futuro Medico necessaria traduntur, ut verum Medici nomen mereatur. Qui ea omnia , quæ hic notantur à Boerhaavio exacte servaverit absdubio verus erit Medicus. Quamplurima extant Scripta hac super Re verè difficiili , sed æque necessaria. Joannes Baptista Silvaticus , Joannes Sporisthius , Henr. Georg. Anriquez , Abrahamus Kauu

Boerhaave, Joan. Gregori.. ista ex professio tractavere. Sed præivit omnes in Medico modesto , benè morato , Naturæ observantissimo, theorico prudenti, sagaci practico , circa ægrotantes , egenos præsertim facili , sollicito... instruendo *Hippocrates* in septem Libris cedro dignis , qui *Artis Orgia* juxta Zuingerum expediunt , quos hispana paraphrasi declaratos evulgabimus. Isti sunt: *Fusjurandum: Lex: Prisca Medicina: Medicus: Decens ornatus : Ars: et Præceptiones.*

Docetur II. Medicus quomodo in observationibus exarandis , et in consultationibus efficiendis , atque enarrandis se debeat gerere. Præter leges , et documenta , quæ præscribit hic circa istas Cl. Auctor , et exempla in Libro suarum *Consultationum* collocata mihi videntur , istos utilissimos consessus debere haberi ea modestia , ea submissione , eo vere imitabili candore , quibus assidebat illis Antonius Ponce de Santa Cruz Medicus Regius hispanus , qui hæc aurea atque christiana verba nobis in exemplum reliquit : *Aliquando contingit meos audire discipulos... potest enim*

*Deus illis dare lucem , quam mihi de-  
neget ob meam superbiam. Lib. III.  
De Impediment. magn. auxil. cap. XII.  
Ast ultra moneo , etiam istos consulen-  
tium cœtus habendos esse ea animi  
constantia , atque severitate, quibus alter  
Medicus Regius etiam hispanus Joan-  
nes Gallego de la Serna malachensis  
usus fuit. Hic enim in Aula Christianis-  
simi Regis Ludovici XIII Reginæ Anæ  
Austriacæ Philippi III. Filiæ An. 1619.  
Parisiis ægrotantis Primarius Medicus,  
toti Medicorum aulicorum parisiensium  
cohorti coram Rege ipso , Nuntio his-  
panico , atque Magnatibus illius Reg-  
ni , Hippocratis , atque Galeni doctrina  
innutritus , assidua Augustæ ægrotantis  
assistantia illustratus, et exactissima phœ-  
nomenorum omnium observatione fretus,  
in prognosi , atque curatione se oppo-  
suit : illiusque curatio , atque prognosti-  
cum felicitèr præiverunt. Vid. Methodus  
medendi lib. VI. cap. IX. pag. 447. Quo  
ad observationes medicas instruendas  
sciendum observandi artem valde esse  
difficilem , et erroribus obnoxiam. Hinc  
tanta inter observatores rei ejusdem dis-  
crepantia. Optima hic exhibet Boerhaa-*

vius documenta , quæ ad amussim debet servare tiro. Præter ista videndi Georgii Zimmermanni *Traité de l' experience en particulier dans l' art de guerir* : Medici Uratislaviehenses super eadem ipsa *Experientia*: Joannes Senebrier *l' art de observer quo Hippocratem tanquam normam observantium proponit.*

Edocetur III. Methodus , qua ordinatim morbi pertractandi , et aptissima, ut par erat à Boerhaavio Geometras optimos veritatis methodicæ Magistros sequutus assumitur , atque proponitur. Hodie postliminio revocata est antiquissima methodus ab Hippocrate utcunque proposita , atque in Cnidiis damnata. Hæc dicitur *methodus nosologica*. Non hic de utilitatibus hujus , atque nocumentis disserendum. Dicam tamen: classes , ordines , genera , species , varietates , instar graduum ab ista designari, quibus humana mens juvari , atque regi intenditur. Inter omnes igitur nosologias admodum inter se variantes , si quæ erant adoptandæ Sauvagesii , qui primus eam evulgavit ; et Cullenii , qui illius nosologiam contrahere , et corrigere

annus fuit præferimus. Inter has duas Cullenii nosologiam præponimus , hispanam præsertim auctariis bosquillonianis , et notis amplissimis illustratam , atque ditatam. Et profecto ille Clases X morborum proposuit : iste IV. Ille Ordines XLII iste XIX. Genera ille 310. iste 133. Species illius fere 4000 , istius vero ad moderatum numerum reducuntur , ut utramque nosologiam conferenti ad oculum patebit.

Andreas Piquerius Medicus Regius hispanus jam dixerat in erudita præfatione , quam præposuit *Medicinæ suæ veteri* , et *novæ Sauvagesii* méthodum minime arridere ipsi , quippe ut classes compleat Botanicorum more non ægritudines tantum ; sed causas , phænomena , symptomata pro veris , et primariis morbis sæpe usurpat. An ea méthodus in ægris curandis exoptatum effectum sortitura? Viderint Practici. Dav. Macbridius Chirurgus obstetricans (cujus studia varia , et honores in Actis Ac. Reg. Med. Paris. T. II. P. 55. vindenda) in opere incompleto , quod inscripsit *Introductio methodica in theo-*

*riam, et praxim Medicinæ in præfatione parti primæ præfixa ait: nosque per Sauvagesii maxime nosologiam methodicam Librum eximum, sed nimis multorum voluminum, minutisque, et maximæ tironum parti inutilibus distinctionibus luxuriantem profecisse intellegit. His igitur permotus Cullenium Sauvagesio præponendum judicamus.*

Hoc ita lubenter facimus sequentes præter jam dicta celebrem Medicum edimburgensem Joannem Gregori, qui licet huic methodo nosologicæ infensus; imò ejusdem acerrimus aspernator (*a*), Cullenii tamen nosologiam ob ejus simplicitatem, claritatem, atque definitionum exactitudinem præfert, atque commendat, cui candide atque liberlime assentimur, et quam pariter post Boerhaavianam methodum commendamus. Sed ex diverticulo in viam.

Post istos quatuor canones dictato-

(*a*) Discours sur les devoirs, les qualites, et les connoissances du Medicin. Paris. an. 1788. Discours V. pag. 236. ad 245.

rios Aphorismo XVI propositos , se-  
quitur apparatus sive prospectus mor-  
borum , qui juxta illos tractari debent.  
Morbi partium solidarum simplicium,  
et compositarum vasa , viscera compo-  
nentium , quatenus laxitate .. deficiunt,  
primo , et ante omnes alios proponun-  
tur, et explicantur. Post solidorum mor-  
bos offert Boerhaavius morbos hu-  
morum simplicissimos claritate maxima  
in re adeo diffcili valde commendanda.

Et quoniam ad ista omnia pertrac-  
tanda ad Chemiam respicit Auctor de  
Acido, Alchali , aliisque chemicis verba  
faciens; licet in ista Scientia chemica erat  
ætate sua vir iste summus revera prin-  
ceps , post ipsius ævum maxima isthæc  
cæpit incrementa. Ob rationem istam , ut  
aptius intelligantur, et ulterius procedant  
Viri hujus sapientissima dictata hodier-  
na Chemia consulenda. Ut id aptius per-  
ficiatur eodem isto tertio Medicinæ sta-  
dio Rei chemicæ incumbendum. Ele-  
menta brevissima Chemiæ Ludovici Tes-  
sari Medicinæ Doctoris methodo apho-  
ristica Boerhaavianæ simili conscripta  
pro usu academico deservire possent,

si eadem ipsa methodo ab aliquo viro  
Medico chimico , quæ posterius inven-  
ta fuere ipsis adderentur. Interea , hæc  
in explicationibus , et ad praxim addi  
ex *Philosophia chemica* possunt , in qua  
omnia nova tanquam in synopsim à Med.  
Doct. et chemico celeber. Fourcroy  
rediguntur. Libellus iste Typis barcino-  
nensibus hispanicè nuper editus , quid-  
quid Lamarck in sua Chemia pyroti-  
ca pneumaticæ æmula ei contradicat,  
optimus est. Utile etiam erit haurire ea  
ex Cursu chemico Elaboratorio regio  
matritensi destinato , et ex Opere che-  
miæ , et historiæ naturalis Medicinæ  
Doctoris Chaptal iis nostris diebus his-  
panicè converso. Vid. Boerhaav. de Usu  
Chemiæ in medendo. (El. Chem. Tom. I.  
p. 45.) etiamque ejusdem Oratio de Che-  
mia suos errores expurgante. Lavag-  
noli de usu Chimiæ in Medicina Pata-  
vii. An. 1732.

Circa Chirurgiam dicendum hanc  
Medicinæ partem à Boerhaavio ita me-  
thodicè , eruditè, doctissime , sublimitè  
tractari ut nihil supra. Utinam comple-  
tè id exegisset! Et quoniam hic debent

illi subsistere, et praxi chirurgicæ destinari , tribus Medicinæ curriculis sive in Universitatibus , sive in Collegiis exactis, qui non ad Medicinam propensi , nec vocati, sed ad Chirurgiam , *Latinam* à nostris Legibus exactè nominatam innuere mihi liceat , Chirurgiam generosam , virilem , eminentem . . . totam hominis cuiusque vitam quantumvis longævam exigere , totam quantumvis indefessam, haud interruptam solertiam exhaustire; totum quantumvis improbum studium impendere , consumare . . . debere ; his nostris præsertim temporibus quando immane quantum adacta , atque ditata est Ars ista. Id inter alia demonstratur ex eo quod aliquæ ipsius partes esentiales quidem ut ocularis Chirurgia , obstetricia , odontica . . . divisæ videantur, quas non fastidio , difficultate , neque contemptu . . absdubio Professores istius separaverunt ; sed quia tot inventis , et inveniendis chirurgicis obruuntur , ut Chirurgiam adeo late patentem , extensamque his adminiculis circumcisam amplecti unice saniores fortasse judicavere. Scripta revera in chirurgicis innumera : instrumenta ab ipso simplici

encolpismo ad modiolum ipsum.. valde multa : mala cognita multiplicia ; desiderata in malis , et remediis . . . innumerabilia. Quid igitur? Qui istam Medicinæ partem præamare sentiunt , et amplecti decreverunt , post studia præmemorata ad eam unice convertantur, chirurgica tantum tractent , si Chirurgi celebres , eminentes . . . salutari ambient ; aliter dimidiatim tantum eam adeuntes , exercentes mediocritatem vix adipiscentur , magna ipsius Artis , et in honora retardatione ; et sanitatis hominum infando detimento. Sed quoniam res ista est maximi momenti liceat mihi aliquantis per terminos præfactoris transgredi , atque infringere.

Tria superba Collegia gaditanum, barcinonicum , matritense munificentia Regia extracta Chirurgiæ edocendæ , pro dignitate exornandæ , atque perficiendæ jussibus Regiis sacrata unice imperium chirurgicum hispanum in exteris producere aptissima censemabantur , et revera sunt. Aliqua volumina , quæ ab iisdem hucusque prodierunt id innuunt. Quæ in scriniis absdubio reposta manent , quæ

avidè expectant , desiderant , ambiunt philiatri , et ego Chirurgiæ hujus voti compotis amantissimus optantium ita primus, ut cum Venusino (Art. P.v.417.) dicam *occupet extreum scabies* .. id inquam ad oculum evincent , demonstrabunt. Si ista inexpectato infortunio haud acciderint nulla alia prior, atque potentior assignari causa fortasse poterit nisi quoniam plurimi inter eximios horum Collegiorum præsertim , et etiam Universitatum , et Nosocomiorum Discipulos , qui si *Chirurgiæ* tamquam SPONSÆ spectatissimæ tota sua vita addicti essent unice eam super æthera extullissent , Chirurgiæ ejusdem clathros fregerint , eam divortio immerito , atque indecora veluti repudiatione deseruerint, vel dimidiati tantum pertractaverint; et sive per fas , legibus obedientes , vel nefas, earundem contemptores, et osores *Medicinæ castra* , atque pomœria calcare , pertransire auserint , minime abstinerint. Chirurgia revera MATRONA est minimè digna ita à suis cultoribus tractari , derelinqui. Sola ipsa valet spectata ut decet eosdem reddere doctos , expertos , probos , locupletes , honoratos ..

Placet equidem in hujus rei demonstrationem palmariam , in Chirurgiæ hispanæ decus eximum , et ornamentum , et in Collegiorum potestatem supra dictam demonstrandam , Alumni Collegii chirurgici gaditani Encomium posthumum commemorare. Hic fuit *Franciscus Canibell* Chirurgus Regius honorarius. Iste vir est optimum exemplar excelsitatis ad quam perveniri potest indefesso studio , et usu Chirurgiæ solitariæ. In Encomio isto nulla mentio fit ejus peritiæ chemicæ , neque botanicæ. Physice , Mathesis .. nec nominantur quidem. Medicinæ studium , neque praxis tempus Chirurgiæ sacratum haud impenderunt , retardarunt. Lustrationes in Sena , et in Tamesi defecerunt ei , utpote eas non adfert solers Panegirista. Grammatica , humanæque litteræ tantum (Pag. XIV) speciatim memorantur ; sed ita candide , atque sincere , ut binis locis (XXI , XLIII) heroem suum ineloquenter ostendat ingenuus Encomiastes. Post has litteras trans Pyræneos montes excurrens Chirurgiæ se totum , et in perpetuum devovit. (XIV.) Studia in Universitate cervariensi , absdubio

chirurgica, in obscuro relinquuntur; ea nominatim non exhibentur (Pag. XVI.)

Artis usus, Chirurgiæ institutio, magisterium, chirurgicum studium purum putum per totam istam parentationem merito, luculenter, energice. . enarrantur, laudantur, extolluntur. Utinam alia Encomia similia protrudantur! Chirurgus iste Regius longævo, obstinato, haud interrupto, simplici Artis usu, atque studio: in Collegio gaditano Alumnus, Bibliotecarius, Magister, Director, vice-Præses. . Joan. Alexan. Brambillæ vienensi, parisiensi Germano Pichaut de la Martiniere par (pag. LIX) laudatur, imo superior absdubio prædicari poterat. Neque isti, neque alii similes promeruere (mihi saltem ignotum) de illis asseverari quod de Canibellio ab discipulo ingenuo, exacto, autopta pronuntiatur: in arte nempe tota valuisse plurimum; in operatione fortasse difficiliori, labiliiori. . *Litotomia* nempe aptiorem methodum perfecisse: in ea dñoscenda, et exequenda nunquam fuisse lapsum, nunquam deceptum. (Pagin. XLIV.) ¡O fortunatum, doctumque

virum! ¡O virum dexterrimum , incomparabilem! merito Chirurgiæ hispanæ heroem pronuntiatum (Pag. LXXVI.) Discipulis illius celeberrimi Collegii gaditani in exemplum propositum , et in omnium Chirurgiæ Alumnorum merito inquam posthac proponendum!

Antonius Petit Med. Doct. et Chirurgiæ publicus in parisiensi Academia Professor Orationem eloquentissimam anno 1775. pronuntiavit , qua evidencia ineluctabili evicit utilissimam , imo necessariam esse istam de qua nunc loquimur separationem. Benjaminus Bell in Nosocomio Regio edimburgensi Chirurgiæ Professor doctissimus , dexterimus , celebritate clarissima per Europam notissimus Chirurgiam totam lectu dignissimam nuperrimè vulgavit. Professor iste Chirurgiam solam agit , unicum tractat , ab eis , quæ ad Medicinam spectant sobrios ea Medicis amandat , ista non curat , ab his sejungitur ut plurimum , præscindit. Exempla duo tantum adducam. In tractatu *de Ulceribus* nuper hispanicè edito , quo iste in Boerhaavii Chirurgia desideratus per-

fectissime suppletur , dum de *inflammatione* tractat ad externam unice dirigitur ; internam omittens , ad Medicinam pertinere declarans (Sectione 1. pag. 1.) Dum de Hydrocele (suo Cursu chirurgico Tom. 1. Cap. 6. Sect. 2. pag. 196. hispanicè etiam nunc converso) agit, asserens quampluries istam ægritudinem ab interna causa provenire , sive cum ipsa complicari ait : sanationem external proponam tantum ; internam causam ad Medicos deferam , ab eis tractandam , atque corrigendam relinquens. Optimum exemplum ! Hac necessaria separatione circumscriptus , innixus , instar Canivellii nostratis Chirurgiam pro dignitate excoluit , ornavit , perfecit.

Quo ad Medicos perfectos efficiendos spectat Boerhaavius hic , et van-Swietenius in Commentario asserunt, et demonstrant studium Chirurgiæ Medicinæ studium præcedere debere. Ita sane res est. Certum est enim partes externas , cutem nempe . . atque internas ex eodem fonte , Corde scilicet , haurire humores , omnesque communem agere vitam. Æque certum est morbos externos , atque

internos valde similes debere esse , na-  
tura , signis , symptomatibus , indica-  
tionibus , therapæia : differentia tamen,  
quia illa pauciora : sensibus ut tactui,  
visui . . . oblata faciliora , apertiora:  
ista recondita , abstrusa , arcana , diffi-  
cillima , numerosiora. Inflammationes,  
tumores , ulceræ . . . externa luculentum  
exhibit exemplum ita notum ut cuicun-  
que pateat. Ista igitur interna , obscura,  
lucem maximam ab externis illis acci-  
pient ; quin ad ista sufficient physice,  
botanice , chemia . . . anatomia ipsa , quas  
omnes immane quantum superat Chirur-  
gia! *Hujus defectu scientiam medicam*  
*plus damni pati , quam si omnibus reli-*  
*quis auxiliatricibus artibus esset muti-*  
*lata cum Ill.* Gortero confidenter asse-  
veramus. *Chirurg. repurg. Præfat.*

Ad ista omnia firmiter , et inconcus-  
se stabienda cum tanti sint momenti,  
ut ex earum exacto ordine sanitas ho-  
minum emolumenta spectet , atque ex  
inexacto et perturbato nocumenta hor-  
rescat , præ oculis habendum oraculum  
illud Hippocratis ore dictatorio asseren-  
tis *Artem esse longam* (nostro ævo abs-

dubio longiorem) vitam brevem, occasio-  
nes præcipites, experimenta periculosa,  
judicia difficilima. Audiendus etiam sa-  
pientissimus PLATO cognitione perspi-  
caciissima limitationis humanæ mentis in-  
nixus, quamvis ille amplissimam posi-  
debat, qui ita appositiè pronuntiavit:  
*duas artes aut studia duo diligenter*  
**EXERCERE Mens humana non potest.**  
J. Huarte *Examen de Ingenios.* Pag. I.

Ego harum de rerum certo intimè  
persuasus assero: si aliquid in medendi  
Arte valeo; etsi quam parum in ea me  
valere licet invitus agnosco; sed sincere,  
atque verecunde fateor, præ aliis Scien-  
tiis auxiliaribus, quas reverenter salu-  
tavi, et introspxi qua potui CHIRUR-  
GIÆ, cui in Universitate cæsaraugusta-  
na pro Medicinæ cursu adimplendo stu-  
dui; cuius exercitio in valentino No-  
socomio adstiti, et quam in Academia  
jussu regio ibidem stabilita, cui præ-  
fui olim, docui, tribuendum mihi reor;  
atque præsertim quod ab ejus usu Me-  
dicinæ addictus totus ambabus exercen-  
dis impar, abstinui, ita ut triginta tri-  
bus annis, quibus Medicinam in ista

Carpetanorum Mantua exerceo unica tantum occasio sese mihi obtulit , in qua necesitas urgens , absentia Chirurgi , atque periculosa mora me adegerunt ut protinus exercerem eam , et his præcise conditionibus exercui.

Alumni igitur isto tertio Medicinæ curriculo quo Chirurgia boerhaavia na edocetur eam gnaviter , atque studiose addiscant , curationibus chirurgicalis intersint ; tumores , inflammatio nes , ulcera . . . intueantur , observent que , Operationes graviores quæ Artem istam specialiter constituunt , et difficil em reddunt , in ægris quando efficiantur , et in cadaveribus , in quibus ad exemplum instituentur adnotent , atque manu propria in istis confiant ut se exerceant ; et ita si necesitas expostulet non adstante Chirurgiæ Professore , eas efficere poterunt , et efficient. Absit ta men Medicos suæ conscientiæ immemo res ultro in Chirurgiæ *usum* progredi , et oberrare. Experientia testatur tale facinus ab istis rarissime , vel non nisi præfatis circunstantiis perpetrari ; tuncque licet , et honeste eam ab istis exerceri.

Medici sciunt extensionem , difficultates , complicationes .. Scientiæ suæ ad quas expediendas observationes sagacissimas , meditationes profundas .. tota sua vita , morbis internis extricandis unice destinatas vix sufficere suadentur , convincuntur . Probe etiam noscunt in negotio sanitatis , et vitæ hominum reparandæ , et custodiendæ ignorantiam à criminè non excusare ; (*Leyes del Proto-Medicato* Pag. 164) eique esse valdè obnoxios Chirurgos æquè ac Medicos suæ Provinciæ transgressores , non hygeiæ , sed mammonæ potius libantes , deservientes . Itaque boni Medici licet chirurgicis ut dictum instructi , ista externa ad interiora facilius percipienda unice conferunt : hujus Artis nobilis , utilis , necessariæ .. exercitium suis Professoribus doctis , dexteritatem adeptis unice , exclusive pertinere credunt , evincuntur . Maxima animi sui alacritate vident , istos versatissimos , atque experientissimos sanitatis hominum etiam custodes laude , honoribus , præmiis .. ab omnibus æquis rerum æstimatoribus juste , atque cummulate affici , decorari . *Jungenda igitur rectè , ac religiosè concludendo:*

*Jungenda Studia Chirurgiæ , atque Medicinæ : earundem Exercitia separanda.* Hippocrates , qui adeo facilem, atque tutam Artem istam declarabat (Lib. de Medico) dicens *turpissimum est non contingere à Chirurgia , quod velis jure jurando nihilominus, in litotomia inexpertus , asseveravit neque vero calculo laborantes secabo , sed Magistris ejus artis peritis id muneris concedam.* Vid. Meibomii Comment. in Jusjurandum Hippocratis Pag. 161. 2. 3.

Circa Febres , earumque divisiones, atque symptomata aliquid addendum judicavimus. Licet enim aliquæ febres quas omissit Boerhaavius , v. gr. exanthematicæ , nervosæ , malignæ .. ex conjunctione symptomatum de quibus egit possint utcumque describi , in Tironum commoda has adjicimus ex probatissimis Auctoribus depromptas ; his præsertim qui doctrina , methodo , cæterisque dotibus sunt Boerhaavio ipsi aliqumodo similes. Inter hos Franc. Home, Christ. Theoph. Selle , et Maxim. Stoll præferimus scopo eo ut Tractatus iste DE FEBRIBUS completissimus evaderet.

Sed enixè hortamur eos , qui ab isto  
ferè inextricabili Februm labyrinto ve-  
luti felicioris , et securioris Ariadnæ  
filo se cupiunt expedire , ut præter alios  
alibi ( p. 506. ) memorandos maxima cu-  
ra , atque reverentia adeant Josephum  
Amar , et Andream Piquerium Medi-  
cos Regios , et ambo Celtiberos ; et etiam  
Lodoicum Pereyra Doctorem Medicum  
Conimbricensem in suis *de Febribus*  
Commentariis , quæ hispanicè ( mallem  
herclè latinè ut amplius exteris nobis  
utplurimum haud æquis , et in sua com-  
moda paterent ) hispanicè inquam his  
nostris temporibus , et in ista nostra  
beatissima Metropoli Carpetanorum  
Mantua tantis Viris meritò superba sa-  
pientissimus iste , atque celeberrimus  
Triumviratus evulgarunt.

In istas Febres , et alia omnia , quæ  
in isto Volumine III. continentur No-  
tas satis amplas , utinam æque utiles ad-  
didimus. Eas fere omnes ex gazophila-  
tio commentariorum Gerardi van-Swie-  
tenii excripsimus , aliquas inferioris sub-  
selii , utpote nostras , adjecimus. Totum  
illum batavum heroem *Boerhaavium* ad

nostram praxim hispanam accomodare studuimus, et studebimus. Num istud opusculum tamquam hujus van-Swietenii compendium haberi poterit? Fas sit mihi saltē dicere epitomen ab Scombergio Medic. Doct. An. 1762. Francofurti editum libello in 8. paginularum 240, quo quatuor ex quinque illius tomis grossis in synopsim rediguntur esse prorsus improportionatum. Aliud compendium schombergianum anglicè quatuor tomis in 8. etiam conscriptum in latium converti desideramus. Materia Medica Febris, Chirurgiæ, Morbis simplicibus respondens locis suis includitur, sine caracteribus arabicis, sine compendiis, imo plane et litteraliter in commodum discentum exhibetur. Sauvagesius, et Cullenius Nosologorum Principes oportune etiam advocantur.

Post ista omnia simpliciora, facilio-  
ra Tirones jam aliquatenus instructi in  
Medicinae Oceanum, in Medicorum  
Principem HIPPOCRATEM debent  
animum dirigere, atque hujus sacris  
initiari. In Universitatibus summa tiro-

num utilitate edocentur hujus summi Viri Prognosticorum , atque Aphorismorum libri. In Cæsaraugustano Liceo præter ista , Coaca , et Epidemica adjunguntur. (Estatut. R. tit. 36. pag. 86.) In commodum tironum apponitur hoc Volumine Prognosticorum liber , in quarto , et ultimo Aphorismorum coordinatorum liber alias collocandus. Tironibus sufficiet ad horum oraculorum intelligentiam Andreas Pasta , cuius Editio , quæ Edetanorum Valentiæ nitida , ac exacta Typis nuper edita fuit (ann. 1773.) maximè præferenda. Iisdem provectionibus Commentaria , quæ duum-viri hispani Christophorus Vega , et Andreas Piquerius in Prognosticon librum evulgarerunt commendanda. Sed ut cum vero fructu legatur Hippocrates totus prælegenda *Ars Hippocratica* , quam nuper Practicus celtiber celeberrimus D. D. Franciscus Puente Cæsaraugustæ An. 1764. Typis evulgavit. Boerhaavii Oratio: *De Commendando Studio hippocratico* utilissime Tirones in tantum Vi- rum excitare poterit : ideo legendam, et memoriæ mandandam apponimus , et commendamus.

Post istam Præfationem meam absdubio vilem , et inconditam fortasse lassatus, et morosus evadet lector. Ad ipsum recreandum , et utiliter instruendum apponendas judicavi celebris Boerhaavii Præfationes , quas Libello (aptius veræ Medicinæ Thesauro) Aphorismorum de cognoscendis et curandis morbis ; et Libello etiam de Materie medica , et remediorum formulis illis inservientibus apposuit , quæ meritò , et magna cura à Tironibus legendæ , atque meditandæ sunt. En illas.

### LECTORI AUCTOR.

**E**n libellum , mole parvum , gravem materie , nec sine labore natum. Auctior ille quinto prodit , et locis quibusdam paulo explicatior. Regulas vero promittit , quæ causas morborum expedire , atque eventus secundare possint. Experimenta huic quidem necessaria operæ Græcorum industria, diligentia Arabum , et paucorum inter Recentes accuratio suppeditavit. Anatome vero , et Mechanice , nostris cultior , ratiocinio filum , et fundamenta

dedit. Utraque fida! quidquid ignari  
 clament, aut invidiosi obstrepant. Ode-  
 runt quippe, et calumniantur isti, quæ  
 nec attingere valent: non ergo nisi si-  
 bimet vocali ignorantia nocent. Ubi  
 autem, dum affectibus indulgent, ina-  
 nia Paradoxorum, et damnosæ novita-  
 tis crimina obtentui sumunt, risum me-  
 hercle rerum gnaris excitant! Qui an-  
 tiqua scrutati, nova non ignorant vi-  
 debunt quid præstitum sit, et hos ego  
 solos idoneos operis judices agnosco.  
 Sciant autem Hi, quos equidem vene-  
 ror in privatos hæc exarata usus: as-  
 sequentur ita et ordinis simul, et bre-  
 vitatis causas. Auctores non citavi, quum  
 nimii, vel nulli nominandi essent. Nec  
 speciosos medicamentorum titulos mor-  
 bis addidi. Cur? nihil Arti exitiale ma-  
 gis novi, neque vero ipse ullum cog-  
 nosco, quin solo tempestivo usu tale  
 fiat: hunc vero ubique indicare anni-  
 sus sum non perfunctorie. Postremo  
 omnia hæc stilo scripta in Arte recep-  
 to magis, quam ad puritatem Augustæi  
 seculi expolito; facilius enim ille capitur,  
 huic forte interprete foret opus: saltem  
 plus exegisset, quam quo fruor otii. Vale!

## AUDITORIBUS SUIS.

S.

**E**go , postquam animum Medicinæ ex Auctoritate Procerum Academicorum docendæ applicui , id in primis credidi mei esse muneris , candide ut Vobis exponerem simpliciterque illa, quæ veris experimentorum succesumque eventis firma in Arte cognoscuntur.

Sane , eo quidem proposito , prescrutabar relictæ nobis hodie ex iis , quæ sapienti industria , explorata sibi satisque spectata tradidere Veteres . Illa vero , ubi composui rebus , quas Medicinam faciendo deprehendebam , inveni observatæ sollicite naturæ vestigia ubique pressa : neque adeo certius quid spectari posse , neque aliunde colligi meliora.

Ferebat interim animus , et illa ut eumque perlustrare , quæ dominante per Europam barbarie , Arabes , Priscorum nacti monumenta , eorum inventis addiderunt , quæque in latinum versa sermonem nostræ intelligentiæ patebant . Sed dolui gentem solertissimam , licet

subnixa esset tam utilibus adminiculis  
ejus subtilitas , parum boni , mali plu-  
rimum Medicæ attullisse disciplinæ !

Neque perfunctorie dein excussi  
Recentiorum placita , pulcherrima pro-  
fecto commendata specie , sive Physi-  
ces exultæ fructus , sive spectaveris  
artium liberalium Medicinæ promovendæ  
adhibitarum effectus. Gaudebat utique  
his intentus animus! Interea tamen licen-  
tia fingendi , assumendi audacia , festina  
nimis , et ambitiosa ad consummandam  
Medicinam properatione , primorum  
vero Auctorum contemptu , neglectu ,  
vel ignoratione ipsa quidem Scientia  
Medica damni plus quam emolumenti  
omni hoc molimine accepisse videba-  
tur ; materiem certe , unde instrui feli-  
cius queat illa , liberalissime aggestam  
à nostris , ut gratulamur Arti , ita de-  
ploramus ejus fata , quod tumultuaria  
opum collectione obruta verius , quam  
adjuta siet.

Instituto itaque hoc rerum exami-  
ne , quid , quæso , rationi consentaneum  
magis , quam ut conjicerentur in ad-  
versaria , quæcumque in omnibus hisce  
adeo sana ut peritus nemo de fide ho-

rum ambigat? Hac itaque perfuncto opera prius dein conandum fuit, ut ex sparsis his conficeretur corpusculum quoddam, ad leges disciplinæ concinatum; in quod et ipse intueri possem sedulo, quoties in Artis exercitatione versarer, simulque eo referre; si quid novi forte, aut insoliti appareret; postremo ut hac agendi ratione, veri quid, et digesti animo impressum meo vestros in usus fideliter effundere liceret.

His demum causis natum vidistis Libellum, quo ausus fui scripta aggravare Medica DE COGNOSCENDIS, ET CURANDIS MORBIS. Cujus profecto toties me puduit, quoties defectus ejus mihi nimis notos ipsi putare aggredior, Veterumve componere operibus. Hoc scilicet me metiens pede impar deprehendor, qui legitime Auctoris boni titulum ambire sustineam. Neque tamen abesse poteram ab audacia evulgandi hosce Aphorismos, nisi deesse voluissem muneri, quod mihi dederat publica Auctoritas, cui obsequia debo.

Opus igitur aggressus quum cogitarem semper, sola ut esset cura mederi, atque cavere quam religiosissime,

ne quid irreperet quod periculoso semper hac in Arte errori causam præberet, necessarium duxi in toto opusculo nullum commemorare Medicamentum.

Nec injuria ; namque id in primis arbitrabar nocere , dum auditio remedii nomine, et morbi , exercendæ se pares Arti jactant Empirici, impune in hominum perniciem grassantes , donec sero solo tandem cadaverum experimento sapiunt.

Quum interim Discipulis deberem exempla , præscripseram ideo in privatos horum usus pauca de Materie Medica, hujusque ordinandæ legibus , tantum ut servirent his , qui intento me animo audiverant disserentem in Scholis domesticis de occasione , qua sola utilia evaderent.

Estis vero idonei vos testes , quanta circunspectione utar , quam sæpe tœdiose fere ad fastidium usque minutiarum consideratione odiosus sim , priusquam vobis titulo Medicamenti vel minimum quid laudare ausim : pulchre gnarus, nihil dari , quod ubique bonum; contra vero id , quod hac rerum facie salutare fuerat , mutata conditione perniciosum sæpe deprehendi.

Nefas itaque putavi Medicaminum nomine hæc ipsa evulgare, sed cum admonitione severa modo describenda dare his, qui operam mihi sedulo dererant pro tenuitate mea idoneas cautelas inculcare conanti. Sed, quod doleo, longe aliter evenit, me quippe nec consulto, nec volente, in usus publicos extundenda curavit hæc Londini vir eruditus, alte nimis de vili hoc opusculo, ejusque Auctore, sentiens, et scribens, neque tamen ita res gesta, quin errores simul bene multi, et noxii in edendo contigerint.

Coactus ita recensui, correxi, amplificavi nonnulla, unde describendi labore levati iis utamini. Audacter interim, et moneo fideliter, morbi historiam fideliter edocti scrutari MATERIÆ MEDICÆ noxios æquè ac effectus salubres, ita demum auxilii utilis bonitatem affectetis assequi; cæteris nocebit magis quam proderit, quidquid hoc opellæ est.



HERMANNI BOERHAAVE

A PHORISMI

DE COGNOSCENDIS , ET CURANDIS MORBIS.

PROLEGOMENA.

1 **O**mnis humani corporis conditio, quæ Actiones vitales , naturales , vel et animales lædit MORBUS vocatur.

2 Quæ vero Disciplinæ medicæ pars docet Morbum in ipso Ægroto præsentem detegere , et curare , PRAXIS appellatur MEDICA. Sanitatem ægris MEDICINA promittit. Cels. 1.

3 Qui ergo Actionum vitalium , naturalium , atque animalium exercendarum Requisita ignorat , adeoque Vitæ causas nescit , et Sanitatis (*a*) , ille defectum illa-

(*a*) HIPPOCRATES ad omnia ista sagacitè attenus , et debitissimis præparationibus institutus salutarem Artes ad tantam perfectionem evexit. Geometriam enim , et Arithmeticam possidebat , ut ex ejus epistola ad Thessalum filium suum evincit.

rum , id est MORBOS , cognoscere (*a*) non poterit.

4 Sanatio porro est morbi (i) in sa-

tur. Physicem coluit, ut Ant. Ponce de Santa Cruz demonstrat in *Commentario de Hippocratica philosophia; sive de his, quæ physicè scribuntur in Hippocrate*. Anatomen exercuit ut à Kurella , et Hallero declaratur. In Chirurgia præsertim eminuit, ut ex ejus Operibus chirurgicis apparet .. Istis igitur Scientiis præcipuis Medicinæ auxiliaticibus imbutus , et Observatione constantissima innixus quot , et quanta circa vitam , sanitatem , functiones , morbos , horum causas , eventus .. pronuntiavit! ; An si Hippocrates Mathesim ulteriorem , physicem exactiorem , anatomen subtiliorem , si hodiernam botanicem , recentem chemiam fuisset assequutus , ulterius profecisset? Major fuisset ut hic asserit van-Swietenius? An si multum temporis in hisce omnibus insumpsisset , VIR iste , atque observationibus laboriosis equidem detraxisset , istisque illa prætulisset minus absurdio prædicaretur? .. Sub Judice lis est.

(a) Morbus est : *Functio lœsa*. Ad istam dignoscendam considerandæ partes , harum conditio- nes physicæ , et functiones , quæ ab his pendent. Cognoscenda igitur in Oculo v. gr. vasa , nervi , membranæ , musculi .. humores , illorum natura , et conformatio , etiamque densitas , pelluciditas , nigritudo , tenuitas , opacitas , lucis reflexio , refractio .. ex quorum omnium exacta dignotione distincta cecitatis v. gr. in particulari habebitur idæa , et propria applicabitur medela. Doctrina optimæ utilissimæ necesaria! Hæc omnia Medicum efficiunt: horum ignorantia *Empiricum*, *Andabatam*.

Sedulo igitur incumbendum cognoscendis partibus , quæ functiones producunt , et con-

nitatem (2) mutatio : ponit ergo et hæc eadem cognita (3) : quare cognitio et curatio morborum Scientiam Dogmatum, quæ explicant quid Vita, Sanitasque sit hominis, id est Instituta Physiologica Medica, requirunt.

5 Illa mutatio (4) motum excitat, soplit, vel dirigit per applicationem instrumentorum (a), quæ Artifex nosse debet, et regere: hinc ponitur perspecta victus, medicamentorum, et Chirurgiæ, materia, præparatio, usus.

6 Dirigitur illa applicatio (5) à mente præscia futuri effectus : quo exigitur Scientia generalis legum, juxta quas actiones illæ excentur; unde itaque doctrina Signorum, et Methodi Medendi necessaria est. Adeoque tradituro Praxin (2) omnes partes Institutionum Medicorum scitu necessariæ prius sunt: Eas ideo ponemus notas, et demonstratas alibi.

7 Morbus (1), quum corpori inhæ-

ditionibus physicis, quibus positis actiones suas excent. Hæc Boerhaav. in prælect. ad §. 698. Instit. Medic.

(a) Turpe penitus videtur Artifici propriæ Artis instrumenta ignorare. Discat igitur Medicus materiam victus, preparationem medicamentorum, et Chirurgiæ usum, ast Chirurgiæ hujus, atque Pharmaciæ exercitia respectivæ Professoribus, ut par est relinquens.

reat , erit effectus corporeus singularis determinatæ causæ.

8 Cujus accurata ablatio sanat.

9 Aufertur correcto malo singulari, vel per remedium in illud solummodo agens ; vel auxilio in omnia simul æqua vi agente. Hanc universalem , illam propriam Medelam vocabimus (*a*).

10 Utraque (9) reperitur observatio ne , similitudine , vel ratiocinio ex hisce binis.

11 Observatio (*b*) habetur : 1. ex accuratestoria morbi enarrante causas , naturam , effectusque mali. 2. ex enumeratione exquisita eorum , quæ prosunt vel nocent , dum casu , vel arte morbo subministrata sunt. 3. ex introspectis cada-

(*a*) Vid. §. 1152. Inst. Med.

(*b*) Optima hic traditur doctrina. Observandi Ars est admodum difficilis , admodumque necessaria. Canones hic propositi profunde meditati , et in exercitium reducti totam istam paginam adimplebunt. Casus multa Medicis obtulit , quæ postea in Artis regulas transierunt. Galenus sæpè vidit non paucos febre ardente laborantes cum jam mediocriter concocti humores essent statim ex frigida potionē liberatos.

Inspectio Cadaverum plurima detexit ut videre est in Boneti sepulchreto Anatomico , et in opere immortali Joan. Bapt. Morgagni de sedibus , et causis morborum per anatomen indagatis.

veribus incisis eorum , quorum morbi  
observati fuerant prius.

12 Ex similitudine concludit , qui ob-  
servatis jam (ii) , adeoque cognitis , ca-  
sum præsentem , hactenus ignotum , com-  
parans de indole , et curatione mali in-  
cogniti argumentatur , à præteritis ad fu-  
tura arguens .

13 Qui denique omnia , quæ ægro ac-  
cidunt , observando (a) cognita (ii) , ada-  
mussim ponderat seorsum singula , com-  
parat deinde inter se universa , confert  
iis , quæ in sanitate contingunt , hincque  
tandem severitate ratiocinii subacti assur-  
git in intellectum causæ proximæ , et au-  
xiliorum ei tollendæ aptorum , verum Me-  
dici nomen meretur .

14 Ordo itaque optimus describendæ  
historiæ , et curationi morborum erit , qui

(a) Simplex Phænomenon observatio nihil  
valet. Hoc quisque potest efficere , et Empirici  
nihil aliud faciunt. Ut verum MEDICI nomen  
mereatur Professor debet omnia ista quæ hic  
adnumerantur facere , quæ licet minima videan-  
tur maximas utilitates parient. Talis conside-  
ratio in Quartana v. gr. frigoris , causarum ,  
et effectuum frigoris , æstus sequentis , horum  
inter se comparatio , ipsorum ab statu sano  
recessus . . quas cognitiones in Medicorum ani-  
mis non excitabit? Hoc certe laboriosum est ,  
sed hujus laboris minime penitebit medicis  
conscientiæ , decori , existimationi . . in hiantibus .

1. Uniuscujusque mali phænomena individua, propria, communia, considerate cognita, justo ordine, vera fide proponit.

2. Cuncta, quæ acciderunt ægro ab iis, quæ gessit, ingessit, retinuit, excretivit, vel sibi applicuit, dum morbus adfuit, enarrat.

3. Auxilia victus, manus, medicamentorum, una cum vera methodo applicandi, prout casus, vel ars obtulit, exponit.

4. Ea, quæ ex hisce tribus, ut ex datis juxta (13) dictam legem effectu rationis verissime deduci queunt ita, ut pro regulis Praxios accipi tuto possint, concludendo elicit.

15 Multitudo quidem morborum his ordinandis officit.

16 Sed ordinem dictat: 1. clarior morbi notitia. 2. simplicior ejus natura. 3. facillima sanatio. 4. ejus requisita ad alium intelligendum cognitio.

17 Ex quo fundamento (16) omnes sequenti serie tractabimus.

18 *Morborum itaque simplicissimorum species, et curatio præmittenda reliquis.*

19 *Solidarum ergo partium morbi explicandi, et sanandi primum locum postulant.*

20 *Fibræ simplicissimæ solidæ morbi explicati, sanati inter hos (19) denique primi sunt.*

MORBI FIBRÆ SOLIDÆ<sup>7</sup>  
SIMPLICIS. <sup>17. M.</sup>

21 **I**llæ partes, quæ ex fluido va-  
sis contento secretæ, sibi mutuo vi-  
tæ, et ope glutinis tenuissimi, aquosi,  
pinguisve applicatæ, Fibram minimam  
faciunt, sunt minimæ, simplicissimæ, ter-  
restres, vixque mutabiles per eas causas,  
quæ in nobis viventibus deprehenduntur.

22 Quare in his (21), separatim spec-  
tatis, nullus occurrit morbus, qui Medi-  
cis observatus, sanatusque describitur.

23 Sed in fibra minima, ex adunatis  
his (21) concreta, morbi simplicissimi se-  
quentes, (24. ad 38.) considerari meren-  
tur: sunt enim frequentes, et fundamen-  
ta jaciunt intellectui aliorum, licet præ-  
tervisi, vel non bene cogniti.

MORBI FIBRÆ DEBILIS,

ET LAXÆ.

24 **F**ibræ (23) debilitas vocatur  
adunatio partium minimarum (21) cum  
nisu in cohesionem tam parvo, ut vel  
illo levi motu solvi queat, qui Sanita-  
tis effectu fit, vel non multum majori.

25 Hanc (24) antecedunt: 1. impedi-  
ta ingestorum assimilatio in naturam li-

quidi vitalis sani ; quæ debetur jacturæ nimiae humoris boni , et inertie virium solidorum in liquida ; vel alimentis magis tenacibus sua indole , quam virium permutantium in corpore virtus est. 2. debilis nimium applicatio partis unius (21) ad aliam , quæ oritur à nimis debili motu liquorum , isque ut plurimum à defec- tu motus muscularum. 3. nimia distractio fibræ rupturæ proxima.

26 Producit autem facilem vasculo- rum ex his (24) conflatorm extensionem, rupturam , in sua liquida contenta iner- tiam ; unde Tumores ab distendentibus, Putrefactiones ab stagnantibus vel extra- vasatis liquidis , tum ea , quæ ex binis hisce sequuntur , infinita (a).

27 Ex hisce (24. 25. 26.) præsens, futura , præteritave noscitur : effectus præ- videtur ; et Curationis (b) requisita perspi- ciuntur.

(a) Dum tener nimis pulto impetum san- guinis corde expulti ferre nequit , ruptis vasis hæmoptoe , et toties inde immedicabilis phthisis. Dum cerebri vasa debilitata vel distendun- tur nimis , vel erupta effundunt suos humores omnes morbi functionum animalium à levissi- ma vertigine ad lethalem Apoplexiā usque oriri possunt. Idem in aliis visceribus verum est , hæc pro exemplo sufficiunt.

(b) Primo considerandum an morbus Natu- ræ soli sit committendus , an vere Ars adduc-

28 Hæc enim obtinebitur: 1. nutrimento, in quo materies (21) abundet, quodque jam fere ita præparatum sit, ac in corpore sano et forti fit. Lac, Ova, Jura carnium (*a*), decocta panis bene fermentati, vina austera primaria sunt. Quæ parva copia sæpe repetita sumenda. 2. aucto motu solidi et fluidi per frictiones; vectiones in equo, rheda, navi; ambulationes, cursus, exercitia corporis. 3. leni compressione vasorum, liquidorumque repulsu. 4. medicamentis acido-austeris, aut et spirituosis fermentatis prudenter, leniterque usurpati. 5. omni modo, quo nimia distractio tollitur.

29 *Laxitas* (*b*) *Fibræ* vocatur ea cohæ-

debeat. Æque enim nocet officiositas quando necessaria non est, ac expectatio nimia quando adinovenda opera.

(*a*) Hæc tria alimenta omnium viscerum et vasorum actiones passa juxta sani corporis leges ultimæ elaborationis perfectionem adepta in aliis animalibus jam fuerunt, et ideo ad nutritendum facile, et efficaciter humanum corpus aptissima censentur. Lac si ex uberibus hauritur optimum habetur alimentum. Tom. IX. Societatis Regiæ Medicinæ Parisiensis amplissime de variis lactis speciebus humani, asinini, vaccini, caprini . . phisice, chemice, medice per tractatur à pag. 415. ad 623.

(*b*) Filum sericeum appensum pondus sine ruptura sustinere non potens fibræ nimis debilis exemplum dat; filum autem ex plumbo mul-

sio partium (21) inter se , quæ parva vi potest mutari ita , ut fiat se ipsa longior; unde patet , hanc esse debilitatis (24) speciem, et *flexilitatem* inde pendere; adeoque hæc omnia clare ex dictis (21. 22. 23. 24. 25. 26. 27. 28.) intelligi , ut et *imminutam Elasticitatem*. Namque vitrum corpus fragilissimum , arte ductum in filamenta subtiliora araneæ filo cohæret , estque flexible quaquaversum minima vi in omnes spiras , absque ruptura. Crescit pro subtilitate flexilitas. Ac. reg. sc. 1713. hist. 11.

30 Quin ex iisdem etiam respondeatur ad hæc quæsita : Cur aquosa , et pinguis alimenta dant fibras debiles? Cur frigidis , junioribus , quiescentibus , crescentibusque debiles? Cur terrestria , austeraque dant fibras fortes? Cur calidis , exercitatisque fortes? Cur elasticitas (a) robur concomitatur?

Iissimo factum eodem pondere statim immanter elongandum sine ruptura tam facili fibræ nimis laxæ speciem præbet.

(a) Elastica dicuntur corpora , quæ distracta redeunt in tot puncta contactus quot ante distensionem habebant : hinc requiritur valida vis , qua partes distractæ se mutuo trahant.

An in hac vi consistit fibrarum robur ?

## APHOR. 28. NUM. 1.

*Materies, in qua elementa apta consti-  
tuendæ fibræ forti continentur.*

Lac fæminæ sanæ, ætate integra motu salubri exercitatæ, victu laudabili utentis; si suctu hauritur, aut calidum bibitur illino, non mutatum igne. Hoc reliqua superat, si post coctionem in Nutrice peractam potatur. Proximum est Asininum, dein caprinum, ac Bubulum. Usus definitur iisdem legibus.

Ovi recentis albumen adhuc tepens dilutum in lactis, et aquæ æqua portione sine ullo igne adhibito. Jura carnium optima huic proposito, quæ parantur ex carne à pinguedine accurate repurgata, animalis sani, junioris, exercitati, contusa, minutim scissa, in Machina Papiniana elixa, frigefacta dein in hac ipsa machina, iterum ab omni supernatante pingui, et fœcibus depurata.

Si olia hæc deficit, ahenum substitui quidem potest, sed subtilius exhalando perit; unde patet causa ferociæ animalium, quæ ex raptu aliorum, quæ viva devorant, aluntur.

Ex Gallinaceo genere paratum præfertur cæteris, vitulinum dein, postea Ovillum, Bubulum denique, probantur;

quæ ex permistis fiunt, meraciora habentur reliquis.

*Decoctum Panis.*

R. Panis tritici cum furfuribus rite fermentati, bis cocti, uncias octo.

Aqua putealis purissimæ libras tres. Coque in vase figulino clauso per spatum unius horæ, adendo semper, quantum coctione exhalat, aquæ, dein cola per setaceum.

*Gelatina Panis fit,*

Si decoctum præcedens exhalat ad ignem, donec ejus pauxillum in lapide frigido fusum coeat.

*Cremor Panis erit,*

Si frigefactum decoctum spissitudinem tremoris induit.

Si hujus Gelatinæ pauxillum lacti, jusculto, vino, cerevisiæ, aut aquæ miscetur, fiunt varia levis nutrimenti genera.

Si sumitur Decoeti descripti libra una

Succi citrei uncia semis

Aqua stillatæ cinamomi dracmæ duæ

Vini Rhenani unciæ quatuor

Sacchari quod sufficiat ad gratum saporem,

habetur decoctum panis gratissimum, sa-

luberrimum ; cujus dosis uncia una omni hora calide sumenda.

Rursum , si eidem *vitelli ovorum* misceantur , fit aliud , sed viribus idem , edulii genus ; cujus parcior , cæterum idem usus.

Vina florentina austera , item Gallica rubra acerba , ut et Græca nigrescentia adstringenti sapore prædita , commendantur ; quia et uberrima spirituum copia , et roborante fibras virtute præstant.

### APHOR. 28. NUM. 4.

#### *Acido-austera vegetabilia.*

Acaciæ fructus , succus , flos , cortex. Dosis succi inspissati à granis quatuor ad drachmam unam.

Acaciæ germanicæ , seu Pruni sylvestris succus inspissatus à granis sex ad drachmam unam et semis.

Acetosæ species , succus. Anserina.

Belliricæ à drachma una , ad quatuor.

Berberis fructus , succus.

Bistortæ radix.

Capparis fructus , cortex , radix.

Corni fructus immaturi , folia.

Cupressi fructus , folia.

Cynosbatos flores , fructus , spongia.

Cydonia mala , et pyra , et horum mixæ

Filicis radix.

Fragaria.

Fraxini cortex.

Granatorum flos , poma , cortex.

Hypericum totum.

Hypocistidis succus inspissatus , à drachma una ad quinque.

Lapathi folia , flos , semen , radix.

Mespilorum fructus immaturi.

Mirobalani omnes à granis quinque ad drachmas duas.

Myrti folia.

Nymphaeæ majoris folia , flores.

Omphacium.

Pimpinella.

Portulaca.

Pruna sylvestria.

Pyra austera.

Quercus folia , glandes.

Quinquefolium.

Rhabarbarum à drachma semis ad drachmas duas.

Rhus obsoniorum folia , grana.

Rosarum flores.

Sanguisorba.

Sedum majus.

Sorbi fructus.

Tamarindorum fructus uncia una ad uncias duas , pulpa rite pressa , et purgata uncia semis ad uncias duas.

Tamarisci cortex.

Terra , falso dicta , catechu

Tormentillæ radix.

Ex quibus infusa , decocta , extracta ,  
pilulæ , vina medicata , formæ variæ , fa-  
cile parantur. v. gr.

*Infusum adstringens.*

R. Anserinæ manipulum unum.

Pimpinellæ manipuluin semis.

Tormentillæ radicis unciam semis.

Conscissa infundantur cum libra una et  
semisæ aquæ fervidæ spatio unius horæ.

Dosis uncia una omni trihorio interdiu.

*Decoctum simile.*

R. Foliorum oxylapati manipulum unum  
Florum Rosarum rubrarum uncias  
quatuor

Corticis tamarisci uncias duas

Radicis Acetosæ uncias quatuor.

Seminum contusorum Lapathi drach-  
mas duas.

Coque cum aqua ferrata spatio quartæ  
partis horæ ad libras duas.

Capiat unciam unam , ter , quater  
in die.

*Vel.*

R. Acetosæ manipulos duos.

Radicis Bistortæ unciam semis.

Florum Granatorum drachmas duas.

Cum aqua decoque spatio quartæ partis  
horæ. Libræ uni admisce  
Syrupi Myrtini unciam unam.  
Usus idem.

*Conditum simile.*

R. Mivæ Cydoniorum unciam unam  
conservæ rosarum rubrarum unciam  
semis.

Florum Granatorum drachmam unam  
Syrupi Myrtini quod suficiat  
Fiat conditum.

Dosis drachma una ter, vel quater de die.

*Extractum simile.*

R. Acetosæ manipulos octo  
Lapathi hortensis manipulos quatuor  
Quinquefolii manipulos septem.

Minutim scissa, bene pura, in aquæ  
quod suficiat cocta, fortiter pressa per  
prælum in vase ampio exhalent in spis-  
sitatatem extracti: à granis decem ad drach-  
mas duas. Vel adde huic extracto

Radicis Bistortæ siccæ quod suficiat  
ad massam idoneam formandis pilulis  
Dosis à granis quatuor, ad quindecim.

*Vinum medicatum.*

R. Seminis contusi Acetosæ majoris drach-  
mas sex

Florum Granatorum drachmas quinque  
 Radicis capparis uncias duas  
 Corticis Fraxini drachmas decem  
 Foliorum Pimpinellæ manipulos duos  
 Conscissa et contusa infunde ad vini Rubri  
 Gravish dicti , vel Pontacq libras tres.  
 Capiat unciam unam , ter , quater  
 in die.

R. Corticis Radicis capparis,  
 Tamarisci , singulorum unciam unam  
 Florum hyperici cum stipitibus un-  
 cias duas.

Fiat secundum Artem vinum medicatum  
 cum vini austeri rubri libris tribus.

### *Acido-austera Fossilia.*

Acida in terrenis absorta , quæ eo po-  
 tentiora , quo ponderosius acidum plus  
 terræ absorbuit.

Martis in vino Rhenano soluti drach-  
 ma una ad drachmas quatuor,

in aceto vini soluti guttæ decem  
 ad triginta,

in oleo vitrioli soluti gutta una  
 ad quatuor

Rubrica fabrilis.

Vitriolum album , nativum à grano  
 uno ad sex

stanni à grano uno ad sex  
 Aluminis Romani à grano uno ad tri-  
 ginta

Ex his infinitæ fiunt formulæ.

*Pulvis.*

R. Aluminis grana decem  
Rhei grana quinque  
Corticis Granatorum grana tria.  
Misce. Fiat Pulvis pro una dosi.

*Pilulæ.*

R. Vitrioli Martis calcinati ad albedinem  
drachmam semis.  
Gällarum Quercinarum grana decem.  
Radicis Tormentillæ drachmam unam  
Succi Hypocistidos quod suficiat ut  
fiant pilulæ. Singulæ granorum  
duorum  
Capiat æger unam ter , quater de die.

MORBI FIBRÆ RIGIDÆ, ET  
ELASTICÆ.

31 *Rigiditas fibræ nimia* est illa  
adunatio partium minimarum (21), quæ  
tam valide faciat eas cohærere , ut non  
cedant illi actioni fluidorum , quæ supe-  
rare debet hanc resistantiam , ut maneat  
Sanitas.

32 Hæc (31) sequitur eas causas , quas  
requirit sanatio fibræ debilis (28) , si diu,  
et nimis perseverant.

33 Nata (31) vero faciat vasa, quæ ex his fiunt, minus flexibilia, angustiora, breviora, liquidorum motui nimis resistentia, et quæ hinc sequuntur; vid. (50. 51. 52. 53).

34 Ex quibus (31. 32. 33.) ipsis internoscitur id malum (31), simulque prævidentur inde secuturi effectus (a) (33), neque latet Curatio.

35 Hæc enim efficitur 1. cibo et potu aquosis, lenibusque, sero lactis imprimis, oleribus mollissimis, farinosis (b) dilutis, nec fermentatis. 2. quiete in aëre humido frigidiusculo, cum somno pleniore. 3. remediis aquosis externis, internisque, tepide applicatis vel assumptis, insulsis, le-

(a) Sunt homines incilenti penitus et simul voracissimi, qui omnia assumpta digerunt velociter, et de corpore difflant.

Canales nostri corporis rigescunt sæpe à causis adeo subtilibus ut nulla ratione possint detegi; et hoc vel in toto corpore, vel in parte aliqua, brachio v. gr. pede, &c.

(b) In morbis acutis aqua pura ingesta illico per sudores vel urinam dilabitur: aliquo lentore sociata plus hæret, nec tam cito expellitur de corpore. Hippocrates (lib. de victu acutorum morborum) aquæ potum damnat in acutis, dum in eodem libro ptisanæ usum valde laudat. Non ne hinc sequitur aquam vegetabilibus decoctam regulariter præstantiorem esse pro morbis curandis, quam aqua pura?

vissimis et blandissimis oleosis (*a*) , similiter adhibitis.

36 Hinc elasticitas nimia intelligitur, curaturque , quippe rigiditatis (31) ut plurimum comes , et effectus.

37 Cur pueris , fœminis , otiosis laxitas? contra vero adultis , viris , exercitatis , fibrarum , adeoque omnium solidarum partium rigiditas? et solutarum valida contractio?

### APHOR. 35. NUM. I.

Decocta panis dilutiora , vid. 28. num. I.  
Succi maturorum fructuum horæorum  
crudi , vel cum aqua diluente parum  
cocti , et saccharo mitificati

Aurantiorum malorum succus.

Baccarum sambuci succus.

Cerasorum dulcium omnia genera.

Citria poma bene matura , dulcia

Cucumeres mites

Cucurbitæ mites.

Ficus.

Jujubæ.

Fraga.

Limonia dulcia.

Granata Poma ma-  
tura.

Mala Armeniaca.  
Melones.

(a) Dum spasmo constrictæ intestinorum fibræ horrendos illos faciunt crucitatus (*colicos* , et *iliacos* dictos) mollissima olea ad libras usque potata , et per clysmata injecta solvunt hoc strictum , laxatis fibris.

Mora	Ribesia rubra, alba,
Persica mala	nigra
Poma acido-dulcia	Rubi Idæi fructus.
Pruna dulcia	

Ex quibus coctione, assatione, &c.  
multa edulia præparari possunt e. g.

*Decoctum Diæticum.*

R. Pomorum maturorum decorticatorum  
uncias decem.

Cum aqua decocta spatio unius horæ  
contere, et per setaceum cola, tunc hu-  
jus uneis viginti quatuor adde

Nucis myristicæ contritæ drachmam  
unam

Panis biscocti contriti unciam unam  
Vini Rhennani uncias duas  
Sacchari quod sufficiat.

*Olera mollissima, vel his similia.*

Attriplex	Endiviæ
Battatas	Lactucæ omnes fere
Beta	Pastinacæ
Borrago	Portulacæ
Brassica rubra,	Rapa
Bulbocastana	Sisari radix
Chærophylum	Scorzoneræ radix
Cichorea omnia	Spinachia
Cinara.	Tragopogoni radix
Cucumeres	Valeriana Pratensis.
Dens Leonis	

*Farinosa mollia.*

Amygdalæ dulces.	Milium.
Avena.	Oriza.
Fagopyrum , vel	Panicum.
Frumentum sarace- nicum.	Pistachia.
Hordeum.	Triticum.
Mays.	Secale.
	Spelta.

Ex his fiunt decocta , tremor , Puls,  
ut de Pane Aph. 28. num. 1.

Ex iisdem fiunt crudis , Emulsa.

*Emulsio emolliens.*

R. Avenæ excorticatæ uncias tres  
Amygdalarum dulcium unciam unam  
Cum aqua decocta Hordei fiat Emul-  
sio , cuius unciis vigintiquatuor admisce  
Syrupi violarum unciam semis  
Aquæ stillatæ cinamomi drachmas  
quatuor.  
Capiat unciam unam omni hora diei.

*Simile decoctum laxans , et emolliens.*

R. Foliorum recentium Borraginis ,  
Lactucæ  
Valerianellæ arvensis  
Singulorum manipulum unum et semis.  
Radicum recentium contusarum scor-  
zoneræ uncias quatuor

Seminis contusi Hordei uncias duas cum aquæ decoctæ spatio quartæ partis horæ libris quatuor admisce

Syrupi altheæ,

Violarum, singulorum unciam unam

Bibat uncias duas omni hora.

### APHOR. 35. NUM. 3.

*Aquosa, subfarinosa, suboleosa, mollia, emollientia.*

Aqua decocta cum farinosis num. 1.  
hujus Aphor.

Emollientibus. num. 1. hujus Aph.

Abutilon	Liliorum alborum
Alceæ radices, folia, flores, semen	bulbi
Alchimilla	Linaria
Alsine	Linum
Altheæ flores, folia, radices.	Lotus hæmorrhoidalis, et Lotus odora.
Bellis	Malvæ, Bismalvæ
Bonus Henricus	folia, flores, ra-
Branca ursina	dices.
Consolida major minor media	Meliloti flores, folia Mercurialis Parietaria
Cynoglosa	Populi folia,
Hyoscyami folia	gemmae.

Prunella.	Caponum.
Pulmonaria.	Medulla Bovis.
Sambuci folia, flores.	Olea lenia ex fari-
Scabiosa.	nosis blandis.
Sigillum Salomonis.	Oleum Amygdala-
Solanum.	rum amararum
Telephium.	dulcium
Tripholium bitumi-	Lini.
nosum.	Mucaginum.
Verbascum.	Olivarum.
Violaria.	Palmæ.
Vulneraria rustica.	Papaveris alvi.
Butyrum recens,	Solani.
Cremor lactis.	Trifolii odorati.
Pinguedo volucrum:	Violarum.
Anatum, An-	
serum,	
	<i>Syrupi similes.</i>

*Syrupus Altheæ Fernelii.*

Borraginis.
Capillorum veneris.
Jujubinus.
Papaveris albi.
Erratici.
Symphyti Fernelii.
Violaceus simplex.

Mel Mercurialis.

*Unguenta talia.*

Unguentum Altheæ compositum.

Aureum.

Basilicon.

Populeon.

Ex his balnea, vaporess, fatus, Litus,  
Decocta, Potus, Clysmata &c. fiunt. Cy-  
noglossa vero, et Hyoscyamus tantum  
externo prossunt usu.

## MORBI VASORUM MINIMORUM,

### ET MAJORUM.

38  Vasorum minimorum, ex fibris  
simplicibus (21. 23.), applicatu, intertex-  
tu, vel intortu adunatis, factorum mor-  
bi ex iisdem causis eandem indolem, ef-  
fectum, et curationem habent; ergo ex  
dictis (ab 21. ad 38.) intelliguntur.

39 Vasa majora, ex minimis (38),  
applicatu, intertextu, vel intortu unitis,  
conflata habent duo diversa morborum  
genera. Horum prius pendet ex morbis  
minimi canalis (38), majorem hunc com-  
ponentis, adeoque origo, natura, effica-  
cia, curatio ejus inde (38) petit debet.  
Posteriorius vero pendet 1. à vi, qua flui-  
dum per majorem hunc canalem fluens,  
ejus latera extendendo premit: quæ la-  
tera, ex aliis minoribus canalibus cons-  
tantia, hac pressione orbantur suo liqui-  
do, uniuntur quoad latera, concrescent  
in fibræ (21. 23.) solidæ, sed crassioris

26 MORBI VAS. MINIM. ET MAJOR.

speciem : potestque idem et vicinis communicari vasculis. 2. à liquido cum vasculo proprio concrescente.

40 Inde vasorum debilitas , laxitas, robur : rigiditas , elasticitas , de quibus multa imperitis memorantur , clare intelligi possunt. Et meretur dignitas horum pertractationem.

MORBI VISCRUM DEBILITUM , ET

LAXORUM.

41 **V**asorum , et viscerum (a) debilitas vocatur illa partium (23. 38. 39.), hæc constituentium cohæsio , quæ tam levi motu tolli potest , ut imparia sint iis efficiundis , quæ Sanitatis , et Vitæ ratio ab his postulat.

42 Quæ alia ætate , atque sexu alia sunt.

43 Hæc debilitas oritur. 1. ab debilitate fibræ (24) , ejusque causis. (25) 2. à debilitate canalium minimorum (28) , atque causis hujus (38) 3. ab inertia liquidi per vasa majora (39) fluentis , quæ pendet à minuta copia , fluiditate aquosa

(a) Viscus est pars organica corporis , quæ humores allatos per suam fabricam plurimum mutat ita , ut hæc mutatio prossit totius corporis vitæ , et sanitati v. gr. cerebum , cor , hepar..

aucta, motu musculari torpescente. 4. A numero magno canalium minimorum, pro ratione ætatis, nimis diu remanentium.

44 Ab hac debilitate (41), per suas causas (43) producta, oriuntur multi morbi, qui falso Temperiei, vel Congeniti habentur; primarii sunt 1. facilis vasorum dilatatio, tumor; facilis horum compressio, inanitas; liquidi stagnatio; Cordi aucta resistentia; liquidorum cruditas; spontanea corruptio; ad actiones vitales, animales, naturales exercendas ineptitudo; et illa omnia, quæ ex his sequi solent, quæ ut infinita numero, ita difficillima curatu, et foecundissima novis morbis producendis sunt; maxime *cachexia*, et *cacockymia*. 2. Facilis vasorum dissolutio ab internis, externisve causis, acribus vel motis; effusio, stagnatio, corruptio, evacuatio liquidi ad vitam, sanitatemque necessarii; interceptio motus fluidi per vasa rupta; corruptio eorum, quæ hoc motu vigebant; qui rursum variis stint, maxime *phthisis*, *empyema*, *hydrops*, *atrophia*.

45 Quæ (41. 42. 43. 44.) si quis accurate observat, ille, non hujus modo (41), sed infinitorum et obscurissimorum morborum originem, præsentiam, eventum internoscet, et solus auxilia impetrandæ sanationi valida, et tuta inveniet.

46 In applicatione vero horum, præ-

**28 MORBI VISC. DEB. ET LAXORUM.**

sens debilitas tarditatem jubet ; nec enim alibi perniciosior mutatio subita.

**47** Ergo remedia (28) lente , caute, à primo in ultimum gradum adhibenda sunt. Quorum usu roboratis vasis , motus validus muscularum adhibeatur , donec omni effectu constet , satis compacta , solidata , et callosa evasisse Vasa , et Viscera.

**48** Hinc patet , omnia , quæ de facultate nutrimentorum traduntur , alias vera , alias falsa esse; Exercitia (a) muscularum roborare fibras ; Exercitia ventionis resolvere coacta , roborare laxa , nec dispergere vires ; ipsum sanguinem et cruentem in robustissimis esse maxime densum , lentum , blandum ; in tenerrimis dissolutum , levem , acrem ; infinitos morbos , facie diversissimos , una sæpe radice (b) hære-re posse , eaque succisa tolli.

(a) Hæc triplici ratione prosunt. 1. quia pendula viscera illis concussionibus agitata roborantur , et concreta partim his motibus , partim auctis vasorum , et viscerum viribus resolvuntur. 2. quia fæces omnes facile secer-nuntur , et evacuantur. 3. quatenus impetus , et efficacia aeris in pulmonum vasa sic auge-tur , ut ambiens atmosphæra calore corporis sta-tim tepescens renovetur assiduo , quod impi-mis equitando obtinetur.

(b) Utinam omnes Morbi ad unam Radi-cem revocari possent : hac enim sublata etiam tollerentur ! Inst. Med. §. 1180. num. 8. 9. 10.

49 Ex iisdem cognitio , et curatio laxitatis Vasorum , et Viscerum habetur.

## MORBI VISCRUM FORTIUM , ET RIGIDORUM.

50 **R**igiditas nimia Vasorum , et Viscerum nominatur illa partium (23. 38. 39.) hæc componentium cohæsio , quæ non cedat illi motui , qui illa mutare , et moveare debebat , ut fierent ea , quæ Sanitatis , et Vitæ tempore ab hac mutabilitate fluebant.

51 Oritur. 1. ab omni causa fibræ nimis rigidæ (32) 2. maxime à fibris valida vi propensi liquidi vitalis admodum compactis ad se mutuo. 3. ab adunatione canarium minorum orbatorum suo liquido per violentam pressionem , qua vitale liquidum arteriosum canarium majorum latera premit , cuius maxima effectrix causa est valde exercitatus muscularis motus. 4. ab concreto vase in unum solidum cum proprio liquido stagnante, exsiccatu , coagulato.

52 Ubi obtinet in vasis , producit effectus : 1. similes , vel eosdem iis , qui à fibra nimis rigida (33). 2. facit in vasis validum nixum , quo fibræ conantur se appli-

## 30 MORBI VISC. FORT. ET RIGID.

care ad axin (*a*) sui canalis ; arctare cava sua ; premere , comprimere , repellere , expellere sua liquida ; hinc eorum motui à corde , adeoque et cordi resistere ; vix dilatari , hinc interrumpere æquabilem sanguinis motum , adeoque omnium secretiorum ; minuere copiam sanguinis aliter uno ictu ex corde expellendi ; impedire cordis evacuationem perfectam ; polypos (*b*) sanguinis producere ; fluidum comprimendo , et à fluidissimis spoliando , id condensare , suffocationes , mortem creare .  
3. vulneratis vasis magnos hiatus creat per vim magnam , qua trahuntur in sua sustentacula partes vasorum ; discessis integrè cavitates minuit extremas , vel claudit .

53 Ex his (31. 32. 33. 34. 35. 36. 37. 50. 51. 52.) accurate perspectis clara habetur doctrina , qua noscitur præterita , præsens , futura , agens , et actura vasorum rigiditas , elasticitas , vis , curatio .

54 Eam enim efficiunt I. remedia

(*a*) In canali conico linea ducta ab apice ad centrum vasis dicitur *Axis*.

(*b*) Malpigi optime de polypo cordis tractavit . Horum causa est sanguinis lento . Ili qui syncope frequenter laborant his sunt expositi . Ab his anomala , et tetra symptoma oriuntur . Sanatio consistit in sanguinis dilutione , et à concretionum præservatione .

curandæ rigiditati fibræ propria (35) 2. illa maxime , quæ liquidi vitalis copiam (a), densitatem , pressionem minuant . 3. quæ motum muscularēm suspendunt . 4. ea, quæ humectant , leniunt , emolliunt , diluunt , resolvunt , abstergent .

55 Ex hisce omnibus (ab 21. ad 55.) morbi Partium solidarum proprii intelliguntur , curantur ; et ex iisdem clarescit, quid respondendum his quæstionibus (b):

(a) Inedia ad id inepta est , ea enim difflantur subtilissima , ruber crassus sanguis , et crassisimi humores in vasis maximis eo plus condensantur , et simul omnia novi chyli defec- tu in putridam acrimoniam disponuntur. Venæ sectio præstat.

(b) Bene intellectis his omnibus quæ dicta sunt , facillime istis respondebitur. Nihilominus.

Pueri laxiores sunt , et humidiores , et per ætates sicantur , et rigescunt ad mortem naturalem usque , quæ consistit in concretione successiva vasorum minorum , et postea majorum, donec etiam ista arida , callosa , cartilaginea , et ossea per ætates facta impediant sanguinis expulsionem ex corde , sique vita fere insensibiliter desinet in placidam illam , atque maximè optabilem Mortem naturalem inquam non alio morbo , quam quiete repleti cordis se evacuare jam non potentis sustinendam.

Exercitia , et Medicamenta pro ætatibus varianda. Illa in Pueris irrequietis , et mobilissimis permittenda : ista in iisdem humidissimis humorum minuentia , et aliunde roborantia prosunt.

Quæ diversitas structuræ partium solidarum in ætate diversa? Cur homo crescit, perstat, decrescit? cur in utero materno omnium ocyssime augeatur? Cur laxus, fortis, rigidus fit? Cur humidus, plenus, siccus? Cur morte naturali, vel fato senili moritur? et quo tum morbo? quinam morbi plerumque singulæ ætati proprii? quis victus, quæ vita, quæ medicamenta cuique tempori vitæ commoda? quænam fides, quæ utilitas doctrinæ de stricto, et laxo in solidis? Unde desumenda nota certissima justæ mensuræ laxi, et stricti in homine? &c.

56 Vulnus hinc (16) jam primo pertractandum, post morbos solidi simplicissimos. Sed, quum vitia liquorum spontanea semper trahat secum, de hisce ante vulnera agendum erit, quæ nosci debent ante historiam vulnerum absolvendam.

57 Unde agetur primo de his Humorum morbis, qui in illis nascuntur sponte (a); dum vel sibi ipsis permittuntur, nulla habita ratione vasorum, vel vitio initati, torpentisve nimium vitalis motus.

(a) Spontanea mutatio est illa, quæ fit à causis communibus, quæ in omnia corpora agunt.

## APHOR. 54. NUM. 2.

Copia minuitur misso sanguine.

Densitas minuitur 1. per aquam tepidam, et serum lactis. 2. per minuentia copiam. 3. per minuentia pressionem.

Pressio minuitur. 1. minuta copia. 2. minuta densitate. 3. minuto motu.

## APHOR. 54. NUM. 3.

Quies corporis, et animi huc spectat.

## APHOR. 54. NUM. 4.

Humectantia sunt, quæ multa aqua cum saponaceo, vel farinoso admisto constant. e. g.

Aqua decocta cum farinosis  
emollientibus  
fructibus horæis.  
oleribus } Ap. 35. n. 1.

carne recenti insulsa, vel  
cum ossibus, et cornubus.

Aqua decocta cum piscibus fluviatilibus, vel marinis, canceris, ostreis, astacis, viperis, &c.

*Jus carnium humectans, leniens, emolliens, resolvens.*

R. Carnis vitulinæ macilentæ bene contusæ libras duas.

Hordei mundati uncias duas  
 Cum libris octo aquæ decoctis spatio trium  
     horarum, vase rite clauso, sub  
     finem adde  
 Lactucæ recentissimæ sativæ libram  
     semis.  
 Agninæ dictæ uncias quatuor  
 Radicis Scorzoneræ uncias sex  
 Tum ebulliant rursum spatio quartæ par-  
     tis horæ, addendo semper tantum aquæ,  
     ut à coctione supersint juris libræ sex.  
*Jus cancerorum fluviatilium ad humectan-  
     dum, leniendum, emolliendum.*

R. Cancerorum fluviatilium vivorum li-  
     bras tres

Coque spatio horæ, cum aquæ libris  
 duodecim, tum exemptos contunde una  
 cum testis, atque coque in priori jure pro-  
 prio adhuc per horas quatuor addendo sem-  
 per tantum aquæ, ut à coctione libræ  
 octo circiter supersint, tum jus fortiter  
 exprime, atque ei infunde

Florum Borraginis unciam unam, et  
     semis.

Blugossi unciam unam  
 Radicis Tragopogoni uncias quatuor  
     Sisari uncias duas

Dein ebulliant simul spatio decimæ sex-  
     tæ partis horæ.

Sumatur de utrovis horum ad uncias duas,  
     et semis omni bihorio.

*Decoctum humectans.*

R. Seminis papaveris albi contusi unciam unam.

Avenæ integræ drachmas quatuor  
Cicerum rubrorum contusorum drachmas duodecim

Florum Borraginis

Altheæ singulorum drachmas septem  
Radicis Scorzoneræ uncias duas.

Glyzyrrhizæ drachmas duas

Foliorum Malvæ,  
Parietariæ , singulorum manipulum semis.

Cum aquæ decoctæ spatio quartæ partis horæ pintis duabus admisce

Rob Ribesiorum,  
Sambuci , singulorum unciam unam.

Capiat uncias duas omni hora diei.

*Lenientia.*

Sunt , quæ duritiem , id est rigiditatem tollunt. Vid. Aphor. 35.

*Emollientia.*

Fere eadem ac lenientia.

*Diluentia.*

Sunt hæc quidem primaria

- 36 MORBI VISC. FORT. ET RIGID.
1. Aqua pura ad teporem sani corporis calida , balneo , fotu , vapore , clysmate , potu applicata.

2. Serum lactis recens similiter usurpatum.

*Resolventia.*

Sunt , quæ id , quod prius fluidum, dein concretum fuerat , iterum in fluidum reducunt.

1. Diluentia.
2. Salina ex sale marino , gemmæ, nitro , ammoniaco , boracē , alcalicis volatilibus , vel fixis. Acida rite fermentata &c. composita ex his, Sal Polycrestus , Tartarus tartarisatus , tartarus purgans Sennerti , Panacea duplicata Ducis Holsatiæ , Nitrum stibiatum , Sal viperarum saturatus Tachenii , &c.
3. Saponacea , sales volatiles spirituosi , aromatici , oleosi.
4. Sapo Chemicorum ex oleo destillato , et alcali fixo. Domesticus ex oleo expresso , et alcali fixo.
5. Mellita.
6. Succi horæi maturi , et Aloetica.
7. Remedia mechanica , frictiones , &c.  
Hæc iterum tot diversis modis applicari possunt v. gr.

*Forma misturæ , quæ resolvit.*

R. Aquæ stillatæ rutæ uncias duodecim.

Boracis Veneti drachmas duas.

Salis volatilis oleosi drachmas tres,

Mellis purissimi uncias tres.

Misce. Capiat unciam unam omni hora diei.

*In Guttis.*

R. Elixjrii proprietatis cum sale tartari  
præparati,

Salis volatilis oleosi,

Salis purgantis Sennerti , singulorum  
unciam semis.

Capiat guttas viginti quinque , quater de  
die ex vino.

*Pilulæ resolventes , saponaceæ.*

R. Saponis veneti,

Boracis,

Aloes puræ , singulorum drachmas  
duas.

Misce. Fiant pilulæ. Singulæ granorum  
trium.

Capiat unam quater de die.

*Decoctum simile.*

R. Herbæ recentis Saponariæ manipulos  
tres.

Becabungæ manipulos

duos.

Fumariæ manipulum  
unum.

Radicum recentium Graminis.

Cichorei , singularum  
uncias duas.

Cum aqua decoque vase clauso spatio octavæ partis horæ. Per panum expressi , per quietem depurati decocti pintis tribus admisce.

Rob Sambuci,

Oximellis simplicis singulorum uncias  
duas.

Capiat uncias duas omni hora calidas.

*In Pulvere.*

R. Spermatis Ceti,

Boracis , singulorum drachmas duas.

Misce. Fiat Pulvis : divide in doses octo

Capiat unam omni bihorio ex pauxillo  
vini.

*Abstergentia.*

Sunt , quæ glutinosa fluida , vel semi-corrupta solidâ depellunt à locis , quibus sua tenacitate adhæserunt , suntque:

1. Diluentia.

2. Resolventia.

3. Maxime saponacea , lixiviosa , fixa,  
et mellita cum aceto.

DE SIMPLICISSIMIS HUMORUM  
VITIIS, ET SPONTANEIS.

**H**umores in homine vivo repe-  
riundi, vel crudi (*a*) assumtorum naturam  
retinent hactenus, vel vi actionum natu-  
ralium, et miscela fluidorum huma-  
norum, indolem acquisiverunt nostris li-  
quoribus similem.

59 Piores (58) vel ex plantis, vel ex  
aliis sunt hausti animalibus (*b*).

MORBI SPONTANEI EX ACIDO  
HUMORE.

**T**liquida nostra confecta ex  
plantis farinosis, vel ex horæis fructibus,

(*a*) Cibus, potus, chylus ipse in corde dex-  
tro jam existens cruda sunt licet coctionem  
primam in stomacho receperint. Dum per Pul-  
mones pellitur iste incipit coctio secunda, quæ  
ex chylo lac facit. Dum post aliquot horas ex-  
pertus vim vasorum, et viscerum, coctus est. Hæc  
erit tertia coctio, et in sanguinem conversio.

(*b*) Ex Minerali Regno condimentum crui-  
tur, nempe *SAL* marinus. Forte etiam *AQUA*,  
si inter Fossilia numeranda.

crudis, fermentatisve, si vires vitæ nostræ vincunt, eam in nobis indolem acquirunt, quam suæ naturæ per calorem fotæ debent. Acrimonia acida (*a*), et glutinosum pingue hinc oriuntur maxime. Prior ex fermentatis imprimis, et non fermentatis: posterius ex farinosis cerealibus, vel leguminosis, non fermentatis, neque coctis nascitur; quo spectant etiam illa, quæ austeri adstrictu tenacitatem humorum creant.

61 Acida hæc acrimonia (60) causas habet antecedentes 1. alimenta ex farinosis, succulentis acidis, recentibus, crudis, ferventibus jam, vel fermentatis vegetabilium partibus. 2. Inopiam boni sanguinis in corpore hæc alimenta assumente. 3. debilitatem fibrosæ compagis (24. 29. 41.) vasorum, et viscerum. 4. defectum animalis motus.

62 Sedem habet jam nata maxime primæ digestionis officinas, inde tardius sanguinem, denique omnes humores inficit.

63 Producit ructus acidos, famem, morsum ventriculi, dolores iliacos, flatus, spasmos, inertiam bilis, mutationem ejus variam, chylum acidum, fœces alvi

(*a*) Acidi notæ ex hodierna chemia desumendæ. An acidum in sanguine aut aliis liquidis humanis possit naturaliter existere? sub judece lis est. Inst. Med. §. 1173.

acidum spirantes. Hæc ejus effecta in stomacho, et intestinis.

64 In sanguine pallorem (*a*), serum chylosum acidum; hinc foemini lac acidum, aut potius nimium acescens, sudorem acidum; salivam acidam producit; inde pruritus, obstrukiones, pustulæ, ulcera, lactis prompta nimis, quin et forte ipsius quoque sanguinis coagula, et ad circuatum ineptitudo exsurgunt, tum irritamenta cerebri, nervorumque; unde convulsio, turbata circulatio, mors.

65 Ex his (60. 61. 62. 63. 64. 65.) recitatis præsens, futura, præterita cognoscitur acida temperies; hinc prænoscuntur ejus effecta; hinc curatio scitur.

66 Quæ perficitur: 1. alimentis acido oppositis ex animalibus, vegetabilibusque. 2. succis bono sanguini similibus ex avibus rapacibus. 3. roborantibus. 4. motu valido. 5. medicamentis acidum absorbentibus (*b*), diluentibus, obtudentibus, immutantibus.

(*a*) Maculæ lividæ cadaverum acetii lotione disparent. Hoc fit in Potentatum filiis, ut minus diformes sint mortui, minusque terreant.

(*b*) Absorbentia acidum in liquidis latens ad se trahunt, illud à reliquis liquidi partibus separant, et cum illo quasi concrescent. Non debent in tenuissimam subtilitatem reduci; tunc enim cum aqua pura coeunt; cum glutinosis humoribus, si non adest sufficiens copia acidi,

67 Quorum electio (*a*), præparatio, dosis, applicatio tempestiva innotescunt Medico ex cognito malo, ejus sede, ægrotante, &c.

68 Hinc patet cur pueris, pigris, virginibus, pauperibus, et certis artificibus (*b*) hic morbus familiaris sit.

quod solvere possint, in masas irresolubiles abeunt. Nulla docuit observatio *preciosas margaritas* ad hos usus præferri debere vilibus cancerorum lapidibus. Isti igitur sunt in usum adducendi.

(*a*) Infantibus raro dandi sales alcalini fixi, nec volatiles, acres enim sunt: præferuntur sapones, vel absorbentia innocua. Si una cum acido lentum glutinosum adsit in primis viis, sales alcalini fixi præferendi, qui et omne glutinosum lentum dividunt, et acidum mutant in salem neutrum. Si jam ipsum sanguinem inficerit acidi labes, simulque frigus, et inertia adsint ut sit plerumque, alcalini volatiles sales mobilissimi ad ipsum sanguinem penetrantes prosunt, qui simul efficaci stimulo languentem vitam excitant. Si simul roborandum est corpus limatura ferri præfertur reliquis. Pro infantibus matris ubera ducentibus huic matri victus ex alcalescentibus prodesse poterit.

(*b*) Illi qui cerevisias, et acetum conficiunt aquas fortes parant. Huic morbo sunt admodum expositi.

## APHOR. 66. NUM. 1.

Jura ex avibus, piscibus, et quadrupedibus. Ipsæ horum carnes imprimis assæ. Gelatinæ ex jure inspissato. Vinum cum sale paucō alcalino.

R. Salis absinthii drachmas duas.

Vini Gallici albi uncias viginti quatuor.

Misce. Bibatur uncia una omni trihorio.

*Vegetabilia antacida.*

Absinthium.	Calamentha.
Alliaria.	Carduus benedictus.
Allia.	Carduus Mariæ.
Anethum.	Carum.
Anthora.	Caryophillata.
Angelica.	Caryophili aroma.
Anisum.	Cicuta.
Apium Celeri.	Cochlearia.
Aristolochia longa, rotunda.	Cepæ.
Armoracia.	Centaurum minus.
Arum.	Dauci.
Asclepias.	Eruca.
Asparagus.	Eryngium.
Asphodelus albus.	Erysimum.
Basilicum.	Eupatorium.
Brassica.	Galanga major, minor.
Calamus Aromatic.	Helenium.

## 44 MORBI SPONTANEI

Lepidium.	Satyrion.
Majorana.	Serpillum.
Marrubium.	Sabina.
Matricaria.	Satureja.
* Mezereon.	Sedum acre vermiculare.
Napus.	Sinapi.
Nasturtium.	Squilla.
Nepeta.	Thymus.
Origanum.	Thlaspi.
Piper.	Victorialis.
Porrum.	Urtica.
Pyrethrum.	Zedoaria.
Raphani.	Zingiber.
Ruta.	
Saponaria.	

## APHOR. 66. NUM. 2.

Tales sunt aves , et aviculæ , quæ passuntur insectis in primis , et pisciculis , ut Anas , Anser , Passer , Fringilla , Alauda , Turdus , Perdix rostrata , Larus , Coturnix . Harum omnium ova.

## APHOR. 66. NUM. 3.

*Roborantia.*

Sunt , quæ fibris , vasis , membranis , visceribus vim elasticam addunt : 28. n. 1.  
4. Item Spirituosa fermentata , cerevisia generosa , vina , hydromel , Spiritus vini.

## APHOR. 66. NUM. 5.

*Absorbentia Acidi.*

Quibus immersa acida vim acrem ammitunt ita, ut nec ut acida, nec ut acria agere porro queant: dum interea nullam ipsa acrimoniam habent, qua corpori noceant; inde aliis saepe præferri solent. Uno hoc damnosa, si, inertis pituitæ mista, mole nocent, et pondere.

Suntque ossa sicca piscium, mandibulæ Lucii, &c.

Lapis, Chelys, Testa cancerorum, Astacorum.

Ostreoderma, Conchæ Mytulorum, &c.

Corallia, Perlæ, Mater Perlarum, &c.

Creta, Bolus, Osteocolla, Marga.

Lapis hæmatitis grana quindecim.

Limatura stanni grana octo.

Limatura ferri grana duodecim.

*Diluentia Acidi.*

Aqua, et aquosa. Aphor. 54. num. 4.

*Obtundentia Acidi.*

Quæ molli suo lentore inviscant acria acida ita, ut acies eorum hebetata amittat noxiā; dum simul defendunt mem-

branas , ne offendantur à spiculis acidis, itaque , et effecta horum jam impressa tollunt. Solum obsunt quandoque iis , quibus laxa nimis corporis compages ultra labefactaretur.

## 1. Oleosa.

Amygdalæ dulces , et amaræ.

Pistachiaæ.

Nuces avellanæ , Juglandes , Cocos.

Semen Papaveris albi.

Olea expressa ex his , tum Olivarum , &c.

2. Gelatinosa , ex jusculis inspissatis carnium , et piscium.

3. Aromata oleosa , leniora , ratione olei.

Vid. num. 1. hujus Aphor.

Tum præparata ex his infinita.

*Immutantia Acidi.*

Quæ cum acidis mista statim cum hisce effervescunt , itaque motum cident , stimulant , agitantque fibras ; postea vero ipsis cum acidis unita constituunt novam salis speciem , in qua vis stimulans , dia-phoretica , diuretica , resolvens adhuc superest. Male cœidunt tantum his , quibus nimius motus adest infestus.

Sales alcalini fixi ex quocumque combusto vegetante parati , grana sex.

Volatile ex destillatione anima-lium , Stirpium putrefactarum , aut plantarum antacidarum recentium pa-

rati. Vid. Aphor. 66. n. 1. grana decem. Saponacei fixi, sapo venetus, &c. drachma una.

Volatile drachma semis.

Qui triplices imprimis.

1. Spiritus volatiles, oleosi, salini sanguinis, urinæ, cornu cervi, serici, &c.

2. Offa Helmontiana ex Alcohole vini purissimo, et spiritu salis Ammoniaci fortissimo mistis, et destillando unitis.

3. Sales volatiles alcalini fortissimi cum oleis aromatum sæpe sublimati, atque ita uniti, e. g.

R. Salis cornu Cervi purissimi, siccii unicam unam.

Olei stillaticii corticis citri drachmam unam.

Sublima aliquoties ex phiala.

Tum præparata ex hisce.

## MORBI A GLUTINOSO

### SPONTANEO.

69 **G**lutinosum (*a*) pingue ex vegetabilibus habet causas antecedentes, i. fa-

(*a*) Glutinosum dicitur omne corpus quod ad fluidi naturam utcunque accedens, tale est, ut ejus partes tanta tenacitate cohærent, ut in filamenta se duci patientur. Non solum liquida humana, ut sanguis, serum, bilis.. ali-

rinosa cruda , austera , immatura . 2. inopiam boni sanguinis . 3. debilitatem vasorum , viscerum , bilis . 4. imminutum motum animalem . 5. dissipationem liquidioris per laxata vasa secernentia . 6. retentionem crassioris debilitate instrumentorum excernentium .

70 Nascitur primo in prima officina

quam tenacitatem habent ; sed etiam secreta liquida glutinosa dicenda sunt , v. gr. liquor unctuosus articulis lubricandis inserviens , mucus naturalis partes membranaceas corporis plurimas defendens , et lubricans , ut in ventriculo , oesophago , intestinis . . . arteriarum internæ parietes quoque mucoso tali smegmate obducuntur.. Sed hæc omnia glutinosa naturalia , sana , et utilia sunt. Hic autem de pituita morbosa tantum agitur .

Duplicem pituitam Veteres agnoverunt. Illud quod ustum , et velut supra modum in sucis coctum erat vocabant *Phlegma* , quod ustum esse significat , illud autem albi coloris quod omnes *Pituitam* vocant *Mucum* dixit Prodigius in opere de hominis natura. Chart. t. v. p. 50.

Prius illud erat phlegma calidum , et phlegma phlegmonodes dictum : posterius erat frigidus latus humor , qui simpliciter pituita , vel , et phlegma frigidum dicebatur .

Phlegma illud calidum in sanguine venis educto in morbis inflamatoriis appareat sæpe , ubi insulæ superficies coriacea tenaci alba lamella tegitur : phlegma frigidum in catarrhosis morbis tanta copia seccernitur. Hæc omnia vere utilia ex van-Swiet. hic.

digestionis , hinc in sanguine , dein in reliquis , inde derivandis , liquidis.

71 In primis viis facit prostratum appetitum ; repletionis sensum ; nauseam , vomitum ; ingesti cruditatem ; bilis inertiam (a) , ejus inviscationem , et consumptionem ; pituitæ stomachicæ , et intestinalis ortum ; alvum tardam , et tumentem ; impedimenta chyli parandi , perficiendi , secernendi .

72 In sanguine visciditatem , pallorem , immeabilitatem ; in vasis obstructiones , concretiones , urinam pallidam vix olen-tem ; salivam lentam ; tumorem album ; impeditas secretiones ; defectum subtiliorum ; sic minimorum caualium coalitum facit .

73 Hinc coctiones , circuitus , secretiones , excretiones , motus vitales , naturales , animales omnes perturbantur , unde suffocatio , mors .

74 Ex his (69. 70. 71. 72. 73.) diagnosis , prognosis , anamnesis mali hujus patet , nec vero , sanatio quid indicet , obscurum est .

(a) Glutinosa in primis viis haerentia aliquantulum diluta possunt intrare hiantia in cavum intestinalium oscula venosa . Haec autem sunt vel vasa lactea , vel venæ mesentericæ , quæ directe per venam portarum tendunt in hepar , ubi bilem inertem reddunt .

75 Quæ obtinebitur, 1. usu cibi potusque bene fermentati, sale, et aromate conditi. 2. Jusculis volatilium animalium. 3. roboratione vasorum, et viscerum. 4. aucto motu. 5. medicamentis diluentibus, résolventibus, stimulantibus, biliosis, saponaceis. 6. frictu, calore, balneo, vesicatoriis (a). Cæterum interiora corporis (b)

(a) In isto loco vesicatoria lenissima à Boerhaavio proponuntur, quod probe notandum in Medico Batavo Battavis laxissimis Medicinam faciente. Metuebat absdubio sitim, calorem urentem, febrim, stranguriam molestissimam, priapismum, halitum cadaverosum.. quæ *Cantharides* excitare valent Cauti igitur, et prudentes in hac re estote Tirones Medici.

(b) Ex lacte producuntur coagula caseosa, quæ in scirrum, et cancerum ultimo degenerare possunt. In membrana schneideriana coagula mucosa: in articulis, ubi glandulæ haversianæ mucilaginem fundunt mucilaginosa: in oculis lemosa concreta fiunt: in hepate loco suppuratio- nis amurca, seu corrupti visceris tabus, ut calculi etiam contingunt. Si materia contenta similis sit melli seu ceræ melliceras; si sevo steatoma; si pulti ateroma nominatur. Hæc de pituita præternaturali intelligenda.

Cavendum tamen religiose ne perturbetur glutinosum beneficium naturale. Hoc maximi momenti monituin est, quod neglectum turpibus erroribus toties ansam dedit. Purgantia: vesicatoria, diuretica.. valida, repetita, mucum stomachi, ventriculi, viarum urinæ erodunt, exturbant.. magno ægrorum detimento.. Gummi arabicum ad eum reponendum juvat.

obsidentur glutinosis , vel spissis , caseosis , mucosis , mucilaginosis , lemosis , ceraceis , pultaceis , amurcosis , calculosis , tartareis , serosis inflammatis , polyposis , meliceratis , steatomatosis , atheromatosis densis , scirrhosis concretis . Cavendum religiose ; ne perturbetur glutinosum beneficum , naturale , lubricans , inungens , defendens , quod oculis , palpebris , naso , ori , faucibus , gulae , ventriculo , intestinis , pelvi , ureteribus , vesicæ , urethriæ , vaginis mucilaginosis tendinum , articulorum commissuris , laryngi , arteriæ asperæ , bronchiis datum in usus necesarios , cum glutinoso morboso . Quod fatali idiotarum , et medicastrorum errore nimis crebrum .

## APHOR. 75. NUM. I.

Aromata , quibus cibi potusque condiri commode possunt , primaria sunt .

Cinnamomum.	Piper.
Macis.	Galanga minor.
Nux myristica.	Cortex Citri.
Cortex Aurantior.	Anisum.
Thymus.	Coriandrum.
Origanum.	Serpillum.
Caryophili aromatici	Cardamomum.
Zinziber.	

*Hæc pani , vino , cerevisiæ , fermentandis mista prosunt .*

APHOR. 75. NUM. 2.

Vid. 66 Num. 1. 2.

APHOR. 75. NUM. 3.

Vid. 28. Num. 4.

APHOR. 75. NUM. 5.

*Diluentia, resolventia, vid. 54 num. 4.*

*Stimulantia.*

Quæ mole, densitate, figura, mobilitate, fibrillis vasculorum impacta, vim contractilem augent. Primaria sunt.

*I. Acida Salina Nativa.*

Succi citri. Uvarum.

Aurantii. Horæi acidi.

Sales ex succis vegetantibus pressis sola  
parati mora.

*Fermentata.*

Vinum Rhenanum. Tartarus.

Mossellanum. Cremor Tartari.

Acetum vini. Lac acescens.

Cerevisiæ. Serum lactis acidum.

Spiritus aceti.

*Igne producta.*

Spiritus salis Marini. Vitrioli.

Gemmæ. Sulphuris per Cam-  
Nitri. panam.

2. *Alcalina Salina.**Fixa*

Omnia ex cineribus Plantarum , ut,	
Sales Absinthi.	Tartari.
Cardui be-	Cineres Clavellati
nedicti.	ad grana sex.

*Volatilia.*

Omnia ex destillatis vel putrefactis	
animalibus , ut,	
Sales , et Spiritus	Ossium.
cornu cervi.	Salis Am.
Humani san-	moniaci.
guinis.	

3. *Salina composita.*

Sales Marini.	Nitri.
Gemmæ.	Borax.
Ammoniaci	Tartarus tartarisa-
Nativi.	tus.
Artificialis.	regeneratus.

4. *Olea acria Aromatica , vel ambusta.*

Olea stillatitia Absinthii.	
Corticis Citri.	Caryophylli aro-
Aurantiorum.	matici.
Cassiæ ligneæ.	Hyssopi.
Chamæmeli.	Ligni Guajaci.
Cinnamomi.	Juniperi.

Sassafras.	Rorismarini , Rutæ.
Macis.	Sabinæ, Salviæ, Spi-
Majoranæ.	cæ.
Menthæ.	Seminum Anisi,
Nucis Myristicæ.	Anethi , Cari,
Origani Cretici.	Fœniculi.
Pulegii.	Succini, Tanaceti,
Rhodii ligni.	Terebinthinæ.

*Olea pressa.*

Amygdalarum ama-	Macis.
rarum.	Nucis Myristicæ.
Laurinum.	

*Olea nativa.*

Balsamus Hiericun-	Peru.
tanus ( <i>de Jérico.</i> )	Copaibæ.
Tolutanus.	Meccæ.
Palmæ.	Terebinthinæ.

*Olea ambusta acria per retortam destillata.*

Olea ambusta	Ovorum.
Sanguinis.	Urinæ.
Ossium.	Lignorum.
Cornuum.	De Lateribus, &c.

*5. Spiritus inflammabiles fermentati.*

Farinæ , et Succorum horæorum.

6. Plantæ acres Aromaticæ dictæ, quæ sale  
num. 2. oleoque num. 4. abundant.

*Folia. Abrotani.*

Absinthi.  
Agerati.  
Anethii.  
Anisi.  
Aristolochiæ.  
Ari.  
Betonicæ.  
Calaminthæ.  
Cardiacæ.  
Chamædryos.  
Chamæptytios.  
Chelidoniæ majoris.  
Cochleariæ.  
Dictamni.  
Hepaticæ nobilis.  
Erysimi.  
Eupatorii cannabis.  
Feniculi.  
Hederæ terrestis.  
arboreæ.  
Hyssopi.  
Lauri.  
Levisticæ.  
Majoranaæ.

Marrubii.  
Matricariæ.  
Melissæ.  
Menthæ.  
Nasturtii.  
Nepetæ.  
Nicotianæ.  
Origani.  
Piperitidis.  
Persicariæ acris.  
Porri.  
Pullegii.  
Rorismarini.  
Rutæ.  
Sabinæ.  
Salviæ.  
Saturejæ.  
Scordii.  
Serpilli.  
Soldanellæ.  
Thymi.  
Tanaceti.  
Thlaspi.  
Veronicæ.  
Urticæ.

*Stimulantia Aromaticæ.*

Flores herbarum, quarum folia mox  
recensita sunt, imprimis.

<i>Flores Agerati.</i>	lium.
Aurantiorum.	Lupuli.
Calthæ.	Meliloti.
Caryophyli Hor- tensis.	Mari Syriaci. Salviæ.
Centauræ minoris.	Scabiosæ.
Chamæmeli.	Schænanthi.
Citri.	Spicæ.
Croci.	Stœchados arabicæ.
Eupatorii.	Tanaceti.
Liliorum conval-	Tiliæ.

*Stimulantes Aromaticæ Radices.**Radices Acori.*

Allii.	Cureumæ.
Angelicæ.	Cyclaminis.
Anthoræ.	Cyperi.
Aristolochiæ.	Doronici.
Armoraciæ.	Fraxinellæ.
Carlinæ.	Fumariæ bulbosæ.
Caryophili Montis.	Galangæ.
Ceparum.	Gentianæ.
Celidoniæ majoris.	Helenii.
Contrayervæ.	Imperatoriæ.
Costi hortensis.	Iridis.
Orientalis,	Levistici.
	Mei.

Ninzing.	Rusci.
Ononidis.	Satyrionis.
Petasitidis.	Scrophulariæ.
Petroselini.	Seseli.
Peucedani.	Squillæ.
Pæoniæ.	Valerianæ.
Porri.	Victorialis.
Ptarmicæ.	Vincetoxicî.
Pyrethri.	Zedoariæ.
Raphani.	Zingiberis.
Rubiæ.	

*Stimulantia Aromatica Semina.*

<i>Semina Anacardii.</i>	Juniperi.
Anethi.	Lauri.
Anisi.	Levistici.
Apii.	Napi.
Aquilegiæ.	Nasturtii.
Bardanæ.	Nigellæ.
Cardamomi.	Pastinacæ.
Cari.	Petroselini.
Celeri.	Porri.
Chermes.	Raphani.
Coriandri.	Santonici.
Cumini.	Seselios.
Cubebæ.	Sinapi.
Dauci.	Thlaspi.
Erucæ.	Nux myristica.
Erysimi.	Nuclei Persicorum.
Fœnigræci.	

*Stimulantes Cortices.*

<i>Cortices Guajaci.</i>	Citreorum.
Sassafras.	Limoniorum.
Juniperi.	Cinnamomi.
Aurantiorum.	

*Stimulantes Aromatici Succi.*

<i>Aloes.</i>	Juniperi.
<i>Ambra grisea,</i> liquida.	Lacca.
<i>Assa foetida.</i>	Labdanum.
<i>Ammoniaci Gummi.</i>	Mastiche.
<i>Anime.</i>	Mirrha.
<i>Bdellium.</i>	Sagapenum.
<i>Benzoinum.</i>	Styrax.
<i>Elemi.</i>	Tacamacha.
<i>Galbanum.</i>	Thus.

*7. Insecta, Asselli, Formicæ, vermes  
Majales, Cantharides.**Partes animalium.*

*Castoreum, Zibethum, Moschus, Urina,  
Stercora Avium parum bibentium.*

*8. Stimulantia composita.*

*Sunt Decocta, Extracta, Conservæ,*

Condita, Tincturæ, Spiritus, Aquæ, Sales  
volatiles, oleosi, spirituosi, Pilulæ, Pulve-  
res.

*Decoctum contra glutinosa stimulans.*

R. Foliorum Aristolochiæ rotundæ	Camædryos
	Rutæ singulorum manipu- pulum unum.
Florum Calthæ.	Eupatorii singulorum Se- munciam.
Radicum Angelicæ.	Imperatoriæ singulorum drachmas quatuor.
Seminum Celeri.	Raphani Hortensis singulo- rum drachmas quatuor.
Corticium Sassafras unciam unam.	Magellanici drachmas duas.
Cum aqua infundantur fere fervida spa- tio duarum horarum; dein decoquantur vase clauso, spatio decimæ sextæ partis horæ unciae quadraginta, et sex.	
Capiat unciam unam omni hora calidè.	

*Extractum contra Glutinosa stimulans,  
et attenuans.*

R. Foliorum recentium Absinthi.

Eupatorii Cannabini.

Marubi albi.

Tanaceti singulorum quod sufficiat.  
 Conscissis minutim , contritis dein , per  
 prælum succum exprime ; hunc leni igne  
 depura per secessum fæcis ; dein exhala  
 ad spissitudinem mellis crassi , cui adde.  
 Salis Absinthi Tacheniani unam qua-  
 dragesimam partem (a).

Dosis drachma semis bis de die , vacuo  
 stomacho ex vino Gallico.

Similia extracta fiunt ex Decoculis ins-  
 pissatis , et per prælum pressis.

*Conserua stimulans contra glutinosa.*

R. Summitatum recentium Rutæ,  
 Tanaceti singulorum unciam unam.  
 Florum recentium Mari Syriaci,  
 Rorismarini.  
 Lavendulæ singulorum drachmas  
 quatuor.  
 Radicum recentium Helenii.  
 Vincetoxici singularum unciam  
 unam.  
 Seminum Raphani,  
 Nasturtii singulorum drachmas  
 quatuor.

(a) Unciis quinque v. gr. exactius XXXIX  
 drachmis hujus Extracti drachma una salis hu-  
 jus absinthii Tacheniani addenda.

Hinc drachma bipartita , quæ pro quoti-  
 diana dosi à Boerhaavio proponitur vix duo  
 salis hujus grana continet.

Contusis admisce secundum artem  
Sacchari albi uncias quatuor.

Cipiat drachmam unam quater de die,  
vacuo stomacho, ex vino Gallico albo;  
vel Hispanico, Malvatico, canariensi, &c.

*Conditum calidum, stomachicum, stimulans.*

R. Zingiberis conditi,  
Radicis Helenii conditi,  
Corticis Magellanici singulorum un-  
ciam unam.  
Syrupi Menthae quod sufciat,  
Ut fiat Conditum.  
Cipiat drachmam semis sexies de die.

*Tintura stimulans calefaciens.*

R. Radicum Gentianæ,  
Anthoræ singularum unciam unam.  
Florum centauræ minoris unc. unam.  
Croci drachmam unam.  
Baccharum Lauri,  
Juniperi.  
Seminum Erucae,  
Sinapi singulorum unciam unam,  
et semis.  
Cum spiritus vini in phiala alta vitrea  
decocta spatio duodecim horarum li-  
bris tribus, serva.  
Dosis drachma una ter de die, vacuo sto-  
macho, ex unciis duabus Hydromellis.

*Spiritus aromaticus stimulans.*

- R. Florum Lavendulæ.  
Tanaceti.  
Aurantii.  
Roris marini , singulorum  
unciam unam.
- Radicum Angelicæ.  
Helenii.  
Imperatoriae.  
Levistici singularum unciam  
unam , et semis.
- Foliorum Calaminthæ.  
Cochlearia.  
Matricariæ , singulorum  
manipulum unum.
- Seminum Cari.  
Celeri.  
Erucæ.  
Nasturtii singulorum un-  
ciam unam.
- Corticum Juniperi.  
Sassafras.  
Cinnamomi singulorum un-  
cia unam , et semis.
- Cum spiritu vini destilla ad dimidium,  
ut habeantur libræ tres , bis cohoban-  
do ex vesica.
- Capiat drachmas duas ex vino , vel Hi-  
dromelle ter de die.

*Aqua aromatica.*

Si loco spiritus vini aqua sumatur in  
præcedenti, habetur aqua Aromatica.

Dosis uncia una, et semis ter de die.

*Sal Volatile oleosum.*

R. Spiritus præcedentis libras duas.

Cineris clavelati uncias tres.

Salis ammoniaci unciam unam, et  
semis.

Destilla ex retorta ad libram unam, in  
hoc dissolve.

Olei stillati Corticis Citri guttas sex.

Lavendulæ guttas viginti.

Majoranæ guttas sex.

Dosis guttæ decem ter quater de die, ex  
Hydromellis vel vini uncia una.

*Pilulæ stomachicæ stimulantes.*

R. Gummi Ammoniaci.

Opopanax singulorum drachmam  
unam.

Bulbi Ari recentis drachmas duas.

Saponis Veneti drachmam unam.

Olei stillati Tanaceti guttas decem.

Misce. Fiant pilulæ, singulæ granorum  
trium deaurandæ.

Cipiat unam omni trihorio de die.

*Pulvis calefaciens stimulans.*

**R.** Olei destillati Menthæ.

Majoranæ.

Tanaceti singulorum guttas sex.

Sacchari albi siccissimi unciam unam.

Fiat secundum Artem Elæosaccharum,  
cui admisce,

Radicis Zingiberis albi,

Corticis Magellanici , singulorum dra-  
chmas quatuor.

Capiat drachmam semis ter de die ex vino.

*Vinum Medicatum.*

Fiat ut *Spiritus* hac sectione descrip-  
tus vel ut *Tinctura* , decoquendo *cum*  
*vino* loco spiritus vini.

Dosis unciæ duæ , ter , quater de die.

*Cerevisia Medicata..*

Eadem ingredientia *Spiritus* eadem  
copia infundantur in quarta parte tonnæ  
cerevisiæ adhuc ferventis.

Pro potu assiduo adhibeatur.

*Biliosa.*

Fel animalium quadrupedum , et fel  
Piscium,

Lupi in primis , et Anguillæ , v. gr.

*Pilulae biliosæ, stimulantes.*

R. Fellis Tauri, Lupi piscis singulorum drachmas quatuor. Leni igne lente exhalent in mellis spissitudinem. Tum admisce. Farinæ bulbi Ari recentissimi quod suficiat. Fiant pilulae. Singulæ granorum trium deaurandæ. Capiat unam mane, meridie, vesperi, una ante cibum hora.

Huc Lapis Hystricis, *Pedra del Porco*, dictus, referendus, cuius infusio in aqua stillatitia cardui benedicti, vel in vino Rhenano, facta, propinatur ad uncias duas, vel tres.

Item Helmontianum (*Medicamentum*), ex Hepate, et felle Anguillæ leni igne tostis in pulverem, dein datis ad drachmam unam, ex Oblati involucro cum vini Rhenani unciis tribus.

*Saponacea.*

Vid. Aphor. 54. N. 4. inter *Resolventia*.

## APHOR. 75. NUM. 6.

*Balneum ad glutinosa.*

R. Summitatum Rutæ.	Sabinæ.
Absinthii.	Tanaceti.
Chamemeli singulorum manipulos tres.	

Cum aquæ decoctæ Pintis duodecim admisce. Saponis veneti uncias quatuor.

Salis sarmentorum unciam unam.

*Vesicatoria.*

R. Raphani Rusticani recentis , et succulenti , contriti unciam semis.

Applica ad cutim per horæ dimidium , aut tandem , donec inflammationem satis magnam excitatam , dolor fervidus , et rubor partis tumens testetur.

R. Sinapi cum aceto contriti drachmas quatuor.

Applica per horas quatuor.

R. Cantharidum sine alis contritarum in pulverem tenuem drachmas duas.

Accurate misceantur cum drachmis sex fermenti panis , pauxillo cum aceto subacti.

Applica spatio duodecim horarum , vel donec in vesicam manifesto epidermis elata sit (a).

(a) Optima Cantharides applicandi methodus dosim harum , et Excipientis determinans. Alas rejicit Boerhaavius. Alii dicunt , has fere inertes esse : alii in his , pedibus , et capite Venenum latere. Vid. Geofroy Mat. Med. *De Insectis*.

Camphora addita utcumque cavebit ea , quæ pag. 50. Not. (a) timentur. Halitus cadaverosus aceto cantharidum acidum acuente præcavebitur. Vid. Tom. II. pag. 317. 363. et 469.

MORBI EX ALCALINO  
SPONTANEO.

76. **N**onnullæ plantæ scatent materia, quæ sponte corrupta non acescit (a), nec coit, sed resolvitur in foetidum volatile, pingue Alcali: tales omnes fere Aromaticæ valde acres. Has vero raro assumunt tanta copia, ut morbum creent ex suo ingenio. Sin autem id contigerit, pertinebit ad acre alcali oleosum.

77. Ex animalium partibus confecta nostra liquida varia sunt: 1. pro varietate alimenti, quo se sustinent. 2. pro varietate partis (b), quæ assumuntur.

(a) Dubitatur hodie num plantæ istæ principio alcalino, an acido gaudent. Ex observationibus Doctoris Pringle, Cartheuserii.. et præsertim ex analysi harum plantarum cruciferarum, quæ extat Tom. V. Societatis Regiæ Med. Paris. An. 1782. et 3. apparet in expresso illarum succo aciditatem reperiri manifestam. Sed nihilominus in conclusione asseritur principium istud per analogiam solum, et per effectum fuisse definitum nec esse acidum, nec alcalinum, nec sulfur, &c. (pag. 406.) et ulterius id esse indagandum, (p. 412. 3. 4.)

(b) Lac bovinum in calore aeris aestivi acescit, carnes putrescunt, medulla in rancidam corruptelam abit.

78 Animalia enim , quæ herbis , et aqua aluntur , chylum acidum , vel facile acescentem , adeoque et tale lac habent; quod in nobis suam sequens indolem vegetabili nutrimento simillima patrat. Vid. (61. ad 76.) et lentam (*a*) materiem caseo presso similem in primis viis creat ; quæ singularis hic viscidis species.

79 Quæ aliis nutriuntur animalibus , omnes sucos facile alcalescentes habent.

80 Si alimenta , vi nostri corporis , (58) eo sunt redacta , ut jam liquores (*b*) fecerint , quales in corpore sano , et robusto inveniuntur , post abstinentiam à cibo potuque per viginti horas ; tum , si sibi relinquuntur in quiete , et calore , vel etiam si moventur valide , naturam adipiscuntur ubique eandem putredinis incipientis.

81 In alimentis vero ex aliis animalibus , jam statim , ante mutationem cor-

(*a*) Liquida humana in concretionem prona sunt. Chylus examinatus vix quid coagulat : sed lac , quod tantum est chylus , qui aliquo tempore fluxit cum sanguine per vasa , jam separari potest in tres partes , cremorem nempe , serum , et colostrum subsidens . . serum , et sanguis ulterius in concretionem prona sunt.

(*b*) Si post quatuor , vel quinque horas post pastum largum educitur sanguis , magna chyli lactescantis copia innatat , quod probe notandum.

pori nostro adscribendam , illa in putredinem (a) vergens indoles sponte adest.

82 Putredo hæc (80. 81.) significat eam conditionem humorum , cuius præsentia aqua multum exhalat ; Salina materies attenuata , acido orbata , vel et mutata , à terra , oleoque suo separata , fit acris volatilis , alcalina ; Oleosa pariter , una parte tenuior , terra orba , sali illi acri permista , acris , volatilis , fœtens evadit ; altera autem olei pars , terræ aqua , sale , et oleo priori orbæ permista tenacissime abit in atram , densam , immeabilem fæcem.

83 Insecta , pisces , amphibia , animalia volatilia , repentina , gradientia , natantia , homines denique , ex propria sua natura , in hanc putredinem (82) sponte vergunt semper ; aescunt nunquam.

84 Hujus putredinis (82) antecedentes causæ sunt : 1. cibi ex aliis animalibus comestis , excepto lacte herbaceo (78), maxime ex insectis , piscibus , avibus rapacibus , ex vegetabilibus alcalescentibus. 2. abundantia boni sanguinis , vel si jam putredini ille proximus . 3. virtus magna vasorum , viscerum , (50. ad 54) , bilis. 4. Stagnatio , vel nimia agitatio , torpen-

(a) Nutrices non solis carnium ferculis vivant , alias lac subalcalescens exhibebunt : aescentia igitur eis etiam permittenda.

te (a), vel incitato animali motu. 5. Calor ingens diu, et multum conciliatus corpori.

85 In primis viis facit sitim, prostratum appetitum, ructus nidorosos, graveolentiam tabidi, corruptique, sordes ori, linguæ, palato, faucibus, amarescentes putridas, nauseam, vomitum putrefactæ biliosæ materiei, horrorem adversus omnia, nisi aquosa, vel acida, cruditatem putridam, diarrhoeam biliosam, do-lores Iliacos inflammatorios, caloris (b) molesti sensum.

86 In sanguine producit dissolutionem ejus putridam; acrimoniam alcalinam oleosam volatilem; ineptitudinem ad nutritendum; aptitudinem ad consumendum; minimorum vasculorum destructionem; hinc omnes actiones solidarum, et liquidarum partium turbat, depravat, destruit; unde circulatio, secretio, excretio variat; tum febres ardentes, urinæ, et om-

(a) Motus imminutio à parvo exercitio corporis, ab otiosa vita, et sedentaria homines disponit in alcalescentiam, de qua hic agit Boerhaavius, non vero de omnimoda putrefactione in cadavere reperienda à motu nullo, ut van-Swietenio placuit in commentario.

(b) Fœnum magnis acervis collectum per solam putrefactionem in vivas flamas erupit. Mordax calor signum est præcipuum febrium putridarum. Peste mortui secundo post obitum die adhuc calent.

nia secreta putrida , inflammations (a), suppurationes , gangrænæ , sphæceli , mors.

87 Ex his (76. 79. 80. 81. 82. 83. 84. 85. 86.) denuo diagnosis, et prognosis æque, ac Curatio morbi liquido conspicitur.

88 Quæ perficitur 1. alimentis , potibusque cito acescentibus , vel jam acidis , quo farinosa in aqua cocta , vel ad initium corruptionis digesta , lac (b) ejusque producta herbacea , fructus horæi , horum acidi crudi , vel fermentati vinosi , acetosive , succi. 2. acidis medicamentis ex vegetabilibus crudis , vel fermentatis , aut salibus , et sulphure vi ignis in acida (c)

(a) Notanda admodum inflammationum productio ab acrimonia putrida. Acre putridum natum in corpore , sua acrimonia inflammationem facere potest. Præterea dissoluti per putredinem humores aliena vasa intrant , et sæpe per illorum angustias ultimas transire non possunt ; hinc alia ratio inflationis à putredine natae deducitur.

(b) Lac ipsum purum huic operi minus aptum. Cremor pinguis seu butyrum rancescit: Caseum in putredinem vergit. Hinc Lac vel multa aqua diluatur , vel serum ex lacte ebutyrato præferendum.

Fructus horæi utilissimi Cerasa , Mora, Ribesia . . sitim extingunt , calorem temperant, urinæ , et alvi vias laxant , sumnum solamen languenti ventriculo à putrida bile præbent.

(c) Acida mineralia , ut muriaticum , sulphuricum . . potentissime putredini adversantur , ut notum est.

conversis. 3. Salinis alcali absorbentibus (*a*) , ut est sal gemmæ , marinus , et nitrosus. 4. Aquosis diluentibus 5. lenibus obtundentibus , qualia farinosa vegetabilia emulcta , vel decocta sunt ; et laudatissimæ boli (*b*) , acidulo balsamico tecto , et demulcentissimo viscidio , constantes. 6. Saponaceis abstergentibus acidis suboleosis , oxymelle , sapis acetosis 7. quiete , somno , balneo vaporis , fomentisve.

89 Unde patet ubi , et cur acidus ructus nidorosum sequens bonus? cur , et quibus convalescentibus salis ammoniaci

(*a*) Sales illi animalium carnibus aspersi omnem putredinem areent. Hoc certum est. Non tamen hoc absorvendo efficiunt ; nam Sales neutri, ut isti sunt, inter absorventia minime recensentur.

Putredo Aeris non à calore ingenti , sed ab exhalationibus cadaverosis , maxime debet attendi , et emmendari. Vid. Aph. 605. in Not.

(*b*) Inter istas terras Bolus armena præstat. Ad tactum pinguis appareat , et saponacea , in ore deliquescit fere instar butyri , et saliva integre diluitur , in sapore percipitur levissimum aroma , et simul aliquid exsiccantis adest. In his terris latet acidum miro modo obvolutum , ut docent chemicæ observationes. Hinc istæ omni putredini resistunt , et innocua lenitate demulcent omnia. In dysenteriis putridis magna præsertim dosi prossunt; uncia nempe una emulgendo quasi in libra aquæ diluta , dein cochleatum , seu unciatum sumpta pulcherrimos effectus producunt.

sapor molestus? cur sudor acidum (*a*) spirans acutis salutaris? quæ acrimonia acida, alcalina, biliosa, oleosa sit? Qui morbi propria significatione putridi dici queant? Cur illi fortissimis, plethoricis præcipue? an unquam in homine vivente ulli humores jam vere alcalini reperti sint? rariissime (*b*): expertus loquor. Urina in vesica diu retenta, aut in calculo rariore absorta, forte, aliquando, eo pervenire queat. Aliter mors ante fit, tabefactis per acria, necdum alcalina, pulposis vitalium extremis.

(*a*) Ructus rancidi, nidorosi à putridis circa ventriculum, et vicinas partes hærentibus oriuntur. Ructus acidus sequens denotat putredinem superatam esse, et oppositum omnī putredini prævalere in primis viis acidum. Hipp. (VI. Aph. 1.) id in Lienteriis observavit.

Cur in convalescentibus salis ammoniaci sapor molestus fit? Ad observata releganda responsio. Linguæ nimia tunc sensibilitas, insufficiens. Explicatio chemica van-Swietenii non satisfacit. An sal iste ammoniacus, in stomacho decomponitur; basis seu acidum materiæ putridæ ibi excitatæ sociatur, et alkali volatile avolat? organum gustus exeundo per œsophagum, et os afficit?

(*b*) In urina diù in vesica retenta, et post aeri libero exposita aleali inveniebatur. Num ab aere proveniebat? Aliquando sanguis in febre putrida maligna, in actu ipso per venæ sectionem extractionis jami fœtet. Num ab eadem causa?

90 Hinc tandem scitur , quid malum faciat nimius , vel minor liquorum circumfluentium motus , et quantum ejus effectus variet pro varietate loci , ubi haerent , et humorum (a) , in quos agit? quae à stagnante , vel ab extravasato nō documenta? imo neque obscura hinc ratio ortus viscosi glutinis , quo lentescunt humores nostri; dum spissa decocta ex animalibus diuturna elixatione parata , nimia ingeruntur copia ; aut etiam , dum tegumenta animalium , horumque lentæ , tenacesque partes extremæ avidius assumuntur , aut diutius : etenim alia hinc pituitosi indoles , et distincta ab illa , quæ jam exposta in fine (75).

91 Pertractatis morbis Solidi , et Fluidi simplicissimis seorsum , agendum sequitur de iis , qui in Solido , et Fluido conjunctim occurruunt simplices quam maxime.

(a) Partes , quæ minus distant à corde caloris fonte , circulatione aucta magis calent: hinc ille intolerabilis ardor circa præcordia in febribus ardentibus. Bilis per febres citissime corruptitur , urina acris fit ..

## APHOR. 76.

*Herbæ alcalescentes edules, condimentis servientes, venenatæ (a).*

Absinthium.	Chelidonium minus.
Alliaria.	Cochlearia.
Allium.	Cepæ.
Alysson.	Dentillaria.
Armoracia.	Digitalis. *
Arum. *	Eruca.
Atriplex olida.	Erysimum.
Asparagus.	Esula. *
Barbarea.	Eupatorium Cannabina-
Brassicæ.	nium.
Bryonia alba.	Gratiola.
nigra.	Iberis.
Bunium.	Laureola. *
Caiñerina.	Lepidium.
Capsica.	Napus.
Cardiaca.	Nasturtium aquati-
Cardamine.	cum, hortense.
Cataputia. *	Nerium. *
Centaurium minus.	Persicaria acris. *
Chamædrys.	Porrum.
Chelidonium majus.	Raphani.

(a) Herbæ istæ sic \* notatæ acerrimæ sunt, non nisi prudentissimè, si unquam administrandæ. Hæ, et alia sic notata videantur suis locis in Sylloge. Tom II. pag. 346.

Ruta.	Sinapi.
Sabina.	Squilla.
Satureia.	Thlaspi.
Sedum acre minus.	Victorialis.

## A P H O R. 78.

*Ruminantia, vel non Ruminantia.*

Asina , Bos , Capra , Equa , Ovis , &c.  
dant lac acescens.

Animalia , quibus victus ex vegetan-  
tibus , gramineis , fructibus horæis , vel  
cerealibus , carnes dant et humores haud  
ita proclives in putredinem alcalescentem:  
unde , et cibi inde petiti homini calido  
tutius concedendi. Sunt autem:

Agnus.	Coturnix.
Anas cicur , vel do- mesticus cereali- bus pastus.	Cuniculus.
Anser cicur, vel do- mesticus.	Gallinæ domesticæ.
Aper.	Hædus.
Aries.	Lepus.
Bos.	Perdix domi sagi- nata.
Capra.	Phasianus domesti- cus.
Capella.	Porcus.
Caprillus.	Sturnus.
Capo.	Turdus.
Cervus.	Turtur.
Columba.	Vervex.
	Vitulus.

Huic classi adscribere cochleas, et limaces licet.

## APHOR. 79.

Omnis fere Pisces, tam marini, quam fluviatiles, sive molles, sive crustacei, sive ossa habentes; vix ullo excepto.

Alauda.	Merula.
Anas fluviatilis.	Pardalus.
Anser marinus.	Passer.
Cygnus.	Phasianus sylvestris.
Gallinago major.	
	minor. Vanellus.

Avium vero multæ ambiguæ animalculis pascuntur, vel vegetantibus.

## APHOR. 88. NUM. 1.

Vid. 35. NUM. 1.

## APHOR. 88. NUM. 2.

Vid. 75. NUM. 5.

*Stimulantia Acida Salina.*

## APHOR. 88. NUM. 5.

*Decoctum Leniens acescens.*

R. Avenæ cum cortice uncias duas.

Aquæ puræ libras tres.

Decocto ad residuum librarum duarum transcolato misce.

Sucei Citri recentis unciam unam.

Aquæ stillatæ cinnathomis drachmas duas.

Syrupi Mororum unciam unam.

Utatur pro cibo, et potu.

*Aut.*

R. Avenæ exhorticatae uncias duas.

Aquæ puræ libras tres.

Decoctum ad residuum librarum duarum depuratum stet in tempore per horas duodecim, vel donec lenissime acescat, tum adde.

Syrupi Violarum unciam unam et semis.

Vini Rhenani libram semis.

Aquæ stillatitiae corticis citrei unciam unam et semis.

In usus eosdem.

### *Emulsio similis anti-alcalica.*

R. Avenæ exhorticatae uncias tres.

Fiat cum aquæ quod sufficiat emul-  
sio, cuius libræ uni, et semis admisce-

Nitri puri drachmam semis,

Syrupi violarum unciam unam,

Aceti squillitici drachmas duas.

Utatur pro usu familiari.

### APHOR. 88. NUM. 6.

*Misturæ Saponaceæ, abstergentes, acidæ,  
suboleosæ.*

R. Oxymellis squillitici uncias tres,

Aceti squillitici drachmas duas,  
Myrrhae in aceto solutæ in tinctura,  
drachmam unam,  
Aquæ stillatæ cichorei uncias sex.  
Misce. Capiat unciam semis omni hora.

*Vel.*

R. Aceti in spiritu studinem mellis per coctionem redacti unciam semis,  
Mellis puri unciam unam,  
Syrupi Cichorei unciam unam, et semis,  
Aquæ stillatæ fumariæ uncias quinque.  
Misce. Usus ut prioris.

*Vel.*

R. Rob Ribesiorum,  
Sambuci singulorum uncias duas.  
Oxymellis simplicis unciam unam,  
Spiritus salis communis guttas  
viginti,  
Aquæ decoctæ hordei libras qua-  
tuor.

Misce. Utatur pro potu assiduo ad libitum.

## DE MORBIS ORIUNDIS AB EXCESSU

### MOTUS CIRCULATORII SOLO.

92 **O**mnia fluida, quæ in ullo vase,  
ab Arteria magna orto, continentur, ex

solo sanguine (*a*) sunt secreta , qui paulo ante in corde dextro , et sinistro mistus erat , et referebat speciem unius liquidi.

93 Habet tamen et ibi , et tunc , globos majores determinatæ molis , figuræ mutabilis , coloris rubri ; sphæras flavas , rubris sextuplo (*b*) minores , serosas ; tum laticem pellucidum in igne concrescentem ; et aquam pellucidam , leviorem , tenuiorem , partibus minoribus , sed ob pelluciditatem non cernendis , constantem . Priorum congeries sanguis ruber , posterior Serum appellatur . Microscopia utrumque demonstrant .

94 Rubrum concretum , et à sero seorsum collectum , sola quiete , et laxitate suarum partium cito resolvitur in serum ita , ut in id omnis fere crux abeat .

95 Serum diu retentum in aëre moderate calido , et humido sola quiete , et laxitate partium resolvitur in tenuius , pellucidius , levius liquidum , quod putrescit sensim , totumque vere avolat volatile .

Quæ crescent pro ratione temporis .

96 Sanguis omnis (92) recens , levi calore , parum superante salubrem , et

(*a*) Antiqui acerrime disputabant , num omnes humores formaliter in sanguine continetur ?

(*b*) Hæc est Leuwenoeckii sententia , quam microscopiis suis demonstrare nitebatur .

cum paucō exhalantis dispendio , coit in massam solidam , scissilem , tenacem , non solubilem per aquam , salem , oleum , spiritus . Atque idem fit calore per humida conciliato , singulari concretionis , et simili prioris genere .

97 Origo rubedinis (93. 94.) , seri concrescentis lymphæ concrescentis , (95. 96.) debetur vasorum actioni , circulatio- nis efficaciæ (a) ; ut chyli , lactis , croris , et sanguinis mutata indoles docet , atque microscopia confirmant .

98 Auctus sanguinis per vasa motus oritur Corde sæpius , et fortius contracto .

99 Cor sæpius , et fortius contrahitur : 1. Cerebro , et cerebello in nimiam expres- sionem liquidi nervosi agente , ut in affec- tibus animi , et dolore : 2. irritato Corde per accelerationem motus sanguinis veno- si , frictione , vel musculis agentibus , pul- si ; aut per acre sanguini inhærens aro- maticum , salinum , acidum , alcalinum , purulentum , ichorosum , putrefactum , et quandoque specie contagii , pestis (b) , ve- neni , nondum definiendum mali genus .

(a) Forte et Aer , sine quo nulla planta , nullum animal vivit hue facit van-Swiet . hic . Calor corporis , actio vasorum , et cordis , aeris vis in pulmone applicata transfluenti cum san- guine chylo . . Vid . Inst . Med . § . 202 .

(b) Pestis singulis animalium speciebus pro-

100 Auctus motus sanguinis per vasa efficit majorem vim pulsi sanguinis in vasa excipientia ; majorem renixum vasorum in sanguinem ; sanguinis fortem compressionem ; vasorum , sanguinisque attritum validum ad se mutuo ; partium Sanguinis attritum validum inter se ; calorem majorem totius ; sanguinis exsiccationem difflato aquoso ; ejusdem viscositatem inflammatoriam (a) facile concrescentem ; sanguinis resolutionem in sales, oleaque volatiliora , et acria ; vasorum auctam ad initia amplitudinem ; liquidorum crassiorum intenuiora vasa impulsum , horum obstructions , destructionesque , inflammations , suppurations , gangrenas , sphacelos , scirrhos ; et quæ ex his infinita sequi possunt.

101 Cognoscitur ergo aucta circulatio notis ejus causis (99), et effectis (100); sed imprimis pulsu celeri , duroque ; respiratione veloce , et laboriosa ; calore ingenti.

pria , et peculiaris raro pluribus animalium speciebus simul accidit. Dum bovina pestis per Europam grasabatur , homines immunes erant ab omni labe , etiam illi , qui infectorum animalium carnis usi fuerant van-Swiet. hlc.

(a) Tunc nascitur illud Phlegma phlegmonodes Veterum , distinctissimum ab inertī frigida mucosa concretione : vocatur tunc inflammatoria spissitudo ex validiori compressione elementorum sanguinis ad se invicem nata.

102 Remedia ergo nimio motui compescendo valida sunt , quæ frequentiam , et vim contractionis Cordis imminuunt.

103 Quorum illa Mentem , hæc Corpus spectant.

104 Priora sunt , quæ magnos affectus (a) , ratiocinio , excitamento contrarii affectus , vel divertendo sopiunt.

105 Posteriora agunt quiete musculorum , laxatione venarum (54) , mitificatione acris cujuscunque , diluendo , vel obtundendo (66. 67. 88.) , doloris causas tollendo.

## A P H O R. 105.

### *Dolorem tollentia.*

Vid. Aphor. 202. postea , ubi omnino de hac re agitur.

(a) Sapientissimi Legislatores probe gnari , humanam Societatem sola Ratione regi non posse proposuerunt præmia , et penas. Quod in Politicis contingit ad Medica transferri poterit. Consideranda in ideis perceptis gratum , et ingratum quæ ineptè , et insulsè delere conantur superbi aliqui Philosophi. Consideranda etiam mirabilis illa mentis nostræ proprietas ideas signis mere arbitrariis alligandi . . Philosophiae Moralis præcepta , et Retorices etiam lenocinia ad hæc Medicis sunt absolutè necessaria.

DE MORBIS EX DEFECTU  
CIRCULATIONIS, ET PLETHORA.

**D**efectu motus circulatorii morbi (*a*) fiunt in humoribus illi , qui proxime accedunt ad hos , qui quiescentibus spontanei nascuntur. Modo bene consideretur aër , qui admissus corruptiones spontaneas accelerat , quæ aliter , eo secluso , lentiores. (58. ad 80.) adeoque intellectus , et curatio horum inde peti debet. Atque ex his omnibus plethorae indoles , causa , ef-

(*a*) Plethora ista vel est ad vasa , vel ad vires. Quando vasa bonis quidem , sed copiosis adeo turgent humoribus ut rupturæ forent proxima , vel et nimia distensione laderentur functiones vocatur simpliciter Plenitudo , sive plethora ad vasa : Quando autem vasa non nimis plena forent bonis humoribus , plus tamen continerent quam debilis vitalis vis movere poterat erat plenitudo , sive plethora ad vires. Hic plethora ad vasa præsertim intelligenda.

Consuetudo mitendi sanguinis ad plethoram absdubio disponit. Sedecim unciae sanguinis per venæ sectionem eductæ intra quinque dierum spacium restituuntur in homine non debilitato; in debilitato major sanguinis quantitas certissime producetur.

Rarefactio hic præsertim attendenda , ut in præsenti statuitur.

fectus, signa, remedia intelliguntur, si ad sequentia animus advertitur.

*a* Plethora est copia boni sanguinis major, quam quæ ferre possit eas mutatio-nes, quæ vitæ inevitabiles accidunt, nisi inducantur morbi.

*b* Hanc generat omnis causa, quæ mul-tum laudabilis Chyli, et Sanguinis con-ficit, simulque horum attenuationem, consumptionem, perspirationem, impedit.

*c* Quo spectat vis contractilis viscerum Chylopœorum magna, ut et in Corde et arteriis; simulque laxior venarum, et cæ-terorum vasculorum compages; cibi blan-di facile in chylum resolvendi; somnus multus, animus sedatus; quies musculo-sa, consuetudo mittendi sanguinis, natu-ralis, artificialis.

*d* Effectus Plethoræ omnes pendent à ra-refactione, quæ majori velocitati, atque inde nato calori, aut causis aliis, per so-lam observationem cognoscendis, adscri-benda: hinc arteriarum dilatatio tam Sanguiferarum, quam Lymphaticarum; mutata secretio; compressio generis veno-si Sanguiferi, et Lymphatici; suffocatio circulaturi; inflammatio, vasorum rup-tura; suppuratio; gangræna; mors.

*e* Itaque facile cognoscitur præsens; præ-videntur futuri effectus.

*f* Curatio absolvitur missu sanguinis; labore; vigiliis; cibo acriori post evacua-

86 DE MORBIS , EX DEFECTU  
tiones ; omissione evacuationum sensim in-  
troducta.

APHOR. 106. Lit. f.

*Cibi acres.*

Vid. Aph. 76.

Condimenta acria Aromatica Aph. 75. N. 1.

Acida aph. 75. Num. 5. Classe  
prima , sub titulo *Acida Salina*.

MORBI COMPOSITI SIMPLICISSIMI,  
OBSTRUCTIO , ET VULNUS.

OBSTRUCTIO.

107 **O**bstructio est obturatio canalis,  
transitum tollens liquido , per eum trans-  
jiciundo , vitali , sano , vel morbo , orta  
ex excessu molis transituræ supra capaci-  
tatem vasis transmissuri.

108 Quæ oriuntur ex angustia vasis,  
magnitudine molis fluxuræ vel utrisque  
concurrentibus.

109 Angustia vasis fit compressu ex-  
terno , contractione propria , vel augmen-  
to crassitiei in ipsis canalium membranis.

110 Molecularum moles augetur vis-  
cositate fluidi , vel errore loci.

111 Ex utrisque vero à concursu cau-  
sarum utriusque. (109. 110.)

## 112 Vasa externe comprimuntur.

1. A tumore vicino plethorico , inflammato , purulento , scirrhoso , cancroso , œdematoso , ampulloso , steatomatode , atheromatode , meliceride , hydatidico , aneurismatico , varicoso , tophoso , pituitoso , calculoso , calloso .

2. A fractis , luxatis , distortis , distractis ve partibus duris comprimentibus vasa flexilia .

3. Ab omni causa , quæ vasa nimis trahit , et elongat sive tumore , sive pressione partis extra debitum locum positæ , sive vi externa trahente .

4. Ab externis comprimentibus , quo uestes arctæ , fasciæ (a) pondus (b) incumbentis corporis quieti in unam partem , ligaturæ , &c. pertinent , motus , atritus , amplexus partis ad alia corpora .

113 Contractio vasi propria aucta , maxime spiralium fibrarum , tum quoque longarum , cavitatem arctat , oriturque .

(a) Sub iis post aliquot horas solet elevari tumor cum dolore magno , tunc si querelæ ægri negligantur , et fasciæ non solvantur gangrena turpi errore sequitur .

(b) Hoc maxime notandum ; aliter partes in quibus dura ossa paucis integumentis tecta prominent , ut circa scapulas , os sacrum , ossis ilii eminentem marginem . . . gangrena afficiuntur cavetur ista sæpe mutando ægri situm .

1. ab omni causa augente vim elasticam  
fibræ , canalis , visceris. (31. 36. 40. 50.  
51.) 2. ab tumore vasculorum minorum,  
quorum contextu majorum latera , et cava  
fiunt , nimis impletorum. 3. ab immi-  
nuta causa vasa extendente , sive inani-  
tio , sive inertia fuerit : unde dissecti ca-  
nales liquida propria coercent brevi.

114 Augetur crassities in ipsa mem-  
brana vasis 1. ab omni tumore (112. N. 1.)  
orto in iis vasis , quæ unita , et contexta  
membranam efficiunt. 2. ab callis ibidem  
factis , cartilagineis , membranosis , os-  
seis (51.)

115 Partium fluentium moles auge-  
tur , ut immeabilis fiat , vel 1. mutatio-  
ne figuræ sphæricæ in aliam majori super-  
ficie incurrentem in aperturam vasculi;  
vel 2. adunatis pluribus prius sejunctis in  
unam massulam.

116 Mutatur figura in primis desinen-  
te æquabili , et undique simul , atque  
æqualiter premente pressione moleculæ  
proprio elateri (a) jam commissæ , hoc est,

(a) Globosa fluidorum elementa per ultimas  
vasorum angustias in oblongam cylindricam  
figuram mutantur ; superatis vero iis angustiis  
propria elasticitate pristinam recuperant figu-  
ram : unde appareat illas moleculas fluidorum  
elasticas esse ; hinc , ubi à compressione vaso-  
rum liberantur expandi in majorem molem.

Ianguente motu , vel laxato vase , vel minuta copia liquidi.

117 Adunantur moleculæ quiete, frigore , gelu , exsiccatione , calore , motu circulari violento , et vase forti comprimente, coagulo acido (a) , austero , spirituoso , absorbente , viscositate , oleositate.

118 Errore loci (b) partes fluidi fiunt non meabiles , si in os dilatatum ab basin canalis conici ruit corpusculum finem longe angustiorem tranare non potens. Plethora , motus auctus , rarefactio liquidi , laxatio vasis , dilatationem hanc præ cæteris creant ; maxime si his prægressis , statim contraria (c) horum sequuntur.

119 Unde causæ , et natura obstructionis cujuscunque patent.

(a) Fosilia acida coagulant : vegetabilia ut vinum , acetum , succi acidorum maturorum fructuum , lac ebutyratum .. potius disolvunt.

(b) Agitur hic de notabili Boerhaavii sisteme vasorum decrescentium , quod maximo ingenio promulgavit. Vid. Aphor. 372.

(c) Alexander sudore perfussus Cydnum Amnem ingreditur subito riguit , pallidus totus , et vix corpus vitalis calor reliquit , à quo statu Philippi Medici fide , et peritiae vix evassit , ita referente Q. Curtio (lib. 2. cap. V.) Incontinentia ista corpora calida frigori exponendi plurima fata producere certum est , quam reliquæ omnes hominum incontinentiæ. Cavenda igitur summopere ista subita , atque mortifera transmutatio. Inst. Med. §. 1027.

120 Quæ nata in corpore vivo impedit transitum fluxuræ materiæ; reliqua impingentia sistit; horum actionem excipit; subtiliora exprimit; adunat crassiora; vas extendit, dilatat, attenuat, solvit; fluidum stagnans condensat; functionem integro fluore oriundam tollit (*a*); vasa inde irriganda deplet, siccatur; capacitatem vasorum transmittendis liquidis minuit; copiam liquidi, velocitatemque per libera vasa auget; adeoque omnia, quæ inde pendere possunt, mala producit.

121 Quare pro diversitate vasis obstructi, et materiæ obstruentis, illi effectus (120.) variatis apparent phænomenis.

122 In vasis Sanguiferis arteriosis rubris inflammatio primi generis fit, in arteriosis (*b*) serosis flavis rubra inflammatio errore loci, vel flava propria illi vasi, ca-

(*a*) Sæpe accidit post morbos acutos inflammatorios capitis remanere surditatem, vel anaurosim tota vita incurabiles. An huic opitulabitur Arnicæ montanæ usus adeo Storckio laudatæ? (Ann. Med. Tom. 3. fere toto).

(*b*) Proponuntur hic series miræ vasorum, inflammationes variæ, et alia mala illis respondentia, et prout diversi per vasa feruntur humores, prout diversorum viscerum, vel partium corporis fabrica diversa orientur ab horum obstructione varia mala. In vasis pinguiferis rancor; in osseis caries, exfoliatio, exostosis, tophus; in nerveis acerrimi dolores, in biliosis icterus..

lida flava, in Lymphaticis arteriosis dilatatis inflammatio secundi generis flava, errore loci, vel pellucida, calida, propria illi vasi; in arteriosis vasis Lymphaticis majoribus, oedema calidum; in minoribus dolores sine apparente tumore; in pinguiferis, osseis, medullosis, nervosis, biliosis alia.

123 Qui vero sedem, naturam, materiem, causas, effectus obstructionum, hucusque (107. ad 123.) tradita novit; illi signa, quibus futura, præsensque obstructio, ut et ejus effecta sciuntur, ignota non erunt.

124 Et cognita hac ejus diversitate, difficile non erit, propriam cuique (*a*) curationem tradere.

125 Nam illa, quæ à compressu externo (112), indicat ablationem causæ prementis, quæ, ubi possibilis, petenda ex secutura ejus descriptione.

126 Ea vero, quæ ab aucta fibrarum contractione oritur, cognoscitur per signa, quibus visceris, vasis, fibræ nimia contractio scitur; (34. 36. 40. 50. 53.) tum quoque illa, ubi hæc contractio à secunda causa (113. No. 2.) per suæ causæ signa clara; ut altera, quam inanitioni

(*a*) Obstructio nata à densitate inflammatoria diversimode curatur ac illa, quæ ab incerti frigido muco lentescente humore.

prægressæ adscriptimus. (ibidem. Num. 3).

127 Sanatur hæc obstructio (113. 126.)  
1. per remedia contractionem nimiam fi-  
bræ , vasis , visceris emendantia (35. 36.  
38. 54. 55.) 2. maxime , si ipsi affecto  
loco applicari possit eorum virtus , quod  
halitus , fomenta , balnea , litus , efficiunt  
in primis . 3. per auxilia , quæ vascula mem-  
branas componentia nimis impleta de-  
plent. Quo evacuantia in genere , sed  
præprimis illis vasculis applicata spec-  
tant , quæ sunt laxantia , diluentia , re-  
solventia , attenuantia , detersiva , eva-  
cuantia . 4. per illa , quæ callositatem fac-  
tam resolvunt.

128 Verum illa obstructionis species ,  
quæ ab hac causa , raro , si unquam cu-  
rari potest. Emollientia , et laxantia præ-  
cipua sunt. Unde mortis patet inevitabi-  
lis necessitas , et magna vitæ longæ per  
medicamenta parandæ difficultas.

129 Illa fluidi ineptitudo ad transeun-  
dum per vasa , quæ à figura sphærica  
amissa pendet , cognoscitur perspectis ejus  
causis (116) , quippe sensibles plerumquæ  
sunt.

130 Sanatur vero remediis , quibus  
illa figura redditur. Qualia sunt , quæ mo-  
tum augent per vasa , et viscera , ut sti-  
mulantia omnia , et roborantia ; tum mo-  
tus animalis citatior.

131 Liquidi spissior concreta moles ,

quum oriatur à tam variis, et diversis causis (117), etiam pro re nata varia remedia, variam sanandi methodum, requirit: quæ diversitas in singulis dein morbis indagata ipsa auxilia, et applicandī modum dabit.

132 At moles concreta in genere tollitur 1. motu vasis reciproco. 2. dilutio-ne. 3. attenuante fluido advecto, permis-to, moto. 4. Coagulante causa educta.

133 Reciprocum vasi motum conciliant 1. quæ distendentes causas tempe-rant, ut est venæ sectio. 2. quæ vasa roborant. (28. 29. 45. 46. 47. 49.) 3. fric-tio, et muscularis motus. 4. stimulantia.

134 Diluit aqua, calida imprimis, si hausta, injecta, exhalans, applicata; at-que dein ad loca, ubi solvendum hæret, pulsa sit. Quo derivantia, attrahentia, propellentia spectant.

135 Attenuant 1. aqua 2. sal mari-nus, gemmæ, ammoniacus (*a*), nitrum, borax, fixus alcalinus, volatilis. 3. Sa-pones ex alcali, et oleo nativi, composi-ti, fuliginosi, volatiles, fixi, bilis. 4. præ-

(*a*) Ammoniacus sal prioribus levior, sali-bus nativis sanguinis magis affinis per vires nostri corporis mutabilis, et penetrabilis maxi-me prefertur fere, et laudatur merito tanquam summum deobstruens in acutis æque ac cronicis morbis. Nitrum an præstantius?

parata Mercurialia. Quæ ipsa perducuntur ad loca debita per derivantia , attrahentia , propellentia.

136 Causa coagulans educitur attractione alterius fortius trahentis. Sic acida in alcalia , olea in alcalia , &c. trahuntur, quæ experimentis (*a*) Chemicis in primis inveniuntur.

137 Verum quum liquidum in loca aliena pulsum , non penetrabile fit , hinc-

(*b*) Hac in re aliquantum laboravit hodierna Chemia Affinitatum doctrina. Utinam ulterius procedatur. Calculi elementa , v. gr. in limpidissima sani hominis urina fluunt ; adunata postea se cohærent ita , ut hactenus per artem resolvi non potuerint. Qui posset vim illam , qualisunque demum sit , qua uniuntur calculi elementa tollere , solveret calculum. An aqua acido carbonico saturata id poterit efficere prout in Pharmacopœa Hispana (pag. 128.) proponitur?

An è contra vitium rachiticum à deficiente acido fosforico in terra calcarea animali productum emmendabitur lotionibus alcalinis , usque interno fosfati calcarei , et sodæ ut proponit Bonhome Medicus in Analibus chemicis Laboisierianis : (Tom. XVIII. pag. 113). Hæ concretorum in corpore humano resolutiones media violenta non exigunt ; sed proportionata quantumvis inocua , et lenia , pariter ut blandum oleum solvit ceram , quæ aquæ stygiæ resistit ; iners ovi cocti albumen myrrham difflue-re facit , quæ Aquæ regiæ inaccesa manet . . . Pulcherrimus talium remediorum usus exigit , ut investigentur sedulo.

que obstructiones creat, producuntur multi, malignique morbi, unde meretur id malum attente perpendi.

138 Scimus id factum, si novimus 1. causas ejus (118), quæ ut plurimum sat satis observabiles, prægressas fuisse. 2. His dein successisse contrarias. 3. ubi effectus ejus clare cernimus. (120. 121. 122.)

139 Facile quoque est prævidere, quid fiat ex hoc malo posito per ea, quæ exposita sunt (120. 121. 122. 123.)

140 Curatio fit 1. impactum retropellendo motu retrogrado in vasa majora. 2. id resolvendo. 3. vasa laxando. 4. suppurrando.

141 Impactum retrofertur. 1. Evacuando liquorem, qui impactum urget magna, subita Sanguinis Missione unde nixu contracti vasis retro agitur. 2. frictione ab extremis vasis ad basin.

142 Impactum resolvitur remediis (133. 134. 135. 136.) ante positis.

143 Vasa laxantur remediis (35. 36. 54.) propositis.

144 De Suppuratione dicetur in historia Inflammationis.

### APHOR. 135. NUM. 3.

*Sapones in obstructione attenuantes.*

Sapones nativi ex oleo, et alcali,

sunt succi recentes , maturi , pressi ex  
herbis omnibus acrimonia alcalina validis.  
Aphor. 76. vel admodum aromaticis.  
Aphor. 75. Num. 5.

Sapones arte compositi ex alcali , et  
oleo.

Sapo niger. } à drachma una ad duas.  
Venetus. }

Starkeyanus , sive Helmontianus à  
gronis quatuor ad scrupulum  
unum.

Sapones fulginosi volatiles.

Spiritus oleosi , alcalini , ex Aromati-  
bus alcalescentibus. Aphor. 75. Num. 5.  
guttæ quindecim.

Ex Fulgine guttæ sesdecim.

Ex omni humore vel solidâ  
parte animalium guttæ decem , et octo.

Fuligo ipsa.

### APHOR. 135. NUM. 4.

Mercurius dulcis ad grana decem.

Mercurius sublimatus , corrosivus ad  
octavam grani partem dilutus.

Præcipitatus ruber ad grana duo  
albus ad grana quatuor.

Turbith ad grana duo.

Niger ad grana sexdecim.

### *Attrabentia.*

Sunt , quæ laxant locum , quo addu-

cendum , arctant unde deducendum. Vid.  
Aph. 35. 28. n. 4.

*Derivantia.*

Quæ liquores pellunt in locum datum , talia sunt evacuantia in loco , frictio artificiosa in vicinis.

*Propellentia.*

Sunt stimulantia. Aph. 75. Num. 5.

## DE VULNERE IN GENERE (a).

145  ulnus (b) est soluta cohæsio reeens , cruenta , partis mollis , à corpore

(a) Boerhaavius hic jure , meritoque antequam interiora mala difficillima tractaret , externa , Chirurgica , magis obvia præposuit. Hoc exigebat recta methodus à facilitioribus initium præscribens , impetrans. Medici , qui ista non eurent , non percipient , non calleant , Aedabatarum more Pharo isto privati progredientur , imo aptius , titubabunt , à sapientioribus , diligentioribus . . . immane quantum excedentur , ridebuntur! In Physicis , Botanicis , Chemicis . . ea quærant , quæ ad Medicinam spectant , faciunt , et quæ non valde multa sunt ; in Chirurgieis ad aemen pervenire studeant ; sciantque Tirones Medici in hac Medicinæ Parte hic à Boerhaavio nitide , exactè , methodice , luculenter , scientificè , præ aliis omnibus Auctoribus pertractatæ serio in supremo Medicinæ Magistratu fore pro Examine perscrutandos.

(b) Traditur hic optima vulneris definitio;

TOMO III.

G

duro, acuto, moto, presso, vel resistente.

146 Causa ergo sensibilis ejus est duries, acuties, motus, resistantia instrumenti vulnerantis.

147 Subjectum pars mollis, adeoque textura vasorum sanguiferorum, serorum, lymphaticorum, adiposorum, nervosorum, membranosorum, tendinosorum; tum vesicularum, quæ ex his conflantur.

148 In quo subjecto (147) causa (146) producit cohærentis separationem, liquidi contenti effusionem.

149 Inde lœdit actiones, quæ pendent ab integritate partium, et ab determinato fluxu liquorum per vasa.

150 Quæ vulnera proinde occupant eas partes, quarum integritas vitæ inseparabilis, Lethalia (*a*) sunt.

151 Horum (150) autem alia inevitabili necessitate mortem ferunt.

152 Alia, sibi reicta, mortem infe-

et proponuntur ea, quibus vulnera ab ulceribus, fracturis, contusionibus . . distinguntur. Ulcus enim est solutio non recens, sed antiqua. Fractura, fissura . . sunt solutio non partis molles, sed duræ, ossis nempe. Contusio non à corpore acuto, sed obtuso, et duro producitur.

(*a*) Optima hic traditur doctrina super lethaliitate vulnerum necessario à Medicis prænoscenda, et solicitissime distinguenda pro Re-nuntiationibus exacie coram Judicibus profrendis.

runt, sed artis (*a*) auxilio ita emendari possunt, ut mortis periculum absit.

**153** Tandem ex non lethalibus, neglectus, vel error (*b*) lethalia potest facere.

**154** Pro varietate alterius cujusdam actionis, à parte integra prius exercitæ, etiam alia vulnerum effecta, atque inde variæ appellationes oriuntur, vix ignotæ perito actionum Sanitatis.

**155** Nec minor nominum, formarum, et effectuum varietas in vulneribus, à diversitate causæ vulnerantis (146) quoad figuram, modum adigendi, pungendo, secando, cædendo, agitando, illatum, vim impingendi, ablationem ex vulnere, relictionem in eo, infectionem venenatam (*c*).

**156** Tum etiam omnia eadem (155) variant pro differentia partis vulnus excipientis (147), quoad ejus duritiem, mol-

(*a*) Decursus majorum vasorum, et illa loca ubi comprimi possint commode, ut mors ab hæmorrhagia secura præcaveatur, exacte cognoscenda.

(*b*) Qui vulneratos ob ingentes hæmorrhagias in animi deliquium lapsos spirituosis conantur refocilare vim vasorum, in liquida augent, unde nova reddit sanguinis jactura, et mortis causa augetur.

(*c*) Ubi adsunt anomala symptomata, quæ non possumus suspicari ex vulnere ut causâ orta fuisse, tunc de infectione venenata instrumenti lædantis cogitandum est.

litiem , nexum , situm , effectum (a) , li-  
quida contenta , faciem mutatam.

157 Hujus multiplicitatis originem  
nosse ut opus , ita nomina subtiliter dis-  
tinguere non juvat.

158 Si in corpore sano , robustoque  
factum vulnus in loco visibili , non irri-  
gato magna quadam arteria , nec nimis  
tendinoso , hæc oriuntur phænomena ; si  
modo à frigore , aëre (b) , siccatione , vul-  
neris hiatus defenditur:

1. Partes , inter quas causa vulnerans  
adacta , sensim magis , magisque à se mu-  
tuuo recedunt , licet causa ablata sit , nisi  
punctura fuerit parva.

2. Cruor primo cum impetu effluit,  
dein sensim sponte sistitur.

3. Tum crusta sanguinea cavo vul-  
neris innascitur.

4. Et liquor dilutus , rubellus , tenuis effluit.

5. Tum vero labia vulneris incipunt  
rubere , calere , dolere (c) , tumere , retor-

(a) Hic frequenter per anatomen , et phisiologiam explicatur ; quandoque neque ista sufi-  
ciunt , sed observatio sola. Mesenterii vulnera  
parva licet frequenter necant. Discisio nervi  
intercostalis , et paris octavi oculum ejusdem  
lateris obscurat , moie minuit , inflammat , &c.

(b) Aer imprimis frigidus admisus miro mo-  
do mutat partes vulneratas , et lædit tenerrima  
vascula , illaque exicat.

(c) Observabit jam Hippocrates pleraque

queri , fundo interim tumido assurgente , præcipue assurgente adipe in aperturam vulneris , ibidemque cito degenerascente .

6. Atque eodem tempore febricula cum calore , et siti adest .

7. Hinc tertio , quartove die ferius , vel ocyus , vulneri adest liquor tenax , albūs , pinguis , æqualis , pus (a) .

8. Simul rubor , calor , dolor , tumor , retorsio labiorum , febricula , cessant , vel minuuntur .

9. Et sensim cavum vulneris à fundo sursum , et ab ambitu versus centrum crescente nova , rubra , viva , materie , carne dicta (b) , impletur , coeunte mar-

vulnera tertio aut quarto die recrudescere , hoc est , dolere , tumere , &c. Dum Sororis stuprum vindicaturi Simeon , et Levi persuaserant incautis ut circunciderentur , tertia die post circumcisionem , acerrimè dolente vulnere , impune occidebant omnes (Genes. cap. 24.)

(a) Pus est liquor unctuosus consistentiam fere habens cremoris lactis recentis parum subflavescens , æquabilis omnino , inodorus , saporem blandum chyli ferè instar habens , quod maximum securitatis signum habetur .

(b) Hoc vocatur *incarnatio* licet id proprie , et exacte non accidat . Nihilominus demonstracionibus edocti hodie stupemus quomodo elongata vasorum in vulnera hiantium oscula vicinis concurrant , uniantur , concrecent ; nec hoc tantum , sed arteriæ arteriis , venæ venis , &c. sic debent uniri ut renascatur similis deper-

gine albo, subcærulescente, molli, æquali.

10. Postremo siccatur vulnus, et obducitur cicatrice.

159 Si arteria non nimis magna, nec Cordi admodum propinqua, omnino transversim dissecatur, retrosiliens, atque inter solida vicina se recondens, sibimet obturaculo est; et cætera ut (158) prius.

160 Si eadem (159). vulneratur transversim non tota dissecta, retractis fibris vulnus ampliatur; hinc Hæmorrhagia perpetua; et ea sedata, à tenuitate cicatricis cedente Aneurisma.

161 Si arteria major tota dissecta, oritur perpetua, usque ad defectum animi, vel vitæ, Hæmorrhagia; inferius posita tabescunt, et putri exeduntur, sed lenta gangræna; aut arefacta penitus contrahuntur.

162 Nervi maiores, tensique, toti dissecti retrosiliunt, se recondunt, ramulos vulnere paulo superiores trahunt, tendunt, vicinis dolorem, obstructionemque creant, parti vero infra Vulnus positiæ stuporem, immobilitatem, marcorumque, aut et gangrænam (a).

ditæ in vulnere substantia. Infinitam Creatoris sapientiam adoramus (exclamat hic Van Swiet.) qui corpus humanum his dotibus instruxit.

(b) Nervorum actiones in corpore humano

163 Nervi tensi, tendinosi, puncti, vel dimidiato discissi dolores, aliquando primo obtusos, nonnunquam vivos (*a*) excitant, primo loco vulneris, post per omnes nervos nexos, vicinosque; hinc calores, tumores, rubores late sparsos, febres, deliria, spasmos, inflammationem, inflammati aperturam cum evacuatione aeris, tenuis, et copiosissimi saepe seri; postea insensibilitatem, rigiditatem, exsiccationem, immobilitatem producunt, vel gangrenam, et mortem: atque haec quidem omnia eo violentiora accidunt, quo nervus est fortius tensus supra partes firmas, iisque annexus, aut et involucris magis tenacibus indutus.

observatae sunt distinctissimae omnino: quidam enim sensum praebent partibus ad quas tendunt; alii motum muscularerem efficiunt; nutritio partium denique, et vita ab aliis videtur pendere. Diversas autem illas actiones per diversos fieri nesvos docemur in morbis evidentissime. Paralysis, Hæmiplegia, Stupor . . . id evincunt.

(*a*) Dum Carolo IX Galliae Regi Medicorum jussu vena secibatur ipso momento, quo vulnusculum infligebatur praे doloris acerbitate Rex alta voce clamavit. Musculi bicipitis tendo, vel lata aponeurosis ab hoc tendine orta absdubio læsa fuit. Applicatur vulnusculo oleum terebinthinæ calidum cum pauculo spiritus vini rectificati, et aliis dein idoneis remediis post trimestre spatium brachii usus integre restitutus fuit (Ambr. Pareus lib. 12. cap. 41.)

164 Quæ eadem (162. 163). parum mutata, etiam in tendinibus (*a*) diversimode læsis obtinent, atque sævissima quidem.

165 Et Membranæ, tendinum, nervorumque saepe producta quum sint, iisdem afficiuntur morbis. (162. 163.)

166 Quid lymphatica, adiposa, venosa (*b*) vasa, et vesiculæ patiantur in vulneribus, quid efficiant, ex lege circulationis, et consideratione vicinorum facile intelligitur.

167 Si vulnus oculo patet, ejus præsentia, et natura scitur 1. Sensu ipso,

(*a*) Tendo, qui Achillis vocatur aliquando fuit integre ruptus sine dolore magno, levis tantum attactus tendinis involucris suis nudati totum genus nervosum turbat. Balsamum Peruvianum nigrum leviter calefactum, et instillatum præcabet, vel mitigat horrenda illa synphomata, quæ à nervorum, vel tendinum puncturis oriri solent.

(*b*) Si notabilis vena per vulnus læsa est, tunc non possunt applicari sine periculo acria illa styptica, quæ hæmorrhagiæ in vulneribus compescendæ causa aliquando adhibentur, vitriolum, v. gr. alumen, alcohol, &c. Metus enim est ne hæc patulo venæ vulnere recepta sanguinem ingrediantur, ejusque coagula faciant, quæ per latidrem continuo factam venam ad cor dextrum delata, dein pulmonalis arteriæ angustiis impulsa funesta maxime possent producere mala.

abstero impedimento conspectus (*a*) , et suppresso cruris fluxu. 2. Scientia anatomica vicinorum.

168 Vulneris autem absconditi præsentia , et natura noscitur. 1. ex Scientia anatomica (*b*) , situ vulnerandi , modo et vi infictus. 2. ex læsa actione sequente vulneris. 3. ab excretis , intra vel extra corpus expulsis. 4. ab effectis supervenientibus , dolore , singultu , spasmo , tumore , &c.

169 Ex cognitis (167. 168.) determinatur prævisus vulnerum eventus.

I. Mors , vel Vita vulnerati.

(*a*) Medici vulnera , et graviores operaciones sèpius videant , ut sic sensim asuescant intrepido animo hominum calamitates intueri , atque levare. *Medicus periculosa intuetur* (ait Hippocrates lib. de flatibus Chart. Tom. VI. pag. 213.) *Ingrata contrectat* , et ex aliorum calamitatibus proprias lucratur (agnoscit) miserias , ægrotantes vero per artem à maximis malis , morbis , doloribus , tristitia , morte , per artem inquam vindicantur. Humani generis commoda ex arte salutari nata levant hæc tædia.

(*b*) Animadversione dignæ sunt viscerum internorum mirabiles aliquando transpositiones. Cordis basis sinistrum latus respiciebat , apex dextram thoracis partem in Milite defuncto . . ex Meryo. Pylorus in sinistro latere : Lien dextrum hypochondrium aliquando occupat , Hepar sinistrum . . Hæc ad Renuntiationes consideranda , ut et idiosincrasia , quæ aliquando parva vulnera lethalia potest reddere.

2. Sanatio possibilis , impossibilis , integra , pro parte.

3. Curatio facilis , difficilis , brevis , longa.

4. Effectus à vulnere , peracta sanatione , superstes futurus ; ut tabes , insensilitas , immobilitas , figura læsa , &c.

170 Mors inevitabilis à vulnere ex quinque effectis sequitur , adeoque necessario Lethalia vulnera (151.) Hæc sunt.

1. Quæ influxum nervosi liquidi à Cerebello in Cor intercipiunt.

*a* Cerebelli vulnera , et Cerebri profunda adeo , ut medullam oblongatam lædant multum.

*b* Vasa sanguifera intra cranium soluta cum effuso cruento , qui pressione , vel concepta putredine vitam tollit , nec terebra levari potest ob conditionem loci , ut inferiora orbitæ Oculi , et ossis Temporum , ossis Ethmoidis , basios carnii , &c.

*c* Medullæ Spinalis superioris profunda vulnera.

*d* Tum ea , quæ nervos cardiacos dissecant.

2. Quæ sanguinem Cordis effundunt ex ejus cavis vulneratis : unde vulnera Cordis profunda , in cava penetrantia , lethalia.

3. Quæ cruentem à corde , et à cerebro , cerebelloque derivant vel in cava corporis , vel extra illud , neque medellam

capere possunt ob situm loci, ut magna vulnera Pulmonis, Hepatis, Lienis, Renum, Pancreatis, Mesenterii (*a*), Stomachi, Intestinorum, Uteri (*b*) in gravidis, Vesicæ circa arterias ejus majores, Aortæ, Carotidum, Vertebralium, et similiū arteriarum, venarumque.

4. Quæ respirationem integre tollunt; ut abscissio laryngis cum subductione fistulæ scissæ, vulnera magna bronchiorum, Vulnera lata (*c*), utramque cavitatem thora-

(*a*) Præter arterias, et venas per Mesenterium decurrentes ex quarum vulnera lethalis hæmorrhagia sequitur, considerandi nervi, quorum læsio licet non magna intra duas, tresve dies necans, postquam acerrimis, et asiduis doloribus abdominis excrutati lugent vulnerati. Mirabile imperium in ipsas etiam vitales functiones habent nervi per abdominalia dispersi. Herniæ suffocatæ, intestinorum susceptiones... id docent.

(*b*) Partus Cesarei dicti hac ratione maxime metuendi. Nihilominus à perito Artifice aliquando optatum successum habuere in vivis fæminis: In demortuis enim necessario partus iste faciendus.

(*c*) Vulnera ista lethalia sunt. Aliquando tamen accedit sanata fuisse. Moritur, ait Hippocrates (Coac. prenot. num. 505.) si in arteriam asperam, et pulmonem magnæ admodum plagiæ inflictæ sunt, sic ut percusso pulmone minor sit, qui per os prodit spiritus, quam qui per vulnus excidit.

cis , cum admissu aëris perforantia , vulnera diaphragma ab utraque parte mediastini thoracis penetrantia , vel ejus nervosa (a) dissecantia.

5. Quæ motum Chyli in cor tollunt; abscissio œsophagi , magna vulnera ventriculi , intestini tenuioris , superioris integra dissectio , vulnus ductus thoracici , vel alvei chylosi (b).

171 Vulnera sua natura lethalia , arte vero curabilia (152) sunt , prædicuntur:

1. Vulnera Encephali terebra levanda.
2. Vulnera arteriæ , venæ majoris in

(a) Medium diaphragmatis locum ejus centrum tendineum dicunt Anathomici. Vocari etiam potest *pars nervosa* diaphragmatis , quia veteres tendinibus etiam nervi nomen impossuerunt. Diaphragmate vulnerato partes etiam abdominalis cavo contentæ musculorum abdominalium actione pressæ vulnus diaphragmatis ingreduntur , illud dilatant , in pectoris cava transeunt , sicque pulmonem comprimendo , et cordis ipsius actionem turbando , post sumas miseras mortem inferunt citius , vel serius.

(b) Licet venarum mesentericarum oscula undique hient in intestinalorum cavo , et resorbeant partem tenuissimam chyli , rectaque via ad hepar deducant; alium tamen chylosum succum solæ venæ lacteæ dictæ ex intestinalis hauriunt , et sic non videtur sustineri vita posse si solæ venæ mesentericæ ebibant tenuissima tantum , chyli autem admisio in sanguinem impediatur. Vulnera igitur ista lethalia sunt.

loco (*a*) , ad quem manus Chirurgi pervenire potest.

3. Viscerum , ad quæ manus , et medicamenta cum effectu sanationis pervenire possunt.

4. Quæ mortem inferunt emisso suo liquido in cava illa , unde id educi sine discrimine vitæ potest ; ut thoracis , abdominis , ureterum , vesicæ , intestinorum quædam vulnera.

172 Prædictitur lethale fore ex non lethali (153) per has causas.

1. Omissione purgationis effusi puris, unde tabes purulenta ; vel effusi sanguinis , hinc putrefacti.

2. Commisso vitio in sex rebus non naturalibus.

3. Neglectu , vel errore (*b*) Chirurgi.

(*a*) Per anatomen noscenda illa loca artuum ubi magnæ arteriæ , et venæ decurrunt adeo nudæ , ut comprimi possint. Talia sunt in artubus superioribus loca sub-axilaria , anterior, et superior ossis humeri pars , ubi arteriæ magnus truncus ad nudum fere os subjacens comprimi potest , sieque facile omnis haemorrhagia à vulnere locis inferioribus inficto sisti potest. In artubus inferioribus talia loca sunt in interiori , et anteriori fere media femoris parte, uti et sub poplitibus.

(*b*) Hippocrates ingenue fatetur se deceptum fuisse dum in capitib[us] vulnere non distinxerat ossis lasionem , putans suturam esse , et hinc

4. Temperie naturali , aut morbosa ægri , vel manifesta juxta historiam ejus ægri , vel aliquando adeo singulari , ut non nisi hoc eventu se manifestet ; quam intentus observet semper in suo rescripto ad judices consultus Medicus.

173 Hinc renuntiatio de Vulneribus , definitio temporis (*a*) , intra quod lethalitas determinatur , peti possunt.

174 Ex historia pariter Vulnerum (ab 145. hucusque) ; facilis erit prædictio even tuum aliorum , quæ (169) præsagienda habentur.

175 Phænomenon autem (158. 159.)

crediderat ægrum sectione non indigere , qui decimo sexto die periit , sero nimis adhibita sectione. Epid. lib. 5. num. 22. Dum Medicorum Principi , ait hic van-Swiet. tale quid accide re potuit unusquisque nihil humani à se alienum credat , sed omni cura adhibita errores prudenter evitet. Si jam talis error à Chirурgo , vel Medico commissus detegatur æquitas jubet ut Judicibus indicetur , ne alieni erroris pœnam luat ille , qui vulnus inflixit.

(*a*) Aliqui judicant vulnera intra novem dies necantia læthalia fuisse ; si post istos non læthalia. Hoc falsum est. Carotis discissa illico mortem inducit ; sed si statim ligetur intra breve tempus curatur , hinc tale vulnus læthale absolute non est cum per artem curari potuis set. Calvariae vulnera ; intestini tenuis discisio post multos dies neccant , et talia nihil hominus vulnera læthalia censemur.

causa patet perito actionum vitalium , et animalium. Vid. Morb. Solid. et fluid. in genere præmissos.

176 Tunicæ arteriarum exteriores , illæsa interiori , punctæ , sectæ , tusæ , distractæ (a) , erosæ , impetu sanguinis dilatantur , saccum formant , qui ad ovi sæpe magnitudinem crescit ; callosos parietes accipit ; pulsat ; colore rubello splendet ; compressus evanescit ; laxatus redit ; suam arteriam ampliat ; vicina vasa compriment angustat. Aneurisma verum vocatur (160), cuius causa , signa , effectus sponte cernuntur. Atque eo quoque refertur cordis aneurisma , ejus ortus , signa , et effectus.

177 Si ab iisdem causis , similiter vulnerata arteria , curata debilius firmatur , eadem fiunt (176).

178 Ubi ab iisdem causis (176) omnes tunicæ simul ruptæ liquorem effuderint in partes vicinas distentas , nec ex-euntem , fit collectio extravasati crux , continenter aucta , et sine mensura , mol-lis , vix pulsans , livida , compressu vix

(a) Validi nixus , pondera ultra vires sus-tentata , sternutatio , tussis valida , &c. arterias distractas in aneurismaticos saccos degenerare faciunt. In corde facile fiunt dilatationes , seu aneurismata , et quod mirum aliquando ab aere cava ipsius immaniter distendente , ut Ruischius obserbavit.

evanescens, brevi putrescens, hinc gangrenam vicinorum creans. Aneurisma sputrarium est, (160) cuius causa, signa, effectus ex ipsa hac descriptione cognoscuntur.

179 Alii effectus arteriae dissectae majoris (161) ex physiologia sponte intelliguntur, ut et phænomena (162) primo nervi dissecti.

180 Ut vero clara causa habeatur mirabilem effectuum, qui in nervis punctis, vel partim dissectis apparent, juxta dicta (163. 164. 165.) sequentia consideranda ex Anatomicis, et Theoreticis.

181 Nervus omnis visibilis est fasciculus minorum nervorum, membranulis nexorum, arteriolis, venulis, lymphaticis intertextis, una dein communi membra vestitus.

Per omnia hæc vascula, nervum componentia, perpetuo fluit liquor suis canaliculis proprius à corde, cerebro, cerebello, et medulla spinali. His omnibus vis contractilis satis magna semper adest.

182 Ergo partes nervi integre dissecti à loco vulneris versus firmas partes, quibus nectuntur, retrosiliunt, sub solidis ambientibus se recondunt, eorum vi comprimuntur, orificia claudunt sua, et suorum vasculorum, adeoque præter dicta (162) nihil damni.

183 Si sectus, vel punctus ita sit, ut

nonnulli nervorum dissoluti sint, qui uniti majorem componunt, partes solutæ retrocedentes (182) trahent minimas fibrillas, quæ necabant nervulos inter se et vascula (181), unde fiet in his perpetua, lenta laceratio; adeoque dolor ingens, acutus, continuus. Partes vero adhuc cohærentes sustinebunt nunc solæ omnem vim, quam ante simul, ergo plus distrahitur, et lacerabuntur, adeoque acutissime dolebunt, et distractæ comprimentur; ut transitus impediatur. Dum una pars soluta, altera cohærens, ita afficiuntur, vascula intermedia comprimuntur; ergo sanguis, lympha, spiritus sistuntur, urgentur, accumulantur, unde circa partes inflammatio cruenta, lymphatica, et spirituosa (a).

Inde nervi vicini, tendines, horum, et nervorum vaginæ, musculi, vasa tenduntur, stringuntur, convelluntur, hinc cerebri, cerebelli, medullæ spinalis meninges trahuntur, vellicantur, cerebri actio turbatur.

(a) Si in vasculo nervoso liquor, qui ob tenuitatem spiritus dicitur, sistatur ad finem ubi sentiendi organum extat, oritur intolerabilis dolor sine ullo visibili tumore, quia nervorum fines distenduntur, ut in podagra observatur. Ita Boerhaav. in Praxi Med. hic.

Hallerus de contractilitate nervorum dubitavit.

Ex quibus sequitur series omnium phœnomenon (163. 164. 165.) naturali necessitate.

184 Et intelligitur, quæ, et cur punctura, laceratio, vulnus nervi adeo funesta? Item cur membranis, tendinibus, vasisque multis eadem fiant.

185 Ut vulnus sanetur, opus erit:

1. Auferre ex eo illa, quæ, vel à liquidis, et solidis corruptis, vel ab instrumento vulnerante, aut aliunde, ibi relicta, adunationem impedirent.

2. Supplere perdita nova regeneratione ablati.

3. Unire separata, et in adunatione retinere.

4. Cicatricem naturali cuti simillimam obducere.

186 Fragmenta impacta metallorum, lapidum, ligni, vitri, globi tormentorum, thrombi cruenti, caro mortua, vel membranæ, ossa fracta, primo tollenda, si proderit.

187 Considerata natura vulneris, partis vulneratæ, materiæ impactæ, roboris ægrotantis, symptomatum securrorum, tolli, an relinquи debeant, judicatur.

188 Ex iisdem (187) definitur instrumentum, et modus, quibus tolli queant. (186).

189 Depurato sic (186. 187. 188.)

vulnere, si ablatum (*a*) quid fuerit de corpore, id repleri debet, generata iterum materia simili perditæ. Id sit, si 1. vascula arteriosa, lymphatica, nervosa, &c. ita se habent, ut sua liquida bona excipiant, transmittant. 2. si liquidum bonum naturale debita copia, et apto impetu fertur in illa vasa.

190 His enim (189) fiet canalium vulneratorum, retrotractorum, obturatorum, compressorum, fere exsuccorum (158), impletio, humectatio, extensio, elongatio, implicatio cum vicinis, applicatio ad alia, quæ ex reticularibus plexibus propinqua, et ope boni liquidi conglutinatio.

191 Et, dum hæc (190) ab omni puncto fundi præcipue, et laterum, aqua vi simul fiunt, impletur ab omni parte ad centrum cavitas vulneris materie solida, et liquida, amissis simili (*b*).

(*a*) Gasparus Taliacotius Med. et Chirurg. Profesor Bononiensis truncatas partes corporis nasum, aures, labia restituebat singulari artificio ex cute brachii incissa, et adaptata truncis locis. Hanc rem satis fusse tractavit in libro, quem inscripsit *de curtorum Chirurgia per insitionem*. Venetiis Anno 1597. in folio cum iconibus, et tabulis. Pareus, Hildanus . . id non impossibile judicarunt.

(*b*) Renata compages, seu caro licet non ea-

192 Ergo huc (189) requiritur i. victus debitus, ut chylus, serum sanguinis, et materia nutritia blanda, glutinosa, nec facile putrescens sit, sed facilis digestio-  
nis, et assimilationis. Decocta farinosa  
cruda, fermentata, Emulsiones, lac, Jura,  
fructus maturi cocti, olera lenissima,  
primaria sunt sèpè, at pauca copia si-  
mul exhibita; repletionem, famem, sitim  
cavendo.

193 Cognita temperies ægri, tempe-  
tatis ratio, consuetudo, et natura comi-  
tantis morbi (a), docet quale, et quo modo  
præparatum ex his (192) cuilibet proposit.

194 Acre impetum nimis augens, vi-  
tandum. Salsum, Aromaticum, Acidum,  
olus acre, vinum, ergo vulneri mala.

195 Item quæ facile putrescunt. Jura

dem simillimam saltem esse omnia phæno-  
mena docent, et crassissima sanguinea vasa æque  
ac tenuissima perspirantia sic renasci experi-  
menta evincunt.

Forcipes, pedes . . fracti, et etiam separati  
integre à Gammaris majoribus, et caucris  
marinis renascuntur, ut demonstravit perspic-  
cissimus Reaumur. In homine adeo impotens  
natura abscissam in vulnere carnem minime ger-  
minabit, reproducat?

(a) Vulnera in homine sano apius curan-  
tur ac in impuro acrimonia aliqua vexato, at-  
que ægrotante. Hoc facile patet.

nimiris spissa, herbæ alcalescentes, ergo obsunt; raphani, nasturtia, brassica, et similia.

196 Tum quæ difficulter in chylum, et sanguinem mutantur. Qualia sunt quæ sale, fumo, aëre induruerunt; vel quæ pingui multo scatent, ut lardum, pisces pingues, item anseres, anates, similes aves piscibus pastæ, &c. denique viscidæ: ut legumina crassa, farinosa, cruda, ova.

197 Ad eundem scopum (189) conducunt medicamenta: quæ tollunt impedimenta nata consolidationi (190. 191.), et plerunque Decocti forma exhibentur. Illa ergo erunt varia pro varietate ejus impedimenti, quod tollendum erit: nec ullum utile omnibus habetur.

198 Hinc pro re nata sumuntur ex attenuantibus, inspissantibus, mitigantibus, excitantibus, virtute singulari contrarium vitium emendantibus, aperientibus, laxantibus, adstringentibus, adeoque sæpe ex oppositis.

199 Quorum quid eligendum, docet cognita natura vitii in ægro, et tituli horum Medicamentorum (197. 198.)

200 Aëris puri semper, ab exhalante putri liberi, sæpe renovati, temperies sicca cum calore temperato optima.

201 Alvus servetur laxa usu emollientium, laxantium, *Eccoproticon*.

202 Somnus (*a*) conciliandus anodynus , victu humido , narcoticis.

203 Animus sit hilaris. Venus vitan-  
da , quies commendanda est.

204 Ut canales in debita conditione  
(189) maneant , nec liquida in vulnere  
corrumpantur , sicque lädant actionem  
(189. 190. 191.) descriptam , aër arcen-  
dus , vulnus totum fovendum balsamicis  
vulnerariis lenibus , implendum carptis  
ad æquabilem præssionem , nervisque ami-  
cis medicamentis.

205 Quibus (204) in vulnere retinen-  
dis Emplastra prosunt , vix aliud (*b*) huic  
scopo præstantia , quam tenacitatem , non  
lädentem.

206 Liquida ad vulnus allata , in vul-  
nus effusa , fibræ semimortuæ , canales

(*a*) Subtilissimi liquidi defectum spirituum  
nempe natura reparat unico tantum modo , per  
motum vitalem solum , silentio omni animali  
motu , id est , per somnum tranquillum. Dum  
validis laboribus lasatus , vel meditationibus ex-  
haustus homo optimos cibos sumit nisi simul  
blando somno corpus refecerit torpere mentem ,  
gravari corpus sentiet. Bonus somnus omnia  
ista emmendat. Hippocrates Animæ officia in  
somno ingeniose declarat dicens quod *vigilans* ,  
*et in corporis partes subrepens ipsa Anima do-*  
*nnum suam gubernat , omnesque corporis actiones*  
*ipsa obit.* Lib. de Insomn. cap. 1.

(*b*) Emplastra sanant vulnerat? Ita credunt  
qui sua ut specifica jactant.

obstructi, tumefactique creant in vulnere pus, ichorem, sordes, carnes spongiosas.

207 Quæ (206) digerente, abstergente, corrodente, exsiccante auxilio tolli solent, sæpe et comprimendo.

208 Illa (207) adhibenda, donec pus album, blandum, viscidum, læve, æquale, inodorum adsit; sub quo sordes abstergentur, contusa et tumida consumuntur, corrupta ab aëre separantur, cava implentur, conglutinantur separata.

209 Tum ea, quæ carnem generare dicuntur, applicanda, quæ sunt digerentes leniora.

210 Si autem, peractis, quæ primo scopo (185) satisfaciunt (186. 187. 188.), nihil ex substantia corporis ablatum deprehenditur, labia unienda ita sunt, ut partes naturaliter unitæ iterum sibi multo applicentur, atque ita retineantur.

211 Horum prius absolvitur 1. situ conciliato parti illo, qui quiescenti aderat: 2. leni, et æquabili partium ad se invicem compressu, ut in omni superficie contiguæ sint, et quiescant.

212 Retinentur in adunatione 1. Emplastris tenacibus, digitatis processibus, ad fines ansatis, utrimque à latere vulneris appositis, et per fila adducendis. Quæ locum habent in longis scissuris transversis cutis, vel partium laxarum.

213 2. Circumductu Fasciarum (*a*) , et appositu Spleniorum , ut partes dehiscentes (158. 1.) æquabiliter appressæ maneant, et coeant ; quod determinato pressionis modo facile fit. Convenit vulneribus inflictis juxta longitudinem partis vulneratæ.

214 3. Suturis per acus chalybeas , rectas in minori , curvas in majori profunditate vulneris , acuta acie , cauda cava filum cera obductum abscondente , ad sufficientem à vulnero distantiam infixas , ad fundum usque adactas , sic pariter in altero labio eductas , quarum filo adstricto unita prius labia retineantur , dein levi splenio superductum filum colligetur : id repetitur à medio , vel ab angulo vnlneris ad fines ejus , pro necessitate. Hinc balsamo labia linenda , superpositisque levibus spleniis supra nodos , Emplastro tegendum est vulnus.

215 Conveniunt (214) recenti , cruento , à magna tamen hæmorragia libero , simplici , pleno , puro , transverso , obliquo , anguloso vulneri (*b*).

(*a*) In his rite applicandis Chirurgi peritia, et dexteritas imprimis cognoscuntur. In Collegio Chirurgiæ Matritensi sub nomine SANCTI CAROLI Cathedra huic negotio vere utilissimo , atque necessario dicata est.

(*b*) Plurimæ circumstantiæ attendendæ in suturarum exequione. Damnandæ ergo , conclu-

Nocent (214) copiosum cruento stilanti, antiquo, sanioso, purulento, sordido, contuso, substantia propria orbato, crustis obducto, vasis magnis læsis periculoso, nimis profundo, valde inflammato, venenis infecto, in parte necessario mobili hærenti vulneri.

216 4. Acu manente vulneri per labia ejus transfixa, filoque ei ita circumducto, ut horum retroitum impedit, sed retineat unita. Convenit magnis, hiulcis, pendularum partium vulneribus.

217 Ultimus scopus (185. 4.) attingitur, curando ut pars parti sic respondeat, quemadmodum olim in sanitate, sicque retineantur, ut nimis nec premantur, nec laxentur; adurentia, stiptica, adstringentia vitando; in primis vero curando, ut in omni parte æquabiliter prematur vulnus. Quæ omnia obtinentur peractis, quæ

dit hic van-Swiet. quammaxime quorundam Chirurgorum imperitia, et temeritas, qui quævis fere vulnera, sine ullo discrimine, laceri panni instar consuunt.

In Aphor. Chirurg. Boerh. et van-Swiet. Comment. hispanicè versis Tom. I. pag. 388. extat Dissertatio Professoris Pibrac Suturas ex foro chirurgico fere penitus eliminantis. Tendinum vulnera, Achillis præsertim ruptio suturas respuunt. Petiti Machina pro sananda ista (de qua pag. 406.) per contiguitatem, seu partium approximationem celebris est, et in usum adhibenda.

descripta (ab 186. ad 206.) , et dein imposito leni desiccante medicamento ; denique cicatricem spirituosis abluendo.

## A P H O R. 198.

Agrimonia.	Limonium.
Alchimilla.	Lillium conva-
Aristolochia.	lium.
Baccæ Juniperi.	Ophioglossum.
Betonica.	Pastinaca.
Buxus.	Peryclymenon.
Beta.	Persicaria.
Centaurium minus.	Polytricon Apuleji.
Consolida regia.	Sanicula alba.
Media.	Sylvestris.
Saracenica.	Sophia.
Cyclamen.	Symphytum.
Diapensia.	Valeriana.
Dracunculus.	Veronica.
Hypericum.	Vinca pervinca.

*Decoccta Vulneraria , et potus.*

## I. Attenuans.

R. Foliorum	Daphnoides.
	Veronicæ.
	Rutæ singulorum manipu-
	lum unum et semis.
Radicis Caryophyllatæ	unciam unam.
Florum centauræ minoris	pugilos duos.

Decocti ex aqua libris tribus admisce.

Salis cardui benedicti drachmam unam.

Syrupi quinque Radicum aperitibarum uncias tres.

Bibat uncias quatuor quatèr de die calidas.

### 2. *Inspissans.*

R. Telephii.

Consolidæ majoris  
minoris.

Malvæ.

Parietariæ , singulorum manipulum  
unum.

Decoti ex aqua libris tribus admisce

Syrupi Altheæ uncias duas.

Usus ut prioris.

*Huc etiam referri possunt.*

Rheum.

Rhaponticum.

Hypericum.

### 3. *Mitigans.*

R. Seminum contusorum papaveris albî  
uncias tres.

Florum verbasci uncias duas.

Foliorum Bugulæ manipulos duos.

Radicis Scorzoneræ uncias duas.

Glycirrhizæ unciam unam.

Cum aqua decoque ad libras tres.

Exhibe in usum eundem.

### 4. *Excitans.*

R. Radicum Imperatoriæ.

Vincetoxici singularum unciam unam.

Foliorum Rutæ.

Scordii singulorum manipulum unum.

Seminum contusorum Bardanæ drachmas decem.

Seminum contusorum cardamomi drachmas quatuor.

Florum Lavendulæ.

Centauræ minoris singulorum uncias duas.

Cum aqua decoquantur ad libras tres.

Exhibe ut prius.

### 5. *Singulari virtute emendans.*

1. *Glutinosi* vid. *Attenuans.*

2. *Acidi.*

R. Seminum Sinapi unciam semis.

Radicis Armoraciæ.

Foliorum erysimi.

Nasturtii singulorum uncias duas.

Vase clauso leviter decocti libras duas exhibe.

Sumat uncias duas quater de die.

3. *Alcali.*

R. Radicis Oxylapathi uncias duas.

Foliorum Trifolii acetosi manipulos duos.

Radicis Acetosellæ unciam unam.

Florum Borraginis drachmas duo-decim.

Cum aquæ decoctæ leviter libris duabus.  
Exhibe in eundem usum.

4. Oleosi.

R. Tamarindorum uncias duas.

Chrystalli Tartari drachmas quatuor.

Radicis Graminis uncias quinque.

Cum aquæ decoctæ libris duabus admisce.

Rob Sambuci uncias duas.

Usus idem.

5. Aperiens, vid. *Attenuans*.

6. Laxans, vid. *Aphor. 54. Num. 4.*

Decoctum humectans.

7. Adstringens, vid. *Aph. 28. Num. 4.*

Titulo *Decoctum*.

A P H O R. 201.

*Emollientia alvi.*

Jura carnis bubulæ recentia, pinguia.

Olera lenia juri incocta. Aph. 35. N. 1.

Emollientia, et humectantia epota, et injecta. Aph. 35. N. 3. Aph. 54. N. 4.

Olea in primis pressa, recentia Amygdalorum dulcium, olivarum.

Laxantia alvi fere eadem emollientibus.

## ECCOPROTICA.

Fructus maturi horæi , acido-dulces,  
pulposi , succulentî.

Alkekengi.

Baccæ Ebuli.

Sambuci.

Caricæ.

Cerasa hortensia quæcumque.

Chamæmora.

Chamærubi.

Fraga.

Jujubæ.

Mala Armeniaca , Persica , vulgaria.

Pruna hortensia alba , cærulea.

Damascena , Gallica , Prignolensis,  
rubra.

Ribesia alba , nigra , rubra.

Rubi vulgares nigri.

Idæi albi , rubri.

Sebesten.

Tamarindi.

Uvæ vitis omnes species.

Gruinæ.

Crispæ.

Horum succi recentes , et musta.

Cassiæ unciæ duæ.

Mannæ unciæ duæ.

Tamarindi unciæ duæ.

Pulpæ Tamarindorum unciæ duæ.

Succi Rosarum palidarum uncia una.

Aloes rosati grana sex.

Passulæ unciæ quatuor.

Galbani scrupulum semis.

Radicis Polypodii Quercini uncia  
una et semis.

Rhabarbari scrupulum unum et semis.

Rhabarbari in infuso, drachma una.

Syrupi Altheæ Fernelii, unciæ tres.

Cichorei cum Rheo uncia una et  
semis.

Fumariæ unciæ duæ.

Rosarum solutivi uncia una et semis.

Violarum simplicium unciæ duæ.

Mellis simplicis in aqua diluti, un-  
ciæ duæ.

Pilulæ Rifi ad grana quatuor.

Electuarium succi Rosarum.

Diaphænici.

Benedictæ laxativæ.

## APHOR. 202.

### *Anodyna sunt.*

Quæ causas doloris tollunt, minuunt.

1. Diluentia. Aph. 54. num. 4.

2. Laxantia. Aph. 35. num. 1.

3. Humectantia. Aph. 35. num. 4.

4. Acre emendantia. Aph. 66. 88.

5. Tumores distendentes resolventia Apho-  
rism. 54. num. 4.

### *Narcotica sunt.*

Quæ acumen sensus obtundunt, et sunt:

i. Paregorica mitissima , ut

Seminum Papeveris albi contusorum  
unciae duæ.

Syrupi capitum papaveris albi , uncia  
una , et semis.

Diacodii uncia una , et semis.

Syrupi Florum Ræados unciæ tres.

Hinc varia commode parari , et adhiberi  
tuto queunt , V. G.

*Haustus Paregoricus mitissimus.*

R. Aquæ Stillatitiæ florum Rhæados un-  
ciæ tres.

Fabarum unciam unam.

Aquæ Stillatitiæ florum Pæoniæ.

Sambuci singularum unciam  
unam , et semis.

Tiliæ unciam unam.

Syrupi Florum Rhæados unciam unam,  
et semis. Misce.

*Idem Paulo magis hypnoticus.*

R. In præcedenti misturæ loco Syrupi  
Rhæados , tantundem Syrupi Dia-  
codii , vel Syrupi capitum papave-  
ris albi.

*Emulsio anodyna mitissima.*

R. Amygdalarum dulcium.

Strobilorum Pini.

Seminum Papaveris albi singulorum unciam unam.

Cum aquæ stillatæ florum Rhæados quan-

titate sufficienti.

Fiat secundum Artem Emulsio , cuius un-

ciis decem admisce.

Syrupi florum Ræados unciam unam.

*Eadem paulo plus soporata.*

R. Loco Syrupi Florum Rhæados , ean-

dem dosin *Syrupi Diacodii* , vel

*capitum Papaveris albi* , in præce-

denti emulsione.

2. Fortiora Narcotica.

### *Pilulæ narcoticæ.*

R. Opii purissimi grana duo.

Fiant Pilulæ tres.

Detur una pro dosi , repetendo post ho-

ram , si prior nihil efficit , sic et tertio;

### *Pulvis Similis.*

R. Opii purissimi parum siccati grana duo.

Coralliorum rubrorum.

Sacchari perlati singulorum drachmam

semis.

Misce. Fiat pulvis. Dividatur in dosibus

tribus.

Usus idem , qui in Pilulis modo des-

criptus.

*Conditum Simile.*

R. Opii in pulverem redacti præcedentis  
Dosis unam.

Mivæ Cydoniorum drachmam unam.  
Misce. Fiat Bolus.

Hic usurpari, geminarique potest eodem  
modo.

*Haustus in Guttulis.*

R. Opii parum siccatai drachmat unam.  
Spiritus vini rectificati unciam unam.

Fiat Tinctura.

Dosis guttæ triginta ex

Aquæ stillatitiæ Melissæ unciis duabus.  
Syrupi Florum Rhœados uncia semis.

*Vel.*

R. Opii parum siccatai drachmam unam.

Spitus aceti unciam unam

Fiat tinctura.

Dosis guttæ triginta, ex

Aquæ stillatitiæ florum Rhœados un-  
ciis duabus.

Syrupi florum Rhœados uncia se-  
mis.

*Mistura narcotica calida.*

R. Tincturæ opii cum spiritu vini recti-  
ficati guttae septuaginta.

Syrupi papaveris albi drachmas sex.  
Aquæ stillatæ corticum citri.

Aurantiorum.

Cinamomi singularum uncias duas.  
Misce. Sumatur chochlear unum omni  
dimidia hora, donec sopiatur dolor.

*Mistura similiſ frigida.*

R. Tincturæ opii cum spiritu aceti præ-  
paratae guttas octoginta.

Syrupi Mororum drachmas sex.

Aquæ stillatitiae Borraginis.

Papaveris erratici singularum  
uncias tres.

Misce in eosdem usus.

*Emulsio Narcotica fortior.*

R. Seminum papaveris albi contusorum  
uncias duas.

Cum aqua decocta Hordei fiat emul-  
sio, cuius unciis decem admisce

Syrupi Diacodii unciam unam, et semis.

Tinturæ opii cum spiritu vini recti-  
ficati guttas viginti.

Aquæ stillatæ Cinnamomi drachmas  
duas.

Corticium citri drachmas decem.

Capiat unciam unam et semis omni hora  
donec incipiat leniri dolor.

*Epithema Narcoticum.*

R. Tincturæ opii in spiritu aceti drachmas tres.

Aquæ stillatæ florum Sambuci  
Rosarum, singularum uncias tres.

Aceti Sambucini

Rosacei singulorum unciam semis.

*Misce. Cum pannis applicetur temporibus  
utrinque.*

Juvat hic maxime parti dolenti demulcentia ita apponere, ut tollatur causa, quæ his ægris somnum arcet, qui est dolor in ipsa hac parte. Eo in primis valent sequentia tepide applicata, atque in eodem tempore bene conservata tandiu, donec dolor levatus erit.

*Cataplasma Narcoticum emolliens.*

R. Foliorum recentium Papaveris hortensis manipulum unum.

Hyoscyami nigri manipulum  
semis.

Altheæ manipulos quatuor.

Cum lacte recenti decoctis sub finem admisce

Farinæ seminum lini unciam unam.

Olei recentis pressi seminum lini uncias duas.

Fiat secundum artem cataplasma.

*Fomentum Simile.*

R. Succum expressum ex decocto priori cataplasmatis dilutius parato libras tres.  
Admisce secundum artem  
Opii puri drachmam semis.  
Fiat fomentum.

R. Aceti Rosacei , diu digesti cum radice Hyoscyami quod sufficiat pro fotu.

## A P H O R. 204.

*Balsami blandi vulnerarii ad vulnera pura.*  
Colla in vino soluta ilico consolidat.

1. *Balsami nativi.*

Copaybæ.	De Tolu.
De Gilead.	Terebinthina.
Liquidambar.	Resina Abiegna , et
De Mecha.	Laricea.
Opobalsamum.	Butyrum.
Palmæ.	Medulla.
De Peru.	Mel.

2. *Balsami artificiales simplices vulnerarii,  
blandi.*

Olea rectificata Ceræ.	
Terebinthinæ crassum.	
Lini , Hyperici , Rosarum.	
Oleum solani ; trifolii odorati.	
Butyrum recens.	

3. *Balsami artificiales compositi similes.*

R. Florum sulphuris drachmas quatuor.  
 Olei lini , vel olivarum uncias quatuor.  
 Leni igne coque ad dissolutionem  
 sulphuris integrum.

R. Gummi Elemi purissimi minutissime  
 concissi partem unam.  
 Leni igne lente dissoluto admisce  
 Terebinthinæ venetæ puræ nativæ par-  
 tem unam.  
 Soluta per linteum trajice : tum admisce  
 Medullæ Bovinæ coctæ , et separatæ  
 à membranis partes duas.  
 Est Balsamus universalis instar Arcei.

R. Ligni Santali rubri libram unam.  
 Aquæ communis libras quatuor.  
 Coque spatio duarum horarum , cola , ins-  
 pissa in extractum spissum , cui admisce  
 Sanguinis Draconis minutissimam in  
 farinam redacti drachmas duas.  
 Hujus aliquantulum misce *Balsamo*  
*præscripto* , donec habeat gratum rubrum  
 colorem. Erit Balsamus ruber.

R. Olei olivarum libram unam , et semis.  
 Ligni santali rubri unciam semis.  
 Coque leniter , donec oleum saturate ru-  
 brum , tum fervidum cola per linteum,  
 in eo solve ad ignem lenem

Ceræ citrinæ libram unam.

Terebinthinæ optimæ libram unam,  
et semis.

Est instar Balsami *Lucatelli*.

Si ei admisces

Balsami Peruviani unciam unam

Erit eo prestantior.

Usus omnium : calefactum instilla  
vulneri , superpone plumaceolum balsamo  
tinctum , deliga semel singulis viginti  
quatuor horis.

R. Mastiches.

Olibani.

Sarcocollæ singulorum quod placeat.

Misce. Fiat pulvis subtilissimus, inspergen-  
dus vulneri.

### A P H O R. 205.

*Emplastrum defensivum rubrum.*

R. Olei Rosacei.

Ceræ albæ , singulorum uncias sex.

Boli Armenæ.

Sanguinis Draconis , singulorum un-  
ciam unam , et semis.

Rosarum Rubrarum pulveris unciam  
semis.

Misce. Agita donec refrigefacta.

*Emplastrum defensivum cœruleum,*  
de Minio.

## *Digestivum.*

R. Terebinthinæ nativæ unciam unam.  
Vitelli ovorum numero unum.  
Exakte mistis adde miscendo  
Mellis Rosarum unciam semis.

### *Abstergens.*

R. Aloes. Myrræ. Foliorum Scordii. Saponis veneti tenuissime rasi drachmam unam. Accurate contritis simul admisce Digestivi præcedentis drachmas tres.

## *Corrodentia.*

I. *Mitissima.*  
 Alumen ustum.  
 Cinis ligni viridis combusti.  
 Mercurius dulcis.  
     albus præcipitatus.  
 Vitriolum album.

2. *Fortiora.*  
Mercurius ruber præcipitatus.  
Vitrioli colcothar.  
Trochisci de minio Viginis.

**3. Fortissima.**  
**Butyrum Antimonii.**

Lapis infernalis.

Mercurius sublimatus corrosivus.

Oleum Tartari per deliquium.

Oleum vitrioli.

*Quo fortiora eo prudentius usurpanda.*

### *Elixir corrodens.*

R. Aloes.

Myrrhæ singulorum drachmam unam.

\* Salis tartari drachmas duas.

Aquæ communis uncias duas.

Misce. Coque in Elixir.

### *Unguentum exsiccans.*

R. Æruginis uncias quinque.

Aluminis crudi unciam unam.

Aceti fortis uncias septem.

Mellis puri uncias quatuordecim.

Coque in Unguentum. (*Nimium, validissimum, usui nostro ineptum*).

### *Exsiccantia.*

Alumen leviter calcinatum.

Aqua calcis vivæ.

Lapis Hæmatitis.

Mastiche.

Sanguis Draconis.

Sarcocolla.

## A P H O R. 209.

*Carnem generantia Sarcotica dicta.*

Balsami vulnerarii , Aphor. 204.

R. Ceræ citrinæ.

Picis nigræ.

Resinæ vulgaris singularum libram  
semis.

Olei Lini libras duas.

Misce. Est Basilicon , seu Tetrapharmacum.

R. Ceræ citrinæ uncias sex.

Olei Florum Hyperici infusione pa-  
rati libras duas , et semis.

Lenissimo igne fassis adde

Resinæ Pini siccæ , contritæ,

Colophoniæ vulgaris electæ , singula-  
rum unciam unam et semis.

Ubi simul flunt , remota ab igne , per  
linteum trajectis admisce

Terebinthinæ venetæ puræ uncias duas.

Baculo mota , ubi densari incipiunt ins-  
perge

Masticæ electæ,

Olibani puri singulorum unciam unam.

Croci tenuissime contriti drachmam  
unam.

Est Unguentum Aureum.

## A P H O R. 212.

*Emplastrum tenacia.*

R. Emplastri Diapalmæ quod suficiat.

Olei olvarum parum.

*Solve.*

R. Picis vulgaris quod suficiat.

Extensa ad linteum applicentur.

## A P H O R. 217.

*Cicatrisans, Epuloticum dictum.*

Unguentum desiccativum rubrum.

Diapompholygos.

Calcis.

Nutritum.

Album Rhasis.

Emplastrum album coctum.

de Lapide calaminari, seu griseum.

de Minio rubrum.

Sparadrapum Gualtheri.

Colophonia ex Terebinthina cocta in farinam redata.

Thus, Olibanum, Masticæ.

## HÆMORRHAGIA (a).

218 **S**i crux manat ex vulnere multus per suas (159. 160.) causas , sistitur 1. Causticis ignitis. 2. Corrosivis. 3. Adsstringentibus. 4. Circumstricto filo. 5. Dissectione integra. 6. Fasciis , et splenio pyramidali comprimentibus.

219 Revulsio hic (218) nihil juvat, nisi vascula læsa (159) parva , et plethora adsit. Eadem de victu , potu , et internis medicamentis vera sunt : quæ autem de hæmorrhagia dicta , eadem et fluxui ichoris applicari queunt ; licet auxilium hic summum in balsamicis crassioribus.

## A P H O R. 218.

*Corrosiva.*

Vitriolum album.

Lapis infernalis.

Oleum vitrioli.

(a) Præcipua symptomata , quæ in vulneribus occurrent , et curationem peculiarem expostulant sunt Hæmorrhagia , Dolor , et Convulsio , de quibus hic sub hoc titulo agit Boerhaavius.

*Adstringentia.*1. *Quæ vasa contrahunt.*

Alcohol.

Spiritus Terebinthinæ.

Succus recens Cydoneorum immaturorum.

Sanguis Draconis.

Crepitus Lupi.

Crocus Martis.

2. *Quæ cruentum coagulant.*

Alcohol.

Farina volatilis.

Spiritus Nitri.

Sulphuris.

Vitriolum calcinatum.

Saccharum Saturni.

Granatorum cortex.

Flores.

Lapis Hæmatitis.

## A P H O R. 219.

Masticæ.

Olibanum.

Sarcocolla.

Terebinthina ad duritiem cocta.

## D O L O R.

220 **S**i fibra nervosa, cerebro orta,  
ita extenditur, vel alio modo disponitur, ut  
dissolutionem minitetur, fit Doloris idea.

221 Qui eo acrior , quo fibra rupturæ propior : eo autem mitior , quo naturali est tensioni propior.

222 Unde Dolor summus in eadem parte brevis , mitior diuturnus esse , et intendi potest , et remitti.

223 Causa Doloris ergo omne id est , quod talem extensionem , vel dispositionem , (220) facit.

224 Quo refertur 1. vis naturalis contractionis paucioribus fibris sustentata , dum qnædam solutæ (a) sunt (183) 2. quod vas fibris nervosis contextum nimis re plendo distendit ; eo obstructio , plethora , cacochymia abundans , auctusque motus circularis , spectant. 3. quod vi distract hit , ut luxatio , tumor , vis externa. 4. om ne vulnerans , et rodens.

225 Inde Doloris (220) in vulnere (145) causa multiplex (224) cognoscitur.

226 Et effectus , inquies , jactatio , vigilia , febris , calor , sitis , siccitas , convulsio , gangræna , intelliguntur.

(a) In Paronychiæ pessima specie in qua tendine flexorum digiti affecto tam immanis dolor oritur , hoc apparet : excidit enim sæpissime ultimæ phalangæ digiti osiculum post enormes toleratos cruciatus. Philotas apud Quintum Curtium (lib. VI. cap. XI.) flagellorum ictus nudis ossibus incusso ferre non potuit cum alia vere intoleranda firmiter toleravisset.

227 Tum Anodyni diversitas , pro varietate causæ , scitur.

228 Doloris causa tollitur ergo 1. laxata distenta fibra. 2. resolutione concreti. 3. minuto motu , et materia distendente. 4. ablata tractione inæquali , et violenta. 5. lenito acri. 6. discussso eodem. 7. educto eo , quod solvit fibras.

229 Doloris sensus tollitur , manente ejus causa (224.) 1. nervo inepto ad sensum redditio compressu , dissectione , vel exustione (a). 2. Sensorio communi obtuso per vim narcoticam (b) : atque his tolluntur nonnulli effectus (226) ex Doloris sensu oriundi.

### A P H O R . 228. et 229.

Vid. 202.

(a) Medicamenta ista caustica actualia ab ipso Hippocrate tanquam suprema remedia in quamplurimis morbis contumacibus , et violen-  
tissimis prædicantur. In sævissima odontalgia,  
in qua acerrima olea stillatitia caryophylorum,  
origani .. denti cavo impossita statim nervum,  
quem tangunt ignea vi destruunt , suplere pos-  
sunt ; in capitibus doloribus ; in molestissimo mor-  
bo Ischiadico .. Hinc tantus Moxæ usus in dol-  
oribus artriticis tollendis , imo et in ipsa pod-  
agra ex artemisiæ lanuguine confecta prodest.

(b) Videtur Divina misericordia hæc auxi-  
lia hominibus concesisse , ut dolores enormes,  
quorum causæ tolli nequeunt , vel non nisi lon-

## CONVULSIO.

230 **V**iolenta, invita, et alterne repetens, contractio musculi Convulsio vocatur.

231 Cujus causa id, quod liquidum nervosum vi alterna in musculos convulsos pellit.

232 Adeoque in ipso vulnere hærere potest, sive sit materies aliena irritans, sive ipsa nervi læsi (163. 164. 165. 183. 184.) conditio, sive evacuatio cruxis nimia (a) prægressa.

ga temporis mora enervari possunt, sopiantur pro tempore. Nihilominus imprudens opii quantitas in non asuetis deliria, convulsiones, et lethalem apoplexiā producere potest. Drachma opii inter pocula inscio vini ciato propinata quindecim horis elapsis necavit eum. Tumores lividi infantis quadrimestrī caput magnitudine equantes, brachia, et fæmora cadaveris deturpabant cum fœtore intolerabili: centeni feles ex vicinia turmatim accurrebant, et cadaver lingebant cum aviditate tanta ut certissime devorassent nisi cautum fuisset.

(a) In mactatis animalibus observatur ista. Dum per abortum, vel post partum patulis uteri vasis omnis fere sanguinis copia exit, toties convelluntur mulieres, et sëpe subito pereunt. Idem observatur dum hypercatharsi per alvum

233 Quin et effectus ejus , perturba-  
tio omnium Actionum cognoscitur.

234 Sanatur. 1. Ablato irritante (186)  
arte Chirurgi (187. 188.) 2. Acri leni-  
to , vel dissipato. 3. sublata nervi condi-  
tione (232) per remedia (228. 229.) des-  
cripta. 4. repletione per lene , amicum,  
liquidum alimentum assiduo pauca copia  
ingestum. 5. sedata simul hæmorrhagia.  
(218. 219.)

235 Tumor , et inflammatio levis vul-  
nери bona ; si augentur , mala : balnea,  
fotus, anodyna , antispastica, loco læso , et  
toti applicata ægro , prosunt : de quibus  
in historia , et curatione Inflammationis.

236 Sanguis in cava corporis per vul-  
nus delapsus inde ocyus educendus situ  
corporis , suctu per fistulam , si recens,  
vel dilutus primo , apertura vulneris di-  
latata , vel nova.

237 Si vulnus inter firmas partes cor-  
poris descendit , via paranda sordibus pres-  
sione , lotione , ligatura , apertura vulne-  
ris nova , vel dilatata.

nimia copia liquidorum de corpore subducitur.  
Hoc utroque casu vasa vacua collabuntur , et  
sanguis corde pulsus non potest propagare mo-  
tum acceptum per vasa plena ; sed libere ruit  
in vasa vacua ; sic deficit requisita præsio  
æquabilis in encephali vasis , unde convulsio , quæ  
est : violenta , invita , et alterne repetens contrac-  
tio musculi ex Aphor. 230.

238 Dilatatio fit cultro, linteis carpatis, spongia (a), radice Gentianæ, et similibus siccis immissis, filo alligato, absortu humoris tumentibus, sicque dilatantibus (b).

APHOR. 234. NUM. 2.

Vid. 66. 88.

APHOR. 234. NUM. 4

Tale est jus carnium recentium.

### A P H O R. 235.

#### *Antispasmodica.*

1. Laxantia. 2. Diluentia. 3. Resolventia.
4. Absorbentia.  
Lapis cancrorum.  
Margarita.  
Ebur.  
Cornu Cervi.  
Sanguis Hirci.  
Dens Apri.

(a) Resina cum cera, et paucō oleo liquata, et iis spongia pura siccissima immersa, hoc emplastro penetrata, et postea validissima actione preli expressa, et postea refrigerata in quasvis figuris scindi poterit, et ad id operis poterit sic utiliter deservire.

(b) Tres isti ultimi Aphorismi ad vulnera in genere, vel ad Abdominis vulnera aptius spectant, ad quæ loca relegandi.

- Ungula Alcis, &c. Aph. 66. num. 5.  
 5. Opiata. Aphor. 202.  
 6. Nervos sopientia.

Oleum Terebinthinæ, Copaybæ, &c.

A P H O R. 236.

Diluitur crux coagulatus, extravasatus,  
his vel similibus.

- R. Mellis communis uncias duas.  
 Saponis Veneti drachmas duas.  
 Salis Marini drachmas quatuor.  
 Aquæ pluviae uncias duodecim. Misce.
- R. Salis Ammoniaci.  
 Nitri, singulorum drachmas tres.  
 Urinæ recentis sani uncias duodecim.  
 Mellis communis uncias duas. Misce.
- R. Aloes in aqua solutæ, à foecibus re-  
 sinosis ritè depuratæ, iterum le-  
 niter inspissatæ drachmas quatuor.  
 Ammoniaci salis drachmas duas.  
 Boracis drachmas duas.  
 Mellis puri uncias duas.  
 Vini Gallici albi uncias duas.  
 Aquæ pluviae uncias novem. Misce.

Horum tepefactorum prudens injectio,  
 lenis dein in loco cum sanguine ibi stag-  
 nante conquassatio, diluit, resolvit, à pu-

tredine præservat, egressum parat: unde summus horum usus ubi crux extra vasa elapsus, in magnis cavitatibus stagnat, coit.

## VULNERA CAPITIS.

**V** 239 ulnera Capitis lædunt vel sola externa communia; vel periosteum; vel cranium; vel duram Matrem; vel piam simul; vel Cerebri vasa, substantiam, corticem, medullam, ventriculos.

240 Sola externa læsa, scitur. 1. ex causa vulnerante, ejus figura lædente. 2. vi ejus parva. 3. loci vulnerati conditio-  
ne, quoad figuram in primis. 4. levitate symptomatum. 5. conspectu. 6. specillo.

241 Hæc (240) licet levia videantur, sæpe ex propinquitate muscularum, ten-  
dinum, suturarum, periostei, cranii, ner-  
vorum, vasorum, cerebri, periculosa  
fiunt; tum quoque à vi contractili par-  
tis læsæ.

242 Maxime, si contusio simul adest.

243 Aut, si sub parva (*a*) apertura lata  
læsio sordes colligit.

(a) Van-Swiet. proponit casum febris in fa-  
bro lignario à levi vulnusculo capitis proce-  
dentis licet occultaretur; sed sagaciter inventa  
causa ista ait: jussi, ut illico discinderentur  
integumenta loci affecti; et sequenti die febris

244 Collecta enim materies (242. 243.) miros tumores , erysipelas , œdema , dolores , convulsiones , ossis et periostei putredines , febres , mortem creat. Aër calva alluens , incaute appositu emplastrorum ibi coercitus , impressus , mira emphysemata facit.

245 Si sola ergo integumenta laesa sine dictis (241. 242. 243. 244.) , facilis sanatio per ligaturam idoneam , et curationem descriptam ab (185. ad 239) , licet sæpe apparent maxima : in primis vero juvat recens esse , dum incipit curari , rite uniri , raro diligari (a) , et citissime , atque defendi cum cura à nimium humidis , aut laxantibus , et oleosis , ipsoque aëre.

246 Si adsint vero descripta (241) , utendum remediis variis (185. ad 239.) , pro varietate partis affectæ (241) , et mali.

247 Contusa hic (242) rite digerenda his , quæ dissipare possint , vel suppurrare , modo elegantur semper ea , quæ bona nervis membranisque (204. 207. 245.) , aut exscindenda sunt.

jam remisior , et omnia symptomata longe leviora erant : benigna supuratione depurabatur locus , et feliciter sine ullo graviore malo evasit.

(a) Cesar Magatus utilissimum tractatum edidit *De rara medicatione vulnerum à chirurgis cura magna legendum , et observandum.*

248 Si adsit malum (244), dilatare cultro, et depurare opus (238. 207. 208.)

249 Pericranio læso, ut nudet diu os, vel ut putrefiat, os privatur vasis perios-tei, adeoque et suis, stagnat in his liquor, putrefactus squamam separat, unde os flavum, fuscum, nigrum, tandem foliolum deponit.

250 Cujus causa (149) interrupta va-sorum continuitas, frigusve aëris con-stringens, et exsiccans fines vasculorum in osse; falso accusata ejus malignitate.

251 Effectus vero, augmentum malo-rum (249).

252 Curatio fit. 1. os leviter parva terebra diversis, vicinisque locis, usque ad medium perforando, unde exfoliatio cavetur, periosteum inde renascitur. (a) 2. inde arcendo pus, saniem, pinguia, aquea, aërem, applicatis plumaceolis spi-

(a) Scalpra, cauteria . . vitanda. Methodus hic proposita præstantior. Per diploen multa vasa decurrunt, quæ per orifcia exeunt elongata, et pericranium retexunt. Hoc experientia confirmatur. Chirурgo peritissimo Belloste tribuitur istud inventum. Ast apud Hippocratem pulcherrimæ hujus methodi vestigium jam re-peritur. *Ubi os carne nudatum fuit . . Exigua terebra osse perforato sanguis detraendus est non nisi ex diploe subinde adhibita cautione, quod os juniorum tenuius sit.* (de Capitis Vulneribus cap. 30.) Vid. §. 262. Not. (a).

ritu vini Mastichino imbutis. 3. raro , et citissime deligando.

253 Qua arte ex punctis fodicatis (252) et undique , emergit nova substantia qua- si carnea cito , tumque reliqua (249) sa- nantur , ut dictum , (245. 246. 247. 248).

254 Si Calvaria læsa est , pro varie- tate causæ , fissa (a) , fracta , contusa , in- tropressa , vel evulso fragmento spoliata erit , atque hæc vel in una , vel in utra- que ejus tabula.

255 Sic affecta (254) scitur 1. causa vulneris forti. 2. vulneris magnitudine collata figuræ loci vulnerati. 3. specillo. 4. atramento affuso. 5. strepitu inter mor- dendum. 6. visu fracti , contusi , vel punc- tis pallidis colorati cranii. 7. tactu ipso. 8. symptomatibus integumentorum ; carne circa septimam diem abscedente , dolore,

(a) Fissura dicitur solutio continui in osse, oblonga , ut plurimum , angustissima plerun- que , et cum aliqua adhuc partium cohæsio- ne. Ad istas in capite , seu calvaria dignos- cendas suturarum habenda est specialis cura; harum enim loca in variis hominibus , et in varia ætate differunt. Jam id Hippocrates mo- nuerat dicens ; *hominum capita neque inter se similiter habent, neque suturæ capitinis omnibus in eodem loco sitæ sunt* (libro citato.) Nihilominus errorem suum humiliter fassus est dicens ; de- ceperunt me suturæ.

natura puris tenui , et graveolente , vulneris malignitate aliena.

256 Effectus hujus mali (254) 1. partis osseæ separatae mors. (249. 250. 251.) 2. infectio vicinorum. 3. hinc saepe totius ossis infecti putrefactio. 4. Caries diplœs. 5. Integumentorum cranii , et cerebri corruptio. 6. inde mala affecti cerebri , convulsio , sopor , paralysis , apoplexia , mors.

257 Ex quibus (254. 255. 256.) et cognitio , et prædictio (a) hujus morbi noscuntur.

258 Et indicatur ad curationem. 1. loci læsi detectio. 2. mundatio. 3. terebratio (b) ossis. 4. Ejus periostei regeneratio. 5. reliqui vulneris sanatio.

(a) Prudentia postulat , ut hæc omnia vulnerati amicis proponantur , ne postea sequentia mala medentis incuriae , non autem vulneris malignitati adscribantur. Ita etiam majori cura observabuntur illa , quæ tam in dietæ regimine , quam in cura vulneris prescribantur , ab adstantibus , et ab ægro ipso , cui mali gravitas indicanda.

(b) Operatio ista magnas requirit cautelas. Ruischius annoso artis usu dicit multos casus vidisse veræ cranii fracturæ , in qua symptoma non augentur , venæ sectione , fomentis calidis , cephalicis larga copia applicatis curationem sine ferramentis contigisse. Celsus voluit auxilia ista tentari usque ad diem quintum.

An ultra?

259 Locus detegitur. 1. incidendo tegumenta læsa per scalpellum recta, angulosa, perpendiculari, decussata sectione, in os usque impressa, caute in fractis, et vacillantibus fragmentis, varia electa pro varietate loci, et mali. 2. separando secta à cranio exacte per scalprum. 3. infaretu carpti lintei.

260 Cruor, pus, sanies, sordes, spongiolis absorbentur; fragmenta, festucæ, squamæ ossis, si parva, libera ab omni membrana, oculo mox patentia sunt, eximuntur volsella; vel solvuntur forfice; quæ mundatio artificialis.

261 Eadem nimis magna, hærentia (*a*) vivis, abscondita, relinquuntur, nam vel sponte separantur, vel recrescunt ad viva. Hæc mundatio naturalis.

262 Si os contusum, album, fuscum, lividum, fissumve appetet, minutis hinc inde foraminulis perterebrandum (*b*), ut

(*a*) Fragmenta calvariæ recrescere possunt si colorem servant naturali similem, et præsertim si adhuc cohærent cum pericraneo. Hoc pluribus casibus confirmatur, et Hippocratis auctoritate fulcitur (lib. de Capitis Vulneribus. cap. XXVIII).

(*b*) Hippocrates postquam monuerat ossa fracta non esse educenda cum periculo, nisi sponte sursum cedant, dicit: *sursum autem cedunt, carne subnascente, subnascitur autem ex*

præscriptum (252), ita enim viva exeunt,  
et mortua expellunt cito.

263 Quo ipso (262) perioste regene-  
ratio cita (252).

264 Sanatio tum reliqui descripta est  
(245. 246. 247. 248. 253).

265 Inde patet, cur angusta fissura  
periculosior (*a*) sæpe, quam ingens cranii  
contusio (256).

266 Et patet, hanc methodum (252.  
262.) præferendam ustioni, scalpis, tre-  
panis Veterum in his malis (249. 254.  
256. 262.)

267 Cranium in junioribus intropres-  
sum, in adultioribus post fracturam intropulsum, Cerebrum premit; pro varie-  
tate loci pressi, pro varia magnitudine,  
profunditate, acutie, punctura prementis,  
producit hebetudines, sopores, vertigines,  
tinnitus, caligines, deliria, vomitum bi-

*diploe ossis, et ex sano (osse) si superior tantum  
ossis pars corrupta fuerit. Sola observatione sic  
didicit Hippocrates illud, quod postea Recen-  
tiorum industria confirmavit: Carnem enim vo-  
caverunt Antiqui Medici, (et etiam Recentiores  
codem vocabulo ussi sunt) vascularem illam  
compagem, quæ in vulneribus renata jacturam  
substantiæ restituit. Van-Swieten. hic.*

(*a*) Fissura difficile cognoscitur, sæpe non  
detegitur nisi sero, non potest certo cognosci  
quousque penetraverit.. Hinc periculosior ..

lis (a), dolores capitum, convulsiones, paralyses, lotii, fæcumque spontaneum extum, apoplexias, febres, mortem.

268 Quin et ipsum Cerebrum ita læsum, corruptum hinc inflammatione, suppuratione, gangræna, fungo, hæmorrhagia, similia mala (267) parit.

269 Id vitii (267) cognoscitur tactu, visu, ablatis integumentis (259).

270 Ablatio pungentis, restitutio prementis in statum naturalem, conservatio hujus status sufficient curationi.

271 Ergo detectum cranium (259) molle in pueris, emplastro tenaci elevatur; in adultis, si firmum, elevatorio attollitur; si vacillans terebram non sustinet, perforanda juxta fracturam calva-

(a) Mirum symptoma quod in capitum vulneribus cerebrum læsum, vel compræsione, aut concusione male affectum semper denotat. Aliæ causæ leviores ctiam bilis vomitum producunt. Agitatio navis inasuetis; rotatio in girum . . . cerebrum turbando eum producunt. Vicisim bilis corrupta circa præcordia hærens omnes cerebri actiones turbare potest miris modis vertigines, deliria, convulsiones, &c. excitando. Excussa hac saburra illico cesant omnia hæc mala. Ex his patet mirum commercium adesse inter caput, et præcordia, sic ut in se mutuo efficacissime agant: nec hactenus hoc ex cognita corporis fabrica explicari facile poterit, licet certissimis experimentis constet rem sic se habere. Van-Sweten. hic.

ria , ut vecti possit attolli impressum vacillans ; juvat sternutatio (*a*) , et animæ retentio.

272 In situ tenetur cavendo pressionem externam apta deligatione.

273 Fisso , fracto , contusove cranio, si arteriæ , venæ , lymphatica vasa sub crano rupta effuderint suos humores , hi premendo cerebrum producunt mala (267) , tum putrescendo in pus , ichoremve , inficiunt tenerrima vicina cerebri , unde rursum similia. Hæc vasa ex crano in duram , ex hac in piam , inde in cerebrum , sinus , ventriculos decurrentia variis locis varia periculo , et sanatione damna producunt.

274 Concussus validus capitis , integro saepe crano (*b*) , eadem (273) facit rumpendo , comprimendo.

275 Cognoscuntur mala hæc (273)

(*a*) Num ista impetu suo hic nocua?

(*b*) Hoc maxime notandum , ut vitentur capitales contusiones , percusiones . . Hippocrates jam proposuit casum pulchræ virginis annorum viginti , quæ ab amica muliercula ludente , lata manu synciput percusa est . . nona die periit. Epidem. lib. II. textu 32.

Observatione dignum est diversas posse functiones encephali laedi prout variæ partes hujus organi tali concussione læsæ fuerint. Alii enim voce privantur : alii nec vident , nec audiunt; alii gustum , et odoratum amittunt.

274.) ex nota causa ; ejus impetu ; loco excipiente ; vomitu bilioso ; visu , auditu , olfactu , gustu , tactu minutis , depravatis , sublatis ; vertigine , caligine , lapsu ; sopore , stertore ; resolutione ; convulsione ; delirio ; lethargo ; apoplexia ; horripulatione ; febre geminata (*a*) ; cruore per os , nares , aures effluente ; rubore faciei , et oculorum .

276 Quis vero locus intra cranium sit læsus scitur . 1. ex sensibilibus externis ( 249. 254. 255. 256. 262. 267. 269. ), si adsunt . 2. invento loco cranii læso ( 255 ) per artem . 3. ex tumore , et rubore cutis capillis orbæ ad applicationem emplastri . 4. ex motu spontaneo manus ad certam capitidis partem . 5. ex symptomatibus lateris unius paralyticæ , alterius convulsi (*b*) .

277 Tum 1. cruor effusus ilico tol-

(*a*) In vulnere tertio die febricula oritur . Dum pus fit etiam ista adest ; si tamen ista vel subito augetur , vel postquam cesaverit , nova iterum febris insurgit semper desigat magnum latere malum ex Hippocratis , et aliorum observatorum testimonio .

(*b*) Origo sentiens , et principium illud movens locantur in parte oposita illi loco ubi effectus suos edunt ? Subtilissimi Anatomici magno artis emolumento determinabunt . Observata Medica decussatam illam cerebri actionem suadent . Hinc si unum latus paralyticum , alterum convulsum fuerit , tunc mali origo hæret intra cranium in illa parte , quæ lateri paralyticæ oponitur .

lendus. 2. loca infecta depuranda. 3. os-  
sicula forte infixa cerebro evellenda.

278 Extravasatus sanguis aufertur. 1.  
resorbendo. 2. dissipando. 3. perforando  
cranium.

279 Resorbetur , si in venas , largo  
missu sanguinis , et suceenturiata purga-  
tione alvi (*a*) , evacuatas , vi vitæ repel-  
litur.

280 Hinc statim ad maximam copiam,  
ægro tolerabilem , utraque hæc evacuatio  
instituenda (279) , et si juvat , pro re  
nata repetenda , iterumque , si post has  
administratas minuuntur symptomata.  
(275).

281 Dissipatio attenuati perficitur. 1.  
resorbendo (279. 280.) partem dissipan-  
di. 2. attenuando per diluentia aquosa , et  
resolventia calide pota. 3. parti affectæ  
rasæ imponendo emplastra , cataplasmata,  
fomenta , ex discutientibus nervinis , ce-  
phalicisque. 4. auribus , naribusque eadem  
applicando.

282 Quæ (279. 280. 281.) si statim  
non tollunt , minuuntve valde sympto-  
mata (275.) , sed hæc vel persistunt,  
vel augentur , illico (*b*) perforandum cra-

(*a*) Scammonium dosi nimia prescribitur hic  
à Boerhaavio. Raro purum prescribendum. Præsat Diagridium. Vid. Sylloge. Tom. II. pag. 418.

(*b*) Antequam applicetur trepanum , metho-

nium, ut exitus detur humoribus (273. 277. 1.), et facultas depurationi (277. 2.), et evulsioni (a) fragmentorum (277. 3).

283 Locus, ubi terebra applicanda, cognoscitur. 1. ex loco læsionis noto (276.) ubi optime fit, si nihil vetat.

284 Vetat 1. sutura. 2. musculi plumbi. 3. cavitates ossis frontis. 4. arteria major ossi inserta. 5. inferior situs loci. 6. vacillatio fracti, contusi, cariosi ossis. 7. Inæqualitas eminentis, et excavati iterum cranii.

285 Tum, qui læso cognito (276) proximus, applicandæ terebræ locus optimus est.

dus tribus precedentibus paragraphis recensita prius semper tentanda est; et si intra duodecim horas, aut aliquanto plus nullum levamen percipiatur omnino, sed omnia mala potius augentur, tunc unicum auxilium superest, nempe, ut perforata calvaria detur exitus humoribus effusis. (§. 258. Not. (b)).

(a) *Licenciatus D. Joannes de Roda, et Bayas Maellensis antiquior Chirurgus Nosocomii Cæsaraugustani Urbis, et Orbis An. 1723. Tractatum edidit sub hoc titulo. Cirugia racional, breve, segura y suave curacion de heridas de Cabeza, y Reformacion de los excesos, que se practican en la via comun, in quo annoso Artis usu demonstravit Viam unitivam, et excisanem, instrumentariæ viæ in vulnerum capiti sanatione, esse præferendam.*

Vid. Quesnay De Trepano in casibus dubiis.

286 Quin , urgentibus symptomatibus (273. 275.) , licet nullus locus certo inveniri queat (276) , tamen trepanum applicandum , et ab una , et ab altera parte cranii in finem descriptum (277).

287 Invento loco (276. 283. 284. 285. 286.) , abraso capillitio , inciduntur integumenta (259) , separantur à cranio , elevantur labia , siccatur os , tegitur carptis linteis , sistitur crux (218) , lenitur dolor (227. 228. 229.) , prohibetur inflammatio (235) , et si non urget valde malum , rite facta deligatione in diem sequentem relinquitur apparatus.

288 Tum capite firmato , auribus obturatis , aere calefacto , deterso ossi terebra (*a*) cum stylo applicatur , æquabili , æqualiter , et modice acta , fronti supposita terebratione agitur , donec vestigium rite sit impressum.

289 Exempto tunc stylo pergitur , terebra lente adaeta , scobe assiduo erasa , donec crux erumpens , ossis mollities , mutatio soni diploen attactam doceant ; quæ sæpe non præsens frustra exspectatur.

(*a*) Terebra qua ad hanc rem utuntur artifices cavum orbiculum refert . Celsus vocavit *Modiolum* , ferramentum concavum , teres , imis oris ferratum per quod medium clavus , ipse quoque interiore orbe cinctus demittitur . Instrumenta , ad operationem istam Neoterici perfecerunt , qui exacte consulendi .

290 Eloto tum cruore , et per alcohol calidum compresso , exempta accurate scobe , summa cum cautela , lente , patienter , uno alterove gyro tantum agendus modiolus , assiduo everrenda scobs , perpetuo inspiciendum , an color in circulo exarato mutetur , assiduo exploranda fundi æquabilitas , tum variata pressione trebræ , pro vario colore apparente , os solvitur eo usque , ut parum adhærescat , et æquabiliter.

291 Ubi color cærulescens ; ejus per totum ambitum æqualitas , segmenti vacillatio docent , fere perforatum esse cranium , segmentum vecte , cochlea , vel cochleari eximendum.

292 Dein asperitas lateralis ossis raddenda lenticulari cultello , scobs demenda , via paranda crux , et sordibus exturis per sternutationem , animæ retentio- nem , et depressorium (a) prudentissime , et

(a) Aliquando non statim exeunt per foramen factum collecti humores. Tunc prudentes chirurgi lenissime deprimunt duram matrem instrumento , quod *Meningofilax* vocatur , ac si dices membranæ custodem. Instrumentum istud obtusum talem apicem habet uti cultellus lenticularis , qui rotundo cylindro politissimo continuatur.

Num hic deservire poterit vesica vacua introducta , et insuflata postea ab Hippocrate alias , et alibi proposita? Aph. 303. Not. (a).

raro , foramen implendum , tegendumque tenui , molli linteo imbuto medela membranis amica , et apta lamella plumbi ansata.

293 Curatur dein ut vulnus membranæ (185. ad 239.)

294 Ita enim intra 40. et 50. dies separati sunt margines ossei foraminis; quotidie enascitur caro cavum replens, quæ sensim durior , tandem calli ossei, cavati , vel eminentis formam adipiscitur: ubi debilitas , et dolor aliquis remanent.

295 Inflammatio , suppuratio , gangræna , fungus excrescens raro membranarum , et ipsius etiam corticis inprimis cerebri , tolluntur remediis , quæ his malis propria , tum applicatione antiphlogisticorum , detergentium , antisепticorum, filo , et lamella plumbea (292). Cæterum malignitas vulnerum capitis censemur. 1. loco in occipite , vertice , pariete , suturis , pessima. 2. symptomatibus ; febris post septimam cum frigore , tremore , vulnera pallido , arido , livido , osse aspero, flavo , hemiplegia , convulsione. 3. ætate. 4. temperie. 5. tempestate anni. 6. malignitate impuri , putrisque aëris.

296 Si crux , pus , sordes sub membrana latentes deprehenduntur post perforatum cranium , audacter incidenda , pertundendave erit membrana coercens.

## A P H O R. 247.

*Ad contusa digerenda.*

Valent, quæ attenuant, diluunt, à putredine servant.

1. Imponatur Unguentum hoc digerens plumaceolis exceptum.

R. Terebinthinæ unclas duas.

Vitelli ovorum numero unum.

Exacte mistis admisce

Unguenti Basilici uncias duas.

Aloes puræ drachmas quatuor.

2. Huic superponatur emplastrum hoc.

R. Gummi Galbani depurati, et dein cum  
Ovi vitello subacti uncias quatuor.

Ceræ citrinæ uncias duas.

Olei Hyperici drachmas tres. Misce.

3. Tandem huic apparatui superadde hoc  
Fomentum pannis laneis calidis exceptum, expressum, digerens, antisepticum, quantum ferri potest calidissime applicatum.

R. Florum recentium Rutæ.

Scordii, singulorum manipulos duos.

Foliorum centauræ minoris.

Sambuci.

Rosarum ana uncias tres.

Cum aquæ decoctæ , et expressæ unciis  
triginta admisce.

Spiritus vini uncias quinque.

Saponis veneti drachmas duas.

### APHOR. 252. NUM. 2.

R. Spiritus vini semel rectificati unciam  
unam.

Aquæ stillatæ rosarum unciam semis.

Masticæ pulverisati drachmas tres.

In Phiala alta coctum serva usui.

### A P H O R . 279.

*Purgatio hic conducens.*

Haustus aquam purgans , nec acriter  
tamen irritans , ad extravasatum  
in venas resorbendum.

\* R. Scammonii Syriaci puri grana qua-  
tuordecim.

Spiritus Reginæ Hungariæ drachmas  
duas.

In mortario vitreo secundum Artem tri-  
tis et à fæce separatis admisce.

Syrupi Rosarum solutivi cum senna  
drachmas sex.

Fiat Haustus.

R. Radicis Jalappæ pulveratæ drachmam  
unam.

- Sacchari puri drachmas duas.  
 In mortario vitro diu tritis admisce sensim, et divisim  
 Aquæ pluviæ uncias tres.  
 Fiat emulsio secundum artem, cui dein affunde  
 Syrupi Rhei unciam semis.  
 Fiat Haustus.

## APHOR. 281. NUM. 2.

- Decoctum attenuans, diluens, aquosum,  
 hic bonum.*
- R. Ligni Santali albi unciam semis.  
 Citrini unciam unam.  
 Sassafras unciam semis.  
 Foliorum Rutæ manipulum semis.  
 (Terebinthinae) Agrimonæ manipulum unum  
 Florum Sthœchados Arabici.  
 Lavendulæ singulorum drachmas duas.  
 Radicum Fœniculi.  
 Petroselini.  
 Rusci, singularum unciam unam.  
 Cum aquæ decoctæ vase clauso spatio quartæ partis horæ libris quatuor, exhibe.  
 Sumat uncias duas omni semihorio, sorbendo.

APHOR. 281. NUM. 3.

Vid. 247. num. 2. 3.

A P H O R. 295.

De his Remediis singulatim in historia horum Morborum.

## VULNERA THORACIS.

297 **V**ulnera Thoraci inficta , nec in cava penetrantia , cognoscuntur adsuetu , stylo , aëre nulla arte exiliente ; injectæ tepidæ repulsi , corporis situ , ut in accepto vulnera , eodem , signis certis adnati pulmonis ad illum locum pleuræ , quem transit ictus.

298 Si obliqua descendunt illa (297) supra , vel intra costas , sæpe dein pleura erosa in cava Thoracis pus deponunt , maxime , si puri ad externa egressuro via quacunq; arte impeditur . Tumque Empyema fit , et inde multa mala .

299 Quare in curatione abstinendum ab omni turunda , emplasticis , compressibus ; contra depurantibus , balsamicis , plumaceolis , levi ligatura utendum , et situ corporis apto .

300 In cava Pectoris adire scimus 1. considerata causa cum amplitudine vulneris . 2. Specillo corpori , in situm vul-

nerandi reposito , applicato. 3. Aëris in pulmonem inspiratu forti , dum clausum vulnus , mox naribus , et ore clausis nixu exspirantis edito , tumque detecto subito vulnere , exspiratione , et sæpe sono ejus agitati in cavo pectoris. 4. Injectione. 5. Emphysemate quando aër thoracis cavo contentus ; pertusi pulmonis actione assidue auctus ; calefactus ; rarescens ; pressus inspiratu ; exire impeditus libere ex vulnera ; in labiis vulneris actus per membranam cellulosam ; auctus ; facit , ut sæpe totus homo , hinc inde ad 11. pollices , tumore pellucido , levi tumeat ; solis plantis pedum , manuumque volis exceptis. Ac. Reg. Sc. 1713. hist. p. 15. 18. Item. 4. 14. et 119. 120. ubi empysema lethale à costis fractis illæsa cute. 6. cruoris sputmosi exitu.

301 Effectus talis vulneris sæpe. 1. aëris ingressi pressio in pulmonem , respirationi hinc , et circulationi ineptum. 2. Effusus crux in Thoracem , et accumulatus. 3. ejus extravasati , calefacti , moti , clausi undique putrefactio. 4. hinc pleuræ , pulmonum , mediastini , diaphragmatis , pericardii maceratio , erosio , corruptio , fœtor. 5. infiniti ex his oriundi morbi. 6. cruoris excreatio.

302 Effusi hic crux signa. 1. orthopnoea. 2. decubitus in dorsum commodior , in latus læsum difficilis , in sa-

num impossibilis. 3. sequelæ descriptæ (301) 4. pondus in Septo. 5. fluctuatio materiæ. 6. natura , et situs vulneris inflicti. 7. debilitas ingens , cum pallore , sudore frigido. 8. omnium fere symptomatum incrementum perpetuum.

303 Estque tum illico educendus. 1. situ , motu , nixuque corporis. 2. suctu per tubum flexilem , ad latera perforatum, obtusum ad finem. 3. injectu liquoris diluentis , resolventis , depurantis. 4. dilatatione vulneris. 5. alia apertura inter secundam et tertiam costam *spuriam* (a) inferiorem , ad distantiam quatuor digitorum à vertebris , et angulo inferiori omoplatæ, facta instrumento secante , sectione costis parallela , inter has media , deorsum directa acie.

(a) Paracentesis dum fieri debet in dextro latere thoracis inter tertiam , et quartam costam spuriam dum in sinistro inter secundam, et tertiam fiat ab inferioribus sursum numerando , distantia proportionata à vertebris , ne validi illi musculi sacro lumbalis , longissimus dorsi lœdantur. Si operatio ista facta fuerit eo loco ubi pulmo pleuræ accrevit , pulmo à pleura dividellendus vesica complicata per vulnus immisa, dein inflata ut illa flatu distenta in cavo pectoris avellat pulmonem à pleura , cui concreverat. Ita Hipp. lib. II. de Morb. cap. 23. Charter. tom. 7. pag. 575. Alibi de Vesica ista ad alia mala sananda dictum fuit. Aph. 292. et Inst. Med. §. 1227. n. 2. Not. (a).

304 Si nullis distenduntur turundis,  
raro deteguntur, aër arcetur, suctu arti-  
ficiose, et nixu respirationis debito expel-  
litur aër admissus, frigus caute vitatur,  
brevi et optime sanantur, si curabilia sunt.

305 Tumque præcaventur omnia illa,  
et sæva symptomata (a) (301).

APHOR. 303. NUM. 3.

Vid. 236.

### VULNERA ABDOMINIS.

306 **A**bdominis vulnera non pe-  
netrantia in cavitatem noscuntur. 1. sty-  
lo, et situ. 2. injectu. 3. causa vulneran-  
te cognita, et natura vulneris.

307 Si profunde fere usque ad peri-  
tonæum penetraverint, debilitatis ibi te-  
gumentis, herniæ occasionem præbent in  
corpo robusto; Pejus nihil, quam, si  
oblique decurrentia inter integumenta ab-  
dominis fistulosa vulnera effecerint.

308 Quare sutura, ligaturaque his

(a) Ex his, quæ hucusque dicta sunt con-  
cludit van-Swieten. simulque patet historiam,  
et curam vulnerum thoracis magnam lucem af-  
fundere multis morbis pectoris, et viscerum con-  
tentorum uti postea in empiemate, pectoris hy-  
drope . . patebit.

prospiciendum : in cæteris curatio communis vulnerum sufficit.

309 At eadem in cavitatem Abdominis ire liquet. 1. Stylo , et situ. 2. Injectu. 3. Causa vulnerante cognita , et natura vulneris. 4. egressu contentorum.

310 Si tum omnia Symptoma levia , dolor , febris , inflammatio absunt, posito in vulnus ægro crux non exit, injectus liquor immutatus redit , interiora illæsa scimus.

311 Illoco arcendus aer , ingressus succutu , et exspirationis nixu excludendus ; gastroraphia (*a*) consuenda integumenta , turundæ auferendæ ; balsami illitu , decubitu in vulnus , quiete corporis , victu leni , humido , parco , rara deligatione percurabitur.

312 Si acutus dolor , febris , inflammationis signa , crux , ichor , potus , cibus , chylus ; bilis , pus , urina , stercus , foetor , ex vulnera exsuntia , causa vulnerans , situs , et natura vulneris , pallor , sudor frigidus , inquietudo , animi deliquia , pulsus defectus , præsentia considerantur , docebunt , læsa vasa , et viscera abdominalia , et quæ .

(a) An explodenda etiam sutura ista , et intestinorum , de qua mox (Aph. 314.) sicut ceteræ omnes , ut jam dictum ? Si unquam exequenda est consulendus Cursus Operationum Chirurgiæ à Velasco , et Valverde nupèr editus Matriti Ann. 1780. Tom. I. pag. 68.

313 Tum infinita mala sequuntur, partim 1. à natura viscerum, tenui vasculosa, non musculosa, difficillimæ circulationis, nec nisi clauso abdomine absolvendæ. 2. à functione læsa visceris. 3. ab effusi cruris copia, corruptione. 4. ab aeris ingressi, rarefacti, prementis actione.

314 Unde lethalia sæpe sunt. At intestina læsa, et pertractationi oblata, consuenda, si magnis; sibi linquenda, si parvis vulneribus læsa sunt, et reliqua peragenda, ut (311) dictum est.

315 Si per latum vulnus illæsum intestinum exit, fovetur animalibus vivis dissectis applicatis, vel fomento idoneo; reponatur; fiant reliqua, ut (311).

- 316 Si per parvum exeuns foramen, tumens flatu, inflammatu, fæce, reduci non possit; fotu, punctu, dilatatu vulneris reponitur.

- 317 Si vulnere, suppuratione, gangræna, fistulæ intestinalis pars ablata est, pars superior se offerens, vel prudenter adducta, assuenda foramini (a) vulneris.

318 Si omentum exierit, et humidum, calidum, rutilo sanguine rubescens adhuc est, reponendum, ut (316).

(a) Aliqui extrema fistulæ consuunt, et reponunt: sed præstat anus iste artificialis tota vita manens. Fœda res, sed mors horridior!

319 Si siccum , frigidum , lividum , ligatura , sectione , fotu , curatum reponendum est.

320 Missio sanguinis largior , clysmata in initio injecta si crassa illæsa , diæta (a) , blanda respiratio , quies , situs , palmaria hic remedia.

### A P H O R. 315.

Fomentum idoneum , sive fatus Antisepticus , calorem vitalem resuscitans , intestino per vulnus Abdominis egresso conveniens .

*Intestina pura Animalis junioris , quod sufficiat.*

Coque in aquæ quantitate sufficienti spatio decimæ sextæ partis horæ , dein adde Florum Chamæmeli .

Lavendulæ .

Centauræ , singulorum manipulum semis .

Foliorum Menthæ manipulum unum .  
Stent in infusione per decimam sextam partem horæ ; tum decoctum inserviat pro fomento cum pannis applicando .

(a) Lac hic vitatur , quia nimiam copiam crassarum fœcum relinquit , uti patet in Infantibus , qui solo materno lacte licet utantur , tamen duras , tenacesque admodum fœces sæpe alvo deponunt .

*Extemporaneum.*

Sit lac recens , tepidum.

A P H O R. 319.

Fotus.

Vid. 315.

A P H O R. 320.

Clysmo lenissime stimulans in vulne-  
ribus Abdominis.

R. Mellis communis uncias tres.

Salis Marini drachmam unam.

Aquaæ decoctæ Hordei uncias septem.

Misce. Fiat Clyster.

Mane , et vesperi , primis tribus à vulne-  
ris inflictu diebus , injiciendus.

Diæta sit ex solo jure carnium cum pau-  
xillo salis.

## C O N T U S A.

**S**i durum , obtusum corpus  
motu , resistentia , morsu vel pressu , mul-  
ta vascula simul confregit , læsio hæc  
Contusio vocatur.

322 Cujus idea , accumulatio vulnus-  
culorum cum attritu solidorum , et vas-  
culorum.

323 Effectus ergo , solutio continui  
lacerans , destructio plurium conterens ,

effusio liquoris in inania vicina , vel facta , et infinita mala , quæ ex his sequi possunt. Contusis , fractisque costis emphysema lethale! Mem. Acad. Reg. Sc.

1713. 119.

324 Pessimum vero ex his (323) , si integumentis cohærentibus , interiora sic affecta (321. 322. 323.) , ut liquida stagnent , coeant , putrescant , unde ecchymosis , aneurisma spurium , sugillatio (*a*) , ulcus , gangræna , caries , in glandulis scirrhous , cancer.

325 Lædit sæpe ossa , tumque sequuntur descripta (249. 250. 251. 254. 256. 257.) , et medullæ læsio , unde ulcera , fistulæ , caries , putredines ; habet se enim medulla in ossibus , ut Cerebrum in cranio (273. 274.)

326 Tum aliquando musculos , unde validæ suppurationes , gangrænæ , paralyses , contracturæ. Si autem magnos nervos , qui multos emittunt ramos , corrumpit contusio , tum paralysis , atrophia , insensilitas , atque certa fiet , nec curabilis ulla arte , gangræna inferiorum , quæ in primis vera de spina dorsi , ejusque contenta medulla.

327 Imo sæpe ipsa viscera corrum-

(*a*) Hæc dicitur macula post suctum partis cujusdam relictæ. Difert ab ecchymosi , quod in ista ruptio vasorum adest.

pit; tumque horum inflammatio, suppuration, gangrena, scirrus, functio læsa.

328 Ex quibus (322. 323. 324. 325. 326. 327.) facilis est explicatio tot mirabilium, et miserabilium malorum, quæ ex contusione (321) sequi solent, prædicti possunt, tam Acuta, quam Chronica, certe infinita.

329 Cognoscitur præsens, simulque detegitur affecta pars 1. conspectu, tactuque 2. Effectu doloris, stuporis, gravitatis, coloris mutati in rubrum, fuscum, plumbeum, nigrum, flavum, viridem, hæmorragiæ, gangrenæ, (323. 324. 325. 326. 327.) 3. Comparatione causæ motæ, et figuratæ, cum parte læsa.

330 Et bene scitur 1. internam, magnam nobilium viscerum contusionem curatu impossibilem, morborum causam, et mortis esse. 2. ossium valde periculosam, curatu difficultem, imprimis circa juncuturas, et medullam. 3. Cranii pessimam, ut historia præmissa docuit, ob viciniam Cerebri. 4. Glandularum majorum, ad aures, axillas, mammae, pancreas, inguina, uterus, minitari scirrhos, cancrios (a); et mala inde sequentia.

331 In curatione contusi semper ten-

(a) Ex decem casibus scirrus mammarum, et cancer novies forte à contusione oriuntur.

tanda resolutio , cavenda suppuratio , magis vero gangræna.

332 Resolutio fit , dum extravasatum aufertur (*a*) sine ulteriori vasorum læsione.

333 Id autem contingit 1. id reddendo fluidum. 2. laxando vasa vicina. 3. agendo fluidum in vasa , ea evacuando , vel fricando.

334 Hinc larga missio sanguinis ; mox data purgatio fortis , nec inflammandis ; folementum penetrans , laxans , resolvens parti impositum ; frictio calida ad partem; interna resolventia , sudorifera , diuretica prosunt.

335 Quorum ordo , repetendi necessitas , magnitudo requisita noscuntur ex (334) , et summo periculo.

336 Simul victus tenuissimus , minimeque putrescens requiritur.

337 Si vero ob magnitudinem resolvi non potest , et manibus accessus datur, scarificatio , apertura , suppuratio succedunt , simul actis , quæ dicta (334). Si magnitudine mali pars jam mortua integre , aut et talis , ut inde certo prævideantur dolores intolerabiles , inflammations , suppurationes , atrophiæ , febres,

(a) Hoc est illud , quod Hippocrates vocavit *exsiccare* , et *resolvere effusum sanguinem*. Lib. de Artic. Text. 66.

mors , extirpanda (a) , si fieri potest (464. ad 475.)

338 Plura tamen methodus dicta (331. 332. 333. 334. 335.) præstat , quam cre-  
di fere possit , quum natura (b) egregie  
separat sponte , attenuet , solvat , dissipet ,  
et expellat.

A P H O R. 334.

*Purgatio fortis , nec inflammans.*

R. Agarici drachmas duas , et semis.

Salis polychresti scrupulum unum.

Misce. Fiat Pulvis.

R. Ebuli , vel sambuci corticis medii , re-  
centis unciam unam.

Conterendo cum Aqua pluviae , dein pa-  
rum coquendo , tandem exprimendo  
Fiat Haustus unciarum quatuor.\*

R. Jalappæ preparatæ ut Aph. 279.

R. Jalappæ radicis pulveratæ drachmam  
unam , et semis.

R. Mechoacanæ radicis pulveratæ drach-  
mas duas.

(a) In desperatissimis casibus intrepidus  
animus una cum summa peritia , et dexterita-  
te multum valent.

(b) Hic à Van-Swietenio varii casus mira-  
biles proponuntur. Alii similes in aliis Aucto-  
ribus videndi.

R. Soldanellæ recentis foliorum uncias duas.

R. Agarici drachmas duas  
Foliorum sennæ drachmas tres.  
Radicis Mechoacanæ drachmam unam.  
Tamarindorum uncias duas.

Conscissa , et contusa macera in aqua  
pluviae spatio secundæ partis horæ , dein  
ebulliant leniter spatio octavæ partis  
horæ , tum Decocti percolati unciis  
novem admisce

Salis prunellæ unciam semiis.

Syrupi Rosarum solutivarum cum  
Senna drachmas novem.

Capiat unciam unam omni semihora,  
donec purgetur satis fortiter.

*Minori forma idem efficere.*

\* R. Scammonii Syriaci grana tredecim.  
Stibii Diaphoretici grana viginti.  
Syrupi Rosarum solutivarum cum  
senna drachmas sex.  
Exacte contritis admisce  
Aquæ stillatæ cichorei unciam semiis.  
Fiat Haustus.

*Fomentum ad contusa laxans , penetrans ,  
resolvens.*

R. Radicis Bryoniæ albæ uncias duas.  
Aristolochiæ rotundæ unciam.

Foliorum rutæ recentium

Sabinæ , singulorum manipulum unum.

Florum Tanaceti

Chamæmeli

Matricariæ singulorum unciam unam.

Ceparum recentium uncias sex.

Cum aqua , vase clauso , in gradu caloris fere ebullientis digere per horæ dimidium , dein uno momento ebulliant, tum succi per pannum fortiter expres si unciis viginti quinque admisce

Farinæ lini unciam semis.

Ebulliant denuo parum ; tum toti decocto frigefacto admisce.

Spiritus vini Theriacalis uncias duas Salis Ammoniaci unciam unam.

Applicetur pannis laneis.

*Cataplasma ad contusa simile.*

R. Ingredientia eadem.

Præpara in cataplasma.

Sub finem admisce

Farinæ lini quod suficiat.

Galbani in vitello ovi soluti unciam unam.

Olei chamemeli unciam unam , et semis.

*Emplastrum ad eadem.*

R. Radicis Bryoniæ in farinam redactæ uncias duas.

Florum Sulphuris unciam unam.  
 Mercurii nigri drachmas tres.  
 Galbani puri , et secundum Artem  
 soluti uncias quatuor. magistri  
 Emplastri de Meliloto uncias novem.  
 Olei chamæmeli , quod suficiat,  
 Ut fiat Emplastrum.

*Bona hic.*

Emplastra de Galbano , seu Ceratum  
 Matricale , vel Antidotum correctius Gan-  
 davense.

	Baccis Lauri Mesuæ.
	Betonicæ.
	Cumino.
	Cephalicum.
	Diachylonis cum gummis.
Emplastrum	Diaphoreticum.
	Ischiadicum.
	De Meliloto.
	Mucilaginibus.
	Oxycroceum.
	De Ranis cum Mercurio.

*Resolventia interna.*

Vid. in Aphor. 54. Num. 4.

*Eo referri possunt.*

Rhabarbarum.

Sperma ceti.

Gummi lacca.

Myrrha.

Radix Asclepiadis.

*Sudorifera sunt.*

1. Diluentia calida epota Aph. 54. n. 4.
2. Resolventia interna Aph. 54. n. 4.
3. Stimulantia. Aph. 75. n. 5.
4. Laxantia. Aph. 35. num. 3.
5. Calor externus humidus ad cutim determinatus.

*Diuretica sunt.*

1. Diluentia frigida , et tepida , epota Aphor. 54. n. 4.
2. Resolventia interna. Aph. 54. n. 4.
3. Stimulantia imprimis salina , saponacea. Aphor. 75. n. 5.
4. Laxantia. Aphor. 35. n. 3. imprimis Fotu , Clysmate , renibus applicata.
5. Calor renibus , hypogastrio , perinæo applicatus ; frigore vero reliquo corpori simul dato , paulo magis solito.

A P H O R. 336.

Vid. 88. num. 1. et 35. num. 1.

## OS SA FRACTA.

339 **S**i unius Ossis partes vi à cohaesione solvuntur in magna fragmenta Fractura dicitur.

340 Quæ si sola , et una , *simplex* ; ubi multiplex , *composita* ; si stipata vulnere , contusione , inflammatione , ulcere , pluribus fracturis , *complicata* vocatur.

341 Quin etiam pro vario situ fracturæ transversa , obliqua , longitudinalis audit ; et ratione fragmentorum sibi infinitum , aut juxta latera sibi mutuo applicatorum , vel eminente spina emergentium , varia nomina , naturam , mendam accipit.

342 Effectus ejus varii , pro varia indele ossis fracti , pro modo fracturæ vario , pro varietate fragmentorum quoad situm , figuram , numerum , magnitudinem , pro varietate denique loci (a) , in quo , vicinorum , circa quæ , fit .

(a) Ossa majora in medio densissima sunt , circa juncturas secedentibus lamellis osseis cellulosa substantiam habent : si ergo circa juncturas os frangatur non poterit hoc fieri sine destructione cellulosa illius fabricæ , unde plurima mala ab humoribus extravasatis , et corruptis nasci poterunt .

343 Primarii ergo sunt destructio muneris fulciendi, sustinendi musculos, et dirigendi eosdem: muscularum contrac-tio, membra accurtatio, muscularum ex debito loco deturbatio, membra intorsio, ejusdem deformatio; periosteū externi, vasculorum cellulas occupantium, periosteū interni, membranæ medullosæ, medullæ ipsius laceratio, contusio, corrup-tio; luxuries vasculorum osseorum, unde calli inæqualitas, tumor, membrique deformatio, membranarum, tendinum, nervorum distractio, laceratio, irritatio, com-pressio, convulsio; (a) Vasorum vicinorum mutatio, destructio, obstructio, inflam-matio, dolor, ecchymosis, marcor, sup-puratio, gangrena, mors partis, et saepe totius; contusio fere semper.

344 Quæ expensa (342. 343.) præ-sens malum, ejusque statum docent, si tactus fragmenta; auris crepitacionem;

(a) A membranis, tendinibus, vel nervis læsis, aut irritatis tristes aliquando sequuntur calamitates. Hi casus minime à Profesore chris-tiano fugiendi; sed monitis ægro, et asistenti-bus super ambiguitate ista, res agredienda est. Hippocrates hac super re non bene monet Me-dicos, ut, si sine ignominia possint, fugiant tales casus, quibus si non reponantur ossa Me-dicus videtur arte destitui, si reponantur homini magis ad interitum, quam ad salutem est. Lib. de Fracturis. Text. 50.

oculus læsam figuram, immobilitatem; intellectus causam, ejus impetum, modum impulsus, senii decrepiti, temperiei morbosæ, hybernique frigoris efficaciam simul consideraverit, clarior est diagnosis.

345 Verum oblongæ fracturæ diffilior detectio, nisi sero: dolor, tumor, crassities partis, inæqualitas, pus fœdum, causa fortis cognita aliquid luminis dabunt.

346 Facilem, difficilem, tardam, celerem, integram, vel deficientem fore curationem prædicit figura, simplicitas, compositio, duratio fracturæ, numerus, figura, magnitudo fragmentorum; locus ossis læsi; vicina læsa; tempus anni; ætas ægri, et temperies (a).

347 Sanatio requirit:

(a) In lue venerea, scorbuto, rachitide, phthisi . . vix eurantur fracturæ. Observatione dignum est, in gravidis difficilime fieri ossium fractorum consolidationem. Natura in istis tota informando, et perficiendo fœtu occupata, calli generationem quasi negligit. Hæc Van-Swiet. Hodierna chemia invenit, lac foeminæ gravidæ, quo proximior est partus fosfate calcareo redundare, et quo grandior puerulus lactens plus privari. Hinc sequitur ossa gravidæ aliquatenus destitui fosfate isto, quod est basis esentialis soliditatis ossium, ob cujus defectum, si ruinpuntur vix consolidari possunt. Annal. de Chymie Tom. XVIII. pag. 135.

1. Restitutionem in situm naturalem, extendendo, reponendo.

2. Retentionem in eo situ per fascias, et machinas.

3. Unitorum, retentorumque consolidationem, enato callo.

348 Si fracta situm proprium retinent prima indicatio cessat.

Si parum divergunt in latera, requiritur extensio parva.

Si omnino juxta mutua latera pertracta sunt, requiritur ingens extensio, ut intercepta removeantur, et ut debita longitudo, et adaptatio fiant.

349 Extensio fit. 1. apprehenso osse prope fracturam manu, vel laqueis. 2. firmato ægro. 3. disposita parte in situ naturali. 4. distractione lenta, recta, partium fractarum ea vi, eousque, prout vis contractorum i musculorum requirit. 5. vi et applicatu instrumentorum mechanicorum, si robur manus deficit.

350 Quæ (348. 349.) quum sine vi, et dolore sæpe vix fieri queant, ubi partes jam inflamatæ, sæpe omitti (a) debent,

(a) Maxima hic requiritur perspicacia, atque prudentia. Inflammatio præcavenda festinando, primo, vel secundo diæ reductione facta, aliisve mediis. Considerandum etiam num symptomata à luxatione partium pendeant: tuncque reductio sola prodest.

donec sedata inflammatio. Aliter convulsi moriuntur , vel gangræna correpti.

351 Si fragmenta libera , eximenda , si facile fieri queat. Si acumina eminentia extensionem plane prohibent , et patent , excindenda ; si latent , incisione detegenda prius. Si fractura composita valde , et complicata , in primis cum ingenti simul contusione , ossium contritu , vasorum magnorum destructione , requiritur illico , si nihil vetat , extirratio.

352 Restitutio fit partem rite extensem (349) , et paratam (351) , caute , lente , leniter ita intorquendo , donec os ossi debito in loco occurrat , musculi vero revulsi suo in situ sint repositi , nihilque intercipiatur.

353 Id notescit ex anatomicis , comparatione partis sanæ , dolore sublato , longitudine , et figura naturali reddita.

354 Retentio in situ fit fasciis , splenii , ferulis , canalibus quietem conciliando , tum impediendo , et dirigendo actionem musculorum.

355 Fasciæ adstrictæ tumorem , suffocationem , gangrænam producunt ; unde infinita mala : ergo leviter atrahendæ , ut firmare , et vascula leniter compesere queant.

356 Si vulnera adsunt , curanda ex arte , (185. ad 239.) sed rara deligatione. Idem de inflammatione , dolore , tumore,

et reliquis symptomatibus intelligendum.

357 Tum fit concretio , callusque , cito-  
tior , tardior pro ætate , ossis crassitie,  
pondere incubituro , vario tempore , intra  
20 , et 70 dies .

## L U X A T A.

**L**uxatio est recessus extremi  
ossis mobilis ex cavo , in quo naturaliter  
movetur , cum motus impedimento .

359 Qui integer , vel pro parte ; unde luxatio , et distorsio .

360 Pessima , quæ epiphysi ab corpore ossis soluta accidit .

361 Causa vis externa extendens , in-  
torquens , expellens .

362 Aut interna (a) , cavo innata , ex-  
trudens .

363 Hæ causæ (361. 362.) juvantur

(a) Glandulæ haversianæ mucum secernunt instar albuminis ovi , saporis salsi , qui cum oleo meduloso ; et materia perspirante lubricum illud linimentum conficiunt , in articulorum cavis repertum , quod calore , et attritu ossium ad se mutuo attenuatum iterum resorbetur . Si id non fiat acumulatur , ligamentarem capsulam distendit , debilitat , unde facilis prolapsus ossis articulati ex suo cavo ab hac causa nascitur . Petitus ingenue fatetur se didicisse propriis erroribus frequenter satis fieri ab hac causa luxationes .

extensis , laxatis , ruptis ligamentis , sive id ab externa , sive ab interna causa.

364 Hinc figuræ in parte mutatio , tumor , cavitas , elongatio , accurtatio membra , immobilitas , distractio muscularum , torpor subjacentium , paralysis , vasorum vicinorum compressio , dolor , pervigilium , inflammatio , œdema , ancylosis , convulsio , marcus , mors partis , vel et totius.

365 Ex quibus notis signa evidentia habentur luxationis.

366 Et expensis magnitudine , figura , situ , parte pressa , et intercepta , tempore durationis , concretione luxatorum , dolore , inflammatione , convulsione , et reliquis symptomatibus , partibus ambientibus tenuioribus , crassioribus , ligamentis destructis , vel modo elongatis , musculis annexis , et similibus , prognosis habetur , quæ doceat , an integra , an deficiens , celeris , tarda , facilis , vel difficilis futura sit sanatio .

367 Ad quam requiritur 1. luxatorum redaptatio . 2. repositorum in suo loco ad sanationis finem retentio .

368 Repositio fit 1. firmando corpus ægri . 2. movendo partem , ut directe respondeat suæ cavitati . 3. introducendo per intorsionem , trusionem , pulsationem (a).

(a) Hæc omnia suaviter , non violenter ex-

369 Reposita in loco retinentur quiete, fasciis, situ partis naturali.

### INFLAMMATIO. (a)

T

370 Inflammatio, Ignis, Phlegmo-  
ne, ob causæ, et effectum similitudinem,  
ab igne nomen habet.

quenda. Intelligentia, et dexteritas excellentium Chirurgorum prævalet manibus, et oculis Artificum tali nomine indignorum.

(a) Clasis III. Sauvagesii Phlegmasias, sive Inflammationes includit. Tres Ordines ipsa comprehendit.

I. *Exantematicas*, quarum IX. sunt genera. Talia sunt: Pestis, Variolæ, Rubeolæ, Miliaries, Purpura, Erisipelas, Scarlatina, Essera, Aphtæ.

II. *Membranaceas*, quarum VIII. sunt genera. Talia sunt Phrenitis, Paraphrenesis, Pleuritis, Gastritis, Enteritis, Epiploitis, Metritis, Cistitis.

III. *Parenquimatosas*, quarum VIII. sunt genera. Talia sunt: Cephalitis, Cynanche, Carditis, Peripneumonia, Hepatitis, Splenitis, Nephritis.

Clasis I. Ordo II. Cullenii Inflammationes, seu Phlegmasias comprehendit. Ordo iste morbos acutos febriles Boerhaavii, Febres inflammatorias Hoffmanni, et Phlegmasias membranosas, et parenquimatosas Sauvagesianas includit. Nihilominus ei displicet divisio istarum... quia difficile distingui possunt inflammatio visceris,

371 Estque sanguinis rubri arteriosi (*a*) in minimis canalibus stagnantis pressio, et attritus à motu reliqui sanguinis moti, et per febrim fortius acti.

372 Quod ergo fieri potest vel in fibribus arteriosis, vel in vasis serosis lymphaticis, aliisve minoribus, arteriosis, dilatatis osculis admissos globos rimbros, aut alia fluidi elementa crassa, per fines transmittere non potentibus (*b*). Si sanguis trans-

atque membranæ ipsum ambientis. Sic Metritis, quæ est inflammatio uteri membranosa juxta Sauvagesium, parenquimatosa est juxta Linneum, et Sagarium. Hepatitis etiam potest esse vel membranosa, vel parenquimatosa.

Generibus Sauvagesii adduntur à Cullenio Ophthalmia : Reumatismus : Odontalgia : Podagra : Arthropuosis, quæ ad Clasem suam VII. (DOLORES) ille reducit.

Species suis locis proponentur.

(*a*) Traditur hic definitio inflammationis rubræ. De aliis postea §. 379. et 380. Illam notabilem febris semper committatur: si levis, et particularis sit ibi pulsus robur, et celeritas augentur, tuncque febris quasi partis ipsius est. Fixi dolores intestinorum, et ventriculi ab inflammatione aliquando producuntur, licet nulla febris observetur, pulsu explorato, quod maxime notandum. Galenus inter alias inflammationum differentias ponit, quod sit humida vel sicca: illa, quæ ex calida fluxione, ista quando sine ulla fluxione connatus calor accenditur.

(*b*) §. 245. et 246. Institut. Medicar. Aph. 118.

funditur in eas venas , quæ spiritibus accommodatæ , inflammationem excitat. Cels. 5.

373 Ergo ejus sedes omnis pars corporis , in qua reticulares arteriarum distributiones , vel Lymphaticorum arteriosorum ortus.

374 Hinc Arteriæ ipsæ , venæ , nervi ; membranæ , musculi , glandulæ , ossa , cartilagine , tendines , viscera omnia , adeoque totum fere corpus , sed nusquam frequentius , et tenacius , quam in adipi (a).

ad 122. et hie proponitur Systema Boerhaavii circa vasorum successivam seriem , obstructionem in illis , et inflammations inde natas. Ista omnia magno ingenii acumine Boerhaavii concinata esse Albertus Hallerus pronunciat. Iste tamen eximius Vir candore imitatione digno de non jurando in verba Magistri aliqua adversus omnia ista proposuit , quæ cum angustiam notulæ prætergrederentur apud ipsum eundem merito videnda in Prælect. ad Boerh. Tom. II. num. 245. not. C. De partium corporis humani præcipuarum fabrica , et functionibus lib. 2. sect. 1. §. 31. Unice hie dicendum virum istum ad stimulum aliquod , ad venarum clausuram , pro inflammationis causa stabienda configere , sive omnino (ita rem concludit) , hujus mali natura nondum penitus innotuit. Omnitio Catalogum Auctorum utrinque sentientium apud Hallerum , aliosque videndum.

(a) Tunica cellulosa dicta omnes musculos , tendines , eorum fibras . . peneirat , investit. Vasa

375 Hanc Stagnationem (371) efficit in arteriis minimis 1. quidquid premando, distrahendo, intorquendo, rumpendo, contundendo, urendo, erodendo, crispando, vasorum fines ita arctat in conicis, cylindricisve (a), ut diameter aperituræ fiat diametro sphæræ sanguinis minor. Calor, motus vehemens, infixa, ligaturæ, pondera incumbentia, acria ingestæ vel applicata, frigus acre, frictio nimia, omnes causæ vulnerum, contusionum, erosionum, fracturarum, luxationum, obstructionum, huc pertinent.

376 Eandem producit 2. quidquid meatus obturat, acriaque applicat simul, sive

fere omnia in ea decurrunt. Hæc tunica *pinguedinosa* aut *adiposa* vocatur etiam. Arteriæ per hanc membranam dispersæ pingue oleum vel simile unctuosum smegma secernunt, quibus ruptis ipsa rubra sanguinis pars transsudat quasi, et accumulatur in hujus cellulæ: unde tumor ruber, et durus veram Phlegmonem comitans oriri videtur, qui fere semper tantum in hac tunica cellulosa obstinate haeret.

(a) Circa illum locum ubi angustissima jam facta arteria venullæ minimæ continuatur per aliquam saltem longitudinem videtur canalis cylindricus esse cujus latera nec convergunt, nec divergunt.

Inter causas hujus stagnationis, seu inflammationis acria ingestæ, vel applicata proponuntur, ad quæ fere unica cel. Auctores recurrent.

intus, sive extus; ut oleosa (a) salina, acria.

377 3. Omnia, quæ sanguinem cogunt, ut coeat; motus nimius, derivatio tentioris partis ex sanguine per sudores, urinas, salivas, diarrhoeas; coagulantia.

378 Efficiunt eam in vasis lymphaticis arteriosis 1. omnes causæ, quæ initia horum latiora ampliant, ita ut in ea intrent partes sanguinis crassiores, quæ propulsæ ulterius occurrunt angustiis convenientibus, ubi tum patiuntur eadem, quæ exposita (377); talis est laxitas vasculi in suo principio, motus violentus liquidii arteriosi. 2. omnes causæ alteri inflammationi communes (375. 376).

379 Unde et similis morbus in omni vase conico, ubi fluit ex lato in angusta liquor, obtinere potest; ut enim in sanguine rubra, sic in Lympha alia est forte pars crassior reliquis.

380 Ex quibus vera diversitas phleg-

(a) Alioribus post applicationem pinguis unguenti statim cutis inflammatur. Aliqui à lardo assumpto febricitant. Si oleosis corporibus acrimonia simul insit, perrinacissimæ inde inflammations nasci poterunt. Cavendæ igitur horum pinguium acrum inunctiones, multo magis intus susceptiones.

mones, erysipelatis, oedematis, scirrhi, cum inflammatione liquet.

381 Quoties autem causæ hæ (375. 376. 377. 378. 379.) produxere stagnationem hanc (371. 372. 379.) in vasis (372. 373. 374. 378. 379.), tum vis acti sanguinis à vita superstite producit effectus quosdam, qui simul signa Inflammationis.

382 1. Arteriæ minutæ vixque visibles obstructæ jam à sanguine distendente augmentur: inde tumor ruber. 2. vasa Lymphatica arteriosa, ante pellucida, et invisibilia, eadem patiuntur; inde augmentum rubedinis præcipue, dum vasa tenerima, et vesiculæ, in panniculo adiposo, plena sanguine intruso, crasso, liquidiore parte orbato. 3. distenta vascula rupturæ propinquant in fibris minimis; inde dolor punctorius. 4. compinguntur valde liquida et solida; hinc durities, renixusque partis. 5. à rubro accumulato, et valido impulsu, rubedo splendens. 6. à renixu, pulsu, compactu, vasorumque adhuc meabilium angustatione à tumore obstructorum, attritus fit ingens partium liquidi inter se, in solidum, solidi in illas; inde calor, et æstus. 7. et quia pulsi à corde sanguinis impetus exceptus finibus vasis obstructi latera dilatata, fit Pulsatio. 8. à fibris irritatis, et sanguine celerius per aperta acto,

quia venis revehitur, sed arteriis in multis prohibetur, acceleratur Pulsus; fit febris, sitis, calor (*a*), vigiliæ, debilitas, molestia.

383 Hæc species (382) est morbi nondum adulti.

384 Tum crux emissus pleno saltu ex vena late aperta pelvi exceptus, frigescens format albam, duram, crassam, rigidam pellem (*b*) instar corii fere porcini.

385 Increscente malo, eadem adhuc (382. 383. 384.), sed aucta; separatur expressa lympha, densatur sanguis ruber.

386 Si humor fluens blandus, motus ejus sedatus, causa obstruens non nimis solidata, obstructio parva, eaque in primis in arteriis, vel in initiis lymphaticorum, canales mobiles, diluens vehiculum, reducto fluore concreti, motu stagnantis, solvitur inflammatio *resolvendo*.

387 Si humor fluens blandus, motus citatus, obstructio magna, nec resolvi (386) potens, auctis symptomatibus (382. 384. 385.), vascula distenta rupta cum

(*a*) Hunc ab attritu derivat Boerhaav. et Van-Swiet. Hodierna chemia hic utiliter consulenda.

(*b*) Obscura est origo hujus pellis in sanguine vena educto. An serum sanguinis concretum? An chylus crudus? Præstat ad observationes converui.

dolore , calore , pulsu , tumore , liquores suos effundunt , solvunt , putrefaciunt leviter , solida tenera atterunt , solvunt , fluidis miscent in unum similem album , spissum , glutinosum , pinguem humorem , Pus (*a*) dictum ; hæc *Suppuratio* , alter modus , quo terminatur inflammatio .

388 Si humor acer , valde motus , obstructio magna , vasa rigida , omnia symptomata (382. 386. 387.) magna , tum vascula subito rumpuntur , liquida putrescunt ; ichor effusus sub epidermide in bullas colligitur instar loturæ carnis , vel sanie flavae , cineritius , pallidus , fuscus , ater fit color ; rubor , dolor , calor , pulsatio , tumor in loco affecto desinit , in vicinis obtinet ; fit mors partis affectæ : vocatur *Gangræna* ; tertius modus , quo exit inflammatio .

389 Ubi sic affecto (388) loco compressio externa accidit , vel calor ingens humida dissipat , pars mortua instar arefacti corii durescit , inferiora suffocat , et corruptit .

390 Frigida (*b*) actu vel potentia , ads-

(*a*) Notandum quod puris confectione distinctissima sit à spontanea degeneratione humorum in putredinem ; illa enim vincente natura , ista devicta ea accidit .

(*b*) Aliquando in merbo recenti , et miti frigida applicata prossunt , si per errorem loci hu-

tringentia , coagulantia , repellentia , pin-  
guia acria , emplastica , narcotica , ligatu-  
ræ fortes , compressio externa , hanc mu-  
tationem inflammationis in gangrenam  
(388) cito promovent.

391 Tumque in Sphæcelum augent.

392 Si pars inflammata glandulosa ,  
calor internus externusve magnus , mate-  
ries impacta inertior , crassior , emuncto-  
ria obstructa glandularum , folliculi vero  
harum , et latera distenta , fit tumor du-  
rus , indolens , glandulæ : vocatur *Scirrhus* ;  
quartus finis abeuntis inflammationis .

393 Causa , pars affecta , magnitudo ,  
profunditas , velocitas , natura ægri , symp-  
tomata inflammationis , collata cum sig-  
nis , effectibusque , prognosin absolvunt .

394 Perspicuum quoque pro vario sta-  
tu mali varias esse curaturo indicationes .

395 Si enim aliqua causarum (375-  
376. 377. 378. 379.) in parte quacun-  
que (a) (372. 373. 374. 379.) inflammatic-

mores crassiores minora vasa ingressi , contrac-  
tis frigore vasis retropellerentur in majores ra-  
mos ; præcipue si vitium illud in tenuioribus  
fluidis haeret . Sanguinis enim rubra pars sta-  
tim coagulatur in aqua frigida ; serum , et te-  
nuior lympha non ita , ex Van-Swiet . Ophthalmiæ  
leves in initio sic quandoque sanantur . Cauta  
tamen sit frigidorum locis inflammatis applicatio .

(a) Quæ hic proponuntur magnum usum ha-  
bebunt in curatione pleuritidis , anginæ , et si-

nem (371) produxit, ut adsint symptoma (383. 384), et conditiones primæ (386), oriuntur hæ indicationes:

1. Impedire ulteriore vasculorum læsionem.

2. Eam, quæ jam facta, tollere.

3. Materiæ obstruenti fluiditatem, lenitatemque conciliare, conservare.

4. Vel, si id obtineri non potest, retropulsam in vasa majora agere.

396 Læsio ulterior impeditur:

1. Causas (375. 376. 377. 378. 379.) notas tollendo, corrigendo.

2. Impetum arteriosi sanguinis minuendo, per eductionem sanguinis, purgationem alvi.

3. Copiam liquorum minuendo per eadem.

4. Revellendo impetum sanguinis in partes alias, suctu, frictu, epispasticis (a),

miliū morborum, hinc singula acurate consideranda erunt.

(a) In variolis dum à primo morbi insultu crura, et pedes sovebantur mollissimis decoctis, et applicabantur Epispastica pedum plantis; saepius vidi densissimo agmine variolas inferiora corporis occupasse; in facie autem, et artibus superioribus paucimas tantum erupisse. Hæc Van-Swiet. hic. Joan. Fredericus Closius in *Nova Variolis medendi methodo* id vesicatoriis ab ipso morbi initio applicatis in omni variola, id consequi aseverat, atque demonstrare nititur.

vesicantibus, fomentis, balneis, fonticulis, setaceis, forti alvi subductione.

5. Aëre subfrigido, sicco; affectibus animi nullis, vel sedatis; quiete naturali, vel artificiali (*a*), victu tenui, liquido, antiphlogistico, potu simili; medicamentis diluentibus, et refrigerantibus simul.

6. Sedando impetum in ipso loco, applicatis refrigerantibus, repellentibus, adstringentibus externe, admistis anodynus, tum aperientibus, varia, pro re nata, mistura.

397 Læsio facta tollitur usu eorundem (396): nam distractione nimia laxata, propria fibræ vis priscam formam restituet, et nutritio vires reddet.

398 Materiæ obstruenti conciliatur fluiditas, si illa attenuatur, si diluitur:

1. Vasis oscillationes elasticas restituendo per imminutionem distendentis liquidi, misso sanguine, purgatione multa; per stimulum (*b*) additum fibris ope liquidu tenuis, aromatici, calide epoti; fo-

Vid. Aph. 1388. ubi sistema Closii amplius proponitur, atque discutitur.

(*a*) Anodinorum usus huc poterit advocari. Hæc tamen hic prudenter administranda.

(*b*) Aphor. 396. num. 6. præscribitur sedandum impetum; hic stimulum addendum ordinatur. Status varius mali indicationes variari suadet ex Aph. 394.

mentis, frictionibus, cucurbitis, scarificationibus.

2. Nova liquida tenuia, aquosa, calida (a) potando, impacta diluendo.

3. Utendo attenuantibus, resolventibus, et oppositis genio (b) obstruentis, interne, externe, forma decocti, balnei, fustus, vaporis, cataplasmati, emplastri, unguenti specie.

399 Lenitas procuratur potu aquoso, victu blando, medicina blanda diluente,

(a) Hæc calida potata summum remedium in omnibus morbis inflammatoriis dat: circulationis lege enim deducta ad illa loca corporis ubi obstruens illud inflammatorium hæret impactum alluet; vasorum efficacia cum illa conteretur sicque sensum se interponens concreti hujus moleculas illas separabit a se mutuo, et diluet.

Aqua dissolvit salina, saponacea, mucosæ, gelatinosa, &c.

(b) Si materia impacta est sanguis ruber, vel et tenuius liquidum immeabile, simulque adest major motus, et calor in putredinem vergens, tunc attenuans concreti inflammatorii simul debet esse putredini quammaxime adversum. Mel, Saccharum, fructuum horeorum recentes succi; cicchorei, taraxaci, scorzonerae, tragopogoni &c. solventissima decocta tanto cum fructu adhibentur. Inter salina attenuantia Nitrum reliquis præfertur. Externa remedia prudenter administranda, emplastica præsertum, ut jam dictum.

et obtundende , vel singulari dote acri specifico opposita.

400 Retropulsus fit:

1. Evacuatione magna liquidi arteriosi , venosique , missione sanguinis.
2. Laxatione fibrarum.
3. Frictione artificiali.

401 Hinc intelligitur , quænam sit in omni morbo inflammatorio , interno , externo , illa , semper quærenda , Resolutio; quæ sanatio perfecta ; quæ sine crisi (a) (386).

### APHOR. 396. NUM. 2.

#### *Purgatio Antiphlogistica.*

Cremoris Tartari drachmæ sex.

Crystallorum Tartari drachmæ sex.

Ipsijs Tartari drachmæ sex.

Salis Polychresti scrupuli quinque.

Pulpæ Tamarindorum unciae tres.

Tamarindorum unciae quatuor.

Rob Sambuci unciae quatuor.

Rhabarbari drachma una et semis.

(a) Resolutio dicitur sanatio perfecta inflammationis , quia ista tollitur nullo alio morbo inducto. Dicitur etiam sanatio sine crisi , quoniam hoc casu materies hærens à vita superscit , et remediis adhibitis sic disponitur ut item libere fluat per vasa sua sanitatis legibus obsequiosa penitus. Terminatio ista minime repugnat.

*Purgans antiphlogisticum, evacuans,  
revellens.*

- R. Rhei electi drachmam unam.  
 Salis Polychresti scrupulum unum, et  
 semis.  
 Syrupi Cichorei cum Rheo unciam  
 unam.  
 Secundum Artem accurate contrita  
 sirmul dilue in Aquæ stillatitiae florum  
 Sambuci unciis duabus.  
 Cinnamomi drachmis duabus.  
 Fiat Haustus.

*Bolus purgans antiphlogisticus impetum  
cruoris minuens.*

- R. Tamarindorum electorum pulpæ un-  
 cias duas.  
 Crystalli Tartari minutim pulverisati  
 drachmas tres.  
 Misce. Capiat omni octava parte horæ  
 drachmam unam donec commode pur-  
 getur.

*Haustus similis.*

- R. Foliorum Sennæ sine stipitibus electæ  
 drachmas duas.  
 Agarici optimi drachmam unam,  
 Tamarindorum electorum uncias duas.  
 Cum aqua stillata florum sambuci vase

clauso decoque spatio quartæ partis horæ, tum decocti per pannum expressi unciis quinque admisce

Nitri puri drachmam unam.

Syrupi Rosarum solutivarum cum  
Senna drachmas sex.

Fiat Haustus.

*Decoctum simile.*

R. Foliorum Sennæ drachmas tres.

Tamarindorum uncias duas.

Agarici drachmas tres.

Cum aquæ decoctæ spatio quartæ partis horæ pinta una admiſce.

Syrupi cichorei cum Rheo unciam unam.

Cipiat unciam unam omni semihora;  
donec purgetur.

Reliqua vid. Aph. 334.

APHOR. 396. NUM. 4.

*Epispastica.*

Constant Attrahentibus ad locum, Aphorismo. 135. num. 4.

Derivantibus eo : Aph. 135. num. 4.

Propellentibus ab illo : Aph. 135. num. 4.  
et Aph. 75. num. 6.

*Vesiccantia.*

Vid. Aph. 75. num. 7.

## APHOR. 396. NUN. 5.

*Medicamentum diluens, et refrigerans  
simul in hoc casu.*

- R. Radicis Acetosæ uncias duas.  
                   Graminis,  
                   Scorzoneræ singularum un-  
                   cias tres.
- Foliorum    Becabungæ,  
                   Acetosellæ.  
                   Agrimoniæ singulorum ma-  
                   nipulum unum.
- Cum aqua decoctis spatio octavæ partis  
                   horæ , adde
- Florum     Borraginis  
                   Buglosæ  
                   Rosarum  
                   Violarum , singulorum pugilum  
                   unum.
- Stent in digestione , vase clauso , spatio  
                   octavæ partis horæ , tum depurati pin-  
                   tis tribus admisce
- Nitri puri drachmas duas  
                   Rob Sambuci uncias tres
- Capiat uncias tres omni hora diei.
- Mistura diluens, refrigerans, anti-  
phlogistica.*
- R. Aquæ stillatæ florum sambuci uncias  
                   quindecim.

Rob Sambuci uncias duas

Nitri puri drachmam unam.

Misce. Capiat unciam unam omni hora.

*Emulsio similis.*

R. Seminum contusorum Bardanæ drachmas quatuor.

Petroselini drachmas sex.

Cichorei unciam unam.

Cum aqua stillata petroselini

Fiat emulsio, cujus unciis duodecim  
admisce

Nitri puri drachmam unam.

Syrupi quinque radicum aperientium  
unciam unam.

Capiat unciam unam omni hora.

*Pulvis refrigerans resolvens.*

R. Stibii Diaphoretici non abluti drach-  
mam unam.

Lapidis Prunellæ drachmam semis.

Radicis Zedoariæ scrupulum unum.

Misce. Fiat Pulvis dividendus in sex doses.

Capiat unam omni trihorio ex Ptisana.

APHOR. 398. NUM. I.

*Liquidum tenue aromaticum calide  
potandum.*

R. Ligni Santali albi

Citrini

Rubri singulorum unciam.

Radicis carlinæ unciam unam.

Petroselini

Fæniculi singulorum uncias tres

Ononidis uncias duas.

Cum aqua decoctis spatio dimidiæ horæ  
adde.

Ligni Sassafras rasi uncias duas

Foliorum Betonicæ

Rutæ

Scabiosæ

Tussilaginis , singulorum  
manipulum unum.

Stent in digestione fervida spatio di-  
midiæ horæ , clauso vase : tum puri li-  
quoris libras quinque exibe.

Sorbeat omni hora uncias duas fervidas.

APHOR. 399. NUM. I. 2. 3.

Vid. Aph. 107. ad 144.

### A B S C E S S U S (a).

402 Si , his (395. 396. 397. 398.  
399. 400.) frustra , non , aut , sero , pa-

(a) Sauvagesius Clase I. Ordine IV. Ge-  
nere 6. Apostema tradit. Spesies sunt: Apostema,  
seu Abscessus inflammationi succedens : per pu-  
ris metastasim , seu Apostasis : Scroti (*empiocele*)  
Corneæ (*Hypopodium*).

ratis , inflammatio in suppurationem (a)  
 (387) vergit , idque per signa , ibi (387)  
 posita , notescit , indicationes erunt:

1. Crudum ocyus maturare in unum humorem (b).
2. Idem , ut et vicina , emollire.
3. Ad exteriora ducere (c).
4. Puri cocto exitum conciliare.
5. Mundare locum.
6. Reliquum instar vulneris percurare.

403 Maturatio fit applicatione horum , quæ:

1. Motum in parte augent , fovendo,

Cullenius Clase I. Ordine II. Generè VII.  
 Phlogoses tradit , et tanquam sequellam hujus Apostema notat. Cujus speties sunt Abscessus: Pustula.

(a) Abscessus variam habet significationem. Mutatio in alium morbum : illud naturæ humanae molimen per quod ex sanguine separantur aliqua nocitura , et evaquantur de corpore , vel deponuntur ad quædam loca . . *Abscessus* vocantur. Hic tamen abscessus nomine intelligitur *Inflammationis transitus in suppurationem , et puris inde nati colectio in loco quodam corporis.*

(b) Quid cruditas , quid coctio alibi dictum. Inst. Med. §. 921.

(c) Ad istum finem applicant nostri Medici excelentes vesicatoria suris , et ita suppurationem in variolis ad exteriora sustinent. Praxis talis usque ad extremum celebrata. Chirurgus Louis in istum locum.

stimulando , calefaciendo per ea , quæ re ipsa , vel et virtute calefactiunt ; in toto similia præstant , excitata febricula .

2. Excitatum motum , et calorem ad eum locum coercent , impediendo nimiam exhalationem , et dissipationem per obturantia glutinosa , lenimen acrimoniae nimiæ .

3. Moderando motum totius fluidi vitalis , ejusque temperiem ita , ut nec torpeat , nec excitetur , nimis (a) .

4. Relinquendo locum clausum , donec omne inflammatum irresolubile suppuratum sit . His enim causis bonum fiet Pus in parte .

404 Nisi materies inflammata sic mutata , cum periculo , et sine profectu , appetitur abscessus .

405 Mollities partis , fluctuatio pressi tumoris , albitudo , remissio doloris , calor , ruboris , tensionis , pulsus , febris , vertex mucronatus tumoris , gravitas dolori succedens , docent pus jam factum , atque exitui aptum esse .

406 Si tum relinquitur diu in loco

(a) Maximi momenti hæc regula est in præxi medica tam in morbis internis , quam in externis curandis , numquam satis Tyronibus ponderanda . Est enim norma prudentissima , basis doctrinæ optimæ , et adamus præxeos securissimæ .

elauso , attenuatur , acre fit , putrescit , augetur , vicina consumit , erodit , mole , pondere , et motu sinus , fistulasque creat variis locis varias , pessimas in intestino recto . Aut dissipata parte tenuiori , reliquum durescens tumores duros , maxime circa glandulas , creat . Vel denique venis lymphaticis , aut sanguiferis (a) per erosa oscula impressum absorbetur , sanguini miscetur , hunc inquinat , et collectum in visceribus pessimis collectionibus ea corrumpit , horum functiones turbat , atque ita infinitos , eosque gravissimos morbos efficit .

407 Iisdem auxiliis (403) integumenta loci suppurati inferne , et superne emolliuntur , attenuantur , laxantur , ut et vicina .

408 Quin et hac ope (407) minuta resistentia horum , per auxilia maturantia (403) pus factum extra pellitur , vel attrahitur foras .

409 Tum modice acria , emollientia ,

(a) Post cubiti vulnus , et fracturam magnus satis abscessus vulneris locum , et vicina occupabat . Ingens puris copia alvo exereta abscessum curavit ex Belloste . Pulmonis apostema per urinas , Thoracis vero per intestina , et alvum expurgari Galenus vidit . De Locis affectis . Lib . VI . cap . 4 . Absortiones istae maxime notandæ .

subpingua mista simul applicentur , ut et mortua tegumenta facilius , et sine dolore aperiri queant.

410 Dein , presso rite pure in assurgentem tumorem , parti albissimæ , mollissimæ , eminentiori , inferiori , intrudatur scalpellum , donec exeuns pus satis penetratum doceat , dein elevetur æquabili sectione sursum lata plaga , aut per oppositam plagam cuspide acta , media integumenta dissecantur , vitatis fibris (a) , vasisque : leniter mox exprimatur , et successive , pus ubundans ; nec aëre , nec turndis vexetur.

411 Denique curetur mundantibus , suppurantibus , digestivis , balsamicis , detersivis , exsiccantibus pro re nata , variatis , juxta doctrinam vulnerum (192. ad 220).

412 Si inanis metus ferrum repudiatur , applicetur causticum parti (410) eschara butyro separetur mollita ; curatio fiat ut prius (410. 411).

(a) Cautio ista utilis est , et Fabricius nimis fortassis anxiè rectitudinem istam commendavit. Puris copia attollens partem membra subjecta reddit tuta ab incidente instrumento.

## APHOR. 403. NUM. I. 2.

*Maturantia in-pus.*

1. Gummi Aromatica simplicia.

Ammoniacum.

Bdellium.

Elemnij.

Galbanum.

Opopanax.

Sagapenum.

2. Emollientia , laxantia , humectantia,  
Aphor. 54. num. 4.*Cataplasmata emolliens , et maturans.*

R. Farinæ secalis uncias quatuor.

Aceti drachmas duas

Gummi Galbani in vitello ovi soluti  
unciam unam.Cum aqua decoctis in cataplasmata adde  
sub finem

Olei lini albi unciam unam.

Fiat Cataplasma.

R. Foliorum Acetosæ recentium manipu-  
los quatuor.

Butyri insulsi unciam unam.

Ad ignem leniter decoctis parum adde

Fermenti panis uncias duas

Gummi Sagapeni in vitello ovi solu-  
ti drachmas quatuor.

Fiat secundum Artem Cataplasma.

## Vel.

R. Mellis ad spissitudinem paulo majorem  
cocti uncias quatuor.  
Ceparum sub cineribus assatarum un-  
cias tres  
Ficuum pinguium uncias quatuor.  
Cum pauxillo aquæ secundum artem de-  
cotis in cataplasma adde  
Farinæ lini unciam unam, et semis.  
Fiat Cataplasma.

## Vel.

R. Avenæ excorticatæ unciam unam.  
Farinæ lini recentis uncias tres.  
Bulborum Lilliorum alborum uncias  
tres.  
Florum Altheæ unciam unam.  
Cum lacte recenti decoctis secundum Ar-  
tem adde  
Butyri insulsi drachmas duas.  
Fiat Cataplasma.

## APHOR. 403. NUM. 3.

Usus decocti Aph. 398. num. 1. huic  
proposito motum excitat sufficientem.

## A P H O R. 409.

*Cataplasma modice acre, emolliens, oleosum, tegumenta mortua resolvens.*

R. Fermenti panis acris uncias duas.  
 Saponis veneti rasi drachmas duas.  
 Mellis unciam semis.  
 Olei camæmeli infusi drachmas duas.  
 Misce. Fiat secundum Artem cataplasma.  
 Prossunt et præscripta Aph. 403. n. 1. 2.

## A P H O R. 412.

R. Cinerum clavellatorum uncias quatuor.  
 Calcis vivæ Leodiensis uncias sex.  
 Contusa misce, dein in loco humido  
 liquescant, filtra, inspissa; fusa ad ignem  
 validum in crucibulo, effunde in lapillos,  
 caute in vase sicco, bene obturato as-  
 servandos.

Horum pauxillum abrasum, pluma-  
 ceolo exceptum, applicetur spatio dua-  
 rum horarum, dein applica, deterso  
 priori, Butyrum.

Butyri Antimonii pauxillum impona-  
 tur apici protuberantis Apostematis.

Aut teneatur Lapis infernalis eidem  
 Apici aliquandiu applicatus.

**H**inc Sinuum , Fistularumque (a) origo , causa , natura , locus , effectus , intelliguntur (406.).

414 Aperti (413) facile cognoscuntur ; clausi cavitatis mollis attactu (b) deteguntur.

415 Curantur dissecta parte inferiori , impletione cavi per liquefacta digestiva pro re nata , injectu detersivorum , ligatura sensim premente à fonte ad aperturam : sed citissime integumentis artificiose supra cannulam fossatam (c) , filum argenteum , vel per syringotomon dissectis.

(a) Communiter definitur fistula : *Ulcus altum seu profundum , angustum , et callosum*. Istud postremum errores multos peperit in praxi ex Chirurgi Louis observatione.

(b) Sinus , et fistulæ variusque eorundem decursus deteguntur optime si per siphonem , et leni vi aqua tepida injiciatur. Specillum vias sæpe facit , quæ non adfuerant.

(c) Omnia promptissima cura fistularum , et sinuum est , si dissecantur integumenta sic , ut fistula mutetur in ulcus appertum. Ludovicus XIV. Galliæ Rex methodo ista per incisiones varias curatus fuit visis inutilibus testamentis omnibus in aliis fistulosis factis. Filum argenteum , aptius plumbeum , ad id etiam

416 Bubo , parotis , furunculus , anthrax , carbunculus , phyma , erysipelas , morbilli , variolæ , maculæ rubræ , hinc quoad cognitionem , prædictionem , curationem , sciuntur (a).

417 Nec difficulter hinc scitur even-

valet , sed curatio ista longior , et molestior . *Syringotomos* , instrumentum ita dictum ab usu , quem in fistulis secundis habet ad ani fistulas ut plurimum destinatur .

His omnibus addenda contra apertura , seu sinus istius seetio in ejus fundo , si fas est , facta .

Doctrina ista de Fistulis ulterius prosequenda . Pro Tyronibus innuimus dari fistulas .

1. A corporibus extraneis per vulnera à tormentis bellicis introducta : quæ extractione illorum , vel per partem qua fuerunt introducta , vel qua hærent solvuntur .

2. Ab ossium Carie , quæ non nisi sublata ista sanantur . Acrimoniae variæ , si adsint tollendæ . Caries ipsa radendo , trepanando , cauterizando .. seu alitèr curanda , quo facto sua sponte fistula evanescit .

3. Ab interrupto , et devio fluxu naturali quolibet . Hinc fistulæ lacrimales , quæ apertio ne nasalis ductus : Salivales , quæ setaceo in ipsa canalis Stenoniani continuitate : intestinales , ut in artificiali ano , quæ munditie summa: urinariae , quæ cereolis urethram ampliantibus.. vincuntur .. sed de his hic satis .

(a) Ex his , quæ de inflammatione , et suppuratione dicta fuerunt habetur cognitio plurimorum malorum , quæ ad inflammationem , et

tus suppurationis internæ , ad quam artificis manui accessus non datur , magna quippe , et multa mala (406. 413.) , et collectiones puris in cava corporis .

418 Si tum necessitas partis affectæ ad vitam , sanitatemve scitur , facile prævidentur futura , et curationis difficultas .

### A P H O R . 415.

#### *Injectio digestiva liquefacta.*

R. Terebinthinæ nativæ uncias duas.

Vitellorum Ovorum unciam unam.

Secundum Artem subactis admisce Mellis communis uncias duas.

Spiritus vini communis drachmas quatuor.

eius exitus varios referri possunt. Aliqua hic enumerantur.

Bubones sunt tumores glandulosi in inguinibus , et subaxillis ut plurimum reperti . Hic enim glandulæ colocantur in mollissima tunica adiposa ab omni compressione muscularum fere liberæ , maximis arteriis , venisque , et truncis nervosis adjacent , et ab illis ramos recipiunt . Hinc loca ista pro emunctoriis universalis humorum massæ , et viscerum jure merito habita fuerunt apud veteres Medicos . Glandulæ facillime fluxionem recipiunt ob imbecilitatem , et rariorem texturam . Galenus . Meth. Medend. Lib. XIII.

Aquæ communis uncias quatuor.  
Calefactum, et probe mistum injice.

*Vel.*

R. Balsami Arcei  
Vitelli Ovorum ana unciam unam,  
Mista dilue in  
Spiritus vini communis unciis octo.  
Usus ut prioris.

*Injectio Detersiva.*

R. Mellis Rosarum uncias duas.  
Elixir proprietatis cum sale tartari  
pararati unciam semis.  
Lixivii Barbi-tonsortis uncias octo,  
Misce.

R. Aloes  
Croci  
Myrrhæ singulorum drachmam unam.  
Salis communis drachmas tres.  
Coctis in aqua, et filtratis unciis deceem  
adde vini æqualem quantitatem.

*Vel.*

*Decoctum Balsamicum, consolidans  
Fistulam puram.*

R. Radicis Aristolochiæ majoris uncias  
duas.  
Foliorum siccorum Scordii unciam  
unam.

Baccarum Juniperi contusarum unciam unam.

Cum spiritus vini debili decocto in phiala alta spatio unius horæ unciis virginati admisce

Saponis veneti unciam unam.

Usus ut prioris.

Ubi pura fistula, hanc consolidat sequens

*Injectum.*

R. Olei infusi Hyperici uncias quatuor.

Aloes Myrrhæ

Olibani, singulorum drachmas duas.

Coquendo leniter, mista subige cum vitelli ovorum unciis duabus.

Dein, calefacta parum, in fistulam puram injice.

G A N G R Æ N A (a).

419 Si inflammationi (371. 372.) Gangræna (388) succedit, alia curatio requiritur: vocatur autem Gangræna ea partis mollis affectio, quæ, abolito influxu vitalis humoris in arterias, efluxu per

(a) Sauvag. Cl. X. Ord. VII. *Cachexie anomala*. Gen. 37. *Gangræna*. Speties 8. A Contusione: ab infiltratione: ab strangulatione: à veneno: ab inflammatione: ab ambustione: à gelu: à putredine.

Cullenius Clase I. Ord. II. Gen. VII. *Phlogosis* Gangrænam ut hujus Phlogoseos sequelam proponit tantum.

venas , in mortem tendit ; sed Sphacelus ea , quæ jam in tota parte omnem vitalem actionem perfecta morte destruit , superstite vita in reliquis.

420 Gangræna ergo ut plurimum panniculum adiposum , Sphacelus cuncta ad ossa usque inficit ; illa præcedit , hic ut plurimum sequitur ; nisi ab ossis corruptione , medullæ , vel periostei originem duxerit : unde et apparet singularis gangrænæ species , quæ sine febre , inflammatione , aut jactura caloris nativi fit in partibus sub contusa medulla dorsi positis (326).

421 Ergo Gangrænæ , et Sphaceli causa eadem , sed vi , duratione , loco diversa.

422 Ideo i. omnia quæ inflammationem faciunt (375. 376. 377. 378. 379.) , si liquida stagnent , et nitus in ea vivi sanguinis magnus : eo pertinent a ligatura venarum. (a) b compressio earum ab causa quacunque , ut tumore , &c. c frigus ingens. d prohibita perspiratio in phlegmone per adstringentia , emplastica , frigida , repercutientia , stupefacentia , maxime si interna acria , vel acria simul externis applicatis permista. e inflammatio interna , externa. f vulnerata , contu-

(a) Juvenis bene potus subligaculis arcte adstrictis gangrena in utroque crure occupatus fuit , et mortuus.

sa , luxata , fracta , maxime si arcte constricta. *g* oleosa acria sanis applicata , vel ægris. *b* decubitus. *i* herniæ suffocatæ, et clausæ.

423 2. Quæ liquida acuunt , ut vascula exedant , destruantque , ut *a* stagnatio clausi , et calidi humoris diurna, unde acrimonia (80) , corrosio , hinc cruar in aneurismate , pus in abscessu , aqua in cranio , thorace , abdomine , scroto &c. contusa , et effusa in læsis. *b* mala , morbosæ , acris temperies in toto peccans , et locum alluens ; ut lympha diu fluens circa loca tendinosa , ichor cancri , fluor dysentericus , fluor hydropicus , materia febrilis , pestilentis , variolosæ , scorbuticæ fluxus ad carnem , inprimis ad gingivas.

424 3. Quæ mortem extremorum creant defectu vitalis influentia , ut quies senilis , debilitas summa , contusiones ingentes magnorum nervorum , spinæ dorsi , medullæ spinalis , magnorum ganglionum. (326. 420).

425 4. Venena mirabilia (*a*).

(a) Grana tritici secalis , nigra , et figuræ insolitæ , vulgo ergot comesta gangrenam siccam , nigram , lividam à digitis pedum incipientem in viris præsertim inducunt. Mirabilis hæc observatio docet saluberrimum humano generi alimentum nempe Triticum sic à latente causa mutari posse , ut verum fiat venenum...

426 Gangrænæ futuræ signa sunt causæ ejus (422. 423. 424. 425.) præcognitæ.

427 At vero præsentis hæc: 1. phænomena inflammationis subito ablata sine correctione causæ, (confer 382. 383. 385. cum 422. 423. 424. 425.) 2. sensus hebes. 3. color pallidior, cinereus, fuscus, lividus, niger. 4. mollities, flacciditas, ad tactus vestigia non resurgens. 5. pustulæ ichore lymphatico subflavo, vel rubello plenæ in loco inflammato. 6. ubi à frigore, pruritus, et punctura ingens, una cum rubore intenso, quem brevi nigritudo mortifera sequitur.

428 Sphacelus futurus scitur ex sighis Gangrænæ præsentis (427) assiduo auctis.

429 Præsentis autem signa sunt. 1. Gangræna exquisita prægressa. 2. sensus, motusque integre sublati, ut pars scissa, puncta, usta, usque ad ipsa ossa, nihil sentiat, sed gravis modo fit. 3. color lividus, fuscus, niger. 4. mollities, flacciditas, frigus, cutis separabilis, tandem siccitas, durities. 5. fœtor cadaverosus. 6. corruptio mortifera, profunda, omnia vicina depascens in ossa usque.

430 Ingens in hoc morbo, et velox discrimen (*a*) præsagia vera exigit.

(*a*) Mulier enika, et sana subito in dextro pede tantum dolorem sensit, ut ejus atrocitatem summis ejulatibus exprimeret. Nullum

431 Quam veritatem dabit. 1. justa consideratio ætatis , temperiei , morbi , vi- rium. 2. Velocitas mali. 3. causa interna vel externa cognita. 4. anni tempestas. 5. locus affectus , ut vitæ magis , minus ve necessarius , vel prout humida , sinuo- sa , aut sicca temperie donatur.

432 Hinc regulæ:

A Gangrænæ sphacelus.

A Sphacelo mors partis , et vicinorum cita infectio.

Gangrænæ ilico (a) succurrendum.

Sphacelus ilico extirpandus.

Gangræna cerebri , viscerum , vesicæ , lethalis , et in acutis cita mortis , partibus

tamen in parte dolente vitium apparuit , nec fri- gus , nec calor nimius aderat. Post remedia va- ria levamen sensit ægra ; sed transacta nocte tranquilla satis , mane inventus fuit totus pes frigidus sine ullo sensu , perfecto sphacelo cor- reptus , qui velociter serpens necavit eam. Vid. La Motte Chirurg. Tom. III. pag. 358. Ca- sus horridus!

(a) Natura , quæ toties sibi soli sufficit , per- fecit curam in talibus casibus , ubi sola extir- patio locum habere posse videbatur. Hoc ra- rissimum est. Nihilominus aliqui casus docent non omnino desperandum esse in illis ubi vel ob debilitatem summatim , vel alia quacunque causa extirpatio fieri nequit. Tuncque bono victu , et cardiacis vires erigendæ sunt , dum interim pars affecta conditur talibus , quæ om- nem putredinem prohibit , et emendant.

majoribus vix apparentibus læsis , causa.

Gangræna oris interni , labiorum , narium , genitalium , curatu difficilis.

Sphacelus extremorum , tendinosorum , lethalis in senio.

Gangræna hydropicis , phthisicis , scorbuticis pessima , mortis nuncia.

Sphacelus superiora petens , vigilias , deliria , syncopen , ructus , singultus , spasmos , dolores , sudorem frigidum , soporem creans , prænunciat mortem.

Lividitas , nigritudo , ariditas circa ulceræ , gangrænam , sphacelum , mortem adesse nunciant.

433 Indicatio in Gangrænæ curatione : 1. vires firmare. 2. putridi ingressum in venas impedire. 3. putredinem concepatam arcere , coërcere.

434 Firmantur vires dando : 1. quæ causæ internæ (422. 423. 424. 425.) debellandæ prosint , spiritus excitent , liquidis motum circularem conservent , habitas simul ratione ætatis , sexus , temperiei , tempestatis. Illa ergo ex classe refrigerantium , vel calefacentium petuntur pro re nata. 2. cibos potusque analepticos. 3. Epithemata (a) ex pane tosto cum præscriptis (N. 1. hujus) applicata venis , vel circa nares.

(a) In tota corporis externi superficie venarum bibularum oscula patent , quæ contigua

435 Impeditur putrefacti in venas introitus. 1. firmando vires (434), adeoque augendo motum ad exteriora. 2. curando exitum ad exteriora; fomenta, catalplasmata ex diaphoreticis, emollientibus, laxantibus, facta, scarificationes, eucurbitæ (a), hirudines id agunt, cum calore externo.

436 Putredo incipiens corrigitur: 1. tollendo ejus causas (b) sensibiles (422. 423. 424. 425)

Liquida haurire possunt, et sanguini miscere illico: unde patet ad vires firmandas et ad alia etiam maximum usum posse habere illa remedia, quæ externæ cuti apponuntur. Hoc præseruum accidit, si subtilissima, et maxime fragrancia applicantur locis, quibus magnæ venæ adjacent, et nervi, ut v. gr. sub axillis, poplitebus, collo, &c. narium interna superficie, &c. Utilissima ergo sunt hujus modi Epitemata, quæ tegi debent ne promptè dissipentur.

(a) Ablata enim atmosphæræ præssione illo in loco cui eucurbita hæret impetus sanguinis per vivas adhuc partes moti distendet vasa, elevabit mortua incumbentia, et repellat putrida. Remedia ista ad deficientem vitam, et nutritionem restituendam in parte exsuccâ, et fere exarefacta valent, ut observationibus constat.

(b) Prout hæ variæ sunt varie corrigenda Gangrena. In illa, quæ post summam debilitatem aut senilem quietem, et lenta, et frigida sanguinis cacochimia... sequitur, cardiaca calida moventia, et incitantia summum usum

437 2. Corrigendo ejus causam proximam, stagnationem, et calorem: *a* condiendo stagnantia contra putredinem: *b*. muniendo solida contra eandem: *c* stagnantibus correctis per vasa munita conciliando motum.

438 Condiuntur liquida applicatione salis, aceti, vini, spirituum vini, aromatum.

439 Iisdem (438) servantur solida intacta.

440 Stagnantia deducuntur in motum: *a* diluendo aquosis affatim haustis, et applicatis: *b* stimulando arterias per ea, quæ malo opposita: *c* movendo liquida calore, frictione, cardiacis: *d* sublata copia nimis distendente per missionem sanguinis (*a*).

habent: eadem tamen hæc nocerent summopere si in calido juvenili corpore post summam inflammationem Gangræna nasceretur.

(*a*) Hæc unice exercebitur presente plethora universali, sive particulari ita ut metuendas sint circulationis suffocatio, vasorum ruptura, et Gangræna à nimia plenitudine, seu à nimio sanguinis per vasa motu . . . quo casu judicat Medicus per missionem istam sanguinis, imminuto liquido distendente restitui vasis oscillationes elasticas, quæ ad motum stagnantium quam maximè necessariæ sunt. An venæ sectio potius ad præcavendam Gangrænam, quam ad sanandam deservire possit?

441 His (434. 435. 436. 437. 438. 439. 440.) cito applicatis, sæpe renovatis, multoties incipiens gangræna felici correctione, et diaphoresi benigne tollitur.

442 Si autem liquida jam putrefacta, horumque mobilissimæ partes exhalaverint, tum et canales destructi fuerint, malum non cedet his remediis, neque reddetur corruptæ parti sanitas, sed vicina multum destruentur motis, neque tamen exhalarē potentibus, vivis.

443 Ideo totus scopus hoc casu (442) separare mortuum à vivo.

444 Separatio hæc fit semper vi vitalis liquidi ruentis ad fines gangrænosæ escharæ, ibidem suffocati, sicque in suppurationem (387) acti, unde solvuntur fibræ nectentes gangrænam parti sanæ (a).

445 Adeoque patet, in eo hærere artem, ut 1. fiant ea, quæ dicta (433. 434. 435. 436. 437. 438. 439. 440):

2. Ut acceleretur suppuratio.
3. Ut emolliatur eschara (b).

(a) Sed quomodo fiet separatio ista? An per suppurationem? Utique. An secando, urendo, corrodendo? Minime.

(b) Emolitio escharæ per humectantia, et laxantia poterit fortassis gangrænam ipsam fovere. Nonne præstabit exsiccare ipsam, ut ita crusta dura resistens vasa circumferentia stimulet, excitetque ad ipsius expulsionem? Nonne

446 Ut suppuratione acceleretur, conductus scarificatio putrefacti usque ad vivorum initia: sic enim, suffocatione nimia imminuta, loco serpentis gangrenæ fit abscessus, quo cutis et adeps gangrenosa plerumque à subjectis adhuc vivis separantur.

447 Quo autem sanguis plus in hosce fines ruat, hirudines, cucurbitæ, et similia attrahentia sæpe applicata prouident (a).

Unguentum egipciacum tanti hic usus, quia desiccativum? Ita loquitur chirurgus *Louis* in nota ad istum locum. Emollientia] parti proximæ inflammatae unicè deservire poterunt.

(a) Atrahentia ista his locis applicata prouidetesse poterunt, quatenus diluentium, et antisepticorum remediorum quæ ore assumpta sunt efficaciam hoc versus determinant.

Cortex peruvianus in Gangræna, et Sphaelo sistendis, et curandis maxime prouidetesse poterit exterius applicatus, et interius assumptus. Quamplurimis experimentis quotidie confirmatur ejus virtus in his maliis à debilitate, inertia . . procedentibus.

Deficit in Materie Medica Remedium istud egregium reliquis ibi propositis ad hunc scopum anteponendum. Nescio quo fato latere posuerit hic Ill. Boerhaavio inventum istud admirabile, cum ex Van-Swiet. testimonio illud publici juris fecerit An. 1731. celebris Chirurgiæ Profesor Rushworth, et ex Chirurgi *Louis* asserto jam An. 1715. Societati Regiæ hu-

448 Incisa (446) pars calidis liquoribus, corruptioni resistantibus (438), et duritiem escharæ (389) emollientibus (403), fovenda.

449 Partes pendulæ, emortuæ, solutæ, emollitæ escharæ tollendæ tenaculis, forfice.

450 Toti parti affectæ assiduo applicanda cataplasmata calida, et cum calore continuo sustentato agentia; quæ ex Emollientibus, Diaphoreticis, Anodynis, constent.

451 Huc etiam plurimum facit rarer partis detectio (a), quam vulgo fieri solet.

452 Ubi, his (446. 447. 448. 449. 450. 451.) factis, eschara contrahi, scarificata humescere, margo sana tumere, rubere, suppurari, mortuum vacillare incipit, signum est, separationem fieri, sub-

jusmodi virtutem renunciaverit. Addendum igitur remedium istud Tesauro Boernaviano, pro Gangræna, et Sphacelo alias insanabilibus sanandis.

(a) Quandiu nondum constat Gangræna progressum cohibitum fuisse saepius inspicienda affecta pars. Dum crenna illa separans mortui, et vivi confinia aparuit apposita diutius applicata maneant sine renovatione ad aeris accessum prohibendum. Sufficit ut Chirurgus ter, quaterve in die accedens subolfaciat an aliquid putridi deprehendat, et si nihil tale adsit tune

sistere serpens malum , brevi purum futurum locum.

453 Tum lenia , anodyna , balsamica , digestiva applicanda sunt , raro detegendum ulcus est ; omnia , quæ fibris rigiditatem dant , vitanda ; quies parti danda ; et porro instar ulceris malum pertractandum erit (411).

454 Si ab impacto acri Gelu (a) gan græna (427. num. 6.) , pars , nive imposita , vel impositis linteis aqua gelida humectatis , operienda erit , donec , spiculis frigoris in nivem vel aquam receptis , iterum solvi incipiat , redeunte vita .

totum apparatus per viginti quatuor horas relinquendum.

(a) Gangræna ista borealibus Regionibus , et acerrima hie me observatur , quæ curationem peculiarem hic propositam exigit . An frigus mera tantum caloris privatio sit ? An potius ens phisicum , spicula nempe glacialia ? hic non curamus . Observationibus repetitis constat Gangrænam hujusmodi applicatione aquæ frigidissimæ congelationi proximæ sanari , per calida applicata emori . Poma conglaciata igni admota , ut regelascant omnem saporem perdunt , et in mollem pulpam conversa corrumpuntur brevi . Si autem frigidissimâ aquâ repetitis vici bus immergantur crusta glacialis ea tegit , tandemque pristinum saporem retinent , seu adquirunt . Hippocrates jam dixerat : verum et pedes perfrigerati deciderunt ex calidæ affusione . De Liquidor. usu. Cap. I.

455 Aliter enim caloris applicatu pars putrescit , actis , nec eductis spiculis.

456 Eo autem peracto (454) , calidis refocillandus cardiacis , et in sudorem usque calefaciendus æger est (a).

APHOR. 434. NUM. I.

*Mistura spiritus excitans in Gangræna à causa calida , temperie alcalina.*

R. Succi recentis expressi citri uncias duas.

Aurantiorum unciam unam.

Syrupi recentis Mororum uncias duas.

Aquæ stillatitiæ citri totius uncias quatuor.

Melissæ uncias duas

Cinnamomi unciam unam

Vini Renani uncias sex.

Addito , si opus , saccharo.

Misce. Bibat unciam unam , omni hora , vel et semi-hora.

(a) Triticum illud secale de quo Aph. 425. dicitur , hispanicè *Tizonzillo* nominatur. Super isto in Actis Societatis Regiæ Medicinæ Parisiensis extant plurima merito videnda Tom. I. pag. 303 , et 417. Sauvagesius de eo agit Classe X. Gen. 39. *Necrosis*.

*Vel.*

R. Rob Ribesiorum

Berberis, singulorum uncias duas.

Spiritus salis drachmam semis.

Aquæ stillatæ melissæ uncias sex.

Vini Rhenani uncias decem.

Misce. Capiat unciam unam omni hora.

Si frigida laborat Gangræna , temperies phlegmatica , vel acida.

*Mistura spiritus excitans calida.*

R. Salis volatilis oleosi drachmas tres.

Elixir propietatis cum sale tartari preparati drachmas duas.

Aquæ stillatæ vitæ Matthioli uncias tres.

Corticis citri uncias sex.

Syrupi quinque radicum aperientium,  
Artemissæ Fernelii singulorum unciam unam.

\* Confectionis Alchermes completæ,  
drachmas duas.

Misce in usum eundem.

APHOR. 434. NUM. 2.

In Temperie Acida , Aph. 66. num. 1. 2.

Alcalina. Aph. 88. num. 5. 6.

## APHOR. 434. NUM. 3.

*In casu alcalescente calido.*

R. Vini Rhenani libram unam.

Cinnamomi

Caryophylorum

Foliorum Maceris

Nucis Myristicæ ana drachmas duas.

Coque in phiala alta vitrea, in arena.

Hoc decocto imbue panem tostum.

*In casu acido frigido.*

R. Salis volatilis oleosi unciam semis.

Spiritus corticis citri uncias duas.

Spiritus Lavendulæ

Menthæ singulorum unciam  
unam.

Theriacalis uncias duas.

Misce. Atque hoc tostum panem imbue.

## APHOR. 435. NUM. 2.

*Fomentum ad Gangrænam emolliens, anti-  
septicum, resolvens, putrefacti introitum  
in venas impediens (a).*R. Foliorum recentium Rutæ manipulos  
quatuor.

(a) Peruvianus cortex his omnibus merito  
adjungendus; imo dato casu præferendus est. Vid.  
Not. in Aph. 447.

Malvæ manipulos duos  
Alliariæ manipulum unum.

Farinæ lini unciam unam.

Cum aquæ decoctæ vase clauso libris qua-  
tuor admisce.

Saponis veneti drachmas duas.

Fiat Fomentum laneis pannis appli-  
candum.

R. Aceti Sambuci uncias duas

Aquæ Florum Sambuci uncias decem.

Salis Ammoniaci drachmas duas.

Vini albi Gallici uncias sex.

Misce pro Fomento.

### *Cataplasma simile.*

R. Florum Meliloti

Sambuci

Altheæ

Chamæmeli

Calendulæ singulorum uncias  
tres.

Cum aqua decoctis in cataplasma adde  
sub finem.

Farinæ lini unciam unam.

Olei Lini unciam unam, et semis.

### *A P H O R. 438.*

#### *Condimentis talibus materiem præbent.*

Sal Ammoniacus

Borax

Gemmæ

Nitri

Marinus

Regeneratus residuus à destillatione

Spiritus salis Ammoniaci.

Acetum vini.

Calendulæ

Destillatum

Dracunculi hortensis

Lavendulæ

Rosaceum

Rutaceum

Sambucinum

Scilliticum

Theriacale

Spiritus Nitri

Salis

Sulphuris per Campanam

Vitrioli

} Simplex vel  
cum triplo  
Alcoholis  
dulcis.

Vina Rhenana imprimis.

*Aromata hic fere propria.*

Abrotanum.

Geranium Robertia-

Absinthium

num

Alliaria

Lavendula

Angelica

Majorana

Balsamica

Marrubium album

Carduus Benedictus

Myrtus

Centaurium minus

Origanum

Chamædrys

Polium

Dictamnus creticus

Pulegium

Rosmarinus	Scordium
Ruta	Tanacetum
Sabina	Thuya.
Salvia	

*Fomentum putredinem incipientem corrigens.*

R. Foliorum Rutæ  
 Scordii  
 Absinthii singulorum uncias quatuor.  
 Menthæ unciam unam  
 Cum aquæ , et Aceti ana quantitate sufficienti decoctionis vase clauso , libris quatuor admisce  
 Salis gemmæ drachmas quatuor.  
 Spiritus vini Theriacalis uncias duas.  
 Fiat Fomentum.

*Cataplasma antisepticum ad Gangrænam.*

R. Eadem.  
 Coque in Cataplasma sub finem addendo  
 Salis Ammoniaci drachmas quatuor.  
 Farinæ Lini uncias duas  
 Olei infusi Rutæ unciam unam , et semis.  
 Fiat Cataplasma , tempore usus irrorandum  
 Spiritu vini Theriacalis , vel spiritu vini camphorati tantillo.

## A P H O R . 4 4 8 . N U M . 6 .

*Liquor calidus corruptioni resistens.*

R. Aceti dracunculi hortensis uncias sex.  
 Rosacei uncias duas  
 Spiritus vini Theriacalis unciam unam.  
 Salis Marini unciam unam.  
 Aquæ decoctæ scordii uncias duodecim. Misce.

*Escharæ gangrænosæ emolliendæ optima hæc.*

R. Foliorum scordii manipulos duos  
 Malvæ manipulum unum  
 Florum Lavendulæ  
 Altheæ, singulorum unciam unam.  
 Cum Aceto decoctis in Cataplasma admisce  
 Farinæ lini uncias tres.  
 Olei Lini unciam unam.  
 Salis ammoniaci drachmam unam.  
 Unguentum aureum.  
 Basilicon.

## A P H O R . 4 5 0 .

*Cataplasma emolliens, diaphoreticum,  
 anodynum.*

R. Foliorum recentium Abrotani marini  
 Absinthii pontici  
 Rutæ hortensis

	Scordii
	Alliariæ
	Eupatorii cannabini
	Marrubii albi
	Nicotianæ , singulorum ma- nipulum semis
	Hyoscyami manipulum.
Florum	Caltæ terrestris
	Centauræ minoris
	Meliloti
	Matricariæ
	Tanaceti singulorum uncias duas
	Altheæ
	Papaveris erratici singulorum unciam unam.
Cum aqua decoctis vase clauso spatio quartæ partis horæ admisce	
	Farinæ lini uncias quatuor
	Olei infusi Rutæ uncias duas
	Aceti Theriacalis
	Spiritus vini Theriacalis sin- gulorum unciam unam.
	Salis Ammoniaci drachmam unam.

## A P H O R. 456.

*Mistura Cardiaca calida in Gangræna  
à causa frigida.*

R. Aquæ stillatæ Theriacalis unciam  
unam.

Prophylacticæ Silvii drachmas sex.

Vitæ Matthioli unciam unam

Rutæ uncias novem

Syrupi Artemissæ Fernelii

Radicum quinque aperientium singu-  
lorum unciam unam, et semis.

Elixir proprietatis cum sale Tartari pre-  
parati drachmas duas.

Misce. Capiat cochleare unum omni octa-  
va parte horæ superbibendo unciam  
unam, vel alteram sequentis

R. Aquæ decoctæ Hordei pintas duas.

Vini Gallici pintam unam.

Zingiberis pulverisati drachmas duas.

Syrupi Botryos uncias tres. Misce.

R. Camphoræ grana octo.

Theriacæ drachmas duas.

Zingiberis drachmas tres.

Misce. Capiatur scrupulus unus omni bi-  
horio.

## S P H A C E L U S.

**457** *Si gangræna jam in sphacelum  
conversa, infectum auferendum.*

**458** *Quæ ablatio diversa, prout pars  
vel tota, vel pro parte affecta, vel prout  
tota tolli non potest ob situm; ut na-  
tes, &c.*

**459** *Si ergo pars non usque in fun-*

dum corrupta , aut extirpare nequit , connamur : 1. progressum impedire. 2. corruptum auferre.

460 Progressus tollitur , si communicatio mortui cum vivo aufertur.

461 Id fit , si in vicinia sani , et mali limes ponitur secando , urendo , rodendo; isque undequaque satis profundus.

462 Infectum separatur , si impedito progressu (461) prius , vel simul dum id fit , tota pars usque in fundum sanum uritur , secatur , dein acri lixivio calide applicato eroditur , donec in escharas , assiduo emolliendas (403) , et tollendas , usque ad viva consumatur , eximatur. Vitalis summa cum cura vivis.

463 Ubi dein sanitatis , et vitae indica redeunt , curandum ut ulcus , vulnusve.

464 Si vero pars extrema in os usque sphacelata tolli potest , salva vita , una cum osse ipso extirpanda erit ; quia nudum vasis nutritri nequit , neque vivere potest.

465 Illa extirpatione in digitis , metacarpo , vel metatarso , cuneo peragitur , et malleo.

466 In majoribus vero , ut femore , crure , humero , brachio , eget operosiore molimine , quod intelligitur ex sequentibus.

467 Definitur locus , ubi extirpatione instituenda ex hisce:

1. Sanum maxime conservandum.
2. Corruptum accuratissime simul et semel tollendum.
3. Usus commodissimus parti superstiti procurandus.

468 Ergo in cæteris sectio fiat in sano (a) prope ægrum (ob 467. num. 1. 2.) ; in crure autem sub genu semper (ob 467. num. 3.)

469 Ad amputationis administracionem , et felicem successum intelligendum, attenditur:

1. Ad præparationem.
2. Actionem ipsam.
3. Curationem symptomatum.
4. Consolidationem.
5. Supplementum amissorum.

Præparatio fit:

1. Compressu vasorum magnorum sanguiferorum arteriosorum per splenia applicata pyramidalia , et ligaturam tornando adigendam super his in parte sana prope ægram.

(a) Variæ fuerunt circa hanc rem Auctorum sententiæ. Probabilior , et securior est quæ hic proponitur à Boerhaavio. Metus doloris , et hæmorrhagiæ , quæ ex sectione ista concipiatur levare utcunque facile poterit , præsertim, tornatili ligatura quâ magni arteriarum trunci comprimuntur , eademque opera præsis nervis stupor , et insensilitas in parte secunda adsunt.

2. Tractu valido , et æquabili partium inciderarum ope ligaturæ ex corio fibulatæ cum loris.

3. Firmatione cauta ægri , et partis amputandæ.

4. Moderato inflexu partis , ne nimis extensa segetur.

5. Narcotico cardiaco ipsi ægro exhibito.

470 Actio fit in parte præparata (469)

1. Cultro acuto , forti , curvo , in dorso obtuso , bene temperato , fortiter per omnia ad os usque adacto , æquabiliter , et fortissimo applicatu ad os in orbem circumacto , ut una celeri sectione totum periosteum accurate discissum sit.

2. Si duplex in amputanda parte os , interstitia similiter minori , utrumque acuto , cultello quam exactissime dissecando.

3. Dissecta (1. 2. hujus) per ministros fortiter distrahendo , ut hiatus sit inter margines sectionis.

4. Serra acuta , subtili , forti , tensa , os secando , quæ agenda perpendiculari , forti , æquabili motu ; incipiendo ab tenuioris dissectione , desinendo in crassissimum , si os duplex ; ne vi serræ in festucas fissum dissiliat debilius.

5. Ossa inter secandum per ministros artificiose flectendo , ut liber sit serræ meatus.

471 Symptomatum , extirpationem se-

TOMO III.

quentium, primarium Hæmorrhagia semper ilico sistenda:

1. Vasis, jactu sanguinis deprehensis, apprehensis per tenacula elatere compressa, eductis, filo trajecto, et circumducto arcte constrictis, si majora sunt. Aut vas constringendo per filum acubus binis incurvis utrimque ad latera vasis infixum.

2. Cauteriis ignitis applicatis (a).

3. Plumaceolis vitriolo imbutis ad vas, absorbentibus alia ad loca applicatis.

4. Partes vivas, retractas (469. n. 2.), laxatas reducendo.

5. Vesicam circumponendo trunco, pulvere adstringente refertam.

6. Ligatura firmante.

7. Somno, quiete, victu sollicite procuratis.

472 Consolidatio fit in osse, si cito curetur exfoliatio, et caveatur caries, quod fit, si ilico ei applicetur spleniolum spiritu vini mastichino madidum.

(a) Ista methodus hæmorrhagias sistendi per cauteria ignita eviluit. Prestat id per ligaturas, et similia procurare. Si id per adstringentia apposita intenditur ligatura non debet esse valde arcta. Agaricus ad istud opus præstansissimus. Prudentes chirurgi noctes diesque famulos apponunt, qui blanda manus præsione stipticos pulveres, et reliquum apparatus contineant.

473 In carne vero, ut in historia vulnerum dictum fuit (ab 189. 192. ad 210).

474 Si ægro, sic truncato magnam partem (466. ad 471.), viscera chylopoæ, et hæmatopœa valida sunt, plethoræ effectus sæpe sequuntur (106), quibus ut auferatur causa, missio sanguinis aliquoties, pro re nata, instituenda, et vicius moderatus.

475 Amissi damnum sarcit imitatio artificialis perditæ, per fabricatas machinulas. Vid. Aquapendentem, Hildanum, Solingen, Paræum.

## A P H O R. 462.

### *Acre Lixivium.*

R. Calcis vivæ ex saxis exustis partem unam.

Hanc tege.

Cinerum clavellatorum partibus tribus. In loco subterraneo liquefacta, filtrata que serva.

Aut et ipsa calx viva tenuiter in pollinem redacta inspergi poterit.

Sed et pulcherrimæ separations fiunt, si escharæ mortuæ applicatu putrefacientis remedii mollitæ, in tabum solutæ, diffluentes à sana parte recedunt dum interea vivæ partes fotu vivifico animantur.

Vid. 435. num. 2.

## APHOR. 469. NUM. 5.

*Pulvis cardiacus, calidus, narcoticus.*

R. Olei stillati cinamomi guttas duas  
     Caryophylorum guttam unam  
     Corticis citri guttas duas  
     Sacchari puri drachmas duas.  
 Fiat secundum artem Elæosaccharum, cui  
     admisce  
     Corallium rubrorum drachmam unam  
     Laudani puri grana duo.  
 Misce. Fiat Pulvis, divide in duas doses.  
 Capiat. unam hora una ante actionem,  
     et si nihil sopivit, alteram quartam parte  
     horæ ante eandem.

## APHOR. 471. NUM. 5.

*Pulvis adstringens ad sistendam Hæmor-  
     rhagiam vulneris externi.*

R. Sanguinis Draconis drachmam unam.  
     Sarcocollæ drachmas duas.  
     Lapidis Hæmatitis drachmam semis.  
     Boli armenæ drachmas octo.  
 Misce. Fiat Pulvis tenuissimus.

*Vel.*

R. Farinæ volatilis in molendinis vel pis-  
     trinis collectæ uncias quatuor.

Colcotharis vitrioli fortiter exusti, et edulcorati drachmam semis.

Misce exacte.

*Vel.*

R. Fungi Lycoperdi dicti bene maturi atque siccissimi collectum pulverem, eum vulneri insperge, mox aperti interiore superficiem applica.

## DE COMBUSTIONE.

476 **S**i ignis ardens, vel in fervido corpore latens, corpori nostro (a) applicatur, oritur destructio vasculorum, extravasatio humorum, pro varietate causæ (b), durationis, partis affectæ, varia.

(a) Datur in corpore hominis sani caloris gradus thermometris mensurandus, à quo liquidis, nec solidis aliquid noxæ accidit. Raro etiam in fortissimis hominibus calor ille nonagesimum sextum gradum Thermometri Fahrenheiti excedit. Ubi vero ultra centesimum gradum in morbis adscendit incipit sanguis, ejusque serum ad coagulationem disponi: si autem centesimum, et vigesimum gradum æquat calor serum sanguinis coagulatur.

(b) Purus ignis dubitatur an possit obtineri. Speculis uestoriis collecti Solis radii in foco suo forte purum ignem exhibent. Pabulum quo

477 Hujus (476) varietatis gradus varii similes sunt his , qui decurrunt à prima , et levissima inflammatione , (370. ad 464) usque in sævissimum sphacelum.

478 Hinc phænomena , diagnosis, prognosis eadem.

479 Quin Curatio nihil differt : potus antiphlogisticus semper necessarius.

680 Ustio intra limites resolvendæ inflammationis subsistens (386) curanda his , quæ liquida condiant , moveant , vasa expediant , conservent : id fit igne moderato , fotu , cataplasmate , (395. ad 402.) butyro loto , spiritu vini cum paucō vitriolo (a).

ignis sustentatur varium est. Alcohol accensusflammam producit per quam manus movere licet sine damno fere. Aqua vix calescit ultra ducentesimum , et decimum quartum gradum, oleum olivarum vel simile dum ebilit ad sexcentesimum ejusdem Thermometri gradum facit adscendere mercurium. Ferrum ignitum uno momento comburit. Ebliens pix periculosior oleo , quia illa tenacissimè adhæret ; oleum vero citius defluit.

(a) Attendendum , hæc omnia hic proposita tantum valere sanguinem aliena vasa ingresum repellendo versus latiorem arteriarum locum constrictione vasorum. Si destructa fuerint vasa, vel coagulata liquida , ut non possit sperari resolutio concreti , nec stagnantibus possit conciliari motus nihil valent ; imo obsunt.

481 Ustio itura in gangrænam , cris-  
pata jam , et erosa cute , elevatis bul-  
lis (a) , curanda ut inflammatio talis , fo-  
tu , cataplasmate , emollientibus , digesti-  
vis (402. ad 454).

- 482 Ustio jam in crustas gangræno-  
sas , vel sphacelatas acta , curanda ut illi  
morbi (419. ad 476).

483 Nusquam plus prospiciendum  
pulchritudini cicatricis , quam hic , vid.  
(217).

### Я О Н Т А

(a) Bullæ in loco combusto elevatæ non sem-  
per notant gangrænam adesse , ad quam cutis  
subjectæ læsio notabilis requiritur. Bullæ istæ  
possunt illico pertundi epidermide relictæ.

Ambustio , quæ aqua servida fit fædam ci-  
catricem relinquit. Boerhaavius Papiniana Ma-  
china dissillente servidissima aqua in faciem in-  
jecta fuit , qua et se insinuante intra vestes bra-  
chio , et illâ misere combustus fuit. Venæ sectio-  
ne ad animi deliquium , et purgatione satis fortè  
uteunque in facie liberatus foeda tamen cicatrix  
in brachio post diuturnam suppurationem re-  
licta fuit. Aqua ebulliens dum in partem quan-  
dam corporis decidit illum locum quem primo  
tangit gangrænosum reddit , epidermidi enim  
in bullas elevatæ subjacet macula cinerea vel  
et flavescens , quæ vera eschara gangrænosa  
est. Hinc maxime cavenda cauteria ex ista , quæ  
ab aliquibus laudantur ad applecticos extem-  
pore excitandos. Sat cito , si sat bene.

## A P H O R. 479.

*Mistura refrigerans antiphlogistica*

R. Foliorum recentium sedi majoris uncias tres  
 Contritis expresso succo admisce  
 Syrupi Rosarum  
 Violarum singulorum unciam unam.  
 Nitri scrupulum semis  
 Spiritus salis guttas decem  
 Aquæ pluvialis libras duas.

## A P H O R. 480.

*Fotus partem combustam contra putredinem condiens.*

R. Aceti Lithargirii uncias duas  
 Vini Gallici uncias duodecim  
 Aquæ stilatitiæ florum sambuci uncias quatuordecim. Misce.

*Fotus similis , resolvens , emolliens.*

R. Florum Sambuci  
 Meliloti  
 Altheæ singulorum unciam unam  
 Cum aqua decoctorum , et expressorum libræ uni , et semis admisce  
 Spiritus vini Theriacalis uncias duas.

Aceti Sambuci unciam unam  
Salis marini drachmam unam.  
Linteis calidis applicetur.

*Cataplasma emolliens, resolvens.*

R. Foliorum Malvæ  
Bismalvæ singulorum mani-  
pulos duos  
Florum Meliloti uncias duas.  
Cum aqua decoctis sub finem admisce  
Farinæ lini quod suficiat  
Spiritus yini Theriacalis unciam unam  
Olei lini unciam semis.

Fiat Cataplasma.

*Unguentum simile.*

R. Butyri recentis quod placeat, cum aqua  
frigida ablue, donec albescat.

R. Hujus Butyri  
Spermatis Ranarum  
Succi Sedi partes æquales.  
Misce secundum Artem.

## SCIRRUS.

**G** 484 *Scirrhos* (*a*) (392.) pro causa  
habet quidquid succum in glandulis coa-  
gulare, inspissare, siccare, potest. Ejus  
ergo sedes omnis glandula; sed imprimis  
quæ liquorem faciliter inspissandum ha-  
bet, vel ratione loci stagnare plus cogit.  
Usque in oculis, naribus (*b*), ore, mam-  
mis (*c*), axillis, inguinibus, pancreate, me-  
senterio, utero, saepius obtinet.

(*a*) Hic est ultimus inflammationis exitus.  
Per scirrum intelligitur: *Tumor* præter na-  
turam durus, et sensu carens. Omnimode, vel ali-  
quatenus sensu privatus observatur. Hoc casu  
non exquisitus, et curabilis judicatur: illo insa-  
nabilis, et exquisitus. Sedes propria scirri glan-  
dula videtur esse, sive folicullus cavus, cujus  
latera omnis generis vasculis constant, et in cuius  
cavum minimarum arteriolarum oscula hiantia  
singulare liquidum deponunt per ipsius emissa-  
rium exeundum. In aliis tamen corporis parti-  
bus scirri depræhenduntur, qui claritatis gra-  
tia tumores *scirrhoidei* nominari possunt.

(*b*) Membrana mucosa narium cava in-  
vestiens numerosis scatet corpusculis glandulo-  
sis; cum autem liquor his glandulis secretus  
facilime inspisetur scirris hic nascituris frequens  
datur occasio. *Polypi* narium ab Hippocrate des-  
cripti Lib. II. de Morb. An scirri?

(*c*) Quamvis istas glandulosas esse negave-

485 Hinc inflammatio (392); lac stag-nans, caseosum, durescens, coagulatum; contusio (324); attritus validus; anthrax; bubo; ulcus præmature clausum; materies atrabiliaria sanguinis, bilisve, maxi-me cessante consueto menstruo, vel hæ-morrhoidalii fluxu; lapidescens, crassa, austera, gypsea materies; vita tristis; vic-tus durus; hæreditaria labes, scirrum creare possunt.

486 Effectus scirrhi nati, occupare

rit Ruischius, fabrica tamen illarum, atque lactis à sanguine secreti indeles faciunt, ut in mammis satis facile scirrhi nascantur. Tumores tamen isti cum in abscesum purulentum ut plu-ri-um degenerent non sunt scirrhi exactè no-minandi. Mammarum scirrhi non in vasis lac-tiferis ut plurimum formantur.

Præter loca corporis hic designata, in aliis etiam scirrhi frequenter observantur qualia sunt Hepar, Lien, Ventriculus, Intestina, Mesenterium, Vesica urinaria, Testes. In his non adeo facile scirrhi nascuntur, quia liquor ex arte-riis secretus si quacunque de causa impediatur liber exitus collecti illius in communi, recep-taculo humoris per venas sanguinem revehentes absorvetur, ejusque resorptionis præsentia per totum corpus facillimè cognoscitur, atque de-monstratur. Animalia omnia cœlibem vitam agen-tia vividiora, agiliora, robustiora, genericè de-prehenduntur, quin tales scirrhi in hisce fere unquam observentur.

aucta mole vicina , ea premere , compri-  
mere ; lædere functionem scirrhosi , et vi-  
cini ; hinc inflammations , suppurations ,  
gangrænas , paralyses , atrophias , sphace-  
los , sterilitatem , partum difficilem , vol-  
vulum , et multa similia mala producere ,  
quæ ex natura , et officio læsi , et com-  
primentis , facile deduci queunt.

487 Præsentia scitur , causa (484  
485.) , effectu (486) , phænomenis (392),  
loco affecto (484) , temperie (a) ægri ,  
cognitis.

488 Ex iisdem (487) eventus præsa-  
gitur , considerando durationem mali , et  
effectus (486). Sunt per se innocui , eva-  
dunt motu incitato maligni.

489 Qui sæpe vitari impos æternum  
metum parit.

490 Unde Curaturus notet:

i. Scirrum , si recens , benignus , lo-  
co idoneo situs , nondum perfecte durus ,  
in homine euchymo , tentandum emol-  
liente , resolvente medela ; quo fumi aci-  
di (b) , et vis mercurii imprimis spectant.

(a) Atrabiliaria temperies scirrhis producen-  
dis maximè favet. Aph. 485. Inst. Med. §. 896.

(b) Saponis veneti in lacte solutio adeo spis-  
sa , ut pultem tenuorem referat spongia excep-  
ta , et loco scirrhoso applicata optimum reme-  
dium est. Fumi acidi , et imprimis fermentatione  
ex vegetabilibus parati , acetii nempe plurimum

2. Si non cedit his , si locus , situs , vicina , mobilitas , conditio mali , robur , et valetudo ægri permittunt , ocyus ferro integræ eximendus est.

3. Si vetus , colore , duritie , scabritie , pruritu , inchoato dolore malignus , loco vel vicinia timendus , adhærescens ; in corpore cacochymo , extirpatu impossibilis ; tum omnia vitanda , quæ motum augent , ne carcinoma fiat. Ideo emollientia , suppurantia , rodentia , caustica , dissipantia , mala sunt.

4. Sed sola tum (490. 3.) anodyna , sedantia motum , Saturnina , Mercurialia blanda convenient.

491 Si simul temperies peccat , hæc corrigenda præ cæteris.

profuerunt in scirrhis resolvendis. Galenus voluit emollientium applicationem interpolari usui illorum , quæ scirrhi materiam attenuare , et incidere valent , atque inter incidentia præ reliquis *Acetum* laudat.

Recentiorum observata id etiam confirmant. Gummi ammoniacum , galbanum . . aceto soluta , et acido acetoso saturata concreta ista dividere , et attenuat valent. Acetum etiam sale alcalino purissimo saturatum pro usu interno prodest.

Mercurialia in scirrho benigno , et incipiente valenti in provectioni nocent. Ipsum Emplastrum de Ranis cum Mercurio dubium est.

## APHOR. 490. NUM. I.

*Fotus ad scirrum resolvens, emolliens.*

R. Florum Altheæ  
 Chamæmeli  
 Meliloti  
 Sambuci, singulorum manipulum unum.  
 Centauræ minoris manipulum semis.

Foliorum Absinthii  
 Marrubi albi  
 Rutæ  
 Sabinæ singulorum manipulum unum.

Radicis Bryoniæ albæ uncias quatuor  
 Angelicæ sativæ unciam unam.

Cum aqua decoctis vase clauso, et per  
 pannum expressis libris quatuor ad-  
 misce

Spiritus vini Theriacalis uncias qua-  
 tuor.

Applicetur pannis laneis ad cutim nudam  
 superapponendo extrinsecus supra  
 pannos vesicam suillam expansam,  
 atque pauxillo olei prius inunctam.

*Cataplasma simile.*

Ex iisdem coque cum sufficienti quantitate  
 aquæ Cataplasma, sub finem addendo

Gummi Galbani in vitello ovi sub-  
bacti uncias tres  
Farinæ lini uncias duas.  
Olei Lini uncias tres.

*Emplastrum simile.*

R. Gummi Ammoniaci  
Galbani  
Sagapeni  
Opopanacis singulorum uncias duas.  
Leni igne in testa soluta depura , tum  
admisce accurate  
Vitellorum ovorum bene contusorum  
numero quatuor.  
Ceræ citrinæ uncias duas.  
Farinæ radicis Bryoniæ albæ uncias tres  
Olei infusi Rutæ quod suficiat.  
Fiat secundum Artem Emplastrum.

## APHOR. 490. NUM. 4.

Victus esto ex lacte recenti , lacte ebu-  
tyrato , et sero lactis.  
Ex jure carnium quarumcuunque recen-  
tium de quadrupedibus , et volatilibus.  
Ex frumentaceis , Avena , Hordeo , Milio  
Phalaride , Secali , Tritico , Zea.  
Ex oleribus Aph. 35. num. 1.  
Ex fructibus mitibus , maturis , horæis,  
acido dulcibus , in primis coctis.  
Ex hordeatis , Panatellis , &c.

Potus esto Decoctum ex Radice Chinæ  
Sarsaparrillæ , lignorum Santalorum  
trium &c.

*Decoctum anodynum in scirro non movendo.*

R. Seminum papaveris albi contusorum  
uncias duas.

Radicis Fœniculi uncias quatuor.

Florum papaveris erratici drachmas  
sex.

Foliorum Malvæ manipulum unum.

Cum aqua decoctis vase clauso , spatio  
quartæ partis horæ pintis duabus admisce  
Syrupi papaveris albi uncias duas, et  
semis.

Bibat subinde uncias tres vel quatuor.

*Pulvis similis.*

R. Spermatis ceti

Coralli rubri

Stibii diaphoretici , non abluti singu-  
lorum drachmam unam

Laudani puri grana duo.

Misce. Fiat Pulvis tenuissimus dividendus  
in quatuor doses æquales:

Quarum unam capiat , mane , et vesperi,  
urgente dolore.

Hæc pro internis.

*Externe fomentum simile.*

R. Florum Hyoscyami  
Meliloti

Papaveris Rhæados  
Sambuci , singulorum pugilum  
unum.

Cum aqua decoctis vase clauso pintæ unæ,  
et semis admisce

Aceti Sambuci

Rosacei singulorum uncias duas  
Spiritus vini rectificati drachmas qua-  
tuor.

*Unguentum Anodynum Saturninum blandum  
ad Litum.*

R. Aceti Lithargirii unciam unam.

Olei expressi seminum Hyoscyami  
Papaveris albi

Rosarum infusarum singulorum drach-  
mas duas.

Fiat secundum Artem Nutritum , cui sub  
finem admisce

Opii purii grana sex.

### *Emplastrum.*

Emplastrum de Minio

Unguentum Diapompholygos.

*Emplastrum Anodynum , blandum motum  
sedans , ad Scirrum nec resolutione , nec  
extirpatione medicabilem.*

R. Succi recentis expressi , et puri

TOMO III.

R

Foliorum Hyoscyami  
Papaveris hortensis  
Phellandrii singulorum un-  
cias quatuor.

Leni igne coque , inspissa , sub finem  
admisce

Ceræ albæ uncias octo,

Olei infusi Rosarum unciam unam.

Fiat secundum Artem Emplastrum.

*Emplastrum Saturninum , Mercuriale  
blandum.*

R. Sacchari Saturni

Cerussæ

Amalgamatis Mercurii , et saturni sin-  
gulorum drachmas duas

Ceræ albæ uncias quatuor

Olei infusi Rosarum drachmas duas.

Misce. Fiat Emplastrum.

C A N C E R.

492 **S**cirrhus (392) , ætate , augmen-  
to , motu vicinorum si movetur ita,  
ut vasa vicina ad margines scirrhi in-  
flammari incipient , evadit malignus , et  
vocatur jam Cancer à similitudine , vel  
Carcinoma (a).

(a) Morbus iste omnium , quibus humanum

493 In quo (492) gradus inflammationis vicinæ ; acrimoniæ putridæ excessus in loco affecto ; dignitas partis ; glandularum nexarum numerus , et conditio; temperies totius , diversos malignitatis primæ status docent.

494 Si suis continetur pellibus , Oc- cultus , his ulcere ruptis , Manifestus vel Ulcerosus dicetur ; posterior primi so- boles.

495 Causa est quidquid scirrhum facit (484. 485.) , acre scirrho mistum ; mu- tatio in circulantibus , à menstruis , hæ- morrhoidibus , hæmorrhagia qualibet , re- tentis ; sterilitas , coelibatus , effoeta ætas à 45. ad 50. annos ; victus austerus , acer, calidus ; affectus animi tristes , et biliosi, irritatio externa quælibet , motu , calore, acrimonia , emolliente , suppurante , caustica , vesicante medela externa , vel inter- na similia peragente.

496 Locus ut Scirrhi (484).

497 Cognoscitur Occultus ex signis

corpus affligitur calamitosissimus nunquam ha-  
ctenus sanatus nisi una cum vitio pars vitiata  
tolli potuerit. Pertinacia , qua ad omnia rebe-  
lis manet , diri cruciatus , putredo intolerabi-  
lis , tormentorum diuturnitas . . morbum istum  
metuendum , terribilem , horridum . . decer-  
nunt. Hæmorrhagia quæ aliquando erosio vasis

scirrhi (487) prægressi , accedente titillatione , pruritu , calore , rubore , dolore lancinante , urente , pungente , colore rubello , rubro , purpureo , cæruleo , livido , atro ; duritie summa , prærupta , scabra , cum eminente apice ; tumoris augmento ; vasis sanguiferis vicinis tumentibus , nodosis , varicosis , crassis , atris .

498 Ulceratus noscitur ex prægresso occulto prius cognito (497) , si aperitur : pellis tum quasi excoriando denudatur , et tenuis , acer , ichor , quasi transudando exprimitur .

499 Ejus hic progressus : vasa sana circa margines cancri duri vi fluentis vitalis liquidi attrita , et assurgente tumore distracta rumpuntur , hinc putredo , tum sanies subtilis , acris , foetida , cadaverosa , ambientia rodens , vicina exedens , progressus in ambitum , et in profundum ad partes vicinas emittendo undique radices malignas , quibus tenet fortiter , labia tumida , retorrida , horrenda , dolor intollerabilis , urens , pungens , rodens , color cineritius , lividus , niger , cancri occulti ad glandulas communicantes , hæmorrhagiæ , convulsiones , febris lenta , extenuatio totius , *anosmos* , indolentes in aere

majoribus contingit mortem accelerat , et horrenda præcavet symptomata .

calli , lipothymiæ , inde peresis , et consumptis mors (a).

(a) Minimi cancri summis rodentibus , vel et vivo igne simul , et semel destructi aliquando sanati fuerunt. Boerhaavius acerrimo vitrioli oleo (acido sulphurico) parvum , sed malignum tumorem in naso externo feliciter sanavit , ita referente van Swietenio hic. Nonne præferendum cauterium actuale solare , seu illud , quod vitro solis radios colligente procuratur , methodo Peyreana? Vid. Mem. de la Soc. de Med. de Paris Tomo I. pag. 296.

Infusiones solani maniaci , seu belladonæ , cicutæ extractum . . nunc recens laudata insufficiencia , inutilia sunt , et quia confidentia in illis nimia operationem retardare solet , perniciosa . . ita chirurgo *Louis* annotante in Aphor. 507.

Hodierna Chemia aliqua proponit forte non spernenda. Applicatio acidi carbonici gascosi seu lotura cum aqua isto acido impregnata : Acidum muriaticum putredinis cadaverosæ ægregius domitor hic forsitan poterunt accomodari. Hinc præparata ex isto, inter quæ *barys nuriatica* , et *murias mercurialis* eminent hic tanti usus. Utinam chemia ista inter tot acida , quæ hucusque postliminio revocavit , et invenit specificum aliquod feliciter adinveniat pro isto malo terrimo , indomabili . . . cicurando. Ita faxit Divina Misericordia in solamen languentum misserrimorum.

Aqua frigida pro unico potu , et pro alimento unico à celebri Chirurgo Puteau proposita prodesse poterit , et ego ipse profuisse vidi.

Sanatio Atossæ Cyri filiæ , Darii uxoris peritia Medici Democedis ab Herodoto (Lib. III.)

500 In Euchymis (*a*) occulti cancri quiescentis facilis toleratio , moti rabies (499) prædicitur.

501 Cancer parvus , incipiens , liber, loco apto situs , vasis magnis non adcretus , à causa externa ortus , in juvenili, sanoque corpore , solus in toto corpore, illico ferro extirpandus , vel abscindendus est (*b*).

502 Emollientia , emplastica , suppurantia , acria , excoriantia , vesicatoria, caustica , ei applicata convertunt in cancrum ulceratum ; ergo vitanda.

503 Cancer magnus , vetus , adhærens, locis extirpationi ineptis situs , vasis magnis adcretus vel incumbens , à causa interna ortus , in corpore senili , cacochy-

narrata placet , ast remedia non fuerunt posteritati tradita , quod maxime præstitisset narratione historicæ hujus Facti. Pulvis indolens cum auctore sepultus , cuius meminit Helmontius , inter desiderata reponendus.

Per *anosmos* intelligitur olfactus ablatio. An fœtor intolerabilis quem cancer ulceratus spargit olfactum horum miserorum tandem tollit? Ita videtur. An forte *indolentes in aure calli* sunt incipientes scirrhi folliculorum , qui in meatu auditorio hærent?

(*a*) Per Euchymiam intelligitur blanda indoles sanguinis , omniumque humorum qualis in sanissimis semper adesse solet.

(*b*) Quando cancer est jam ulceratus , vel

mico , ad cancrum composito , aliis jam canceris in eodem corpore sociatus , nec ferro (501) , nec medicamentis (502) tangendus est.

504 Ni enim cum radice , et semine integre extirpari queat , asperabitur , ad interiora recurrat , alios generat , factos auget.

505 Causa cancri tollenda cum cancro , vel antequam tollatur ille.

Nisi integre auferri queat , relinquendus est.

Uteri , faucium , palati , axillarum , inguinum insanabilis ; labiorum curatu difficultis.

506 Ergo in statu (503) adspiramus ad duo : 1. quietem mali. 2. lenimen symptomatum.

507 Quies impetratur : 1. locum defendendo ab omni externo per plumbata , et narcotica. 2. causam (495) cognitam minuendo , corrigendo , avertendo : quo lenia purgantia ex blandis vegetabilibus , mercurialibusque faciunt , parva , et saepe geminata dosi data. 3. diluenti-

quando cutis canero adhæret ferro extirpandus ; si vero sana est cutis , minimeque adhærens canceroso tumori , abscindenda cutis , et enucleandus tumor , tuncque dicitur extirpari cancrum per abscissionem.

bus , aperientibus blandis , subalcalicis.  
4. vitando , quæ sumpta , vel applicata  
vicem causæ gerunt (a).

508 Symptomata iisdem (507) leniuntur ; dolor opiate exigit.

509 Exulceratus (498. 499.) , ni tolli queat , lenitur sæpe mundando , plum-  
bata lenissima applicando , tum dicta  
(507. 508.) adhibendo.

510 Extirpatione (b) fit : 1. Corpus victu,  
medicamentisque refocillantibus , et cau-  
sæ adversis præparando. 2. totum simul,  
et semel cum omni radice filo trajecto,  
vel furcilla suffixa elevatum exscinden-  
do , vel detectum incisis integumentis , fi-  
lo trajecto attollendo , et deinde pruden-  
ter separando. 3. vulnus rara , blandaque  
obligatione curando , vicino cruce pru-  
denter prius evacuato.

511 His actis (510) , diu pergendum  
in victu , et medella cancro adhuc præ-  
senti propria , quin et patet , quæ mala  
à cancro in loco extirpationem renuen-  
te prodire queant.

(a) Hoc totum est quod ab arte hactenus cog-  
nita in diro hoc morbo expectari poterit. Ita  
suum claudit commentarium van Swietenus. Ni-  
hilominus vide Notam in Aphor. 499.

(b) Recentior Chirurgia simpliciora ista , se-  
curiora , minusque dolorifica reddidit , ita Louis  
hic adnotante. Consulatur igitur chirurgia ista.

## APHOR. 507. NUM. 1.

Vid. Emplastrum Aphor. 490. num. 4.  
 Aqua stillata spermatis Ranarum  
 Sperma Ranarum.

## APHOR. 507. NUM. 2.

*Pulvis purgans in cancro nondum  
 exulcerato.*

R. Resinæ Jalappæ grana sex.  
 Diagrydii grana septem.  
 Stibii Diaphoretici nondum abluti gra-  
 na viginti quatuor.  
 Misce. Fiat Pulvis.

*Similis Mercurialis.*

R. Mercurii dulcis grana quindecim.  
 Diagrydii grana duodecim.  
 Misce. Fiat Pulvis.  
 Capiat semel in septimana.

## APHOR. 507. NUM. 3.

Decocta ex Bardana.  
 China.  
 Fœniculo.  
 Petroselino.  
 Sarsaparrilla.  
 Scorzonera.

*Pulvis aperiens blandus.*

R. Antimonii Diaphoretici nondum abluti grana octo.

Spermatis ceti drachmam unam.

Misce. Fiat Pulvis , divide in duas doses  
Sumat unam mane , et vesperi.

## A P H O R. 509.

*Fomentum lene , saturninum , anodynum.*

R. Aquæ stillatæ Papaveris Rhæados  
Rosarum  
Sambuci singularum uncias duas  
Sacchari Saturni drachmam unam  
Tincturæ opii drachmam unam  
Spiritus vini Theriacalis drachmas  
duas. Misce.

*Linimentum Saturninum , lene.*

R. Aceti Lithargirii drachmas sex.  
Olei Rosacei drachmas quatuor.  
Fiat Nutritum.

## DE MORBIS OSSIUM.

**512** **A**psa Ossa morbos patiuntur similes iis, quos hactenus in mollioribus partibus descripsimus (*a*).

**513** Nam interstitia horum vestiuntur membranula eodem vasorum genere instructa, iisdem liquoribus perpetuo allatis humectata, ac illæ.

**514** Et prout hæc spatiola (**513**) magiora, eo os ibi proprius accedit structuræ partis mollis.

**515** Ideoque aptius ibi (**514**) pati eos morbos, qui aliter molles partes occupare dicuntur (*b*).

**516** Talis est latior circa juncturas

(*a*) Utilissima est horum morborum pertracatio ut postea plurima intelligi melius possint, quæ in Lue venerea, Rachitide, Scorbuto... observantur. Ignorabit Medicus?

(*b*) Adsunt enim hic vasa, et humores æque ac in partibus mollibus proprio dictis. Omnia ergo quæ in præcedentibus de nimis debili, vel et nimia firmitate vasorum dicta fuerunt, omnesque spontaneæ humorum degenerationes pariter hic locum habere poterunt. Poterit humorum motus per hæc vasa nimis incitari, vel et nimis tardus esse. Obstructio, solutio continui, inflammatio, et omnes ejus sequelæ pariter ob eandem rationem æque in ossibus, quam in partibus mollibus adesse poterunt.

pars , quum densior , minusque vasculosa sit in osse medio.

517 Hinc (514. 515. 516.) prima morborum in ossibus distinctio (a).

518 Ossa , præter vasa mollibus communia (513) partibus , in suis cellulis latioribus (516) habent vesiculas oleo subtuli medulloso , ibi secreto , et in suos usus asservato , plenas ; hæ vesiculæ , majores circa juncturas , circa densitatem ossis sensim abolentur , et in canales pingue vehentes tenuissimos versæ , evanescunt fere.

519 Hinc (518) altera morborum in ossibus classis.

520 Habent ossa periosteum externum convexa ambiens , tegens , vasa arteriosa in cellulas , inque medullam ferens , venosa excipiens , magna , parva , numero infinita.

521 Hinc (520) iterum morborum tertia series in ossibus.

522 Habent ossa periosteum internum cava medullæ receptacula ambiens , te-

(a) Ut aliquid distincti in morbis ossium tradendis habeatur necesarium est illos in quasdam classes disponere prout variæ partes ossium fabricam , et contenta constituentes affecte sunt. Diversi enim penitus horum morborum erunt effectus , et alia requiritur curatio prout hæ , illæve partes laborant.

gens , vasa arteriosa in vesiculos medullo-  
sas distribuens , venosa excipiens , magna ,  
parva , numero infinita.

523 Hinc (522) quarta morborum in  
ossibus divisio.

524 Habent ossa in suis cavis infini-  
tas vesiculos oleo subtili medulloso ple-  
nas , id asservantes , distribuentes , et in-  
ter se mutuo , et inter lamellarum inters-  
titia , et in cava juncturarum , et per po-  
ros rectos. Hæ vesiculæ arterias , venas ,  
lymphæ ductus , adiposos ductus , nervu-  
los , membranulas habent.

525 Hinc (524) quinta et ultima , ex  
hac divisione , morborum in ossibus dif-  
ferentia (a).

526 Si medullosum (518. 524.) oleum  
in suis vesiculis , emissariis , vel in osseum  
interstitiis stagnat , calore et motu vitali  
acre , putridum , saniosum fit ; secretionem  
novam impediet ; vasa adferentia , secer-  
nentia obturabit ; vesiculam suam inflam-  
mabit ; dein suppurabit ; vel gangrænosa

(a) His omnibus præmissis evidentior habe-  
ri poterit morborum in ossibus observatorum  
diagnosis ; atque ex iisdem firmior patebit prog-  
nosis horum morborum varios eventus design-  
ans , simulque indicationes curatoriaæ in sin-  
gulis aliquando diversæ , ex Artis regulis pote-  
runt determinari.

putredine corrumpet liquida , et vascula; hinc ossea ipsa substantia vasis orba , liquidu[m] vitali privata , acribus erosa , in cineritiam quasi calcem vertitur , ubi tenuissima , id est in cellulis apophysium; sic dolor , calor , pulsatio , tumor , abscessus , caries contingit pessima. Stagnatio hæc ab omni obstructione oriri potest (vid. cap. de Obstr.) Si autem ex interno malo , tum fere Spina Ventosa (a) audit.

527 Liquet signa hujus mali , et status (526) , esse signa inflammationis profundæ , nec ad tactum externum sœvientis.

528 Prognosis ex difficulti separatione, abstersione , emundatione , mala multa, et difficillimam curationem prævidet.

(a) Per istam intelligitur ossis corruptio à vitio in ipsa medulla nato originem ducens , quod sensim progrediendo per totam ejus substantiam pergit donec eraso , vel à tumente ossis substantia distractio periosteo dolor , et tumor incumbentium fiat. Hæc à carie distinguitur, quia ista ab exterioribus incipit. Hæc veteribus Græcis nota ; descriptio illius apud eosdem non invenitur. Rhaces Medicus Arabs illam primo descriptsse creditur. Marc. Aur. Severinus spinam istam *Pædarthrocacen* vocari voluit , quasi puerorum ad articulos malum , quia et pueris familiare , et circa articulos frequenter observatur. Retinendum tamen *spinæ ventosæ* nomen huic malo à laudato Medico Arabo ipsi impositum.

529 Curatio optima tentatur: 1. omnia vasa largissime implendo decoctis ex his, quæ valide penetrant, multum abstergent, putredini resistunt. 2. dein valide movendo cuncta per methodum sudorem exprimendi vapore calido artificiose ad corpus applicato. 3. simul tum, dum sudor fluit, motum determinando ad locum affectum per topica fomenta, et applicatione determinata vaporis calidi ad partem illam.

530 Hoc modo (529) si diu continuetur, sæpe multum boni fit, maxime si diæta simul tenuis, et putredini oleosæ adversa, instituitur (a).

(a) Methodo ista solent semper ematiari quam maxime ægri omni fere pingui corporis soluto, et per sudores diflato: cumque præcipua morbi malignitas à corrupto oleo pendeat merito vitanda pinguis omnia, ne morbi materiam augeant. Juscula ergo carnium omni pinguedine solicite ablata, panis biscoctus, hordei, avenæ, oryræ, milii decocta, panatelæ, fructus horæi bene maturi præcipue hic conveniunt. Pro potu serum lactis, debilius guajaci decoctum additis pasulis majoribus, glycirrhiza... præstant.

Purgans hydragogum semel in septimana; lenia anti-scorbutica, et partis affectæ obvolutio continua penetrabilissimis fomentis ex aceto, sale, urina sana, ruta, alliaria... prodesse poterunt.

531 Si textura arteriosa , vel venosa , ut et lymphatica , (513. 516. 520. 522.) obstrucra fuerit , defectu novi , vel stagnatione allati liquidi , iterum in iis partibus oriuntur similes omnino morbi ordine tantum mutato (526).

532 Quorum (531) ergo diagnosis , prognosis , curatio , eadem (529. 530).

533 Patetque , maximum periculi discrimen hærere in diversitate loci (518. 520. 522. 524.) , ubi prima mali causa ortum sedemque habet. Quibus primo præmissis clarior doctrina.

534 1. Inflammatio ossis benignior à periosteo externo inflammato oritur , cuius infinitæ causæ , (vid. totam histor. Inflammat.) notique effectus.

2. Cognoscitur per signa inflammationis profundæ ad tactum aucta.

3. Prævidentur plurima mala (531. 526.) , ni ocyus sanetur.

4. Curatur ut inflammatio , maxime id agendo , ut totum avertatur ab osse extrorsum ; quod fomentis , et aliquando facta incisione fit.

Malo isto in acmen perducto , tota fere medulla corrupta , et vitalibus vasis per illam dellatis penitus destructis , prædicta jam nihil valent , imo obsunt. Terebratio ossis , qua imitatur Artifex Naturæ vias , quibus erosio osse aliquando expurgatur omne corruptum , aliquando succedit.

535 Talem inflammationem vergere in abscessum docent: 1. signa valida inflammationis prægressæ. (534. 2.) 2. pulsatio, febris, horripilatio vaga. 3. absentia signorum resolutionis (386).

536 Re autem ipsa adesse docent signa suppurati profunda (387. 405).

537 Tum pus, exeso periosteo, os nudabit, vasis privabit, corruptet (531) brevi, confer (406).

538 Quare illico abscessus aperiens (a), pus eliciendum, ulcus mundandum, (403. 404. 409. 410. 411.) dein simul os tractandum iisdem cautelis, ac in vulneribus Capitis cum cranio detecto dictum. (252. 253. 259. 260. 262. 266).

539 Vergere autem illam inflammationem (534) in gangrænam partis, docent: 1. signa summæ inflammationis (388. 422.) 2. indolentia partis sine bona causa. 3. Tumor densus, lentus, nec multum dolens incumbentium.

540 Adesse jam, scimus ex iisdem

(a) Audax incisio omnium incumbentium, ut puri exitus fiat, et accesus detur ad os affec-tum maxima prudentia tentanda cum in hujus-modi casibus, et medentium fama, et ægri vita sœpe periclitentur. Attendenda serio verba illa Celsi de membrorum extirpatione loquentis: *Nihil interest an satis tutum præsidium sit, quod unicum est.* Lib. VII. Cap. 33.

(539), tum ex colore incumbentium pallido, cineritio, livido.

- 541 Tum os nudum, vasis, succo que vitali orbum, acri putrefacta materie gangrænosa exeditur in cariein (526); serpit eito contagio crescente.

- 542 Ergo statim locus affectus ad os usque incidendus, mundandus, os vero curandum ut supra dictum (248. 249. 252. 258. 259. 260. 261. 262. 266).

- 543 Si periosteum internum (522) inflammatum, causas agnoscit easdem (534); effectusque habet, quoad os internum, eosdem; exitum in abscessum, aut gangrænam eundem (535. 539); sed ob denegatam exhalationem, pejorem; unde medulla tota, totum inde os, foetidissima putredine, et carie pereunt.

. 544 Unde etiam liquet, sive membrana hæc (522) primo ipsa inflamatur, sive à corrupta prius medulla contagio suscepto læsa fit, eundem brevi oriri morbum ossis cariosi à medulla putrefacta, vix unquam curabilem.

545 Cognoscitur id malum, quando in inflammatione subsistit hactenus: 1. à signis inflammationis generalibus (382). 2. à loco profundo. 3. à dolore obtuso, fixo, diurno, nulli remedio externo cedente, nec ad attactum aucto. 4. sed post motus musculares increscente.

546 Sanatur tum: 1. curatione ad in-

flammationem generali (à 395 ad 401). Deinde , simulac apparuerint resolutionis incipientis signa (386) 2. methodo proposita (529) , stricte satis observata.

547 Si vero suppuratio hic , vel gangrena acciderit , et per prægressæ inflammationis internæ signa (545) valida , tum ex dolore fixo , profundo , obtuso noscitur , vel methodus (529) , vel nihil sanat.

548 Tum enim putrefacta tota mole ossis interna , tumefacto , inflammato , carioso interno osse , periosteum externum inflammatur , distrahitur à tumore , eroditur ab acri , incumbentia , lento contagio corrupta , spongiosa fiunt , tument , dolent , totum membrum perit : sola Extirpatio sanat.

549 Qualitas venerea , scorbutica , rachitica , est causa frequens : inde intelligitur , quid sit gummi (a) , tophus , nodus , exostosis , abscessus (b) , caries , spina ventosa in osse!

(a) Gummi , Tophus , et Nodus non differunt nisi mollitie illius , et majori horum firmitate. Ossa aliquando mollescunt , et instar ceræ degenerant. An acida sanguinis cacochimia ossium mollitiei causa aliquando esse possit? Ita videtur , cum in debilibus pueris , quibus acidum prædominatur Rachitis , et ossium nimia flexilitas toties observetur.

(b) In cellulosa ossium parte prope junc- turas , et mediis ossium majorum cavis inflam-

550 Hinc novimus, cur os cariosum colorem suum tam varie mutet ex subcæruleo candido in album pingue, flavum, cineritium, lividum, nigrum? et quem corruptelæ gradum singuli denotent?

551 Ex iisdem liquet, cur os cariosum inæquale, asperum, spongiosum, friabile, molle, fragile evadat? arteriæ externæ, et internæ, lamellas ossis non plus comprimunt.

552 Item, cur fœtorem singularem rancidi lardi exhalet?

553 Nec non cur in loco ulceroso à subjecta carie caro superincumbens mollis, flaccida, fungosa, inflata, tumens; labia ulceris inversa; sanies clara, subtilis, vix glutinosa, fœtida, parvis squamulis nigris referta; recrudescentia sine causa; pertinax rebellio contra medica-

matio nata transire potest in abscesum. Præterea etiam ipsa ossis substantia *abscedere*, licet improprie dicitur, quando una, vel plures lamellæ ex quarum adunatione ossa constituuntur mortuæ, et corruptæ à vasis vivis suppositis solvuntur, et separantur, atque deinde regeneratur similis lamellis his separatis substantia; cui nova periosteal textura increscit, sive que integre restituitur illud quod perierat. Hippocrates ossium abscessus jam cognovit. (Aphorism. VI. 45.) Exostosis suppurata est proprie osis abscessus; et caries, *ulcus*.

menta optima (a) ad alia omnia ulcera?

554 Ut et, cur caries à causa extera facile; ab interna difficulter; à lue Gallica difficilior; à spina ventosa diffilime sanetur?

555 Denique, cur in parte solidiore ossis mala; in spongiosa pejor; in junc- turis pessima, prima lenta, altera velox, ultima velocissima sit; cur in pueris ve- lox, et curatu difficilis; cur spina ven- tosa plerumque pluribus locis simul, vel successive?

556 Qui his (ab 512 ad 556) dicta de contusione (325), luxatione (ab 358. ad 370), fracturisque (ab 339. ad 358.) ossium adjunixerit, tum ea, quæ de vulneribus Capitis ossa lædentibus (ab 249 ad 297), habebit historiam, et curationem mor- borum præcipuorum in ossibus. Inprimis si *ancylosis* (b) additur. Quæ immobilitas

(a) An Assa foetida interius sumpta ossium cariem emendare poterit? Mem. de la Societ. de Med. de Paris. Tom. II. p. 247. Hoc certè erit tentandum; aliter ulcus manebit insanabile.

(b) Dixerat Hippocrates Aph. V. 25. *Tumores in articulis, et absque ulcere dolores fri- gida multa asessa levat, et minuit.* Hæc incipi- ente malo prodesse possunt. Aucto ipso em- broche (Affusiones) ex aquis mineralibus cali- dis lento stillicidio ex alto in partem affectam delapsis, multum levaminis, imo et integrum

articulationis cum tumore duriori. Callo fracti ad articulum ossis, inspissato limento Haversiano, ligamentis rigescientibus, exostosi ad juncturas, in primis originem debet. Difficillima curatio petenda ex diversitate causæ.

557 Qui vero omnes morbos, hucusque descriptos, oculi que subjectos intellexit ita, ut horum enarratas causas, naturam, effectus, curationem cum cura expenderit; dein autem internis tectisque corporis partibus eadem omnia applicuerit; cum actione integrarum comparaverit; atque deinde cum ipsis internorum morborum phænomenis composuerit; videbit interna externis reapse congruere; externos chirurgicos primo pertractandos; nec aliter ordinati quid, vel veri, in Praxi Medica fieri posse, aut doceri (*a*).

aliquando curationem attulerunt. Aqua calcis vivæ una cum salis amoniaci lixivio ex alto in locum affectum depluens summum remedium attenuans liquoris haversiani non absorpti, et indurati merito habetur à *Petito*, qui lanceola pertundendum tumorem usque in cavum articuli voluit in loco maxime declivi, ut contento liquido exitus concilietur. Num in vicinia apertura ista per setaceum præstaret?

- (*a*) Recta methodus à Boerhaavio §. 16. proposita jubet Morbos chirurgicos primo esse pertractandos, et addiscendos antequam ad Morbos medicos internos, abstrusos, difficilimos inda-

## APHOR. 529. NUM. I.

*Infuso-decoctum abstergens, antisepticum,  
in spina ventosa.*

R. Ligni Guajaci viridis ponderosi rasi  
uncias decem.

Salis tartari drachmam semis.

Cum aquæ communis libris sex spatio vi-  
ginti quatuor horarum digestum in di-  
plomate, decoque spatio duarum hora-  
rum, sub finem admiscendo

Spiritus vini rectificati uncias quatuor.

Ebulliant iterum parumper, tum exibe.

Super residuo decocti novæ aquæ libræ  
tres affusæ ebulliant per quator horas.

Prioris decocti uncias quatuor sumat  
quater de die vacuo stomacho; mane hora  
septima, dein hora undecima, iterum  
quarta pomeridiana, et ultimo hora sep-  
tima vespertina.

Altero decocto utatur pro potu quo-  
tidiano.

Sic ex ligno Juniperino, Sassafras, Bu-  
xi, Quercino, &c. Decoctum fieri potest.  
Lintea his decoctis madida Fomenta sunt.

gandos procedatur. Illi morbi diversis Profesori-  
bus amandandi, ut quique sua classe emineant;  
aliter confusio, lites, rixæ.. indecorè, inutiliter,  
atque pecaminose emergent. Vide quæ circa hanc  
rem in hujus Voluminis III. Præfatione jam  
dictum.

## DE MORBIS INTERNIS ET DE

## FEBRIBUS IN GENERE (a).

558 **F**ebris, frequentissimus morbus, inflammationi individuus comes, plurium morborum, mortis, et s<sup>a</sup>pē s<sup>a</sup>nationis, optima causa, nunc explicanda.

(a) Postquam explicati fuerunt Morbi simplicissimi solidarum partium corporis humani, uti etiam illa vitia, quæ humoribus spontanea degeneratione accident; simulque absoluta fuit historia Morborum externorum, sive chirurgicorum, quorum nempe causæ, et præcipui effectus sensibus patent; agendum nunc est de Morbis internis, quorum causæ magis abditæ difficilius cognoscuntur, cum s<sup>a</sup>pē in intimis corporis humani penetralibus reconditæ lateant; imo etiam et harum causarum effectus minus obvii sensibus, l<sup>a</sup>esarum functionum observatione, et comparatione similium malorum, quæ partibus externis corporis accidunt fere tantum poterunt detegi.

Initium in horum tractatione sumpsit Boerhaavius à FEBRE. Licet enim ejus natura satis abdita sit, diversissimis s<sup>a</sup>pē phœnomenis stipata, neque semper facile sanabilis, in his omnibus à reliquis internis morbis non difert; ast omnes istos superat in eo quod requiratur hu-

559 Cujus quia abdita habetur natura, summa ope cavendum ab omni errore, in illa indaganda.

jus cognitio ad reliquos morbos intelligendos; febris enim ut in textu dicitur, et experientia confirmatur omnium morborum frequentissimus morbus est, omnesque inflammatorios comitatur semper, reliquos quam saepissime, ut jam ab Hipp. adnotatum per ista verba: *Primum autem à communissimo morbo Febre incipiam: ille enim morbus insidet omnibus aliis morbis; præsertim vero inflammationi.* De Flatib. Cap. III. Februm ergo historia præmitenda videtur, ex Aph. 16. num. 4.

Febris à fervore, seu calore, vel à februando id est lustrando, vel purgando deduci potest. Prior derivatio tamen præferenda. Morbus iste aliquando mortem, aliquando sanationem aliorum morborum producit. Hoc verum est, et experientia confirmatur Hippocrate variis locis anotante, Celso anuente, et Sidenhamo ulterius confirmante, et aserente febrim esse: *Naturæ instrumentum, quo partes impuras à puris secernat; à natura illam concitari, ut heterogenea materies ipsi inimica secernatur, vel ut sanguis in novam aliquam diathesim immutetur.* Hinc tot laudes, totque vituperia in febrem emanarunt. Vid. Werlhof Observ. de Febrib. Richter. Opuscul. Med. Tom. II. Pag. 522.

In febre à causa externa seu ab eo, quod non præextitit in corpore ante febrim natam non semper adest illa horripilatio. Ut v. gr. dum quis summa, et subita ira excandescens febribilitat nulla horripilatio sentitur; sed calor tan-

560 Errori tamen facilem hic occasionem præbet ingens numerus symptomatum, quo plerumque stipatur, et sine quibus tamen febris esse potest.

561 Ut ille vitetur, opus erit ex infinitis (560) illa phænomena sola eligere, quæ omni febri semper adsunt; quorumque cognita præsentia omnes Medicos docet, febrim adesse, quorum absentia judicant hominem à febre immunem esse.

562 Dein ex his detectis (561) riteque expensis, natura febris individua invenienda erit.

563 In omni Febre à causis internis

tum. Validissimus, et diuturnus corporis motus acutissimam, et sæpe subito letalem febrim accedit, et tunc nullus frigoris sensus adest. Aliquando rigor iste, sive horripilatio febrim in toto suo cursu, vel in maxima ejus parte comitur; hoc in Epiala febre, in Hemitritæis..

Pulsus velocitas mensuratur excessu celeritatis, quo pulsum in eodem homine sano superat; qui pulsus variat admodum ratione ætatis, temperamenti, animi affectuum... quod probe notandum. Boerhaavius alibi dixerat Principum Archiatros pulsum numerum eorum intra datum tempus debere exquisite addiscere. Inst. Med. §. 219. Albertus Haller. (El. Phys. Lib. VI. Sect II. §. XVI.) hac de re exquisite tractavit Keplerum citans tamquam primum, qui pulsum in dato tempore numerum definire suscepit (Astronom. Lib. III. pag. 111.)

orta horripilatio , pulsus velox , calor , vario febris tempore , vario gradu , adsunt.

564 In qua febre hæc tria (563) velociter , et cum periculo decurrunt , illa Acuta dicitur.

565 Ubi tarde , idque cum periculo , vel sine eo (a) , Lenta vocatur.

566 Utraque (564. 565.). Communis sive Epidemica , vel huic illive homini Singularis.

567 Acuti febriles morbi vocantur , quos dicta febris (564) comitatur , Chro-

quem alii postea secuti sunt ut Floyer , Schwencke , Rovinson . . . et nuper Cl. Franciscus de Sauvages pendulum cum pulsu carpi Isochronum pro pulsilogio proposuit. Hæc tamen Res pro diversis circumstantiis admodum variare potest , et variat. Nihilominus in homine sano adulto quiescente varietas inter sexaginta , et octoginta pulsus continetur. Supra , et infra numeros istos jam pulsus aliquid præternaturale habet. Solanus noster de Luque ab Halle-ro ibi laudatus §. 19. Doctrinam istam de pulsibus qua ad significationem maxime ilustravit.

(a) Sola tarditas sufficit ut febris *lenta* vocetur. Quartana vix letalis æque longis morbis adnumeratur quam febris *Hectica* , à qua paucissimi evadunt. Optime hinc morbos longos definivit Celsus , sub quibus neque sanitas in propinquuo , neque exitium est. Non ne aptius morbus *longus* vocandus , qui tarde , et sine periculo ut quartana ; et *lentus* , qui tarde , et cum periculo procedit , ut *hectica* ?

284 DE MORBIS INTERNIS,  
nisi febriles autem, in quibus adest febris (565).

568 Hinc illorum omnium (567) explanatio pendet à cognita prius febris natura.

569 Quæ petenda ex consideratione trium communium symptomatum (563).

570 Quæ (563) quidem in omni febre adsunt, sed sola velocitas (a) pulsus adest ex his omni febris tempore, ab initio ad finem, eaque sola Medicus præsentem febrim judicat.

571 Adeoque quidquid de febre sic novit Medicus, id vero omne velocitate (b) pulsuum sola cognoscitur. A morte cessat omnis febris.

(a) Febris adest licet nullus observetur calor, ut appareret in summo frigore quartanæ, quo tempore febris jam adest, cum pulsus tunc citatus sit (Aph. 749.) Morbus, qui *Typhus* nominatur à febrium classe eliminari potest ex Visone à Sauvagesio citato, vel si mavis erit forte exceptio unica regulæ hujus generalissimæ. Sauvagesius tamen ipse ait in *Typho pirexia nulla aut exigua*. Clase II. Ordine I. Genere IV.

(b) Motus corporis auctus, animi affectus, plenior cibus . . . accelerant, etsi leviter arteriæ motum: febrim ergo licet levem excitant: cum illa nimis aucta, et gravia febrem maximam absdubio producent. Functionum lassiones variæ varias absdubio febrium species designabunt. Ipsa pulsus aucta velocitas lassio est actionis cordis, adeoque ex ipsa hac sim-

572 Causa ergo velocitatis hujus (571) proxima est pariter causa febris, sic cognitæ, proxima.

573 Ergo velocior Cordis contractio. Igitur affectio vitæ conantis mortem avertere, tam in frigore, quam in calore.

574 Ergo velocior reciprocus influxus liquidi nervosi, et cerebellosi in musculos, et sanguinis in vasa, et cava Cordis.

575 Omnis fere febris hactenus observata, quæ à causa interna oritur, incipit primo cum sensu Frigoris, concussionis, horripilationis, majori, minori, brevi, diurno, interno, externo, pro varietate subjecti, causæ, febris ipsius.

576 Quo tempore (575) velox, parvus, sæpe intermittens pulsus, pallor sæpe extremorum, frigus, rigor, tremor, insensilitas.

577 Unde liquet, stagnare tum humores sanguineos in extremis vasculis (a),

plicissima sui natura sub generali morbi definitione comprehenditur, et stricte loquendo nunquam febris est absque alicujus saltem functionis læssione. A morte cesat omnis febris, quia sola pulsus velocitas à morte una cum febri cesat aucto frigore sensim, et aliquando, quanvis rarius diu adhunc superstite calore sati intenso, ut in variolis, peste... demortuis fuit observatum.

(a) Stagnatio ista à convulsione, seu spasmus eorum vasculorum etiam pendere poterit.

286 DE MORBIS INTERNIS,  
et simul tamen causam cor irritantem  
(574) adesse.

578 Ex quibus (577) causa omnium  
phænomenon (575. 576), tum apparen-  
tium, intelligitur.

579 In omni febre, his (575. 576. 577)  
prægressis, oritur Calor, major, minor,  
brevis, diutinus, internus, externus,  
universalis, vel loci, pro varietate febris.

580 Qui (579) quum sequatur febrim  
jam natam, patet magis ejus effectum,  
quam causam, vel naturam esse.

581 Adeoque velocior Cordis contrac-  
tio, cum aucta resistentia ad capillaria,  
febris omnis acutæ ideam absolvit.

582 Horum vero (581) utrumque in  
animali vivo produci potest ab causis nu-  
mero, et varietate infinitis; tumque vel  
simul, vel seorsum fieri; unoque nato, fa-  
cile alterum sequetur.

583 Quare febris causa proxima (581)  
infinitas causas pro suis proximis agnoscit.

584 Quæ tamen dividuntur, quod vel  
singulares sint cuique; vel universales,  
pluribusque communes, quæ plerumque  
aëri (a), victui, vitæ eidem debentur.

(a) In aere sæpe talis causa hæret, non à  
qualitatibus ejusdem sensibilibus precisè: sed à  
quibusdam corporibus gaseosis præsentim, à sola  
Chemia, an ab observatione sola? potius ab

585 Ergo febris causæ Singulares sunt,  
vel Epidemicæ.

586 Propiores singulares causæ (583)  
referri possunt ad quædam capita (a) : a  
Ingesta , acia (b) , cibi , potus , condimen-  
ti , medicamenti (c) , vel veneni titulo , ea-

utraque simul indagandis. Causa ista in pluri-  
mis hominibus in eodem loco degentibns febrim  
excitat iisdem fere stipatam symptomatibus  
in omnibus ægris , et eandem curandi metho-  
dum requirens. Victus præsertim in urbibus  
obsesis : vita seu vitæ genus ut in Artificibus  
communes morbos producunt. Vid. Ramacin.

(a) Plurimæ ex illis causis , quæ hic re-  
censentur non excitant febrim in omnibus ; sed  
tantum , vel saltem frequentissime in prædis-  
positis. Sic difficilis digestionis cibi non in  
omnibus febrim excitant : dura enim mesorum  
ilia hæc ferunt ; sed debili ventriculo languens  
homo pessime ab illis afficietur. Qui summis  
æstivis caloribus validos motus exercent non  
omnes inde febricitabunt ; sed maxime pericli-  
tantur illi , quibus plethora adest , vel nativa  
temperies in calorem vergit.

(b) Negari nequit acrum ingestorum par-  
tem quandam blandis humoribus mixtam , et  
dilutam se sanguini aliquando insinuare posse.  
In hominibus sanis , et fortibus levis talis acri-  
monia in sanguinem recepta actione vasorum ,  
et viscerum , et blandorum humorum miscela  
copiosa brevi subigitur , vel expellitur de cor-  
pore : quandiu tamen hæc , nondum deposita sua  
indole in sanguine hærent stimulo suo circu-  
lationis velocitatem augere poterunt.

(c) Hoc de purgantibus , et vomitoriis præ-

dem donata hac proprietate, ut digeri, moueri, excerni nequeant; aut ea copia assumta, ut irritent, suffocent, obstruant, putrescant: *b* Retenta intra corpus, quæ excerni solebant, ob frigus, unctiones, animi (*a*) affectus tristes, cibos, potus, medicamenta, venena, aërem nebulosum pinguem, quietem, exercitia solita remissa, obstructiones, compressiones à contentis, vel ambientibus: *c* Gesta, ut motus nimius animi, vel corporis, calor, æstus: *d* Applicata externa, acria, pungentia, rodentia, lacerantia, urentia, inflammantia: *e* Quæ humores, horumque motus

sertim intelligendum, hæc enim dum operantur nimias excitant turbas in corpore, et motus circulatorii velocitatem augent.

(*a*) Validi animi motus efficacissima causa sunt accelerati motus circulatorii, qui cordis frequentiorem contractionem suponit, ergo et febrem. In sanissimo enim homine ob atrocem contumeliam illatam summa ira sæpe nascitur, et febris, et à sola mutata cogitatione totum corpus turbatur. Pulebre de animi affectibus dixit Galenus (Meth. Med. Lib. XII. Cap. V.) *quod in illis omnibus ipsa per se ipsam moveatur anima*. Nihil enim adest corporei, quod tantos motus facit, ipsa enim recordatio toleratæ olim injuriæ diu sopitos tumultus renovare valet. Animi autem motus nimii magis nocent, quam nimius corporis motus, uti optime notavit Sanc torius, quia quiete et somno corporis motus noxa compesci potest, animi non ita.

valde immutant, ut multa externa, vel interna, fames (a), evacuatio, pus, aqua, ichor hydropicorum, Empyematicorum, serum acre alicubi collectum, bilis (b) accensa, inflammatio, suppuratio, gangræ-

(a) Fames est sensatio illa, quæ monet nos, novo alimento indigere corpus ad restituenda illa, quæ ipsius vitæ, et sanitatis actionibus perierant de corpore. Dum autem fames diu tolleratur, blando chylo ex ingestis facto non demulcetur sanguis, omnes humores acriores fiunt, et in putredinem vergunt: halitus tunc foetere incipit, urina acris redditur, sitis adest, et nascitur febris ob auctam sanguinis, et omnium humorum acrimoniam. Hippocrates dixerat (Lib. de Carn. Cap. VIII.) *septem diebus nihil comedere vel bibere mortale.* In actibus Apostolorum Cap. 27. legitur ducentos, et septuaginta sex homines qui quatuordecim dierum spatio nihil cibi sumpserant periisse nullum. Fortunius Licetus mirabilia, et portentosa circa abstinentiam refert in libro quem inscripsit: *de iis, qui diu vivunt sine alimento.* Patau. 1612.

(b) Bilis ex sua natura acris, si quacunque causa in majorem acrimoniam evicitur accendi dicitur quia tantas in corpore turbas excitat, ut calidissimæ sæpe febres ab hac causa oriuntur. Æstivi calores bilem exasperant, quæ nisi sponte, vel Arte evacuetur in principio talium morborum diutissimè affligunt hæ febres, et circa finem morbi putridissima bilis facta diarrhæam concitat. Purgans quo accumulari jam incipiens bilis evacuatur antequam turgeat, tollit hæ mala.

na , cancer , vigiliæ nimiæ , acriora cu-  
juscunque rei studia , venus nimium cul-  
ta (a) , &c.

587 Febris effectus , celerior liquorum ex-  
pulsio , propulsio , stagnantium agitatio (b) ,  
omnium permistio , resistentis subactio (c) ,

(a) Hac in Re surdis ut plurimum fabula  
narratur. Nihilominus Medici debemus scire ut  
incontinentes minitemur non solum febres  
utcumque ab ista causa nasci , sed alia etiam  
gravissima tormenta. Inst. Med. §. 766.

(b) Bilis Cystica v. gr. in proprio sibi re-  
ceptaculo stagnat : aucto motu per febrim in  
motum etiam ista deducitur. Quantis cum tur-  
bis bilis sæpe per febrim sursum , et deorsum  
expellatur de corpore nimis notum est. Tena-  
cissima atrabiliaria sanguinis fæx , quæ per an-  
nos sæpe immota hæret per validas febres ali-  
quando solvit , movetur , et horrenda mala  
producit (Aph. 1104.) In iis casibus in qui-  
bus febris causa est hujus perturbationis ad-  
ministranda emesis , ut bilis ista mota excer-  
natur de corpore? Minime. In hoc casu sedan-  
da febris est per sua Antidota , atque placan-  
dæ bilis istius officiæ à febre motæ , atque  
agitatae. Boerhaavius alibi dixerat indicantia  
vomitorii vomitoria exigere , quando ea febris  
non commitatur , multoque minus , quando il-  
lorum omnium febris causa censenda (Inst.  
Med. §. 1202.) Quot errores , quam enormia  
facinora ex ignorantia horum dogmatum nasci  
possunt , inno nascuntur!

(c) Maximi momenti est ille febris effectus,  
et ob hujus neglectum turpissimi sæpe commi-

tuntur in praxi medica errores. Sic enim observatur facta esse ab adorando Creatore Natura nostra ut novi excitentur motus in corpore , vel augentur illi , qui adsunt dum aliquid applicatur corpori quod æquabilem circulationem humorum turbat sive stimulo suo , sive obstaculo. Hic etiam repetendum in oprobium Phylosophiæ hodiernæ dictum Helmontii viri alias heteroclitæ : Natura est : *jussum Dei , qua Res est id quod est , et agit quod agere jussa est.*

A copioso nimis cibo , et potu , crudi chyli nimia quantitas sanguini miscetur , observaturque semper duabus , vel tribus post pastum horis febricula , qua fit hujus chyli resistentis subactio. Dum in frigore febris intermitentis stagnant humores sanguinei in extremis vasculis illud resistens per febrim ipsam subigitur , et reddit circulationis æquabilitas finito paroxismo. Ob hanc causam monuit Sidenhamus periculum esse per corticem peruvianum uno omnino ictu paroxysimum jam instantem eonfodere.

(a) Coctio à febre producta diversa est à coctione alimentorum , alimenta enim per coctionem in naturam nostram convertuntur ; illud vero , quod stimulo , vel coagulo febrim produxit quando per febrim ipsam sic mutatum est ut minus noceat , et aptum evadat ut de corpore expelli possit , tunc dicitur *coctum* quamvis nunquam in naturam nostram converti possit , neque indolem sanis humoribus similem adquirere. Distinctionis gratia coctio , qua asumpta in nostram naturam convertuntur posset vocari *Pepsis* , et Coctio , sive maturatio causæ materialis febris *Pepasmos*.

(b) Circa istud judicium vide , quæ alibi

stimulo , et coagulo febrim produxerat,  
sanorum mutatio in morbosam indolem;  
sanorum mutatio in indolem aptam fer-

dicta sunt. Inst. Med. §. 736. num. 5. §. 921.

An illa , quæ de morborum crisibus tradi-  
derunt veteres sic observentur revera in mor-  
bis , qui hoc tempore occurunt? Negari non  
potest revera crises observari in morbis , atque  
illarum cognitionem Medico utilissimam esse.  
Ita profert van Swietenius hic laudans vete-  
rum Medicorum in observando diligentiam præ-  
nostra , cui respondet nostra major in meden-  
do (an in perturbando?) oficiositas. Refert dein-  
de , quæ ipse in ægris suis peragebat , omnia  
sedulo scribens , et concludit per hæc verba se-  
rio à nobis perpendenda , et imitanda : placebat ,  
inquit , hic labor , quia commissos in morbis cu-  
randis errores , sic optime detegere poteram , et  
vitare in posterum , uti etiam quod non aude-  
rem magni Preceptoris petere consilium , quo to-  
ties indigebam nisi accuratam haberem morbi  
historiam. Optimus enim ille vir , qui tituban-  
ti sæpe discipulo in gravioribus casibus com-  
pati noverat severo vultu excepisset minus in  
re adeo seria atentum.

Doctrina ista crismus discimus quomodo , et  
per quas vias natura morbos sanet , simulque  
monemur ne importuno sæpe artis molimine tur-  
bemus illam dum huic operi intenta est ut pru-  
dentissime monuit Hypocrates ( I. Aph. 20.)  
Dum sollicita observatio docuit quo versus na-  
tura vergat , et per quas vias noxios humores  
eددucere tentet has expedimus idoneis remediis,  
mobilem conamur reddere materiam , omniaque  
illa cavemus , quæ prævissæ tali in morbis eva-

re ea, quibus minus adsuetus erat æger (*a*); liquidissimi expressio; reliqui incrassatio; sitis, caloris, doloris, anxietatis, debilitatis, lassitudinis, gravitatis, *anorexias* productio.

cuationi obesse possent. Nihilominus humana imbecillitas evitare non potest quin aliquando aliquis in his error contingat. Hic tamen error familiarior erit imperitis Medicis perfuntoriè ista omnia atendentibus, qui non credunt se ex arte procedere nisi clysmata imperent, venam secent, vomitoria exhibeant, cucurbitulas applicent... verbo: illis, qui juxta Galenum quoties ad ægrum accedunt toties peccant. (Lib. I. De Diebus Criticis Cap. II.).

Laudatur hic à van Swietenio Franciscus Solano de Luque, Medicus Hispanus, qui licet minus eruditus evincit ex illo quam pulchre illa quæ à Veteribus circa crises in morbis tradita sunt augeri posse dum morbi in toto suo decursu sollicite observantur. James Nihell Medicus Anglus Antequeram adiit ubi Solano degebat, cum illo conversatus fuit, consuluit testes, quos nominaverat ille in *Lapide Lydio* qui omnes rei veritatem confirmaverunt, quam etiam in ægris Medicus Anglus observavit.

(*a*) Hoc accidit quando per febrim sanguis in novam aliquam diatesim immutatur, ex Sidenhamo (Sect. I. Cap. 4.) Observavit vir iste quod homines insignem mutationem passi in usu rerum non naturalium febre corripiantur per quam dein apti evadunt tolerare ilia, quæ antea absque sanitatis detimento ferre non poterant. Hoc in peregrinantibus ut plurimum ob-

588 Quo lento citius solvendus (577), et irritatio brevius sopiaenda (574), eo febris levior, brevior, magis salutifera, et contra. Quin etiam pro vario utriusque gradu, et concursu, varia erit.

589 Atque hinc febris saepe medicamenti (*a*) virtutem exercet ratione aliorum morborum.

590 Hinc initia, incrementa, status, decrementum, crisis, mutatio, sanatio febris, varia sunt in ipsis acutis, et singularibus.

servatur. Qui in Nosocomiis ægrotantibus asistere incipiunt ut plurimum febre, quam nosocomicam vocant corripiuntur, post quam sani deinceps degunt. Legitimæ variolæ homines relinquent aptos ad tolerandum hujusmodi contagium absque noxa.

(*a*) Medici saepe in curandis morbis febrim faciunt licet non semper forte de hac re cogitent. Acerrima aromata, purgantia, vomitoria antimoniana... frictiones validæ, et diuturnæ... pro curatione morborum rebellium, et diuturnorum illam efficiunt. Ad febres lentas homotonas, seu sine remissione curandas C. Celsus voluit ut Medicus morbum mutet continuum in intermitentem: *Corpus perfrigerando ut horror oritur, et fiat initium novi motus, exque eo, cum magis corpus incaluit sequatur etiam remissio.* Sed, concludit tandem est circunspecti quoque hominis, et novare interdum, et augere morbum, et febres accendere; quia curationem ubi id, quod est non recipit, potest recipere id, quod futurum est (Lib. III. Cap. IX.)

591 Febris desinit in mortem , alium morbum , inque sanitatem.

592 In mortem vitio destructi per nimiam vim solidi ; aut peccato liquidi ita depravati , ut vasa obstruat vitalia , aut ea , per quæ nova liquida in locum perditorum ingeri debent. Hinc inflammationes , suppurationes , gangrænæ febriles in visceribus vitalibus , corde , pulmonibus , cerebello ; vel ulcera aphthosa in primis viis causa frequens mortis ex febre.

593 In alium morbum desinit , dum vel agitatione nimia vasa lædit , et liquidiora dissipans reliqua inspissat ; vel nimis debili actione impar est resolvendo sua vi coagulato ; vel deponendo materiem criticam in vasa quædam obstructa , dilata- ta , vel rupta ; hinc maculæ rubræ , pustulae , erysipelas (*a*) , morbilli , variolæ , phleg-

(*a*) Erysipelas viscera aliquando occupare potest. Hippocrates pulmonis erysipelas descripsit (Lib. I. de Morb. Cap. VIII.) Dificultas maxima est cognoscendi febrim erysipelatosam quando materies erisipelas producens non ad exteriōra vergit ; sed viscus aliquod adgreditur. Ut cunque istud cognosci , vel suspicari licet dum populariter grasatur erysipelatosam febris in illis , qui hujus symptomata patiuntur , quin Erysipelas extro vertatur ; quo casu tota cutis externa vaporis balneo laxanda , et interius assumenda illa , quæ materiem istam erysipelato-

296 DE MORBIS INTERNIS,  
monæ , bubones , parotides , abscessus (*a*),  
gangrænæ , sphaceli , scirrhi , &c.

594 Terminatur in sanitatem , i. quo-

sam expelere , et evocare posse creduntur , ut sambucus . . . sed hæc ut plurimum inertia , et inutilia. Hinc forte (ait hic van Swiet.) aliquando improvisi , et funestissimi in febribus eventus , quæ tamen nec vehementia , nec symptomatum commitantium malignitate metuendæ videbantur ; dum nempe Erysipelas encephali membranas occupat , et subito nato delirio necat. Proh memini , me tales casus aliquoties vidiisse , sicque didicisse , ne temere imperitiæ , vel negligentiæ accusarem alios Medicos , quibus ægri præter spem , forte simili de causa , crepti fuerant.

(*a*) In febribus aliquando observatur verum pus , et magna quidem copia deponi satis subito in quasdam partes corporis , atque inde eductum fuisse , licet nulla inflammatio in his partibus prægressa fuisset , et nulla signa docuissent in aliis corporis locis pus illud collectum latuisse prius , quod dein venis resorptum ad hæc loca deponi potuisset. Hinc credit van Swietenius causam materialem febris per febrim sic subigi , et mutari posse ut puris analogam naturam aequirat licet adhuc cum reliquis humoribus per vasa fluat ; et deinde deponi illud pus jam factum in quædam loca corporis , non vero illud gigni in illis partibus corporis , in quibus collectum invenitur. Veterum Medicorum Hippocratis nempe , et Galeni observationes id evincunt. *Urina copiosa , et crassa , et alba reddita liberat ab abscesu pronuntiavit Hipp. in Aph. (IV. 74.)*

ties materialem febris causam sua vi subigit, solvit, mobilem reddit, insensibilis perspirati (*a*) specie expellit, simulque impetum suum, æquabili circulatione reddit, sopit. Hæc est resolutionis via, similis fere in toto, ut prius dictum de parte. (386) Aut etiam 2. si materies mali ejusdem vi febris subacta, soluta, mobilis reddit, tamen aliquam retinet dotem, qua æquabili circulationi repugnat, vasa stimulat (*b*), hinc excitata sensibili quadam evacuatione expellitur; hinc sudor, saliva, vomitus (*c*), diarrhoea, urina, post

(*a*) Curatio ista in febribus levissimis spectari potest. Cave ne hinc resurgat fatale dogma quo solis diaphoreticis omnes febres debelari proponebatur Helmontio vafermo, inquisimo . . . præeunte, in cuius refutatione tædet immorari.

(*b*) Materia morbi per febrim subacta ita tamen ut sanis humoribus asimilari nequeat, tunc instar peregrini stimuli turbat corpus, et sensibili quadam evacuatione de corpore expelli debet ut sanitas redeat. Hinc mobilis jam, et vaga novas molestias facit, et perturbations illas excitat in corpore, quæ criticæ dicuntur merito, quia evacuationes criticas ejusdem materiæ præcedere solent, et aliquando committari. Ob hanc causam dixit Hipp. (II. Aph. 13.) *Nox ante crisim gravis, seu molesta, quod etiam intelligendum de die molesta et gravi, si noctu crisis expectanda, et exequenda.*

(*c*) Evacuationes istæ maxime prossunt si

298 DE MORBIS INTERNIS,  
coctionem , et statum , fere intra qua-  
tuordecim dies facta crisi.

595 Tandem , si materies mali ejus-  
dem vi febris subacta , soluta , mobilis  
reddita , sanis iterum assimilata humoris-  
bus , fluit sine ulla crisi , aliove morbo.

596 Genius , discriminem , duratio fe-  
bris acutæ , si observantur (*a*) ab initio ,  
per adscensum , usque ad statum , do-  
cent ejus exitum , mutationem , finem.

597 Ideoque ex omnibus his (ab 558.  
ad 597.) enarratis generalia dignosios , et  
prognosios dogmata in febribus facile eli-  
ci queunt.

598 Curatio optima febrium genera-  
lis obtinetur , si 1. Vitæ , ejusque viribus  
consultitur. 2. Acre irritans corrigitur , ex-  
pellitur. (574). 3. Lentor dissolvitur , ex-  
pellitur (577). 4. Symptomata mitigan-  
tur (587).

599 Vitæ et viribus consultitur , cibis  
et potibus fluidis , facile digerendis , pu-

post coctionem , et statum natura jam superan-  
te morbum fiunt ; quando enim in morbi aug-  
mento accidentunt symptomaticæ censendæ. Pulsus  
intermitens , tensus etiam seu durus vomitum  
criticum præsagit ; non durus , et intermittens  
vomitum ex Solano nostro.

(*a*) Maximi momenti est hæc regula tota sua  
extensione sumpta. Observatio ista Medicos efi-  
cit : inobservatio empiricos.

tredini adversis , siti contrariis , appetitui citando idoneis (*a*) , causæ morbi cognitæ oppositis (*b*).

600 Cibus dandus eo tempore , quo abest febris , aut quo ejus impetus saltem erit lenior.

601 Et quidem copia parca , sæpe repetita : ne nimis laborare cogantur visceria , mutenturve.

(*a*) Febricitanti si porrigantur carnes assæ horrebitt , si lac ebutyratum , decoctum hordei cum succo citri , fructus horæi bene maturi , aut similia dentur assumet alacritèr. Unde ipse ægrorum appetitus solet sæpe Medicos docere quænam sic optima sint. *Paulo deterior tum potus , tum cibus suavior tamen melioribus quidem , sed ingratiорibus præferendus.* Ita Hippocrate (II. Aph. 38.) pronuntiante. Damnandi ergo sunt Medici , qui in his nimis severi piaculum crederent si vel minimum ægrotantium desideriis concederent , quod vel artis regulis , vel sæpe præconceptæ tantum hypotesi repugnare videtur. Media ergo in iis via incendum est: turpe enim est ingenuo serviliter subscribere omnibus , quæ æ gri expetunt ; sed æquè noxium , et Medici famæ insidiosum est , si morosa severitate salutares quandoque naturæ instinctus contemnat semper.

(*b*) Causarum varietas curationem realiter variare facit. Hoc Medici veri sciunt , atendunt , et exequuntur. Empirici , Helmontio duce , unica falce , remedio nempe sudorifero , omnes febres curare insulse , ridicule , atque perniciose gloriantur.

602 Copia determinatur , et vis cibi  
 1. ex prævisa duratione febris (588. 589.  
 590. 596. 597) ad dies , 1 , 4 , 7 , 9 , 11,  
 14 , 21 , 30 , 40 , 60 ; debet enim tan-  
 tum dari , quo vires sustineri queant , ut  
 sufficientant coctioni , et crisi. Quo brevior  
 morbus , eo minus et debilius offerendum,  
 et contra. 2. ex ætate ægri cognita ; quo  
 enim origini propiora , vel senectuti sum-  
 mæ , eo difficilius inediam ferunt anima-  
 lia. 3. Status et vehementia morbi si cog-  
 noscuntur , varium copia et virtute cibum  
 postulant : in *acme* tenuissima , et pauca;  
 in adscensu et descensu eo plus , et me-  
 racius dandum , quo magis ab ea distat  
 morbus. 4. à loco quem æger incolit , qui  
 enim æquatori vicini tenuem victum fa-  
 cile , polis autem propiores difficulter eum  
 ferunt. 5. ab anni tempestate , quum æs-  
 tas tenuissima , hyems validiora petat. 6. à  
 consuetudine (a) ægri , et temperie ejusdem  
 naturali ; qui enim sanus lautissimis usus  
 ea facile difflat , æger pluribus eget ob

(a) Hic verissimum est effatum Hippocratis  
 asserentis (Lib. I. Epid.) *morbos cognoscimus edoc-  
 ti ex communi omnium natura , et cujusque pro-  
 pria*. Et Celsi Medicum asserentis *communia non  
 oportere negligere ; sed in propriis quoque in-  
 sistere debere. Ideoque , concludit , cum par scien-  
 tia sit utiliore tamen Medicum esse amicum quam  
 extraneum.*

vasa et viscera his assueta. 7. à sensu levi, vel gravi assumpta sequente.

603 Acre irritans externe hærens, (ut vitri, metalli, ligni, lapidis, ossis, fragmenta acuta; aut stimulantum, rubefacientium, rodentium, vesicantium, causticorum, septicorum, venenatorum applicata), cognitum, quantocys auferendum; dein ille locus, cui inhæserunt, et læsus inde est, fovendus erit lentis, mucosis, oleosis blandis, anodynus, leniter aperientibus.

604 Acre irritans interne hærens, (ut inflammationis, suppurationis, gangrænæ, sphaceli, cancri, cariei ossis, ichoris, puris, lymphæ acris et stagnantis acrimonia) tolli, vel corrigi debet juxta leges ante datas in historia horum morborum præmissa. Si acre Epidemicum, vel venenatum, corpore receptum vitam irritat, id ex lege epidemicis præscripta tractari debet, (1407 ad 1412).

605 Acre irritans in ipsa liquida inductum usu sex rerum non naturalium tolli, vel corrigi potest, et debet, pro sua indole varia cognita, variis auxiliis.

i. A motu nimio; quiete (*a*) corporis et

(*a*) Optima circa motum, et quietem Hippocrates, et Celsus nobis reliquere documenta. Post nimium motum jejune dormiendum est. ait

2. A nimio calore aëris ; temperando illum exhalatione frigidæ , maxime plantis nonnullis , huic propriis negotio ; potu aquæ subacidæ leviter nitrosæ , cum vini (a) subaciduli pauxillo ; cibo subacido, leviter demulcente , parum salito ; medicamentis vero similibus.

3. A nimis humido (b) aëre ; largo foco ex aromaticis resinosisque lignis ; exhalatione aromatum.

4. Ab aëre acri putrefaciente ; hunc emendando accenso nitro , pulvere pyrio, vapore aceti , sale (c) prunis insperso.

5. Ab animi affectibus ; hos sedando

Celsus , multo magis si etiam os amarum est ...  
Post iter primum sedile , dein unctio.

(a) Hippocrates in febribus ardentibus vinum Thasium vetus viginti quinque partibus aquæ dilutum exhiberi jussit. Lib. III. de Morb. Cap. ultimo. Medicus Hispanus Geronimo Pardo tractatum edidit lectu dignissimum : *del vino aguado* , de quo jam alibi dictum. Acidula autem vina imprimis hic laudantur , quia omni putredini resistunt.

(b) Recentior chemia varia hydrometra proponit , quibus humiditas aeris exploratur. In cubiculo privato corpora illa , quæ ob siccitatem aquam aeris imbibunt præferenda.

(c) Varia circa hæc adnotata sunt ad §. 752. Inst. Med. Inter admixta aeri , quæ illum pe-

ratione , contrariis affectibus , varietate  
objectorum , anodynisi , opiatis.

6. A cibis acribus acidis ; id acre di-

sundant , et in eo latent sunt efluvia varia acida , alcalina , putrida . . . noxia , atque deleteria quæ sagaciter cognoscenda , et gnaviter debellanda sunt. Ad ista efficienda hodierna chemia est absolutè necessaria. Sit pro exemplo aer nosocomicus exhalationibus putridis inquinatus , et aer alicujus Basilicæ efluviis cadaverosis admodum infestus. Suffumigia , quæ alias parabantur inutilia , et noxia esse demonstravit chemia recentis ; oxygenium enim in combustionē consumunt , et gas acido carbonico atmosphæras istas particulares onerant. Boerhaavius jam proposuit ad istam correctionem asequendam acida ex sulphure , sale marino . . . deprompta. (Aph. 88. num. 2. 3.). Posterior chemia demonstrat quinque unciis salis mari- ni , seu culinaris leviter madefacti , et in capsula calido cinere puro semi plena possiti , et super infussæ unciæ duæ acidi sulphurici , seu olei vitrioli communis statim decomponitur sal marinus , unitur basis hujus vitrioli acido , et sic acidum muriaticum avolat , et raptim efluvia alcalina putrida , cum quibus magnam affinitatem habens unitur , ea enervat , et aeri puritas conciliatur.

Decem , vel duodecim transactis horis ap-  
petitur templum , et infectio omnis putrida , at-  
que cadaverosa disparuit.

Operatio ista à chemia recentissima pro-  
ponitur ; sed jam à Boerhaavio multo antea  
tempore indicata fuit per ista verba : *Sale pru-*

luendo , demulcendo , absorbendo , immuntando in salem compositum ; aquosa , gelatinosa animalium , oleosa , cretacea , ostracodermata , lapides animalium , terræ pingues , sales alcalini fixi , volatiles , simplices , compositi , id efficiunt. Vid. (60. ad 69).

7. A cibis acribus salinis , eam acrimoniam diluendo per aquosa , tumque evacuando simul ; demulcendo per lenta , oleosa ; corrigendo per lixiviosa (a) ex calce viva.

8. A cibis acribus aromaticis calefientibus ; diluendo per aquosa ; corrigendo per acida ; resolvendo et detergendo per saponacea acida ; demulcendo per blanda gelatinosa. Quum alcalescentia acria huc spectent , et illa hinc intelliguntur.

9. A cibis animalium ex partibus alcalescentibus ; per ea , quæ descripta (76. ad 91).

10. A cibis copia peccantibus , sto-

*nis insperso*. Est facilis admodum licet cautè facienda , et absdubio Medico scitu necessaria ad lustrandam Ecclesiam populi , ubi suam exercet scientiam si id fuerit necessarium.

(a) Vid. quæ circa hanc rem dicta sunt §. 1175. Inst. Med. Egregius Medicus Bullet frequentissime , et in variis morbis hoc Lixivium adhibuit sine damno , licet non responderit sem-

machum constringentibus ; dilutione , inedia , vomitu (*a*) , solutione alvi.

11. A potu acri fermentato , vel fermentante (*b*) , acido , oleoso , aromatico, destillato vel simplici inducta acrimoniam tollitur iisdem remediis (n. 5. 6. 8. *hujus*).

per magnificis de eodem promisis. In calidæ temperiei hominibus , in morbis putridis . . suspectus est ejus usus ; in pituitosis , frigidis , acido laborantibus satis profuturum videtur , et imprimis laudatur ad extricandos sales muraticos fixiores in sanguine hærentes ex Boerhaavia in chemia. Si forte quædam putredinis signa in urina , quæ sedulo examinanda est apparet ab ulteriori ejus usu abstinendum videtur.

(*a*) Aliquando ventriculus nimis adeo repletur , ut sic claudantur sua orificia , ut nihil exire possit. Idem infortunium accidit aliquando illis qui aquas medicatas simul et semel nimia copia hauriunt. Tum larga sanguinis missione vasa depleantur , et dein plumula irritando fauces vomitus movendus. Emetica , et cathartica simul prudentè administrata Valentè proderunt ; periculum enim hic in mora est. Dosis , qua prescribuntur vomitoria à Boerhaavia hic in Mat. Med. nimia est. Vid. Syllogue.

(*b*) Per fermentationem nascitur novus quidam , et mirus stimulus etiam in illis rebus , in quibus antea nulla omnino apparebat acrimonia. Uvarum succus , mollissima hordei farina , dum fermentant . . . id evincunt. Ille pessimum venenum est. In alcohole ex liquidis fermentatis producto aliiquid forte illius spiritus

12. A nimia vigilia ; curatur iisdem, ac (num. 1. 2. 5. hujus).

13. Si à retentis intra corpus excrementis acrimonia alcalina , acida , oleosa, saponacea putrida ; hæc reddenda fluxilia ; viæ lubricandæ , emissaria aperienda; vires expellentes stimulandæ , augendæ; hæc facienda per externa , interna.

606 Emissaria aperiuntur solvendo impactum ; laxando obstructum ; id balneo , fotu , frictu , abrasione pilorum, mundatione cutis fit. Vid. (107. ad 144).

607 Id quod ad extrema vasorum conicorum stagnat ex nimia sanguinis copia , qua vasa comprimuntur , reducitur in fluorem imminuta sanguinis copia per sectionem venæ ; id docent signa plethorae. (106. ad 107).

608 Quod ibi hæret , ad extrema capillaria , ob fibras horum spasmo (a) contrac-

manet Gas olim vocatus. Hinc apparet quam periculosum sit in ipso actu fermentationis suppressos liquores bibere , inde enim pessimæ cholerae , et alia dira mala sæpe sequuntur : ebrietas , febris crapularis , apoplexia ipsa. . .

(a) Fibras vasorum spasmo quasi contrahi posse certissima docent observata. Aer frigidus subito corpori calido applicatus stringit vasa cutanea aeri exposita , ut illico palleat , dum sanguis ruber per angustatas frigore arterias transire nequit. Metus subitus idem efficit.

tas , et hinc arctatas , solvitur laxatis fibris (53. ad 55.) ; et acri contractionis causa ablata (35. 36. 54. 66. 67. 88. 102. 103. 104. 105. 127. 128.) , unde peti debet , quod hic requiritur .

609 Quod hæret ob visciditatem et lentorem proprium solvetur variis remediis , quorum primarium vis ipsius febris ita moderata (a) , ut valeat coagulum hoc solvere (587. 589. 593. 594.) ; adeoque hoc requiritur , ut sic temperetur impetus : a ne inflammations , suppurations ,

(a) Mirum forte videri posset , febrim coagulum facere , et coagulum factum postea resolvere ; sed hæc revera locum habere possunt pro varia febris duratione , et intensitate . Quod hic requiritur est , ut sic temperetur febris impetus , ut nec torpeat nimis , ne solvendo coagulo impar sit ; neque tamen nimis validus sit ne destruat tenerrima solida , et liquida coagulet . Istam methodum simplicem , optimam , sapientiæ veterum consonam , utpote naturæ morbos curantis vestigia præsse sequentem fastidiunt illi Professores formidandi , quibus solemnè est repetitis venæ sectionibus nimium impetum sopire ; illi , qui calidissimis remediis augere motum sæpe jam nimis impetuosum intendunt : illi , qui pari audacia , et æque infeliciter catarticis , emeticis . . . turbant omnia . Hæc van Swieten . Signa , quibus cognoscitur febris impetum esse nimium , vel nimis debilem ex textu apparent , et sunt maximè observanda .

gangrænas , sphacelosve queat producere (592) : cuius periculum imminere docet vehementia symptomatum , maxime calor is , comparata cum virtute vasculorum: *b* neve nimio motu dissipentur liquida: id vero denunciat siccitas narium , oculorum , gutturis , linguae , raucedo , arida cutis , urina parcior , pulsus parvus , celer , inæqualis : *c* neque ut ante coctionem torpeat nimis , ita ut materiem morbi non valeat subigere , movere , secernere , excernere : id cognoscitur , si languent actiones vitales omnino , necdum apparen te signo pepasmi (*a*).

610 Si itaque exorbitare deprehendit (101) , moderamen fit abstinentia , victu tenui , potu aquæ , aëre frigidiusculo , animi affectu leni , venæ sectione (*b*) , clysmate refrigerante , medicamentis blandis , aquosis , glutinosis , refrigerantibus , anodynis , opiatis : confer (92. ad 106).

611 Si segnior apparet , excitabitur

(*a*) Hoc maxime notandum , si enim necdum apparente signo pepasmi minuitur febris impetus , augendus iste , cesatio enim hujus impetus tantum est fausta , quando materialis causa febris soluta , subacta , assimilata vel mobilis reddita , et expulsioni exposita est , quo casu semper coctionis signa prius apparuerunt.

(*b*) Celsus venæ sectionem tantum adhibuit ad minuendam sanguinis copiam vel ad illum corruptum educendum , et cum non adyerterit ad fe-

ope Cardiacorum desumtorum ex cibo, potuque meracioribus, aëre paululum caldiore, animi affectu (*a*) magis excitato, medicamentis acrioribus, volatilibus, aromaticis, fermentatis, frictione, calore, motu musculari, balneis, fomentis.

612 Alterum post primum (609) remedium, quo visciditas tollitur, est elateris in vasis restitutio, minuto liquido per missionem largam, citam, ex magno vulnere, sanguinis, aucto dein, vel simul motu per stimulantia.

613 Tertio idem viscidum fluidum redditur diluendo potu, balneo, fotu, clysmate, aquosis, tum simul fricando.

bris impetum temperandum etiam deservire, pronuntiavit: *quod si vehemens febris urget in ipso ejus impetu sanguinem mittere hominem jugulare est.* Sed hoc cum limitatione intelligendum, et si forte in intermitentibus. Vid. §. 762. Auxilium istud non precise in initio, sed quocunque morbi tempore si febris impetus nimis insurgit administrandum. In morbis inflammatoriis pro resolutione obtinenda post quartum diem vix prodest. Clysmata usum hic habent ex Celso: *si sanguinem mitti cum opus sit vires non patiuntur, tempusve ejus rei præteriit.* Lib. II. Cap. XI.

(*a*) Ira hic vitanda; lætitia moderata, spes futuræ sanationis, desiderium... præcipua hic sunt, et tutissima; cum motum humorum leniter augeant, neque interim mentem, ut illa turbent.

614 Agunt ea optime , si calida , aquosa salita , aromatica amara lactescentia frigida (a) sumuntur.

615 Quæ (613. 614.) ut bene , cito, tuto valide agant , missio sanguinis præmissa prodest , nam parat ingressum , miscelam , actionem.

616 Simulac viscidum his (609. 610. 611. 612. 613. 614. 615.) solutum , iisdem continuatis , vel auctis , pellitur , et expellitur : sed et sæpe jam emendatum expulsu non egebit (595).

617 Symptomata ex febre acuta singulari orta in primis hæc sunt : frigus, tremor , anxietas , sitis , nausea , ructus, vomitus , debilitas , calor , æstus , siccitas,

(a) Inter salia præferenda nitrum , sal prunela , sal polycrestus ... Inter spones laudantur nativi , ut mel , sacharum , fructuum horæorum recentes succi , vel syrapi , sapæ ... Omnia autem maxime , et summo quidem jure laudari solent decocta ex herbis illis amaris lactescentibus ; quæ et frigidæ dicuntur , quia nunquam calorem augent , licet magna etiam copia sumantur , et potentissima solvendi vi poluent , dum nullas in corpore turbas excitant. Illis videtur etiam inesse levis anodyna vis , sed tuta neque unquam noxia (in lactuca præsertim) licet etiam majori copia usurpentur. Hinc tanti usus sunt in acutis æque, quam in cronicis morbis. Omnia autem hæc actu calida esse debent dum asumuntur ita tamen ut parum superent sani corporis calorem.

delirium , coma , pervigilium , convulsio,  
sudor , diarrhoea , pustulæ inflammatoriæ.

618 Quæ omnia (617) orta ex febre  
(581. 587.) , ut sua causa , hac ablata  
(594. 595. 598. ad 617.) cessabunt ; adeo-  
que , si ferri queunt tam diu sine peri-  
culo vitæ , singularem curationem vix re-  
quirunt.

619 Quin sæpe oriuntur ex conatu  
vitæ se disponentis ad crisin , vel ad mate-  
riæ criticæ excretionem , tunc hanc præ-  
cedunt , comitantur , sequuntur , nec tur-  
bari debent (a).

620 Si vero intempestiva (b) , nimis sæ-  
va , quam ut ferri à vita possint , aut ab  
ægri patientia (c) , vel aliud gravius ma-

(a) Maxime ad ista adimplenda observanda  
distinctio inter symptomata critica , et morbo-  
sa. Vid. §. 936. Inst. Med.

(b) Ita dicuntur symptomata tali morbi tem-  
pore orta , quando nulla adhuc coctionis signa  
apparuerunt , in ipso nempe morbi principio , et  
adscensu , sudores , v. gr. alvi fluxus . . in fe-  
brium acutarum initiis intempestiva sunt.

(c) Quantum prossit pacata mentis serenitas  
in omnibus morbis curandis neminem latet ; imo  
solis animi motibus validis febres , et alia mala  
excitari possunt. Hinc cogitur sæpe Medicus  
lenire , vel et tollere quædam symptomata , quæ  
secundum artis regulas melius relinquentur.  
Nihilominus memores omnes Medici debemus esse  
ægros omnes curandos tuto , cito , et jucunde , at-

lum (a) productura sunt , tum singula sunt lenienda suis remediis propriis , habita semper ratione causæ (586) , et status (590) morbi ipsius.

## A P H O R. 599.

Vid. 28. num. 1. 4.

## A P H O R. 603.

*Fomentum mucosum , anodynum , blandum ,  
leniter aperiens.*

R. Seminum pomorum Cotoneorum numero sex.

Cum aquæ stillatæ florum Rosarum,  
Sambuci singularum unciis tribus,  
Fiat secundum Artem emulsio , cuius puro  
liquori admisce

que jucunditatem istam neque securitati , neque promptitudini sanationis obesse unquam posse.  
Prudentia hic severè consulenda.

(a) Febres ardentes aliquando felicissime solvuntur per largam narium hæmorrhagiam , quam Medici non impediunt. Verum , si vi , et impetu febris soluta in pulmone arteria hæmoptoœn faciat illico venæ sectione , aliisve succurrendum est , quia in ulcus , et phthisim degenerare poterit. Methastases ad subaxillas , inguina , pedes . . . foveamus ; versus hepar , pulmones , cerebrum . . . omni molimine artis impedire conamur.

Spiritus vini rectificati unciam semis.

Tincturæ opii drachmam unam.

Unguentum Aureum.

Basilicum.

Diapompholygos.

Nutritum.

Populeum.

Rosarum.

### APHOR. 605. NUM. 1.

Ptisanæ.

Decoctum laxans.

### APHOR. 605. NUM. 2.

*Mistura subacida, nitrosa in febribus à nimio calore.*

R. Aquæ decoctæ hordei uncias viginti quinque.

Nitri puri drachmam unam.

Vini Rhenani uncias sex.

Rob Ribesiorum

Sambuci singulorum uncias duas.

Misce. Capiat omni quarta parte horæ unciam unam vel duas.

R. Aquæ stillatæ Cichorei

Fumariæ

Melissæ singularum uncias tres.

Spiritus salis communis drachmam unam.

Syrupi Mororum uncias duas.

Nitri puri drachmam semis.

Misce. Capiat cochlear unum omni semihorio.

*Pulvis similis.*

R. Chrystallorum Tartari drachmas duas.

Nitri puri drachmam semis.

Misce. Fiat Pulvis.

Capiat scrupulum semis omni trihorio ex Ptisana.

Reliqua vide in capite de Putredine alcalina, et de Excessu circulationis.

APHOR. 605. NUM. 3.

*Pulvis temperans, aromaticus in Febribus ab aere humido.*

R. Herbarum recentium majoranæ

Menthæ crispæ

Origani

Roris marini singularum manipulos duos.

Florum Chamæmeli romani,

Rosarum Rubrarum,

Tanaceti,

Lavendulæ singulorum manipulum unum,

Mari Syriaci manipulum semis,

Radicum Iridis Florentinæ,

Angelicae sativæ

Imperatoriae singularum uncias  
tres.

Rasuræ ligni Sassafras uncias duas.

Seminis contusi celeri uncias tres.

Conscissorum fiat pulvis spargendus in  
loco, ubi æger est.

### APHOR. 605. NUM. 10.

*Vomitoria lenia in febribus ex copia  
ciborum.*

R. Aquæ decoctæ hordei levis uncias tri-  
ginta sex.

Oxymellis squillitici uncias tres.

Tartari vitriolati non acidi drachmas  
duas.

Misce. Capiat uncias duas omni semihorio.

*Vel.*

R. Rob Sambuci uncias tres.

Aceti squillitici unciam unam

Aquæ stillatæ Melissæ uncias sex.

Misce. Capiat unciam semis omni se-  
mihorio.

R. \* Tartari emetici grana quinque  
Pro una dosi. (*cave!*)

R. Vini Emetici unciam unam, et semis.  
Pro una dosi.

R. Radicis Ipecacuanhæ albæ scrupulum  
unum.

Fiat Pulvis pro una dosi.

*Haustus emeticus ventriculo cibis nimium infarcto.*

R. Radicis Ipecacuanhæ pulverisatæ scrupuli sub pulos quatuor.

Vini albi uncias tres.

Coque in phiala alta per horas quatuor.  
Colaturam exibe pro una dosi.

*Vel.*

R. Foliorum recentium Asari consciissi numero quinque.

Cum aqua fervida infusis spatio dimidiæ horæ absque ebullitione,

Succum expressum exhibe pro una dosi.

### A P H O R. 610.

*Clyisma motum temperans , refrigerans in febribus.*

R. Nitri puri drachmas duas.

Mellis Rosarum unciam unam.

Seri lactis recentis uncias duodecim.

Misce.

*Vel.*

R. Aceti communis unciam unam.

Nitri nativi drachmas tres.

Syrupi Rosarum solutivarum cum senna uncias duas.

Aquaæ decoctæ hordei uncias novem.  
Misce.

*Vel.*

R. Lactis ebutyrati uncias decem,  
Syrupi Rosarum pallidarum uncias  
duas. Misce.

*Vel.*

R. Decocti communis emollientis uncias  
undecim.

Nitri puri drachmas tres.

Mellis Mercurialis unciam unam, et  
semis. Misce.

### A P H O R. 619.

*Medicamenta in Languore Febrili.*

*Mistura aromatica cardiaca.*

R. Oximellis Squillitici uncias tres,  
Spiritus vitæ Mathioli drachmas tres,  
Aquaæ stillatæ Menthæ uncias quatuor,  
Cinamomi unciam unam.  
Misce. Capiat unciam unam omni hora.

*Similis calida.*

R. Diascordii Sylvii scrupulum unum, et  
semis,  
Theriacæ Andromachi drachmam unam,  
et semis,

Syrupi quinque radicum aperientium  
uncias duas,  
Aquæ stillatæ cardui benedicti uncias  
sex. Misce in eundem usum.

*Conditum calidum, aromaticum, excitans,  
in eodem casu.*

R. Confectionis Alchermes drachmam  
unam,  
Zingiberis conditi drachmas sex,  
Radicum contrajervæ,  
Serpentariæ virginianæ singu-  
larum drachmam unam,  
Syrupi quinque radicum apperientium  
quod sufficiat, ut fiat Conditum.  
Capiat drachmam semis omni quadrihorio.

R. Pulveris comitissæ Kent scrupulum  
unum, et semis.  
Detur omni quadrihorio.

*Pulveres similes in eodem casu.*

R. Zingiberis albi,  
Corticis Winterani,  
Radicum Zedoariæ,  
Contrajervæ,  
Serpentariæ virginianæ, sin-  
gularum drachmam unam,  
Trochiscorum de viperis drachmas  
duas.

Misce. Fiat Pulvis tenuis dividendus in doses scrupuli dimidii.  
Capiat unam omni quadrihorio.

*Vel.*

R. Salis cardui benedicti drachmam semis.

Cornu cervi albi drachmam unam

Coralli rubri scrupulos duos,

Olei stillati Cinamomi,

Corticis citri singulorum guttas tres.

Misce. Fiat Pulvis dividendus in decem doses. In eosdem usus.

### A P H O R. 614.

#### *Amara lactescentia frigida.*

Chondrillæ. Scorzonera.

Cichorea. Sonchi.

Hieracia. Taraxaca.

Intubi. Tragopogona.

Lactucæ.

### F R I G U S F E B R I L E.

621 **F**rigus (*a*) in febrium acutarum initis ponit attritum liquorum in se mu-

(*a*) An frigus nostri respectu nihil sit positivum præter sensationem, quam ex imminu-

tuo , et in vasa minorem ; motum circulatorium imminutum ; liquidum ad extrema stagnans , cor minus contractum ; minus evacuatū : spiritus cerebelli minus influentes.

622 Efficit , si diu manet validum , polyposas in vasis majoribus , circa cor , concretiones ; in minoribus vero , expresso suo liquido , evacuationes ; hinc multa , et gravia mala in utrisque .

623 Hinc patet , quid designet , quid præsagiat ? et cur , quo majus initio frigus , eo periculosior febris ? in peste incipiente frigus summum , progressa calor maximus ?

624 Id frigus omni eo , quod valide stimulat , quocunque demum titulo , tentatum dedit sæpe insanabilem postea in-

to calore corporis nostri percipimus ? Videant phisici , et chemici . Istud frigus , de quo nunc , quod febres incipientes commitatur distinguuntur à frigore quod accidit in febre ardenti critice solvenda , tunc enim illud quod circa ultimas arterias hæserat immeabile solutum transit in venas , unde sequitur mox liberrimus transitus sanguinis ex arteriis nunc perviis in venas ferre vacuas , hinc atritus , qui antea in vasis obstructis sumus fuerat minuitur subito , tuncque salutaris in his morbis rigor cum frigore nas- citur quamvis non minuatur cordis contractio , neque liquidum ad extrema stagnet .

flammationem (a). Hinc salina acria , aro-  
matica , oleosa , vesicantia , et similia  
damnosa sunt.

625 Optime autem curatur potu aquæ  
calidæ nitrosæ cum pauxillo mellis et vi-  
ni; balneo , vapore , fotu , lotione per si-  
milem liquorem ; frictione blanda.

626 Quibus (625) statim applicatis  
sæpe maxima mala illico curantur (622).

### A P H O R. 625.

*Potus in frigore febris sumendus.*

R. Aquæ decoctæ hordei uncias triginta,  
Nitri puri drachmas duas  
Oxymellis simplicis uncias tres  
Aquæ stillatæ Caryophylorum aroma-  
ticorum uncias duas.

Misce. Capiat uncias duas omni quarta  
parte horæ , calide valde sorbendas.

(a) Omnia hæc nocent , quia immeabiles hu-  
mores in frigore febrili urgent versus cutim,  
et extrema vasorum impervia spasmo contrac-  
ta , et dein solutis , caloris febrilis tempore his  
obstaculis nimiam jam sponte sua futuram cir-  
culationis velocitatem augent. Fervidissimi olei  
caryophyllorum guttæ quinque cum sacharo  
tritæ , et ante paroxismum tertianæ vernæ ex-  
hibitæ læthalem pleuritidem produxere.

*Emulsio in eundem finem.*

R. Quatuor seminum frigidorum majorum et minorum, singulorum drachmas duas.

Cum aqua fiat emulsio, cuius libris tribus admisce

Aquæ stillatæ fœniculi uncias quatuor,  
Salis prunellæ scrupulos duos,  
Syrupi quinque radicum aperientium  
uncias duas,

Violarum unciam semis.

Usus idem.

*Mistura similis.*

R. Aquæ stillatæ Borraginis libram unam  
Florum Rosarum unciam unam.  
Florum Sambuci uncias octo.  
Cinnamomi unciam  
unam, et semis.

Spiritus vitæ Matthioli unciam semis.  
Syrupi Artemisæ Fernelii uncias duas.

Misce. Usus ut supra.

Decoctum Coffe.

Ligni Sassafras  
Santali,

et similia hic valent, in primis si pauxillum  
Aromatis circa finem addis.

*Decoctum simile.*

R. Ligni Santali albi , citrini , rubri singulorum unciam unam.

Fiat cum aqua decoctum spatio quartæ partis horæ , tum adde

Radicis Fœniculi uncias quatuor.

Rasuræ Sasafras uncias duas.

Glyzirrhizæ unciam semis.

Ebulliant iterum uno momento , dein

Decocti libras quatuor exhibe,

In eundem usum.

## TREMOR FEBRILIS.



627 **T**remor ponit muscularum vaillationem inter tonum , et laxationem , causas tendentes et laxantes brevi , et involuntarie sibi mutuo succedentes ; influxus arteriosos , et nervosos nunc contingentes , nunc absentes ; adeoque initio morbi quietem utriusque liquidi ; in fine sæpe nimiam horum absentiam , post dispendia nimis magna ,

628 Efficit diu perseverans impedimenta circulationi humorum , et vicia inde pendentia.

629 Inde diagnosis , et prognosis ejus habetur : et liquet cur tremor cum frigo-

re (621)? cur ingens tremor adeo malus? cur in animi affectibus majoribus tremor? cur circa mortem? cur evacuatione omni nimis magna? cur à nimio potu quoconque?

630 Curatur restituto æquabili fluore, et pressione liquidi arteriosi in arterias, cerebrosi, et cerebellosi in fibras motrices: id obtinet in morbi initio usu eorum, quæ lentorem solvunt, vires redundunt (606. ad 617.) ; in fine autem per ea, quæ liquida perdita subito restituunt, fibras roborant, et viscera (46. 47. 48. 49.) (a).

### A P H O R. 630.

Pro hujus Symptomatis curatione videantur loca in hoc Aphorismo citata.

(a) Sauvag. Cl. IV. Ord. II. Gen. XIV.  
*Tremor. Species*: Tremor à debilitate: Sentilis temulentus : à Coffea : Metallurgorum : coactus : vertiginosus : ab hydrocephalo : tendinum: scorbuticus : paralytodes : à saburra : à plethora , à pathemate *metu, ira, gaudio, libidine...*

Cullenius (Clase II. Neuroses. Ord. I. Comata. Gen. 43. *Paralysis in fine*) asserit, *Tremorem semper esse symptomaticum vel Astheniae, seu debilitatis omnium artuum, vel paralyseos, vel convulsionis, et ideo in numerum Generum eum recipere non vult.*

## ANXIETAS FEBRILIS.

631 **A**nxietas pro causa habet sanguinis ex corde egressum impeditum; adeoque per fines pulmonales, aut Aortæ impossibilem transitum; hinc spasnum vasculorum contractorum, aut materiem inflamatam transire ineptam; similia orta vidimus ex impedito trajectu cruris per Venam Portarum (*a*) ex iisdem causis; unde, quum omnis sanguis venosus, à coeliacis, et mesentericis arteriis allatus, redire non possit, stagnet, vasa extendat, arterioso fluxui resistat, et omnia hinc nata, et nascitura mala producat, liquet ambas has anxietatis causas in omni acuto morbo quam severissime observandas, et curandas esse.

632 Si anxietas ergo talis (631) diu

(*a*) Aliquando ventriculus, et Intestina per flatus distenduntur; hinc hepar validissime potest comprimi, quo casu retrogrado motu secreta bilis retropellitur in venæ portarum ramos, atque ex his, vel per venæ cavæ respondentes ramusculos in sanguinem reddit, vel et forte una cum sanguine venæ portarum retroprimitur in arterias. Hinc anxietas nascitur dum sic compressis vasis impeditur libera circumductio humorum; hæc autem anxietas erumpentibus flatibus levatur illico.

perstat, circa vitalia producet polyposas concretiones, inflammations, gangrænas subitaneas cum intolerabili angustia, et morte cito subsequente; si autem hæsit in hypochondriis, tum maximum sensum ægritudinis circa stomachum pariet, reliquis visceribus minus acute sentientibus; dein putrefactiones subitaneas sanguinis in vasis his amplis, minusque validis; unde gangrænæ, hepatis putredo, dysenteria à putrefacto lethalis.

633 Inde optime novit Medicus, quid anxietas talis (631. 632.) pro sua causa, et natura ponat, quidque inde præsa- giendum sit, simulque distinguet inter anxietatem ab uno affecto genere nervoso, absente febre antegressa, et inter eam, quæ ab inflammatione acuta, quæ tum per sua signa prius se prodidit; inde comparans hæc cum vehementia, duratione, loco hujus mali, cuncta prudenter dete- gere poterit: Cur in omni fere morbo circa mortis articulum anxietas ultimo tragoediam claudit? Cur spasmodica anxietas parum (*a*), inflammatoria maxime

(*a*) Licet spasmodica anxietas parum per- culosa sit, plurima tamen inde mala metuenda, spasti, dolores mirabiles, convulsiones multi- fornes . . . omnes fere morbos mentientes, et facile Medico fraudem facere potentes nisi sol- licite ad omnia attenderit, et magna peritia va-

periculosa? Cur inquies, jactatio, suspiria, anhelatio, pervigilium in morbis inflammatoriis, suppuratoriisque, mortis prænuncia.

634 Inde etiam patet, quam varia (*a*) requiratur medela ad sævitiem hujus malii leniendam; quæ tamen omnis cognoscitur, et applicatur, cognita prius inde le ipsius symptomatis. Ubi ergo advertitur affectio spasmodica causa esse, hæc tollitur leniendo acre irritans (603. 604.

luerit. Unde inique agitur cum hysterics, et hypochondriacis, dum amici, imo et sæpe Medici illos increpat quasi illorum culpa fieret, ut à levissimis etiam turbentur adeo. Est etiam parum periculosa, quia dum ista eo usque increvit ut in animi deliquium incident ægri solvitur spasmus, quia cor tunc sanguinem versus encephalon pellere debita vi nequit; hinc nec illud spiritus movere per nervos; adeoque cessat inordinatus ille influxus spirituum in quasdam partes, et levatur anxietas.

(*a*) Nihil magis damnosum fuit Arti Medicæ quam generalia illa morborum nomina, quæ minus attentos in pessimos errores quandoque deduxerunt. Sit pro exemplo *Anxietas* ista. Si non attenditur ad causam, et anxietati inflammatoriæ applicantur remedia antispasmodica, et contra, malum immaniter augebitur; imo ægrotantes abibunt in ruinam. Distinctiones istæ Medicum efficiunt, earum inobservantia empiricum horrendum, exterminandum...

605.) id expellendo per vomitoria (*a*), purgantia, sudorifera, diuretica, abstersiva; diluendo aquosis calidis; sedando animi affectum; laxando fibras, vasa, viscera (35. 36. 54. 55.) compescendo vim liquidi nervosi per anodyna, et narcotica. Si ab inflammatorio viscido, id solvendo, diluendo, ejusque vasa laxando, impetum denique liquidi vitalis refrænando; huc maxime faciunt potus largus, calidus, aquæ mulsæ farinosæ nitrosæ subacidæ levissime aromaticæ; fatus, catalasma, epithema, emplastra applicata locis affectis, quæ fiant ex diluentibus, laxantibus, emollientibus, anodynis; clysmatibus (*b*) sæpe, parva copia simul injectis, diu, si fieri queat, retentis, quæ fac-

(*a*) Remedia ista lenia sint, et adhibenda dum nervi per ventriculum, et intestina dispersi irritantur ab acribus, vel à sordibus hic collectis. Fortiora nimio tumultu augerent febrim, et anxietatem.

(*b*) Pulcherrimum usum habent clysmata, ubi in angustiis venæ portarum viscidum inflammatorium hæret, quia venis intestinalibus in venam portarum directè se exhonerantibus recepta statim ad locum affectum vix mutata pervenient.

Sauvag. Cl. VII. *Dolores. Ord. I. Gen. V. Anxietas.* Speties: Anxetas febrilis, præcordialis, pulmonalis, epigastrica, spasmodica, agnóstica, cardiaca, tibiarum.

ta sint ex iisdem; vapore aquæ calidæ, emollientibus mistæ, per nares, osque, in pulmones assidue ducto.

635 Si vero usquam, hic profecto mali atrocitas citam, tutamque medelam efflagitat.

### A P H O R. 634.

#### *Vomitoria in febre commoda.*

R. Oxymellis scillitici uncias tres.

Aquæ stillatæ cichoræi uncias quinque.

Misce pro Haustu.

R. Foliorum Asari recentium numero octo.

Cum aqua stillata cardui benedicti

Fiat infusio spatio quatuor horarum, dein:

Expressæ tincturæ uncias quinque

Exhibe pro Haustu.

R. \* Vitrioli albi grana viginti quinque.

Fiat Pulvis

Ex pauxillo cerevisiæ hauriendus.

#### *Purgantia in febribus.*

R. Chrystalli tartari drachmas quinque

Ex sero lactis tepefacto.

#### *Pulvis lenissime purgans.*

R. Chrystalli tartari drachmas duas,

Salis prunellæ grana duodecim

Polychresti grana decem et septem

Misce. Fiat Pulvis.

*Haustus similis fortior.*

R. \* Scammonii grana septem.  
 Cum aquæ stillatae cichorei uncia semis  
 fiat secundum Artem emulsio , cui adde  
 Syrupi rosarum solutivarum cum  
 senna drachmas duodecim  
 Fiat Haustus.

*Decoctum simile.*

R. Tamarindorum uncias tres,  
 Agarici trochiscati drachmas tres,  
 Foliorum sennæ drachmam unam,  
 Scrophulariæ majoris aqua-  
 ticeæ unciam semis,  
 Cum aqua decoctis , et expressis unciis  
 octo adde  
 Salis Prunellæ drachmam semis  
 Syrupi rosarum solutivarum cum sen-  
 na unciam unam et semis.  
 Capiat uncias duas omni semihorio do-  
 nec purgari incipiat.

*Decoctum simile.*

R. Prunorum acido-dulcium uncias qua-  
 tuor,  
 Tamarindorum unciam unam,  
 Foliorum sennæ drachmas duas,  
 Scrophulariæ aquaticæ drach-  
 mas sex.

Cum aqua decoctis spatio dimidiæ horæ,  
deinde per pannum expressis un-  
ciis duodecim admisce

Syrupi cichorei cum Rheo uncias duas.  
Capiat uncias tres omni semihorio donec  
purgari incipiat.

*Bolus purgans.*

R. Electuarii Diaprunii Sylvii drachmam  
semis,

Foliorum sennæ pulveratæ scrupulum  
unum.

Misce. Fiat Bolus.

Electuarium Diapruni seu Cholagogum  
Sylvii ad unciam semis.

Confectio Hamech drachmas quatuor.

Hiera picra Galeni drachmam unam, et  
semis.

Electuarium lenitivum unciam unam.

Succi Rosarum unciam semis.

*Sudorifera in Febribus.*

Sunt semper diluentia, et aperientia.

*Decoctum Sudoriferum.*

R. Radicum apii unciam semis

Bardanæ

Chinæ singularum unciam unam

Cichorei

Graminis

Naporum

Petroselini

Raparum

Rusci singularum unciam semis.

Salsaparrillæ unciam unam

Scorzoneræ unciam semis

Foliorum Acetosæ

Cichorei

Endiviæ

Taraxaci singulorum manipulum  
unum.

Florum Sambuci uncias duas

Seminis contusi Apii

Petroselini singulorum unciam  
unam.

Cum aqua decoctas pintas tres exhibe.

Hauriat uncias tres calidas omni quadran-  
te horæ, donec leviter sudet.

Ex hac formula infinitæ aliæ concinnari  
possunt.

### *Diuretica.*

R. Hydrogala ex lactis recentis parte una,  
Aquæ partibus tribus.

Serum lactis

Lac ebutyratum

Lachryma Betulæ

Succi maturi recentes horæ aqua  
diluti

Sal nitrum

Nitrum antimoniatum

Sal Polychrestum

Decocta præcedentia sudorifera cum  
regimine ad diuresin.

*Abstersiva.*

Sunt eadem.

SITIS FEBRILIS.

**S**

636 Sitis siccitatem , liquorum immeabilitatem , acrimoniam salsam , alcalinam , biliosam , oleosam , putrida excrementa viæ primæ , pro causa sua habet.

637 Hinc semper fere præsentiam aliquujus horum (633) indicat.

638 Adeoque signat , illa denunciari mala futura , quæ produci possunt ex iis causis , quas præsentes esse significat (636. 637).

639 Quare ei semper , maxime in acutis (a) , succurrendum ilico est.

640 Quod fit : 1. bibendo aquosa,

(a) In iis febribus siccitas , humorum immeabilitas , et putredo per morbum ipsum augmentur. Iis nostris temporibus felicissime evanuit quorundam crudelis sententia potum his febricitantibus negantium. Hippocrates victum humidum febricitantibus prodesse monuit , et tenues acidulos potus ex mulsa , oxymelle , hordei decocto . . . dedit , uti ex Lib. de Dieta Acutorum satis patet.

subacida , nitrosa , demulcentia , calida (a) ,  
sæpe , parva copia simul . 2. nares , os ,  
fauces , simili potu fovendo , colluendo ,  
gargarisando . 3. fotus , epithemata , et  
cataplasmata ex similibus , hypochondriis  
circumvolvendo . 4. Clysmatibus similibus  
injectis , et retentis .

641 Si vero valida sitis una comite-  
tur summam debilitatem , tum vinosa ,  
imo et sæpe spiritibus ditiora , prioribus  
(640) miscenda , propinanda tuto erunt .

### A P H O R. 640.

#### *Potus commodissimi in febribus.*

R. Aquæ hordei communis simplicis un-  
cias quadraginta .

(a) Cum omnes , qui in febribus sitiunt fri-  
gidum potum appetant , hieque aliquando prosit ,  
et aliquando noceat , in genere dicendum po-  
tum frigidum in morbis putridis præstare ; in  
inflammatoriis vero calidum , vel tepidum . Uter-  
vis non affatim ; sed parca copia , et repetitis  
vicibus sumendus .

Adipsia , seu sitis cessatio , hujus causis li-  
ket permanentibus perniciosa , delirium , con-  
vulsio nem , gangrænam . . . indicans .

Sauvag. Cl. VIII. Ord. II. Gen. IX. Poly-  
dipsia , seu potulentorum appetitus immodicus .  
Spesies : Polydipsia morbosa : febrilis : hydropica ;  
fluxuum , à vesicantibus , à venenis .

335  
Rob Ribesiorum uncias quatuor.  
Spiritus salis tot guttas, quot sufficiunt ad gratum acorem.  
Aquæ stillatæ Cinnamomi unciam unam.  
Misce pro potu assiduo.

R. Gelatinæ	Ribesiorum	Horum cuiuslibet uncias quatuor.
Rob	Pomorum Cydoniorum	
Syrupi	Cerasorum nigrorum.	
	Berberis.	
	Mororum	
	Baccarum Rubi Idei	
	Pomorum Granatorum	
	Limoniorum	
	Citriorum	
	Aurantiorum chinensium	

Præpara ut prius, v. gr.

R. Gelatinæ Cydoniorum unciam unam.  
Diamori Nicolai uncias duas.  
Syrupi Acetositatis Citri unciam unam.  
Aquæ stillatæ Borraginis,  
Mellisæ , singularum  
uncias quatuor.  
Simplicis uncias viginti quinque.  
Vini Rhænani uncias tres. Misce.  
Hydrogala  
Serum lactis,

Lac ebutyratum  
 Cerevisia tenuissima  
 Potus Coffe  
 Vini pars una, Aquæ puræ partes  
 duodecim.  
 Succi citri parum.

## A P H O R. 641.

*Decoctum in valida siti, et debilitate  
 summa.*

R. Pomorum electorum recentium citri,  
 expurgatis seminibus numero duo.  
 Cum cortice consissa, abjecta alba,  
 fungosa carne, contusaque immite  
 Aquæ decoctæ Hordei simplicis un-  
 cias triginta duo.  
 Adde Syrupi Mororum unciam unam,  
 et semis.  
 Vini Rhænani uncias octo.  
 Panis tosti uncias duas.  
 In vase fictili clauso serventur  
 Pro potu assiduo.

*Vel.*

R. Syrupi de limoniis uncias tres.  
 Spiritus vini puri unciam unam, et  
 semis.  
 Vini Rhænani uncias quatuor  
 Aquæ communis puræ uncias qua-  
 tordecim. Misce.

642 **N**ausea irritum conatum vomendi significat cum idea horroris; causam ergo habet proximam fibrarum muscularium faucium, oesophagi, ventriculi, intestinorum, muscularum abdominalium leviorem convulsionem; hæc fit 1. ab acri, putri, bilioso, in vacuum stomachum pulsso, in fauces adscendente, utraque vellicante, et irritante, unde reliqua eosdem sequuntur motus; cognoscitur ex inedia, halitu putri, ore, lingua, faucibus sor didis; vel 2. oritur à lenta, viscida, fluctuante materie, quæ in iisdem locis nata nando vellicat; cognoscitur ex signis glutinosi prægresi (69. ad 75.); aut 3. à ventriculo, oesophago, intestinis, et visceribus vicinis leviter inflammatis; quod scitur ex signis horum propriis 4. tandem etiam à memoria rei, quæ olim asumta similes nauseas creaverat; 5. denique et ab inordinato liquidi nervosi motu, undecunque excitato; cognoscitur delirio, spasmo, vertigine, tremore.

643 Si diu manet, producit inediam, abstinentiam à potu, et à medicamentis, dein vomitus, et quæ hinc produci possunt mala quam plurima, quorum præcipua debilitas, acrimonia alcalina putrida, siccitas.

644 Sistitur ex prima causa orta (642. num. 1.) usu acidi , salsi , aquosi potus, cibi , medicamenti ; tum simili leni purgante exhibito ; et acido austeric roborantibus fibras ; aut , si his non cesserit , vomitorio dato. Quæ vero ex secunda causa (642. num. 2.) fit , illa tollitur , diluendo , attenuando , purgando , vomitum excitando. At , si ex tertia ortum duxerit (642. num. 3.) , tum non cedit , nisi illis morbis curatis (a) , juxta descriptionem pos-

(a) Summa animi attentione semper inquirendum est , an vel ex genio epidemici morbi regnantis , vel ex signis in ægro observandis constet inflammationem ventriculi , vel vicinorum viscerum nauseæ causam esse. Dolor harum partium cum febre continua , et pulsu duro , merito inflammationis suspicionem faciunt. Emeticum in tali casu datum summa damna facere nemo dubitat : validis enim concusibus partes inflammatas inflammabit ulterius , et abibunt istæ in gangrænam. Quod hac in re debet terrere est difficultas , quæ in his cognoscendis quandoque adest. Perspicacissimus , et experientissimus Sidenhamus etiam delusus fuit , et candide fatetur se vomitorio , quod satis commode ventriculi saburram elicuit , ægrotam febre ardentí vomitionibus importunis comitata laborantem , licet venæ sectio præcesserit intermis- se. (Sect. II. Cap. II.) Mutavit ideo consilium , et in aliis ægris felix fuit valde. Felix ille , qui commisum errorem illico detegere noscit , et corrigere statim , quod omnes Medici probi debent exequi.

tea in his securam. Quarta species oblivione ; et vitatione similium aboletur. Quinta autem per austera , quietem , narcotica , aquam frigidam.

645 Hinc intelligitur , cur in acutis , ubi nausea , purgatio initio data , ut et emeticum , adeo proposit , et in quo acutorum genere ? (a) Cur ægri acutis cum febribus conflictati adeo horreant pinguia , carnosa , ova , pisces , et contra appetant aquam , acida , fructus horæos , frigida ? Cur , nisi nausea superetur , nihil ægro prosint medicamina ? Cur sæpe hoc symptoma incurabile (b) sit ? Cur tales morbi tandem fere cum subito , insolito , mirabilis appetitu secedant ? (c)

(a) Hæc methodus frequentissime prodest in febribus autis acutumnalibus , quæ fere omnes continuæ remitentes sunt , et frequenter in intermitentium clasem se recipere solent. In acutis vero vernalibus plerumque falleret , quia nausea has febres comitans sæpius ab inflammatione ventriculi , vel vicinarum partium originem dicit.

(b) Aliquando vomica latens in hepate continuo stilicidio putridam materiam per ductum hepaticum in duodenum intestinum depluit , hinc nausea perpetua numquam curabilis , nisi putridus ille fomes in hepate sanari possit quod tamen sæpe fieri nequit. Nausea primo graviditatis stadio orta optimis etiam remedii resistit.

(c) Sauvagesius. Clase IX. Fluxus. Ord. II. Gen. XII. Nausea. Speties : nausea à tænia;

## A P H O R. 644.

*Potus ad primum.*

Vid. Aph. 640. 641.

*Potus ad secundum, et Medicamina.*

Vid. Aph. 634.

*Ad quintam speciem.**Mistura austera anodyna.*

R. Mivæ Cydoniorum uncias quatuor.

Syrupi Limonum uncias duas.

Aquæ stillatæ vitæ Mathioli unciam unam.

Cinnamomi drachmas sex

Corticis citri uncias sex.

Tincturæ opii guttas sexaginta.

Misce accurate.

Capiat unciam unam donec nausea sedetur.

R. Aquæ stillatitiae Menthæ fortis, quod sufficiat.

gravidarum : à pancreate : ex prolapsu ventriculi : ex compresso eodem : biliosa : nephritica : à semine corrupto : ab apostemate : à gastriti de : à cacochylia : marina.

Cullenius. Cl. II. Ord. II. *Adynamiae. Gen. 45.*  
*Dyspepsia, easdem proponit.*

Bibat unciam unam omni quarta parte horæ frigidam.

R. Mivæ Cydoniorum quod sufciat.  
Assumat drachmam unam omni semihora.

*Haustus anti-emeticus.*

R. Succi recentis citri unciam semis.  
Vini Rhænani, (*vel alterius ei similis*) unciam unam.  
Bene mistis adde  
Salis Absinthii drachmam unam.  
In ipso actu effervescentiæ potentur.

R. Taleolas tenues citri , saccharo resper-  
sus , impositas linguæ ore detineat.  
In omnibus interim jubant fere Epi-  
themata , Fomenta , Cerata , Stom-  
achica , in primis ubi inflamma-  
tio abest.

R. Succi Menthæ cum aceto extracti.  
Cum panne cocto applica.

*Scutum Stomachicum ad Nauseam à motu  
liquidi nervosi inordinato ortam.*

R. Pulveris Aromatici Rosacei  
Diagalangæ  
Diarrhodii abbatis , singulo-  
rum unciam unam.

Misce. Insuta sindoni applica epigastrio.

*Emplastrum in Nausea Febrili ex liquido nervoso turbato, Stomachicum.*

R. Cerati Stomachici Galeni quod sufciat,  
ut extensem ad alutam fiat emplas-  
trum stomachicum.

Valet quandiu adhærescit.

*Epithema ad Nauseam ab inordinato liquidi  
Nervosi motu ortam.*

R. Aquæ vitæ Mathioli unciam unam,  
Spiritus Radicis Angelicæ  
Carminativi Sylvii  
Menthæ , singulorum uncias  
duas.

Taleola panis triticei tosti bene irrorata  
his , applicetur calide epigastrio , su-  
peraplicetur vesica suilla oleo humec-  
tata , et dein supra hanc ligatura re-  
novetur post duodecim horas.

## RUCTUS ET FLATUS.

646 **R**uctus pro causa habet elas-  
ticam , calorem , effervescentia , fermentatio-  
ne , dilatabilem materiem , quæ uno mo-  
mento coërcetur , altero , laxato claustro  
coërcente , exploditur cum sono , et im-  
petu.

647 Hinc aër (*a*), sales oppositi, fructus horæi, humores putrescentes, vegetabilia fermentantia dant ructui, et flatibus materiem, cuius impetus, foetorque pro varietate ejus indolis varius est.

648 Nec tamen omnia hæc (647), si libere exhalare queant, ullum dabunt impetum; unde liquet, spasmos (*b*) sphincteris

(*a*) Materia ructuum, et flatuum vel ingreditur corpus jam elastica, et calore dilatabilis, vel latens in quibusdam corporibus, unde extricatur postea. Aerem flatuum in corpore humano materiam esse iam monuerat Hippocrates Lib. de Flat. Cap. 2. Aer cum cibis in ventriculum ingreditur. Hic revera potest fieri materialis ructus, et flatus causa.

Dubitatur an Aei in liquidis vel aliis corporibus latens sic, ut aeris communis notas physicas non amplius habeat possit aliquando ex iisdem dum in corpore nostro adsunt sic extricari, ut elasticitatem, et facilem illam à minimo caloris augmento dilatabilitatem acquirat, dum adunantur simul, quæ prius seorsim hæserant aeris elementa. Dicendum, aereum in humoribus nostris distributum non posse se naturaliter expedire sic, ut intra vasa collectus forma aerea bullas ibi faciat: et si aliquando hoc factum fuerit, cita mors sequitur ex Boerhaavio in Chemia. Aeris hujus elasticæ extreccatio quam efficiunt effervescentia salium alcalinorum cum acidis, et cetera in textu memorata in primis viis frequenter observatur flatibus, et ructibus peculiariter foetidis deservit.

(*b*) Elastica materies in iis locis oberrans

œsophagæi , œsophagi , oris superioris , et inferioris ventriculi , atque intestinorum semper concurrere simul , iterumque laxari ; inde ructus , flatus , crepitus , borborygmi clausi .

649 Si concurrunt hæ duæ causæ simul (647. 648.) , valide agunt , et diu perstant ; tum elastica materies calore , motu , propria vi excitata in dilatationem , constricta in cavo , cuius fibræ convulsione constrictæ , membranas claudentes dilatat , tendit , dolere facit , vicina comprimit , unde dolores , anxietatesque oriuntur intolerabiles , mox ad emissos flatus cessantes . Vid . (220. ad 227. et 631. 634) Ad hæc autem vis febris (a) accedens inexplicabilia certe tormenta facit .

causa materialis horum est ; eficiens vero spasmodica contractio earundem , sive ab acri irritante , sive ab inordinato spirituum motu facta . Constrictis v. gr. œsophagi fibris interceptus aer globum illum in hysterics fœminis exhibet , dum falso uterus huc adscendere creditur . Si successive laxatis atque iterum constrictis fibris materia elastica in internis oberrat cum levi sonno , et murmure quasi borborygmi dicuntur .

(a) Ructus , et flatus prout à Boerhaavio tractantur non adeo ad febris symptomata reducuntur ; sed tanquam morbi à materie elastica , et fibrarum spasmis producti . Varii effectus ab horum causis producuntur , et hic enumerantur , qui omnes in mulieribus hysterics ut plurimum ac-

650 Curatio hujus mali fit 1. aufe-  
rendo materiem (647) per diluentia ; ca-  
lida aquosa leviter aromatica dissipantia;  
saliūm æquilibrium (*a*) tollentia in requisitum  
præpondium ; putredinem corrigen-  
tia ; fermentationem sedantia. 2. Convul-  
siones sedantia ; lenientia acrum , com-  
pescientia spiritus huc revocanda. Quo-  
rum princeps opium , et leniā antihysteri-

cidunt , et utinam Boerhaavius de passione ista  
hysterica peculiariter tractāvisset. Omissa , quæ  
hic enumerantur per abdominalia viscera utplu-  
rimum vergunt. Nervi per ista dispersi mira-  
bile imperium in vitales corporis humani func-  
tiones habent , hinc multa mala timenda his af-  
fectis. Intolerabiles anxietates , paralyses intes-  
tinorum , unde volvuli , sive susceptiones intes-  
tinorum dum dilatatum intestini locum proxima  
pars intestini , quæ non tunet ingreditur , gan-  
græna , mors ipsa subita in colicis illis *clau-*  
*sis* dictis . . . tam facile oriuntur. Febre acce-  
dente dum spasio constrictis his partibus inter-  
ceptus aer clauditur , immaniter augebitur per  
calorem hujus rarefactio : si nondum adsit in-  
flammatio , per febrim excitabitur ejusque pes-  
simæ sequelæ timendæ. Hippocrates jam dixe-  
rat in febribus inflata alvo flatum non erumpere  
malum. (In Coacis prænotionibus.)

(*a*) Dum oppositi sales acidi v. gr. et al-  
calini inter se effervescent copiosa fit elasticæ  
aeris generatio. Major copia alterutrius acidi  
neimpe vel alcalici salem prævalentem mitiga-  
bit. Sapo venetus , diluentia magna copia , oleum  
amigdalarum dulcium . . . etiam prossunt.

ca (a). 3. Clysmatibus , fomentis , epithematis , calidis laxantibus , anodynisi , leniter aromaticis , ut et cucurbitis (b) , sine scarificatu abdomini impositis .

- 651 Ex his ipsis (646. ad 651.) respondetur ad hæc , aliter obscura , quæsta : qui cibi , potus , venena , medicamenta flatulenta sint ? Cur vacuis visceribus primis accidentunt ? Cur vulneratis ? Cur arte constricto abdomine ? Cur hypochondriacis , hysterics , convulsis , colicisque accidentunt ? (c)

(a) Utinam , inquam , de malo isto hysterico , et de remediis antihystericis peculiariter Boerhaavius tractavisset , res enim ista difficultata est æque ac communisima .

(b) Frequentem satis harum usum apud Veteres fuisse patet ex Celso. Galenus per illas illico dolores à flatulento spiritu ortos tolli ac si incantamento id fieret jam monuit. Cucurbitæ suos effectus præstare videntur dum humorum copiam , et impetum in illum corporis locum , cui immediate adhærent derivant , sicque à vicinis partibus avertunt ; simul etiam nervi per partem cucurbitæ suppositam irritantur , et dolent sæpe ; atque ita possunt solvi spasti in aliis locis corporis nati. Harum applicatio crudelē , et invisam plurimis inustionis methodum suplere poterit .

(c) Doctrina ista pro his morbis intellegendis maxime conducet .

## VOMITUS FEBRILIS.

652 **V**omitus, expulsio violenta contentorum ventriculo primo, dein etiam intestinis, tandem visceribus eo se evacuantibus, agnoscit convulsionem fibra- rum muscularium faucium, oesophagi, sto- machi, intestinorum, diaphragmatis, mus- cularum abdominalium, pro causa proxi- ma; pro remota omne id, quod irritan- do fibras descriptas, vel facile convel- lenda visceris, stimulat.

653 Ergo vitio stomachi convulsi, in- flammati, suppurantis, scirrhosi, cartila- ginosi, accedente febre acuta, aliquando accidit, pertinax est, ex idea ejus mali cognoscitur, eoque sublato demum tol- litur: de quibus postea.

654 Vitio viscerum, et partium cir- cumiacientium (a), similiter affectorum,

(a) Cartilago xiphoides introrsum praessa, sive ictu, sive alia causa ventriculum irritat, frequens inde sequitur vomitus, qui frustra re- mediis corrigi tentatur, non curandus donec perita manu cartilago ista restituatur.

Joan. Bapt. Codronchius Auctor Libelli op- timi: *De christiana, et tuta medendi ratione*, scripsit etiam Tractatulum: *De morbo novo Pro- lapsu scilicet mucronatae cartilaginis*. 1603. Hujus epitome videri potest apud Senerium. Tom. III Lib. II. Pract. Part. II. Cap. XXVI.

distento per ingesta stomacho irritatorum idem toties incognita (*a*) causa pertinacissimus accidit, accedente febre.

655 Vitio omnis causæ majoris nauæ (642) unde cognoscitur, dirigitur, curatur.

656 Si permanet, producit atrophiam, ileum, convulsiones, et effecta nauseæ majoris, et pertinacis (643).

657 Si vitio causæ (653. 654.) acciderit, curatio ex historia illorum morborum petenda.

658 Si à causa (642. 655.) oritur, remedia eadem (644) huc in usum revocanda diligenter, maxime opiata (*b*), et epitemata corroborantia, atrahentia, dissipantia.

(*a*) Inflammatio hepatis licet levissima: calculus renalis ex pelvi in angustias ureteris delabens, hernia incarcerata... toties nauseam, et vomitum produxere necesario prænoscenda, ne in iis casibus naturam turpiter immitando vomitorio dato turpissime noceatur.

(*b*) Ante ista remedia remedium illud antiemeticum Riverianum dictum ex sale absinthii, et succo limonum, quorum efervescentia fit mirus stimulus, qui ventriculi nervis inducitur, atque illius spasmi, et convulsiones felicissime toluntur, non expellendo, vel corrigendo materiam in ventriculo aut intestinis hærentem; sed tantum mutando, et dirigendo nervosi liquidi impetum in has partes. Aqua frigida ex Celso prodest.

659 Hinc liquet ratio difficultatis sistendi vomitus in multis febribus acutis: tum falsitas, et periculum regulæ, *vomitus vomitu curatur* (*a*): Cur saepe sudorifera vomitum tollant, ut in peste; cur saepe sistatur ille facta crisi, ut in variolis? Cur saepe missu sanguinis, ut in acutis inflammatoriis? Cur, quibus initio febris acutæ vomitus perpetuus sine causa inflammatoria (*b*), diarrhoea pro crisi, quæ caveatur dato in principio morbi emetico? Cur vomitus omnis ingestus, statim ac receptum est, pessimus in acutis fit? ex iisdem Singultus nasci, et sanari potest (*c*).

(*a*) Regula ista à multis pro axiomate generali pratico habita falsa ita, atque perniciosa est. Prudentissime hanc regulam limitavit jam Hipp. dum dixit, tunc vomitum vomitu sedari, si una cum vomitu eluantur illa, quæ vomitum faciunt. Lib. de locis in homine Cap. 15.

(*b*) Hoc imprimis locum habet in illa febris continuæ specie, quæ autumnali tempore plurimum occurrit, et illam constitutionem epidemiam committatur quæ febribus intermitentibus producendis favet. Tota difficultas in eo consistit ut bene distinguatur an causa inflammatoria adsit neene. Sidenhamus ipse adeo oculatus in his rebus vomitorium ad præcavendam diarrheam prescripsit, et se deceptum fuisse ingenue fatetur, ut jam dictum. Aph. 644. Not. a.

(*c*) Sauvag. Cl. IX. *Fluxus* Ord. II. Gen. XIII. *Vomitus*: spesies; *Vomitus à crapula*: à sabur-

## DEBILITAS FEBRILIS.

660 **D**ebilitas ingens sequitur impeditum influxum et pressionem liquidi nervosi in musculos (a).

661 Quod impedimentum ab inanitate vasorum, exhausto liquido, ab immeabilitate liquidi, obstructione canalis, compressione hujus, maxime circa originem suam in cerebro et cerebello, debilitate cordis (b).

662 Priorem causam demonstrant symptomata magnarum evacuationum prægressa, et præsentia, ut est diuturnitas

ra : lacteus : à dentitione : verminosus : ruminatio : à veneno : à pyloro calloso : hypochondriacus : ab ulcere ventriculi : à steatomate : gravidarum : bezoarticus : rabiosus : atrabiliarius : ab hepate : à pancreate : gastriticus : nephriticus : œsophageus, à catilagine xiphoidea : à capitis læssione : iliacus, marinus pituitosus.

(a) Per debilitatem febrilem inteligitur hic impotentia exercendi motus musculares, qui à voluntatis imperio pendet. Influxus arteriosi sanguinis videtur tantum requiri ut musculus aptus evadat ita, ut possit affici à causa motus muscularis per nervos ab encephalo in musculum derivanda.

(b) Proponitur hic divisio illa utilissima, ac necessaria debilitatis esentialis et per agravationem. Aliquando adsunt in corpore quædam sa-

morbi; hæmorrhagiæ morbosæ, artificialesve; sudor; diabetes, salivatio, diarrhoea; defectus cibi assumti, retenti, digesti, intropulsi; pallor; macies; pulsus parvus; vasa collapsa; musculi flaccidi.

663 Immeabilitas liquidi glutinosi, vel inflammati cognoscitur ex signis datis (69. 70. 71. 72. 73. 74.)

664 Canalis autem obstructio ex (107. ad 144.)

665 Cerebri et cerebelli compressio causa debilitatis perspicitur ex observatis iis functionibus simul læsis, quas ab iis integris pendere certo novimus; ut si deliria, sopor, tremor, vertigo, tinnitus simul adsint.

666 Sed à debilitate cordis scimus ex signis deficientis circulationis (106).

667 Cibi liquidi, sanguini similes, arte digesti, gelatinosi, blandi, ex animalibus, vegetabilibusque, vinosis, et aromaticis, secundum artem misti, saepe, parva dosi dati, cum leni frictione exterritorum, repletionem efficiunt commodam;

tis mira, quæ debilitatem maximam producunt. A bile circa præcordia hærente non tantum convulsiones, sed et syncopem ortam fuisse observavit Galenus (de Locis affectis Lib. V. Cap. IV.) exclusa hac saburra per vomitum illico cesabant omnia hæc mala. Idem observavit Sidenhamus.

inprimis si sumuntur ex idonea , contra morbi ingenium , materie.

668 Si ex immeabilitate liquidi (663) remedia adhibenda (75) et (132. ad 137), aliter enim nil contra hanc speciem prodest.

669 Ut et (664) curatio petenda ex (124. ad 144.)

670 Illa autem , quæ ex (665) oritur, ut plurimum tollitur his , quæ illi loco applicata , deobstruere possint impactum (124. ad 144.) , et impetum avertere in alia loca. Id fit humectando nares , caput , faciem , os , collum , fomentis blandis ; applicando pedibus epispastica.

671 Debole cor raro , nisi lente , iuvatur ; generalia vero dicta (667. ad 671.) prodesse possunt.

672 Inde (660. ad 672.) nobis constat , quam rarus sit Cardiacorum in acutis intellectus (a) ; quam sit debilitas in febribus malum sæpe insuperabile (b).

(a) In principiis morborum acutorum optimum cardiacum , quo debilitas tunc observata tolitur solet esse venæ sectio , quæ in debilitate in morbi fine observata noceret pessime. Hippocrates jam dixerat , debilitates istas maximè distinguendas esse : *Cum hæc cognita aut ignorata salutem aut mortem adferant.* Momentosa verba serio ab omnibus Medicis pensitanda. Vid. Inst. Med. §. 1098.

(b) Debilitas , quæ in febribus ab initio ob-

## APHOR. 667.

Jus ex carne Bubula  
 Vitulina  
 Ovilla  
 Gallinacea, partes æquales.

Decocta in aqua resperge paucō sale,  
 et succo citri.

Lac recens.

Decocta Aph. 28. num. 1.

## CALOR FEBRILIS.

673 **C**alor febrilis thermoscopio externus, sensu ægri, et rubore urinæ internus cognoscitur.

674 Semper requirit majorem ignis copiam in illo loco, quem plus calefacit.

675 Quæ ortum debet violentiori par-

servatur ab aliquibus incautis pro malignitatis inditio indiscriminatim habetur. Hoc sensu summa malignitas pulveris pyrii inventione læthalior est adnotante Sidenhamo: Cardiacæ enim alexipharmacæ quæ pro ista debellanda tunc exhibentur nocent pessime. Maximilianus Stoll post symptoma istud: *Debilis febrilis Boerhaavia* aliud addidit sub hoc titulo: *Malignitas febrilis* in appendice transcribendum.

tiū fluidarum in se mutuo , in vasa,  
horum in illas attritui (*a*).

676 Illa violentia à magno motu par-  
tiū ex corde , et magna resistentia va-  
sorum contra cor , oritur.

677 Magnus motus ex corde pulsi  
sanguinis æstimatur à densitate liquidi  
pulsi , et velocitate ejus per vasa.

678 Densitas scitur ipso conspectu ex-  
travasati , dissipatione prægressa rarioris,  
duritie pulsus.

679 Velocitas supputatur ex ictuum  
cordis numero , collato cum magnitudi-  
ne pulsuum.

680 Magna resistentia cognoscitur ex  
mole movendorum inertium , et paucita-  
te , vel angustia , vel immobilitate cana-  
lium transmissurorum.

681 Moles movendorum ingens per-  
cipitur ex signis plēthoræ (106) , cacochy-  
miæ , vel solutorum jam cito liquidorum,

(a) *De igne adeo eleganter diseruit Clar. Boerb.*  
*ut fere tantum eadem repetere , pauca addere fas sit,*  
*ait Petrus Van-Muschenbroek Elem. Physic.*  
*Tom. I. Cap. 26. Nihilominus recentior Che-*  
*mia consulenda. Videndum præcipue Doctoris*  
*Adair Crawfor opus super calore animali , et*  
*disertationes super eadem re , quæ extant in Ana-*  
*libus chemicis Lavoisierianis Tom. V. pag. 191.*  
*Attritus corporum solidorum ignem colligit , et*  
*excitat , unde calor nascitur pro ratione attri-*  
*tus præsertim inter corpora elastica.*

quæ antea stagnabant ; ut in obesis : maxime inflatus venarum cum arteria voloce , et magna (a) simul ejus præsentiam docet.

682 Vasorum paucitas ex historia obstructionis (107. ad 124.) , vel vulnerum (145. ad 331.) , colligitur.

683 Angustia vasorum intelligitur conspectu , tactu , cognita temperie sicca , ad parva motus augmenta magno augmendo caloris.

684 Immobilitas canalium , qua suæ dilatationi valde resistunt , cognoscitur omni signo rigidarum fibrarum , vasorum , viscerum (32. 33. 34. 50. 51. 52. 53.).

685 A tot causis proximis (674. ad 685.) pendet origo caloris febrilis ; quarum iterum infinitæ numero et varietate aliæ remotiores esse possunt.

686 Potest vero increscere ex incremento unius harum causarum solitario,

(a) Maximè notandum in summa plethora ob nimiam molem movendorum suffocato fere omni motu , et calorem , et pulsus auctam velocitatem vix observari , adeoque tunc hujus signi absentia quis falli poterit. Hoc casu potest in acuta febre calor esse adeo moderatus ut vix percipiatur ; sanguine autem aperta vena paulo copiosius educto febris emicat , et vehementior apparet , ut Sidenhamus vidit , et frequenter contingit. Hoc casu solet ab ignorantibus culpari venæ sectio.

tumque se habet augmentum caloris , ut augmentum causæ.

687 Si rursum duæ causæ increscent simul , habebit se auctus calor , ut produc tum incrementorum causarum , si multi plicantur per se mutuo.

688 Qui idem calculus in cæteris ob tinere potest.

689 Calor auctus liquidissima dissi pat ex nostro cruore , id est aquam , spi ritus , sales , olea subtilissima , reliquam masam siccatur , densat , concrescere cogit in immeabilem , irresolubilem materiem ; sales , oleaque expedit , attenuat , acriora reddit , exhalat , movet ; hinc minima va sa atterit , rumpit ; fibras siccatur , rigidas , contractasque reddit ; hinc subito multos , celeres , periculosos , lethales morbos pro ducit ; qui à priori facile deduci possunt.

690 Ex his demum intelligi bene po test , quid requiratur ad mitigandum calorem , et quam varia eo remedia spec tent.

691 Si sola velocitas aucta calorem facit , remedio erit quidquid eam minuit . Quies muscularis , et animi , missio san guinis ; levis brevisque compressio venarum in artibus , frigidorum (*a*) lenta et blan

(*a*) Maxime notandum frigidum potum af fatim imprimis haustum dum transit per oeso phagum accumbentia ipsi vasa intercostalia , et

da applicatio interna atque externa , dia-  
codiata prudenter assumta , primaria.

692 Si à densitate (678) , curatur iis,  
quæ velocitatem minuunt (691) ; tum  
aquæ potu ; et oxymelle ; iisque , quæ vasa  
laxant.

693 Moles movendorum in plethora  
facile superatur (106. d) ; in cacochy-  
mia lente , et per vices evacuando , corri-  
gendo ; in solutis pinguibus , prius stag-  
nantibus , maxima difficultas : tum aquo-  
sa , acida , mellita , vitelli ovorum , sac-  
charina sumni usus sunt , una cum eva-  
cuantibus assiduo usurpati.

694 Obstructio calorem pariens (682)  
ex curatione obstructionis (125. ad 144),  
et ablatis vasis in vulnere supervenien-  
tium malorum sanatione , intelligitur.

diaphragmatica constringere , dein in ventricu-  
lum delatum frigore suo hepatici ventriculo  
accumbenti , venæ cavæ sinui venoso adeo vi-  
cino pessime nocere posse cum sanguis noster  
in frigidam aquam demisus illico coaguletur.  
Nonne frigidus aer calefacto corpori subito ad-  
misus adeo nocet , ut plures inde perire exis-  
timaverit Sidenhamus (Sect. VI. Cap. I.) quam  
peste , fame , et gladio simul ? Præstat ergo prius  
tepidia , et parum minus calentia quam corpus  
sanum applicare , atque sensim , et per gradus  
ad frigidiora descendere. Repetendum hic po-  
tum frigidum in morbis putridis ; tepidum in  
inflamatoriis genericè præstare.

695 Ab angustia vasorum si pendet (683), requiritur horum dilatatio per laxantia (54).

696 Quibus iisdem (54) tollitur calor ex nimia vasorum rigiditate ortus.

697 Quoties autem excessus caloris ex combinatis oritur causis, toties remedia, hucusque descripta, (690. ad 697.) combinata inter se valebunt.

698 Ex tota hac doctrina Caloris (673. ad 698.) intelligi potest, cur febris calidissima sit acuta, celeris, putrida (*a*); et in calore summo pestifera? Cur lecti (*b*), aeris clausi, victus, medicamentorum calor adeo his noceant? Cur aestus circa cor,

(*a*) Ingens calor liquidissima diflat, sanguinem ejusque serum in concretionem vix resolubilem postea tendit, qui status inflammatorius dicitur. Si calor plus augetur sales, et olea expedit, attenuat, acriora reddit, exhalat, movet.. hoc est putrefacit.

(*b*) Quantum proposit per aliquot horas in morbis ardentissimis è lecto surgere, aerem renovare.. omnibus patet. Celsus in cura febris ardentis jam dixerat: *Etiam amplio conclavi tenendus æger quo multum, et purum aerem trahere possit, neque multis vestimentis strangulandus; sed admodum levibus tantum velandus est.* (Lib. III. Cap. 7.) Sidenhamus postea testatur se venæ sectione, aliisque artis auxiliis nimium febrilem impetum compescere non potuisse, si lecto incarcerarentur ægri, et stragulis obruerentur.

et hypochondria , tam malus? (a) Calor putrefacit , putredo facta ex se non calefacit.

699 Quin ex eadem perspicitur origo , natura , efficacia siccitatis ; et curatio inde dirigitur , quæ potu , fotu , balneo , clysmate , gargarismate , ex aquosis , sudacidis , mellitis , laxantibus fit.

## DELIRIUM FEBRILE.

700 **D**elirium est idearum ortus non respondens externis causis , sed internæ cerebri dispositioni ; una cum judicio ex his sequente , et animi affectu (b) , motuque

(a) Calor in toto corpore sano est fere æqualis , si vero alicubi major resistantia liquidis per vasa propulsis ibi nascitur , sive vitio fluidi transmitendi , sive vasorum transmitentium , vel amborum simul hoc fiat augebitur attritus , adeoque et calor. Hippocrates jam dixerat : *qua parte corporis inest calor , aut frigus ibi morbus insidet* (IV. Aph. 39.) His sic stantibus hepar , lien friabilia viscera ab hoc attritu aucto inflammationi , rupturæ . . . aliisque malis crunt valde obnoxia. Hypochondria sedulo inspicienda esse vera suadet Medicina.

(b) Deliria , quæ animi affectus à grato vel ingratu ipsorum nati comitantur satis nota sunt ; si vero ideæ perceptæ adiaphoræ sint , sive non habeant sibi adjunctum illud placens , vel dispiens , et sint erroneæ difficile cognoscuntur , cum possit etiam sensorium commune illis af-

corporis inde sequente: atque his quidem per gradus auctis, solitariis, vel combinatis, varia deliriorum genera fiunt.

701 Ponit ergo semper cerebri medullosi affectionem morbosam; quæ ab obstructione quacunque; impedito influxu, trasfluxu, effluxu per cerebrum; violentiori velocitate, stagnatione; et plurimis sane causis (*a*) oriri potest; ad quas in-

fectum esse in morbis sic, ut delirent ægri, quamvis nec animi affectus nec validi corporis motus deliria commitentur. Deliria ista obscura Medicos licet peritos aliquando fallunt, ad quod vitandum maxima requiritur prævidentia. Hippocrates dixerat: *in febribus mentis emotiones taciturnæ in eo qui voce privatus non est perniciosa.* (Coac. prænot.) Hunc statum attonitum quasi, et taciturnum, et meticulosum horrendæ convulsiones sequi solent. Casum istum funestissimum ego vidi in Domina Excellentissima, atque coram Optimatibus aut optis ejusdem consanguineis, aliisque Professoribus pridein aperte, licet moestissime prænuntiavi!

(*a*) Delirium consideratum tanquam symptoma febrile frequentissime observatur adesse dum circa præcordia mali origo hæret: quo sublatto, delirium tollitur licet capiti nulla medela adhibetur. Revera sordes circa præcordia (cardiam nempe, hypochondria, epigastrium) hærentes, sive ex indigestibili materia asumpta, et hic corrupta; sive à contagio morboso vel à sponte secretis liquidis, nec excretis tamen, sed hic stagnantibus, et corruptis omnes actiones cerebri turbare: deliria, furores, et alia pessima

+ Ducissa Sancti Stephani.

vestigandas serio incumbendum , ut fiat curatio (a).

mala producere possunt. Hippocrates jam dixerat : *Singulæ corporis partes altera alteri cum buc vel illuc impetum fecerit statim morbum facit. Venter capiti , et caput carnibus ac ventri, et reliquæ omnes eadem ratione.* (De Loc. in hom. Cap. I.) Comunicationem istam ab Hippocrate cognitam alii per nervos , alii per vasa lymphatica , per textum cellularēm alii explicare contendunt. Helmontius potestatem illam qua una pars affecta aliam distantem turbat *actionem regiminis* non inepte vocitabat. Medico sufficit novisse à talibus in his locis hærentibus fieri posse deliria , convulsiones , &c. quamvis ignoret qua lege hæc fiant , quia hoc cognito facile inveniet indicationem curatoriam , quæ jubet hæc illico tollenda esse.

An concentus musicus prodesse poterit? Celsus varia pro affectibus animi contrariis excitandis assert : *sæpius tamen (concludit) assentendum quam repugnandum est : paulatinque , et non evidenter ab his , quæ stulte dicuntur ad meliora mentem abducendam suadet.*

(a) Affectio morbosa cerebri medullosi serio investiganda ut fiat illius curatio. Affectio ista adeo imminet , atque perniciosa est ut jam Medici veteres sedulo notaverint signa futuri delirii undecunque potuerint colligi. Hæc ex Semeljotice in memoriam revocanda. Christiani Medici , quibus à Lege impossitum est curationem animæ præponendam corpori hic peculiariter adstricti sunt de animæ curatione sagaciter deliberare. Et quoniam dubitari solet an Medici ore vel amicorum , propinquorumque ægrum de ipsius periculo consciū fieri debere , pla-

702 Nam pro varietate illarum (701) diversa remedia , et medendi methodus debent eligi : pediluvia , epispastica pedum et poplitum ; frictiones harum partium; clysmata diluentia s<sup>e</sup>pe applicata ; victus tenuis, potus sedans , deobstruens, diluens; medicamenta ad caput emollientia ; emetica quandoque ; purgantia ; levia anodyna ; cruris ex pede emissio ; hæmorrhoidum solutio ; menstruorum laxatio , primaria habentur.

cet judicium Bassiani Carminati apponere his verbis comprehensum : *In hac autem re , de qua aliorum erit fusius disputare non una adductus ratione existimo , generatim præstare à Medico potius , quam ab aliis funestum morbi eventum cubanti declarari. Hic enim paulatim , et lenius quo fieri potest , dum id ipsum revelat , inspiciens quæ Ægro accidunt , funestum nuntium ita leniet , ut minus ipse convellatur , ac sanguinis , et necessitudinis vinculo non impeditus poterit majori animo argumenta infirmo suppeditare quæ , et quietem adducant , et spem futuræ felicitatis , quæ sit præmium laboris , atque virtutis.*

Hygiene . . . Tom. I. Cap. XII. num. 515.

## COMA FEBRILE.

703 **C**oma est in febre assidua somnolentia cum effectu , vel sine eo (*a*) ; ponit ubique eum in cerebro statum , unde impeditur sensuum , motuumque animalium exercitatio ; qui oriri potest à defectu appellendi liquidi arteriosi ad cerebrum , aut ab impedito ejus circulo per cerebrum , aut ab impedita secretione spirituum à sanguine in nervos ; aut ab denegato horum per nervos fluxu , et refluxu .

(*a*) Valde notabilis est distinctio comatis in coma somnolentum , et coma vigil. Istud accedit quando ægri somnolentia insuperabili laborant quidem , verum in ipso quasi somni limite horrendis somniis perculti mox evigilant summo cum tremore , et sæpe cum convulsioneibus , moxque iterum in priorem somnolentiam relabuntur. Coma somnolentum accedit si omnes actiones animales æquabili impedimento sopiantur : Pervigil autem coma tunc videtur obtinere quando per quædam loca non impeditur subtilissimi liquidi illius motus , tunc tamen in reliquis , et plurimis hoc fit. Unde majori cum impetu , et inordinato motu quædam loca sensorii communis agitantur , et in quosdam nervos spiritus ruunt , hinc cum tremore , et motibus convulsibis excitantur tales ægri , mox iterum in priorem somnolentiam relapsuri : sicque alternis hisce malis maximè laborant , et curari debent.

704 Hinc plurimæ , diversæ , et sæpe contrariæ causæ hunc affectum in febre producunt , quales sunt omnes vehementes evacuationes , aut repletiones ; omnes nimiæ sanguinis inspissationes glutinosæ , pingues , inflammatoriæ ; omnes causæ cerebrum ipsum comprimentes , qualescumque fuerint ; quæ eadem in nervos , si agunt , eadem fere efficiunt.

705 Unde iterum patet , à Medico per signa prius indagandam causam illam singularem esse , antequam definiri queat , quid applicandum sit , et quomodo : nam sæpe contraria exiguntur ; et sæpe coma diu pertinax , irrito tentatis omnibus , sponte tandem cessat , pepasco febris ab soluto.

706 Illa autem , quæ delirio (a) , hic apta (702) , in primis fomenta capiti , collo que applicata.

707 Si autem magnæ inflammationis signa adsint , curandum ut morbus princeps , de quo postea.

(a) Anodyna , quæ in delirio curando prudenter , et debito morbi tempore adhibita pros sunt rarius hic usum habent ; vixque adhibentur unquam nisi alium quodam symptoma hoc postulet. Diarrhoea , dysenteria . . . vehementes ita , ut vitæ periculum immineat ea exigunt per elysinata præsertim injicienda. Si coma à nimia velocitate motus circulatorij nascitur , ut in

## PERVIGILIUM FEBRILE.

708 **C**ontrarium illi malo (703) est Pervigilium; unde intelligitur: et pro causa habet plerumque levissimæ inflammationis cerebri prima initia, quibus auctis in coma mutatur sæpe.

709 Curatur quiete musculari corporis; pace mentis; absentia objectorum sensuum; frigore modico; aëre humido; victu blando emolliente; potu farinoso, leni, emolliente; susurro leni, assiduo, grato, blande tinnulo; medicamentis farinosis, suboleosis, humectantibus, demulcentibus; odore vegetabilium soporiferorum; usu anodynorum, paregoricorum, soporiferorum, narcoticorum; præmissis semper, quæ inflammationi curandæ, et compescendo ejus incremento valent (a).

febre illa secundaria variolarum accedit anodynæ præscripsit Sidenhaimus, quibus furibundum illum orgasmum compescere satagebat.

(a) Ad inflammationem istam levissimam cerebri sanandam conducunt, imprimis pedum balnea, et frictiones, situs corporis erectus, episistica partibus corporis inferioribus applicata. . quæ impetum à capite revellunt. Lintea posca madida fronti applicata, seu aqua rosarum stilatitia madida, et frigidè sincipi, ac temporibus apposita prossunt.

710 **C**onvulsio prius descripta (230. ad 239.) hic semper à vitio cerebri (*a*) , quod vel ab inferioribus per nervos (627. 631. 632. 633. 642. 648. 649. 652. 653. 654.) cerebrum vellicantibus afficitur ; vel ex inordinato appulso , transfluxu , egressu liquidi cerebrosi , quod oriri potest ex omni illa causa , quæ deliria , comata , per vigilia creare potest (701. 702. 703. 704. 708.), quare iterum magna hic varietas in ætiologia , et curatione.

711 Si diu perseverat , commercio nervorum facile totum genus nervosum afficit , unde tristia mala.

721 Si inflammationis cerebri signa prægræssa subsequitur convulsio , fere lethalis. Si post urinam crassam prius emissam mox aquosa , pellucida exit , dein convulsio fit , pessima est : si in febre post magnas evacuationes oritur convulsio , et hæc fere lethalis : ut et quæ cum delirio perpetuo.

(*a*) Convulsio febrilis de qua hic agitur in musculis mobendo corpori destinatis , et voluntatis imperio subjectis locum habet , adeoque semper à vitio cerebri pendet. Hoc vitium à læsione aliarum partium potest etiam provenire , ut alibi dicitum.

713 In curationem prius pervestiganda est causa singularis (710), et locus primario affectus, unde convulsio ortum habet (710), dein ocyus medicamenta applicanda illa, quibus acre leniri, impacatum resolvi, contractum laxari possit. Unde diluere, laxare, revellere, lenire (*a*), fere sanare solent convulsiones hasce; nec unquam specioso antispasticorum titulo fides adhiberi debet.

714 Si autem caput primario affectum deprehenditur, debet curatio fieri dicta (706).

## SUDOR FEBRILIS.

715 Sudor in initio acutæ febris, cuius causa paulo pertinacior (*b*), pro causa

(*a*) Est unus vel alter locus apud Hippocratem. (V. Aph. 21. et 25.) ubi frigidæ copiosæ affusionem laudat ad convulsiones. In aliis reprobatur. Si aliquando prodest erit fortè calorem revocando, vel stuporem nervis inducendo ex eodem. Convulsiones hystericae aquæ frigidæ aspersione quandoque tolluntur. Horror subitus, et concusio totius corporis, quæ frigidæ affusionem sequi solent, poterunt mutare illam spirituum directionem, quæ jam adest, et convulsiones facit. In convulsionibus febrilibus curandis parum tuta videtur ista methodus.

(*b*) Per initium febris acutæ intelligitur hic

habet vasorum extremorum laxam debilitatem , cruris circulationem vehementem , facilem aquæ ex reliquis sanguinis principiis expeditionem.

716 Si perennat , orbat sanguinem liquido diluente , reliquum inspissat , obtrusiones facit lethales , sanguine postea vix diluentibus vel resolventibus auscultante ; unde omne fere morborum acutorum genus produci potest (a).

717 Ergo initio semper cohibendus , nisi constet , materiem morbi adeo tenuem

totum illud morbi tempus in quo nondum apparet manifestum coctionis indicium. Hoc sensu initium febris acutæ sæpe compræhendit magnam partem illius temporis morbi , quod incrementum , vel ascensus solet vocari. In febre acuta à causa subtili orta sudor tertio die jam poterit esse criticus , si vero ejus causa paulo fuerit pertinacior erit symptomaticus. Causa sudoris triplex revera est , ut in textu innuitur.

(a) Idea per sudores in morbis acutis expellendi materiam morbosam , etsi non integre saltem pro parte perniciosa fuit. Sidenhamus generoso ausu primus , et solus fere se huic torrenti opposuit , et perniciosam hanc medendi methodum gravissimis argumentis debellavit; illique contrariam felici in periculosissimis etiam morbis eventu stabilivit. Quanta bona expectanda à Medicis qui pari audacia illustrata in aliis abusibus compescendis intendant! ; Quanta bona attulit humano generi Sidenhamus iste Medicus incomparabilis non nisi summissa reverentia nominandus !

esse, ut cum primo sudore difflari possit (*a*).

718 Prohibetur (*b*) surgendo ex lecto; sedendo; corpus à nimiis integumentis liberando; aërem frigidiusculum admittendo; calidis, calefacientibusque abstinentio; potu plurimo leni, blando, frigidiusculo sæpe utendo, ut amissi damnum resarciantur cito, circulationem nimis velociam refrænando (102. ad 106).

(*a*) Exceptio ista vera est in peste, et in illis febribus pestilentialibus à materia adeo tenui, et mobili productis, ita ut primo sudore difflari possint ipso Sidenhamo ita anuente, et exequente. In mirabili illo morbo, qui Ephemera britanica, vel et Sudor anglicus vocari solet etiam prossunt. Electuarium cordiale Pharmacop. hispan. cum aliquot cochlearibus mixturæ aromaticæ... his casibus prodesse poterunt.

(*b*) Sudor in febrium initiiis ortus omnī arte, sed prudenter tollendus; sudantem enim ægrum subito è lecto educere, vix tecto corpore aeri frigidiusculo exponere... nemo prudens suadebit. Abstersio sudoris ab Egineta laudata, et communiter in usum adducta non adeo proderit ac flabello leviter refrigeratus sudor; hic ipse adstringet vasa cutanea, et sedabitur. Adstringentia nimis laxa cutis spiracula roborare valent. Pinguia etiam prodesse quandoque possunt.

Sudores, qui in fine febrium diuturnarum nimirū observari solent quinque vel sex cochlearibus vini malacensis annosioris mane, et ves-

719 **D**iarrhoea pro materie habet mucum, lympham, gluten (*a*), pus, saniem sanguinem, narium, oris, faucium, œsophagi, ventriculi, hepatis, vesiculae fæcili, pancreatis, intestinorum, mesenterii; pro causa vires in intestina expellentes validas, dum in ipsis intestinis contrahentes vires debiles (*b*), vel in vasis intestinalibus absorbentibus impedimenta, ne admittant.

peri curabantur à Sidenhamo. Salviæ infussum vino paratum, vel vini spiritu... proderit.

(*a*) Gluten est muco naturali tenacius, et quandoque ex hujus accumulatione, et mora diuturniori natum. Miras talis glutinis in intestinis concretiones offert historia medica. Legatus Caroli V. Imperatoris per sex annos tanquam schirro lienis laborans curatus fuit. Injecto tandem acriori clystere prodit corpus durum longum, atque repetitis clysteribus simili edueta materie integre convaluit, ita Fernelio referente (Lib. VI. Path. Cap. 9.) Pituita illa vitrea, et alia similia hue referri possunt.

Ex hepate per porum biliarium, ex vesicula fæcili per ductum cysticum in intestinum duodenum via patet; unde diarrhoeæ biliosæ, hepaticæ, atrabiliariæ.. fierit possunt.

(*b*) Advertendum hic non in omni diarrhoea per resoluta, et paralytica intestina dilabi contenta, verum etiam quatenus naturalis effectus contractionis illius, resorptio nempe liquidi per

720 Quare liquet, fluorem alvi in febris multiplicem esse quoad materiem; causam; effectus; eventum; adeoque s<sup>a</sup>p<sup>e</sup> omnino incurabilem esse; et raro colliquatum, eumque vix unquam medicabilem (*a*).

721 Si continuatur diu, viscera abdominalia magis magisque in eundem morbum disponit; eadem labefactat; excoriat; inflammat; reliqua autem vasa et viscera emungit, exhaustit; hinc atrophia, macies, debilitas, dysenteria, inspissatio fluidorum per totum habitum corporis (*b*),

vasa absorventia minuitur, licet vi contractili intestinalorum satis valida manente accelerato motu peristaltico expellantur contenta. Pariter de Lienteria intelligendum, quae alias intestinalium imbecilitati tribuitur, alias mordibus, acribusque humoribus ventriculum, et intestinalia irritantibus, ita Galeno pronuntiante.

(*a*) Hæc est illa diarrhoea, quæ in phthisi consumata morbo, et vitæ finem imponere solet. Similis et hydropicis sub finem vitæ contingit dum diurna stagnatione corruptæ aquæ putrefecerunt viscera, quæ his alluuntur, tuncque miseri ægri s<sup>a</sup>p<sup>e</sup> optimam spem curationis concipiunt dum mors instat.

(*b*) Per diarrhoeam s<sup>a</sup>p<sup>e</sup> evacuari constat de corpore noxios humores; quandoque, et nimiam bonorum humorum abundantiam minui, adeoque, et quandoque prodesse diarrhoeam. His etiam casibus Hippocrates noluit ut ultra scutimum diem alvi fluxus excurreret. Celsus Hip-

solidorum laxitas ; fluidorum jactura ; leucophlegmatia ; hydrops ; tabes (*a*).

722 Sanatio absolvitur acris irritantis lenimine ; expulso per emetica (*b*) , purgan-

pocratis vestigia sequens dixit : *Sed uno die fluere alvum sœpe pro valetudine est : atque etiam pluribus, dum febris absit, et intra septimum diem id conquiescat. Purgatur enim corpus, et quod intus lœsurum erat utiliter effunditur.* (Lib. IV. Cap. 19.) Si amplius continuatur in textu dicta mala timeri debent.

(*a*) Hoc casu illud quod remanet diluente vehiculo orbatum obstructionibus, et inflammationibus producendis aptissimum erit. Hinc patet ratio quare Hippocrates qui ophtalmia laboranti diarrhoeam prodesse dixerat, alibi notaverit, *oculorum rubedinem ortam diuturnam alvi malignitatem significare.* (Coac. prænot. n. 220.) Ob eandem rationem in diuturna lienteria *ruber facies*, et quasi maculis quibusdam omnium colorum distinguitur ex Celso (Lib. II. Cap. 8.) In phthisicis desperatis : in hydrope inveterata post diarrhoeas colliquativas pustulæ inflammatoriae in facie nascuntur, quoniam ruber sanguis jam solus paucus quidem, sed immeabilis, et spissus circa arteriarum angustias hæret. Denique de diarrhoea pertinaci idem dicendum ac de purgantium abusu : *assuescit enim non ali corpus* (Celsus Lib. I. Cap. 3.)

(*b*) Vomitoria in diarrhoea tripliciter prodesse possunt 1. sursum educta materie circa ventriculum, et intestina superiora hærente, quæ continuo stimulo irritabat quidem intestina, nec tamen prompte poterat per intestina versus alvum propelli. 2. inter vomendum validis illis

tia , clysmata ; corroboratione laxi ; pacatione impetus per narcotica ; determinatione aliorum per sudores , urinasve ; subductione materiæ morbosæ , correcto ejus fonte primo.

viscerum abdominalium concusibus mobilis redditur irritans materia , quæ hactenus fixa hærebant. 3. per vomitum invertitur intestinalum motus hactenus celerrime omnia contenta versus anum dicens. Hippocrates jam dixerat : *longa diarrhoea detento spontaneus succedens vomitus diarrhaem solvit.* (VI. Aph. 15.) Cum quis alvum celerrime sistere volet deboratum cibum priusquam humescat , et deorsum detrahatur vomere oportet (Lib. II. Cap. 10. de Victus ratione sanorum.) Ipecacuanhæ radix preferenda , quia non tam valide corpus turbat , quam antimonialia vomitoria. Purgantia eligenda illa quæ una cum vi purgante manifestam adstrictionem possident , et sanis hominibus data post absolutam purgationem alvum strictam efficiunt v. gr. rhabarbarum , rhapsiticum . In horum remediorum administratione debet adesse spes materiam irritantem sic expelli posse ; simulque firma , et sana viscera sint ut horum actionem ferre valeant , et intestina minime inflammata sint , quod aliquando accidit sine ullo febris visibili signo exterius se prodente. Hoc observavit Sidenhamus in febre quadam continua , quæ variolas epidemice grasantes commitabatur , et inflammatorii generis erat , diarrhoeam adfuisse : quinimo , et eodem tempore diarrhoea absque manifesto febris inditio epidemice grasabatur. Venæ sectione , medicamentis , dieta , et regimine

**P**ustulæ inflammatoriæ habent ut plurimum pro materie aliquid, quod minima vascula cutanea transire non po-

refrigerantibus, prompte curabatur hæc diarrhoeæ species. Ubi vero rhabarbaro, aliisve catharticis etsi lenioribus, vel et adstringentibus cura tentabatur, levis ex sua natura morbus sæpius sime evasit exitialis (Sect. III. Cap. 3.) Cave tamen ne diarrhoea, aut dysenteria intempestive sistantur; epilepsia enim, pleuritis, densa scabies læpræ similis; aphtæ; abscessus, surditas... aliave mala progerminari visum fuit. Notandum denique dysenteriam quando fœces sunt oolidissimæ maxime esse contagiosam.

Sauvagesius Clase IX. *Fluxus* Ordine II. *Alvi Fluxus* Genere XVI. *Diarrhœa* Species: *Stercorosa* (à cibis corruptis), *vulgaris*, (à toto corpore sine febre) *febrilis*, *pituitosa*, *carnosa*, *variolosa*, *acrisia*, (hoc est intempestiva qualis accidit pueris dormientibus, aut sui nimium negligentibus) *bilioosa*, *arthritica*, *purulenta*, *chiliensis* (iis endemica ab intestino recto inflammatu pendens) *colliquativa*, *verminosa*, à dentitione, ab hipercatharsi, *choleroides*, (choleræ morbo similis) *adiposa*, *lactentium*, *febricosa* (quæ intermitens kina curanda) *pleuriticorum*.

Cullenius Clase II. *Neuroses*, Ordine III. *Spasmi*, Genere LXI. *Diarrhœa*. Sub hoc genere comprehendit hic Auctor passionem cœliacan, lienteriam, dysenteriam, hepatirrhœam... Vid. Inst. Med. §. 814. Nota (a).

test, sed ibidem hæret (*a*) ; pro causa autem vim vitæ circulatoriam , secretoriam , excretoriam : unde pro variis hisce causis valde multiplices sunt , unde febres nomen dein accipiunt , erysipelatosæ , scarlatinæ , petechiales (*b*) rubræ , petechiales purpuræ , morbillosæ , variolosæ .

(*a*) Exanthemata sunt efflorescentiæ ex alto corpore in cutem pululantes , et pustulas excitantæ , aut aspredines quasdam : stimuli in cute hærentes vascula constringentes . An non quandoque in aere nos ambiente isti hærere possunt ? Ita videtur Reaumurio testante . Jam dixerat Hippocrates ( Lib. II. Epid. initio ) Quod largi imbræ cum ardoribus , et ventis austrinis pruritum ficerint , et phlygtænides ambustis similes , quibus sub cutim uri videbantur . Observata docent quandoque illud quod pruritus , et exanthemata facit hærere in ventriculo , et circa præcordia ; atque hoc excuso statim ista evanescere . An forte in febribus collectis circa præcordia malignis talibus sordibus quandoque exanthemata prodeunt ? Evanescientia horum deturbatis his sordibus sursum vel deorsum , sponte vel arte , quæ aliquando contingit , id videtur suadere . *Anxiis alvi turbatæ suppressio , brevi vel ut culicum punc- turæ efflorescunt.* ( Hipp. Coac. prænot. n. 564. )

(*b*) Febres puncticulares ut plurimum epidemicæ febres sunt perniciosæ , malignæ , et contagiosæ nimium , de quibus amplissima extant commentaria . Inter Hispanos eminent Aloisius Torre in tractatu pereleganti de febre puncticulari vulgo *Tabardillo*. Hinc maxime notandum ingenium morbi , quod exanthemata commitantur . Ru-

724 De tribus posterioribus seorsum tractari solet : de tribus primis autem facile diagnosis, et prognosis formari queunt.

725 Curatio difficilis non est (*a*), quum raro quidquam requirant , nisi ut satis larga levis liquidi copia mobilis servetur materies , atque vis vitæ in justo moderamine perseveret assiduo ; tum enim brevi cum desquamatione epidermidis abeunt.

726 Reliqua febris symptomata (*b*) his similia , et agnata , vel ut morbi ipsi curari postulant.

ber color minus certe fuhestus. Regimen calidum exestuans improvide , imo perniciose in curationem adhibitum febrim exasperando quandoque producit ea , in quo regimine Medici peccant. Antonius Haen variis locis Rationis suæ medendi istud energice pertractat , reprobatur.

(*a*) Hic Boerhaavius unice considerat simplicissimam obstructionem in vasis cutaneis ut in scarlatina febre , quæ vix morbi nomen meretur ex Sidenhamo. Est etiam facilis sanatio si signa docuerint , circa præcordia hærere mali fomitem , tunc enim vomitorio leni , vel purgantè dato sanabuntur.

De morbis aliis cutaneis ample , et utiliter tractavit Carolus Ana Lorry omnimode consulendus. *De Morbis Cutaneis.* Paris. An. 1780.

(*b*) Maximilianus Stoll de Aphtis hic tanquam de symptomate febrili tractat post exanthemata febrilia , et revera aphtæ ut plurimum tales sunt. Boerhaav. alibi eas tractat. (Aph. 978.) ita exacte ut , literaliter ab Stollio transcribatur.

727 Hinc patet, quid sentiendum de febrium acutarum varietate; nam quæ motum febrilem semel excitatum uno impetu ad finem perducunt, Continuas vocamus; quæ per vices impetum remittunt, et denno excitant, ut semper duret febris, Continuas Remittentes; quæ per vices impetum remittunt, ut plena *apyrexia* inter duos quosque paroxysmos intercedat, vocantur Intermittentes (*a*).

Sauvagesius Clase I. *Vitia* de his symptomatis cutaneis tractat, sed tantum hic proponit symptomata ista cutanea levidensia vel mechanicis chirurgiæ auxiliis curanda, ut sunt; efflorescentiæ, phymata, excrescentiæ, cystides, et ectopiaz, seu tumores à partibus à sua sede dimotis: et hi sunt sex hujus clasis ordines in quos ista distribuitur.

In Clase III. *Phlegmasiæ* Ordine primo proponit *phlegmasias exantematicas*, quas dicit esse: eruptiones cutaneas cum pyrexia sæpius maligna, cujus species sunt: variola, pemphigus, seu febris vesicularis, rubeola, miliaris, purpura, erysipelas, scarlatina, essera seu macula, aphta.

Cullenius Clase I. *Pyrexiae*, Ordine III. *Exantemata*, quorum genera: variola, varicella, seu variola lymphatica: rubeola, scarlatina, pestis, erysipelas, miliaria, urticaria: pemphygus, seu tiphus contagiosa, aphta.

(*a*) Non incongruum hic videtur in Tyronum commodum innuere Sauvagesii, et Cullenii circa divisiones febrium sententias, et enar-

## FEBRIS CONTINUA.

728 **C**ontinuarum simplicissima Ephemerā , seu diaria , spatio 24. horarū ini-

rationes antequam de febribus in particulari agatur.

Sauvagesius Clase II. FEBRES. Caracter: *Syndromes frigoris , successivique caloris cum artuum debilitate , et pulsus vi aducta sēpe quoad frequentiam.*

Ordo I. CONTINUÆ. *Pyrexia semel crescit , et semel decrescit in decursu ægritudinis.* Genera sunt :

I. *Ephemera.* Decursus ægritudinis intra diuidiam septimanam absolvitur. Vigor morbi subito accedit.

II. *Synocha ,* decursus intra septimanam , incrementum successivum.

III. *Synochus ,* decursus intra duas saltem septimanas , pyrexia major.

IV. *Typhus ,* decursus ad tres septimanas , et ultra , pyrexia nulla , aut exigua ; debilitas maxima.

V. *Hectica ,* decursus ultra mensem , pyrexia exigua , debilitas parva.

Ordo II. REMITENTES. *Pyrexia pluries in decursu morbi crescit , et decrescit , non omnino recedit , typus sēpe confusus.* Genera sunt :

VI. *Anphymerina ,* remisio quotidianæ typum servat , frigus in paroxismis.

VII. *Triteophoria ,* remisionis typus tertianarius , frigus fere nullum.

tia , incrementa , statum , declinationem absolvens. Causas agnoscit solum motum vehementiorem , peccato sex rerum non

VIII. *Tetratophia* , remisio quartanæ typum servans.

Ordo III. INTERMITENTES. *Pyrexia plures in decursu ægritudinis deserit , et recurrit cum intervallis lucidis.* Genera sunt:

IX. *Quotidiana* , accesus similes quolibet die accidunt.

X. *Tertiana* , accesus similes alternis diebus revertuntur.

XI. *Quartana* , accesus similes duobus interpossitis diebus redeunt.

XII. *Erratica* , accesus similes distantes ad invicem pluribus quam quatuor diebus , aut typi omnino incerti.

Cullenius Clase I. *Pyrexiae* , Ordine I. *Febres.*  
Sectio I. *Intermitentes.* Genera III. Tertiana:  
Quartana : Quotidiana.

Sectio II. *Continuae* cujus genera III. *Synocha , typhus , synochus.*

Iste Auctor aserit divisionem febrium continuarum ex duratione morbi , qua præcipue usi sunt Nesologi Sauvagesius , Linnæus , et Sagarus manifesto ineptam esse. Aliam itaque divisionem instituit iste Auctor à differentia symptomatum , et à natura morborum quantum de ea judicare liceat desumptam , secutus simul illam apud Britannos nunc maxime usitatam divisionem febrium continuarum in *inflammatorias* , et *nervosas*.

*Synocham* febrem vocavit Auctor iste illam in qua calor plurimum auctus ; pulsus frequens , validus , et durus ; urina rubra ; sensorii func-

naturalium ortum ; vix ullam materiam. Cognoscitur ; à causa levi ; corpore puro, symptomatibus levibus ; crisi cita ; pulsu mox à febris exitu plane restituto (a). Cura-  
tio facilis , abstinentia , quiete , dilu-  
tione.

tiones parum turbatae v. gr. Ephemera , et con-  
tinua non putris Boerhaavi (Aph. 728. 9.) fe-  
bris inflammatoria Auctorum. Vocavit Typhum  
morbum contagiosum , in quo calor parum aue-  
tus ; pulsus parvus , debilis , plerunque frequens;  
urina parum mutata ; sensorii functiones plu-  
rimum turbatae , vires multum imminutæ. Hi ty-  
phi gradu variant. Febres nervosæ recentiorum  
sub titulo typhi mitioris colocandæ : putridæ sub  
titulo typhi gravioris recensendæ. Synochum vo-  
cavit morbum etiam contagiosum in quo febris  
ex synocha , et typho compissa , initio syno-  
cha , progresu et versus finem Typhus. Hanc  
dicit esse febrem continuam putridam Boerhaa-  
vii Aph. 730. Inter typhum et synochum li-  
mites acuratos ponи difficile est.

Hecticam febrin licet nunquam idiopathi-  
cam , sed symptomaticam semper observaverit  
Auctor iste hic addit eam ita cum caractere  
definiens : febris quotidie revertens ; accessioni-  
bus meridianis , et vespertinis ; remissione , ra-  
rius apyrexia , matutina ; plerunque sudoribus  
nocturnis , et urina sedimentum furfuraceo-  
latericum deponente. Videatur Appendix de Fe-  
bribus in fine hujus voluminis in quo harum di-  
visiones amplius proponuntur.

(a) Hoc signo Ephemeram ab intermitentium  
febrium paroxismis distinguere poterit Medicus.  
Post finitum febris paroxismum si reversurus

729 Si protrahitur dicta febris (728) per plures dies , vocatur Continua non putris (a) ; causæ , signa , medela eadem; maxime venæ sectione larga , et refrigerantibus eget.

est iste pulsus debilitas , et aliqua celeritas deprehenduntur. Aliquando primus tertianæ vernæ paroxismus mitis sub ephemerae specie fallere utcunque poterit ; error tamen hic licet absque ægrorum detimento honori tamen artis , et Medici famæ insidiatur , quæ sedulo præcavenda. Quod Medico maxime interest est primum tertianæ perniciosæ paroxismum sedulo , atque sagaciter dignoscere : ista enim inadvertentia cum maximo ægrotantis periculo patrabitur. Vid. Appendix.

(a) Febris ista dicitur Synochus non putris ut distinguatur à Synocho putri de qua statim dicetur. Dicuntur etiam Ephemeræ protractæ et sunt illæ *mitissimæ febres quæ in securissimis incedunt signis , et die quarto , aut ante desinunt*, ut ab Hippocrate in Prognosticis memorantur. Ephemera ista diutius protracta acceleratur motus sanguinis circulatorius , augetur , qui hanc commitari solet , calor , disflantur partes aquotæ sanguinis , hujus moleculæ cohærere incipiunt , et visciditatem inflammatoriam adquirunt: tunc simul sales , et olea sanguinis volatiliora redduntur ; unde ex tali febre viscerum inflammatio , humorum acrimonia , putrescentia , aliaque mala timeri possunt ratione idiosyncrasiae ad putredinem , inflammationem .. pronæ. Ideo larga venæ sectio hic convenit tanquam ad præsentem inflammationem efficacissimum remedium,

## FEBRIS CONTINUA PUTRIDA.

730 **S**ynochus putris (*a*) dicta fuit, quæ debetur causis inflammatione simplici majoribus, viscerum obstructioni, cutis op-

simulque ad illam, quæ futura metuitur tutissimum præsidium; hac enim facta sæpe illico febris sedatur uti Galeno accidit, de quo dicitur sanguinis missione ad animi deliquium usque hujusmodi febrem jugulasse. Videantur illa, quæ Aph. 691. et sequentibus de cura caloris febribus dicta fuerunt. Videatur etiam febris inflammatorię descriptio, quæ traditur in Appendice in Tyronum gratiam, et utilitatem.

Sauvagesius Clase II. *Febres*. Ord. I. Continuae Gen. I. *Ephemera*. Species: plethorica, nau-seativa: à frigore: à calore: lactea: à phlogosi: sudatoria (sudor anglicus pestilens) menstruosa: aniversaria, hæmotydotrica (sudore sanguineo stipata): dichomene (menstrua duplex, seu quæ decimo quinto quovis die revertitur) periculosa.

Genere II. *Synocha* (*ephemera piurium di-  
rum, gravior illa*) species: plethorica: ardens  
seu biliosa: putrida: trageda: (*Abderitarum*)  
catarrhalis: scorbutica: dolorum: cephalalgica:

Cullenius in hoc parum à Sauvagesio differt.

(*a*) Per putredinem in febribus intelligitur tantum degeneratio insignis humorum à conditionibus suis naturalibus. Putredo ista humorum, quæ fit in vasis similis est illi, quæ in abscesibus, et aliis tuberculis observatur, et adhuc varia est ista putredo prout natura, vel

pilationi , et capillarium fere omnium, acrimoniae vero acutiori , saepe prorsus singulari (a).

731 Cognoscitur calore digitum tangentem quasi pungente , pulsu febrili , sed et inæquali , et non ordinato , urina crassa , rubra , turbida , cruda sine sedimento , temperie , ætate , habitu , calidis , sanguinolentisque (b).

732 Hæc Homotonos , Epacmastica,

superat , vel superatur , ut alibi dictum ex Galeno.

(a) Acrimonia ista potest esse variolosa , maligna , pestilentialis... solis effectibus manifestanda. Humores quandoque inspissando se prodit, et inflammando ; alias attenuando , hæmorrhagias producendo , eosdem fundendo , et ad putredinem disponendo. Hujus prosapiæ videtur fuisse ille morbus , quam sub *Typhi* nomine Hippocrates (Lib. de intern. affect. Cap. 41.) descriptis ex van-Swietenio. Hæ videntur etiam esse illæ febres acutæ , in quibus vididæ potio tanquam utilissima à veteribus Medicis laudatur. Maxima enim febrium continentium remedia duo esse dixit Galenus (Meth. med. Lib. IX. Cap. 5.) venæ sectionem , et potionem frigidæ. Spiritus ex sale marino , nitro , sulphure eliciti putridam istam humorum dissolutionem coercere valent.

(b) Temperies debet esse bilioso-sanguinea; ætas consistens , habitus gracilis. Præter ista observanda respiratio , lassitudo , debilitas , mentis perturbatio , prostratio appetitus .. quorum gradus prognosim efformant ut mox dicitur. (Aphorism. 734.)

seu Anabatica , vel Paracmastica (a).

733 Ex quibus prior salutaris : pessima secunda : melior tertia.

734 Pulsus quo debilior , frequentior, inæqualior robore , inordinatior tempore, intermittentior ictu ; respiratio quo difficultior , frequentior , anhelosior , cum narum pinnis magis motis , quo magis dolens circa vitalia , quo inordinatior ; laxitudo quo vehementior , debilitas major , jactatio corporis frequentior , decubitus in dorsum , extensis membris , frequentior ; rationis , affectuum , quo usus perturbatior, appetitus magis prostratus , digestio molestior , urina rubicundior , crassior , turbidior (b) , cum sedimento minori , vel et

(c) Febris Homotonos seu Acmastica est illa , quæ principium , et declinationem brevissima habet , augmentum , et statum longiora, et æquabilia sine remissione ulla , aut saltem sensibili. Febris Epacmastica , seu Anabatica est illa , quæ paulatim increscit : Paracmastica, quæ decessit.

(a) Huc advocanda semejotice , quæ de pulsu , urina . . pertractat. Legendus etiam , et serio meditandus Hippocratis Liber Prognosticon, quém in fine hujus voluminis transcribimus in memoriam , et contemplationem diuturnam merito revocandus.

De urina tantum hic dicendum , quod si ejus contentis saturatior sit (Inst. Med. §. 375.) crassior erit , verum quo validior febris fuerit eo major attritus , et degeneratio salium , et oleo-

tenuior, magisque aquosa, parcior, minus retinenda; motus quo magis tremuli, tactum refugientes, ludentes, carpentes (*a*); oculi, quo luctuosiores, involuntariis la-

rum sanguinis in majorem acrimoniam adsunt, adeoque eo major copia talium, quæ per urinam debent exire de corpore. Si tanta sit contentorum copia vel diluentis vehiculi in urina penuria, ut illa, quæ in urina soluta hærent æquabiliter sustineri nequeant turbatur urina, et opaca redditur citius vel serius pro varia contentorum copia et indole, et majori minorive frigoris gradu cui talis urina exponitur. Videmus enim hyemali sub frigore sanoru[m] urinam turbari, et crassam fieri, quæ tamen aucto calore iterum limpida, et tenuis redditur. Idem etiam æstivis caloribus per sudores diffata sanguinis aqua contingit dum sic rubra, et acris urina redditur, quæ quandoque satis cito turbida, et opaca fit; affusa vero aqua calida reddit pelluciditas, vel etiam si postea dilutior, et calida urina addatur: unde sæpe mirantur ignari dum urinam vesperi ante somnum emissam turbidam mane redditam vident, atque paulo post iterum pellucidam cum recens, et calida urina illi admiscetur... tales ergo crassiæ urinæ cruditatem magnam morbi designant in febribus, et validum impetum quo natura in morbi materiam agit, et sic periculosæ.

(*a*) Hæc est illa carphologia, de qua Sauvagesius Clase IV. Ordine III. Genere X. quam ita definit: Est motus velut convulsivus manus, quo ægri floccos è vestibus evellere, palreas colligere, muscas venari, &c. videntur, quo tendinum subsultus referri possunt.

crhymis humidiores (*a*) , eo morbus hic  
(730) pejor , lethalior.

735 Sed ubi somnus difficilis , et male  
cedens , pustulæ purpureæ , vel lividæ cor-  
pus deturpant , hypochondria tensa , et in-  
flata (*b*) , fere moritur.

736 Curatio ante tradita pro indican-  
tium varietate (*c*) ; symptomatum vehe-

(*a*) Ad omnia hæc attendendum est : unde  
optime Celsus jussit ut Medicus neque in tenebris,  
neque à capite ægri resideat , sed illustri loco ad-  
versus eum ut omnes notas ex vultu quoque cu-  
bantis perspiciat . (Lib. III. Cap. 6.)

(*b*) Hoc casu inflatio ista fit vel à putrefac-  
tis humoribus elasticam materiam generantibus;  
uti etiam ab inflammatoria distensione hepatis,  
et lienis , qui casus letalis est. In moribundis  
sæpe totum abdomen in æquabilem tumorem at-  
tolitur , et inflatur. Hoc accidit à resolutione  
ventriculi , et intestinorum , unde non amplius  
dilatantibus causis resistunt , sed miro modo ex-  
panduntur. *Natura quandoque universi potestatem*  
*non superat jam dixerat Hippocrates.* (De diebus  
judicatoriis vers. 15.) In hoc casu enim ab uni-  
versi potestate , hoc est à qualitatibus physicis  
aeris v. gr. pondere , elasticitate , calore .. supe-  
ratur.

(*c*) In synocho à naturali statu plurimum  
degenerant humores ; quandoque in spissitudi-  
nem inflammatoriam tendunt , aliquando etiam  
in nimiam dissolutionem vergere observantur;  
adeoque et morbus quamvis nomine idem , di-  
versam omnino medelam requirit prout vel in  
inflammationem , vel in putrefactionem vergit.

mentia, ægri conditione, statuque morbi variata nihil singularis (*a*) requirit.

737 Has dixit *synochos* Vetustas, Continentes Schola, quia nulla in his fervoris remissio: *synechees* (*b*) vero, sive continuas (727), quæ Continuae remittentes.

(*a*) Curatio febris continuae putridæ in gratiam tyronum hic amplius esset declaranda.

Et quoniam res ista maximi est momenti, et hæ febres valde communes sunt in Appendice ulterius ista proponenda et commentanda.

(*b*) Vox ista græca, qua unice usus fuit Hippocrates significat febres continuas quæ remissiones sive notabiles admodum, vel minus notabiles habent. Postiores Græci invenerunt vocem *Synochus* per quemdam solecismum, qua volunt significare febres ita continuas ut vel nullas, vel inconspicuas remissiones habeant, et ideo continuas continentes vocavere. Sed dubium unice in vocibus existit. Difficultas notabilis hæret in distinguendis febribus remittentibus inflammatorius à putridis, et quando remittentes istæ ad intermittentes veras licet fucatas reducendæ vel ad vere continuas. Hic enim periculum maximum in æquivocatione existit; si enim unice remittentes sint tanquam continuae pertractandæ, quibus peruvianus cortex vix confert; si vero revera intermittentes sint cortice fugandæ isto; et ex hujus omissione ægri quam maxime periclitantur.

Archiatec Senac in opere ipsi tributo: *De recondita Febrium intermittentium tum remittentium Natura, et Curatione.* Lib. II. Satis amplè

## FEBRIS ARDEN S.

738 **Q**uas inter Causos , sive Ardens dicta febris meretur singulatim discuti ob frequentiam , discrimen , sanandi laborem (a).

et utilitèr hac de Re agit. Postmodum (Not. in Aph. 748.) quæ ad id necessaria Tyronibus proponemus.

Sauvagesius Cl. II. *Febres.* Ord. I. *Continuae Gen.* III. *Synochus* (febris continua putrida) speties : sanguinea : sudatoria : variolodes : dysenteriodes : pleuritica : ardens (biliosea) , rheumatizans : hiemalis (catarrhalis) , aniversaria: spermatica (castis?) tarantata (musicis familiaris) : soporosa : scorbutica : miliaris.

Cullenius Clase I. *Pyrexieæ.* Ord. I. *Febres.* Gen. 6. *Synochus* morbus contagiosus : febris ex Synocha et typho composita , initio synocha, progressu , et versus finem typhus , febris continua putrida Boerhaavii. Dubitat de Synoco anniversaria , spermatica , et tarantata Sauvagesii.

(a) Si causa excitans febris biliosea (in Appendix describendæ) fuerit gravior , diutius applicata , polycholia (multa bilis) mole major, mora , indole acerior , præter illius symptomata produixerit inflammationem universalem , vel etiam topicam quameunque , acutissimam tamen erit febris ardens quæ inter continuas remittentes meretur singulatim discuti ob frequentiam, discrimen , sanandi laborem.

Ea ergo consideranda velut ex pluribus fe-

739 Hujus symptomata primaria, Calor ad tactum fere urens, inæqualis diversis locis, ad vitalia ardentissimus, in extremis sæpe remissior, imo aliquando frigus, ipsum aërem exspiratum incendens; siccitas in cute tota, naribus, ore; lingua; Respiratio densa (*crebra*), anhelosa, cita, Lingua sicca, flava, nigra, exusta, aspera; sitis inexplebilis, sæpe subito sublata; fastidia cibi, nausea, vomitus; anxietas, inquietudo, lassitudo summa; Tussicula, vox clangosa (*a*); delirium, phrenitis, pervigilium, coma, convulsio, diebus imparibus exacerbationes.

740 Causa labor nimius, iter longum, æstus solis, sitis diu tolerata, usus calefacientium, fermentatorum, aromaticorum acrum, Veneris nimiæ, delassatio immo-  
dica, maxime æstate, &c. (*b*)

bribus conflata *biliosa* nempe et *inflammatoria*, utraque solito validiore, accutiore: queis juncta *tertiana*, stadio frigoris deficiente. Hæc Stoli-  
lius.

(*a*) Hæc fit dum præ summa siccitate arefactis faucibus vox non transit per mollia, et humida loca ut in sanis fit; sed resonat, ac si per tubam metallicam sicciam, et glabram expelleretur.

(*b*) Ætas juvenilis, virilis: solidorum fabrica rigida, fortis, tensa: fluidorum indoles dura, compacta, acris, *biliosa*.. ad istam febrem concepiendam etiam disponunt.

741 Decursus talis , tertio et quarto die saepe letalis , septimum raro transit si perfecta (a) ; solvitur saepe haemorrhagia, quæ si tertio vel quarto die parca , letalis ; hæc prænunciatur (b) cervicis dol-

(a) Divisio febris ardoris in perfectam , et exquisitam , et imperfectam , seu spuream est attendenda. Hic à Boerhaavio exquisita potius describitur. In hisce ambæ discriminantur : exquisita juvenibus , et æstati communis ; spuria pueris, senibus , autumno , hyemi , veri ipsi. Illa vomitibus incipit ; ista non , vel remissioribus. Illa siti , et ardore ingentibus ; ista mitioribus fatigatur. Illa linguam aridam fere ab initio ipso reddit ; ista albam , et humidam , et in progressu lentes circa dentes producit. Illa quatuordecim diebus finitur ; ista viginti , vel viginti septem. Illa per haemorrhagias , sudores , diarrhoeas biliosas ; ista per urinas , dejectiones serosas , pituitosas , abscessus , parotides . . . ut plurimum terminatur.

(b) Per haemorrhagiam simpliciter nominatam intelligitur illa , quæ per nares fit sanguinis eruptio , et hæc præcipua febrium ardorium exquisitarum sanatio. Aliæ etiam quandoque prossunt ut quæ per haemorrhoides , menstruorum evacuationes . . . fiunt. Hæ haemorrhagiæ debent esse copiosæ , non stillatitiae ; et cum tanta bona ab his expectanda non mirum est si tanta cum cura inquisitum fuerit in illa signa, quæ hanc evacuationem præcedere solent , et brevi ad futuram esse nunciant. Cave ne venæ sectionibus repetitis haemorrhagias istas supplere conteris attentam horum signorum in morbis observationem fastidiens ; pessime enim decipieris,

re, temporum gravitate, tenebricosa caligine, præcordiorum contentione sine doloris sensu, invitis lacrymis sine letali signo alio, rubore faciei, pruritu narium, optima fit die decretorio; solvitur et die decretorio (*a*), vomitu, alvo, sudore, urina, sputo crasso; accessio die pari pessima,

et pessimumdabis ægros. Signis hæmorrhagiæ futuræ à Boerhaavio propositis addendum illud quod ex pulsu resiliente seu dicroto desumisit hispanus Medicus (Solano) qui ex intervallo, quod inter pulsus illos resilientes intercurrebat tempus secururæ hæmorrhagiæ determinabat; sic ut si trigesimo quoque pulsu circiter talis resiliens pulsus animadverteretur post quadriduum narium hæmorrhagiam expectaret; post triduum si decimo sexto quoque pulsu recurreret; si octavo, post biduum, si citius intra nyctemeri spatiū. Medici in morbis observationes istas minime despiciant; imo promoveant.

(*a*) In morbis absdubio observantur quædam temporum intervalla in quibus materia morbi inutata, subacta, et mobilis redditæ vel expellitur de corpore, vel ad alia loca deponitur. Sedula igitur horum observatio summi usus est in morbis curandis, ne intempestivo sæpe artis molimine noceamus, dum expellere, vel retinere nitimus natüram indebite turbantes. In morbis longis etiam Hippocrates dies criticos observavit, et per vigesimos definivit, ut ex Aphorismis, et Prognosticis patet. Crisium, et diērum criticorum observatio sedulam curām, et attentum ad omnia animum requirit, hinc ne-

si id ante diem sextum ; urina nigra , pauca , tenuis huic letalis ; letale sanguinis sputum ; letalis sanguinis mictus ; deglutitio læsa mala ; extremorum refrigeratio pessima ; facies rubra , et sudans mala (a) ;

mini mirum videbitur quod aliqui Medici hæc neglexerint. Dificultas eligendi tempus oportu-  
num cibandi ægros coagit Celsum ad ita pro-  
nuntiandum : *ex his autem intelligi potest ab uno  
Medico multos non posse curari : eumque si Ar-  
tifex est idoneum esse , qui non multum ab ægro  
recedit. Sed qui questui serviunt quoniam his ma-  
jor ex populo est libenter amplectuntur ea præ-  
cepta , quæ sedulitatem non exigunt ( Lib. III.  
Cap. 4. )* Quanto graviora posset de Re ista pro-  
tulisse ! Obiter advertendum ex Galeno ita ra-  
tionabiliter hac in re se explicante : *cognitionis  
signa nunquam male apparent , decretoria vero  
est ubi male (appareant) neque enim in augmen-  
tis , neque in principiis ; sed in statibus illa ap-  
parere convenit. ( Lib. I. de crisibus cap. 8. )*  
Semper etiam observanda illa Hippocratis sen-  
tentia : *Acutorum morborum non omnino certæ sunt  
prædictiones , neque mortis , neque sanitatis. Heron-  
fon præter Hippocratis expectationem ex peri-  
culosissimo morbo sospes emersit. Cave tamen  
ne doctrina ista patulos expectatores Medicos  
efficiat. Remedia lenia , et apposita crises non  
turbant , sed expediunt. Medici illi , qui quo-  
ties ad ægrum accedunt toties peccant turbabunt  
istas , et ægros in præcipiti constituent.*

(a) Sudor iste particularis , et frigidus su-  
dor est , de quo mira phrasi dixit Helmontius:  
quod non sit tam latex in sua natura quan-  
tum ros alimentarius resolutus , cui mors imperat.

parotis non suppurans exitialis ; alvus nimis fluxa letalis ; cum tremore abit in delirium , inde in mortem , transit in peripneumoniam s<sup>e</sup>pe cum delirio (a) ; post ingentia alvi tormina quæ oritur pessima ; solvitur critice cum rigore (b).

742 Quibus explanatis haud difficulter morbus præsens cognoscitur : neque de ejus causa propiori , et proxima ambigetur ; est enim à crurore orbato parte blandiore , liquidiore , inflammatione per universum corpus , viribus validioribus (c) : Quin præsagia haud infirma hinc deducuntur.

(a) Hippocrates binorum horum concursum letalem verissime pronuntiavit dicens : quibus cunque in febre non intermitte expirandi difficultas fit , et delirium letale (Lib. V. Aphorism. 50.)

(b) Febris ista aliquando in intermittentem quamdam , vel et suppurationem terminatur. Solutio ejus cum rigore critica erit , si brevi sequitur eum æquabilis per universum corpus calor ; tunc enim indicat restitui liberum humorum motum per vasa , mobiliorem factam fuisse materiem , et evacuationi aptam : si enim extreborum frigus excipit dum immeabilis redditus sanguis ad extrema usque corporis properi nequit rigor iste non criticus ; sed ominosus judicandus.

(c) Humor densus inflammatorie crasus , acris ; rigida solidorum structura . . . hujus febris ardantis etiam causæ sunt.

743 Curatio (a) exigit aërem purum, frigidum, renovatum sæpius; integumenta minime suffocantia, vel aggravantia corpus; situm corporis erectum sæpe; potus copiosos, blandos, demulcentes, subacidos, aqueos, calidos (b); cibos leves, farina-

(a) Indicationes curativæ in hac febre sunt: liquidissimas sanguinis partes instaurare: concreta crassiora solvere: impetum, et attritum humorum minuere: acrimoniam et putredinem humorum imminentem arcere, et avertere: jam conceptam tollere.

(b) Antiqui potus frigidos in febre ardente laudaverunt. In hac re Hippocrates, Galenus, Celsus, Aetius, Rhazes . . . eminent. Hi tamen non largis haustibus, sed parca dosi seu paulatim ut Hippocrates; non in principio, sed cum jam mediocriter concocti essent humores, ut Galenus; plurimis cautelis adhibitis ne temere hæc in omni casu tentarentur ut Celsus; noxas vitando, quæ inde quandoque contingunt in principio, vel augmento præsertim in quibus *aqua fracta* præstat, sed prætenuatis jam humoribus, ut Aetius; summere in potu aquam frigidam si non fuerit quod prohibeat, ut Avicena; si laborans sanitatis suæ tempore in nullo viscere abscessum expertus fuerit, neque in ventriculo, neque jocinere ullam imbecilitatem, ut Rhaces determinarunt.

Notandus tamen Galenus, ejusque aseclæ etiam animadvertisendi, qui intempestive, imo periclitanter coctionis signa ad exhibendam istam patuli expectabant in calamitatem miserorum torrefactione miserrime occumbentium. Pro dolor!

ceos, hordeatos, avenaceos, ex fructibus subacidis confectos; Venæ sectionem (*a*), si

Viginti tres potiones frigefactorias proposuit Hipp. (Lib. III. de Morbis) in febribus ardentibus, quas quando voles (hoc est iudicio Medici, non intemperantia ægri) bibendas dato.

Alibi jam dictum in morbis inflammatorii potus tepidos, in putridis vero frigidos præstare. Aer frigidus aptissime laudatur in hoc morbo, nam aer longe rarer aqua calecit illico dum inspiratur; et tamen nemo prudens gelidissimum hyemali bruma aereum æstuanti à febre ardenti corpori applicabit sed tantum nimis æstuante aereum grato refrigerio temperabit.

Nihilominus in regione nostra admodum fervida potus frigidi in hisce febribus ab ipso initio convenient. Ita sanguinis caloricum exuperans in æquilibrium juxta legem ei à Creatore impositam ad frigidam aquam tendet, et inter alia hujus beneficia, sensim illud temperabitur, imminuetur. Ad calorem febrilem temperandum frigidorum lenta, et blanda applicatio interna atque externa præponebatur à Boerhaavio (Aphorism. 691.) Num hic error subest in textu?

(*a*) Nunias forte cautelas proponit hic Boerhaavius pro venæ sectione exequenda, cum tantum aliquando nocere possit. Dum circa vitalia viscera immeabilis jam redditus sanguis incipit colligi, et ingentem quidem æstum circa præcordia facit, verum in extremitatibus corporis simul frigus adest novimus paululum sanguinis tantum adhuc versus extrema propelli, omnemque fere sanguinem in systemate arterioso colligi. Si ergo in tali casu vena secatur tollitur paucus

morbi initium , plethoræ indicia , inflammationis singularis signa , calor intolerabilis , rarefactio nimia , revulsio necessaria , symptomata urgentia , neque alio remedio facile superanda , hanc exigunt ; Clysmatum blandorum , diluentium , laxan-

ille sanguis , qui ex arteriis in venas transire potuit , et quo solo adhuc vita sustentabatur ; adeoque summus metus est , ne pro remedio mortem venæ sectio adferat . Unde patet , quare id initio morbi , quando , nondum diffata parte tenuissima , sanguis adhuc satis meabilis est venæ sectio imprimis locum habeat , per quam , et crassissima sanguinis pars evacuatur , diluentibus , et attenuantibus remediis locus , et facilior miscella paratur , et futura inflammatio optime præcavetur .

Febris ista quando solvitur per alvum , urinam , sudorem , sputa .. raro periclitatur , et si ista excedant facile compescuntur . Hæmorrhagia quandoque tam furibundo impetu procedit ut ex soluta in naribus arteria sanguis erumpit ita ut paucō tempore ad plures libras exeat , et metus est ne ex subita et valida illa inaniatione syncope aut convulsio fiant . Tunc curanda ista abnormis hæmorrhagia . Venæ sectio in juvenibus , verno vel æstivo tempore talibus hæmorrhagiis alias assuetis proderit , non alias . Artuum ligaturæ leves , quæ venas tantum comprimant .. cucurbitæ magnæ hypochondriis applicatæ , frigida posca nare attracta , spongia frigida mulsa imbuta fronti apposita , anodyna , purgantia antiphlogistica .. proderunt . His minime proficientibus turunda vitrioli albi meracis-

tium , antiphlogisticorum , refrigerantium applicationem repetendam , prout vis ardoris , siccitas alvi , revulsio , requisita imperat : Humectationem totius corporis (*a*) , hauriendo aërem fumo calidæ blandum per nares , colluendo os , et guttur , lavando pedes , manusque tepida , fovendo spongiis calidis loca , ubi plurima vasa contactui magis exposita ; Medicamenta aquosa , blanda , nitrosa , grato acore sapida , alvum lenissime laxantia , urinæ materiem suppeditantia , supplentia , sudori vehiculum copia præbentia , non acrimonia , omnem contractionem fibrarum , cras-

sima solutione (Aqua arteriali , seu styptica Pharmacop. hispan.) madida naribus profundissime immisa , et ibi per unum alterumve diem relicta efficacissimum erit remedium. Animi deliquium quandoque istam sistit hæmorrhagiam ex Hippocrate VI. Epid. Sect. VII. 2.

(*a*) An humectatio totius corporis hic imperata utilissime consequetur balneis universalibus , aut saltem semicupiis tepidis , aut etiam frigidis ? Certe nisi plenitudo , cruditas , diarrœa , debilitas . . obsint proficua valde censentur. Hieronimus Ximenecius hoc statu frigidi balnei adeundi peropportunum tempus erit si modo et calidus , sicutusque cæli status sit , et eusarco , quadratoque æger habitu. Plerique enim à balnei frigidi usu mox sudore profusso ; alii etiam bile per alvum egesta à febri protinus convaluerunt. Inst. Med. Lib. IV. Cap. IV. pag. 275.

sitiem liquorum , acrimoniam eorumdem solventia , diluentia , temperantia (*a*).

744 Quibus qui adjunxerit dicta in regulis universalibus de cura acutarum , harumque symptomatum , et secutura de acutis in perniciem viscerum singularium tendentibus , liquido perspecta habebit Ardentis Febris cuiuslibet remedia.

745 Quin et reliquæ febres acutæ singulares ex dictis intelliguntur , vel ad symptomata singularia (*b*) pertinent , vel sunt alius morbi acuti effectus.

(*a*) Præter remedia ista alia regulariter exigunt febris ardens , ejusque symptomata. Accutum , acida mineralia , cortex peruvianus , nitrum , confectio cardiaca , hirudines , moschus , camphora , vesicantia , kermes minerale . . . pro variis indicationibus necessaria sunt.

(*b*) Quandoque febres istæ ardentes exquisitæ , vel etiam spureæ adeo vehementes sunt ut vel inflammationem in aliqua parte determinata efficiant , vel symptoma aliquod ita perniciosum producant ut ulterius periculosæ evadant , et dicuntur epialæ , lipiriæ .. vid. Appendix.

Sauvagesius Clase II. Genere VII. Trytheophia seu tertiana continua. Specie II. proponit trytheophiam *causam* Hippocratis Lib. III. Epid.

Hippocr. plurima de febre ardenti *Causo* loquutus fuit. Vid. Franc. Puente Med. Doct. et Professor. Celtiberi. *Ars Hippocratica*. Sect. II. de febribus. pag. 66. Marinelli commentaria in Hipp. Verb. *Causus et febris ardens*.

## FEBRIS INTERMITTENS.

746 **F**ebris Intermittens definitio jam data (727.) hujus diagnosis sponte patet, distinctio (*a*) in varia classes facilis, utpote soli temporis differentiae innixa, septenaria exquisita quandoque accedit, ut vidi.

747 Tamen scire est, hanc in generre esse Vernalem, quæ à Februario in Augustum, et Autumnalem, quæ ab Augusto in Februarium dominatur. Distinctio-

(*a*) Aliqua subest difficultas in dignoscenda febre intermittente in paroxysmo primo, et in distinguendo an quotidiana, tertiana, quartana futura, an tertiana complicata, deceptiva. Galenus ausus fuit dicere quod tertianam quidem à quartana, qui primo statim die nescit distinguere, neque omnino Medicus est. In intermittente benigna nihil officit deceptio ista nisi honori Medicis; in perniciosa vero ægrotantis vitæ ulterius insidiatur.

Quotidiana febris à tertiana dupli facile distinguitur. In illa calor humidior est, sitis parva, vomitus pituitosus, parvus æstus, paroxysmi æquales... tertiana majori cum rigore, vomitu bilioso... incipit, brevi magnitudine et vehementia crescit, calor magnus, sitis insatiabilis, accesiones tertio quoque die sibi respondent. Complicatae, et deceptivæ intermittentes sedimento lateritio, aliisque distinguntur.

ne necessaria ob varios mores (*a*) , symptoma , exitus , durationem , curationemque febris ; quin una aliam fugat.

748 Quin et sæpe initio autumni æmulantur exacte in dolem continuarum (*b*) , ob

(*a*) Distinctio intermittentium in vernalis et autumnales adeo necessaria est ad prognosim , et curationem ut dixerit Sidenhamus : *febres illæ tota sua natura sive essentialiter distinguntur*. Verno tempore solvuntur illa quæ hyemali otio accumulata fuerant in corpore lenta , et viscida: adeoque cum ipsa febre anni constitutio conspira ut cito solvatur febrilis materia. Ad id simul faciunt salubrium vegetabilium tunc germinantium succi , qui tam ciborum quam remediorum titulo adhiberi solent. Postquam vero æstivis caloribus exusta corpora fuerunt liquidissimis dissipatis major humoribus nascitur tenacitas ; bilis acrior fit ; et spissior ; et aeri adest inæqualis temperies , unde incautos toties matutina , et vespertina frigora lædunt , qui diurni caloris impatientes corpus non satis vestibus tegunt , et morbis plurimis occasio nascitur; simulque auctum quotidie frigus à morbo re-surgentibus toties recidivam generat. Præter vernum tempore , quo languentia diuturnis morbis corpora tam pulchre reficiuntur mutata epidemica diathesis facit ut una aliam fuget , ut dicitur in textu , seu quod intermittentes autumnales Vere desinant.

(*b*) Observatione constat per calida nimis remedia data febrim intermittentem mutari posse in continuam. Nonne à nimio æstatis calore febres , quæ initio autumni intermittentes fo-

longiores, et duplicitos paroxysmos, dum tamen indoles, et curatio plane (*a*) diversæ sunt.

rent in continuas mutantur? Ita videtur. Vitan-  
da igitur medicamenta ista nimis æstuantia.

(*a*) *Plane*, prorsus, omnino, penitus diversæ sunt indoles sive natura, atque curatio febrium intermittentium, et continuorum, Boerhaavio hic vere, et utiliter pronuntiante. Quid igitur faciendum erit Medico in intermittentibus larvatis, degeneratis, continuas febres æmulantibus, mentientibus? Quid in intermittentibus cum continuis complicatis? Magna artis salutaris peritia nedum theoretica, sed potius clinica huc advocanda, consilia dum fieri poterit expeten-  
da . . ne nubem pro Junone præcipitanter acci-  
pientes Medici præsertim cursores ægros suæ curæ creditos non curent, interitum permittant, imo necent.

Revera est res ista valde ardua. Galenus ipse vir si quis alias perspicacissimus in discriminandis similibus intentissimus, et in tractando isto similitudinum negotio (Lib. præsertim De Placitis Hipp. et Platonis) difusissimus, et profundissimus difficultatem istam jam agnovit, et consilia minime nobis spernenda reliquit. Nos ea, et aliqua quantum notulæ brevitas permittit proponemus.

Notandæ juxta Pergamenum, et intropicien-  
dæ febres illæ simplices in simplicitate sua ipsa, quæ cum intermittentibus consociari, ipsaque fucare, ac veluti delere solent. Cognoscendæ in primis febris vere continua, sive continuitatis essentiales characteres; et intermittens febris, hujusve intermittentæ pathognomonica

symptomata. Cognoscenda itidem continuarum sanatio generalis, quæ venæ sectiones, temperantia, anti-septica, nervina, alexipharmacæ... exigit, et respuit corticem; et etiam intermittentium, quæ illa fere omnia respuit, et unicum fere corticem expostulat. Hoe, et illud est admodum difficile. Pro illo utcumque declarando Cullenius istam intermittentium descriptionem characteristicam proposuit: febres miasmate paludum ortæ paroxysmis pluribus, apyrexia, saltem remissione evidente interposita cum exacerbatione notabili, et plerunque cum horrore redeuntibus constantes: Paroxysmo quovis die unico tantum. Continuas ita descripsit: Febres sine intermissione, nec miasmate paludum ortæ, sed cum remissionibus, et exacerbationibus, parum licet notabilibus perstantes: Paroxysmis quovis die bini. Intermittentium principium miasma paludum agnoscit; continuarum, contagium humanum sæpe ad minus manifestum, maximeque frequens.

His utcunque sic stantibus cognoscendæ ulterius febres illæ continuæ, quæ frequentius cum intermittentibus junguntur. Tales sunt quotidiana, pituitosa, messenterica, catarrhalis, nervosa... In quarum complicationibus, quas inter præsertim hænitritea insurgit placet regulam Ellerianam præscribere: quod illa febris species quæ prius invadit, vel quæ periculosior et gravioribus stipata est symptomatibus in curatione potissimum attendenda sit, et remedia eorumque applicandi modus ad illam abigendam dirigenda: ita febris acuta inflammatoria methodo huic febri convenienti, tractanda exiguo respectu habito ad intermittentem, quæ illam quandoque commitatur, et

*sic de reliquis.* ( Joan. Theodor. Eller Observatio-  
nes de cog. et cur. morb. Sect. V. Pag. 111.) Pla-  
cet etiam Francisci Home similem regulam in  
complicationibus febris inflammatoriæ cum maligna,  
inalignæ cum nervosa, et nervosæ cum in-  
flammatoria adoptantis proponere : *hæ sana men-  
te et summa peritia Medici indigent, cuius officium  
est speciei prævalenti ideoque periculosiori, altera  
haud omnino neglecta, succurrere.* Princip. Medic.  
Libr. II. Part. II. Sect. IV.

Intermittentes continuas æmulantes ab istis  
per hæc discriminantur : observatione nempè  
exactissima constitutionis epidemicæ intermit-  
tentium, et non continuarum. Si intermittentes incipiunt licet in continuas postea degenerent in-  
termittentium naturam servant ; si vero conti-  
nuæ incipientes à vera intermittentium causa or-  
tum trahunt difficilius agnoscuntur. Constitutio  
inquam prænoscenda : status atmosphæræ cali-  
dus, et humidus : fructuum comessatio : locus  
aquis stagnantibus inquinatus : paroxymi seu  
accessiones et remissiones tribus, quatuor, aut  
quinque primis diebus sagaciter observandi.  
Intermittentium paroxysmi frigore vel horrore in-  
cipiunt ; cito satis augentur, et acmen attingunt:  
sitis, calor, anxietas... immaniter opprimunt. An  
inter ista omnia, incerta, et inconspicua ali-  
quid attendendum, quod instar Ariadnæ filum  
à tanto labyrintho feliciter nos poterit extricare  
atque expedire? An urina rubicunda, sapona-  
cea, et spumescens in fundo vasis magnam co-  
piam sedimenti deponens, quod colore suo la-  
terum coctorum pulveratorum, vel boli armenæ  
pollinem referens *lateritia* vocatur de intermit-

re , horrore , rigore , tremore (*a*) , pallore extremerum , respiratione difficillima , anxietate , nausea , vomitu , pulsu citato , debili , parvo , siti maxima .

Hæc prout majora , pluraque simul , eo febris pejor , atque in subsequente tempore calor , et cætera symptomata pejora : et hic

tentis natura securos nos reddere valebit ; ejusque absentia naturæ continuæ? Utinam . Sidenhamus latentes sub aliena larva has febres hoc in primis signo tales judicabat , quo casu remittente paroxysmo corticem peruvianum feliciter exhibebat . Curiose igitur investiganda urina , quæ licet tale sedimentum in intermittentibus vernis , exquisitis , autumnalibus levioribus . non offerat , et in scorbuticis febre intermitente licet non laborantibus appareat , optimum tamen , et fere perpetuum intermittentium signum declarandum .

Cl. Senac postquam longo sermone super istis toto Libro II. operis jam citati de Recondita &c. versatus fuerit sic tandem concludit ; multa profecto occurrunt in arte quæ suspicari tantummodo possumus , ex suspicione autem ad pleniorum naturæ cognitionem assurgere licebit ; incumbendum observationi ad obductam morbis caliginem depellendam ; et sic ad ignota fiet sensim additus . Cap. IX. p. 193.

(*a*) Pleraque hæc symptomata docent liberum , et æquabilem spirituum motum per nervosum turbari , et impediri : simul etiam vitales functiones turbantur per minorem influxum spirituum cerebelli per cordis irritationem , et arteriarum minimarum renitentiam .

gradus febris primus, Incremento respondens continuarum, et reliquorum maxime periculosus; Urina tum ut plurimum est cruda, et tenuis.

Incidens cadavera mortuorum in primo hoc stadio febris intermittentis, post anhelitus, suspiria, ignaviam, inveni sanguinem crassum, impactum pulmonibus, semper tum fuerant pulsus parvi, frequentes, inordinati. Harv. exercit. anat. Cap. 16.

750 Hunc statum (749) excipit alter, incipiens cum calore, rubore, respiratio-  
ne forti, magna, liberiore, anxietate mi-  
nor, pulsu majori, robustiorique, siti mag-  
na, dolore artuum, et capitis magno, Uri-  
na plerumque rubra, respondet *acme fe-*  
*brium continuarum.*

751 Tum ultimo ingens plerumque sudor, remissio omnium symptomatum, Urina crassa, sedimentum lateri contuso simile, somnus, *anorexia*, lassitudo, debilitas.

752 Sæpe abeunt in acutas, periculosa; quod calori nimio, et motui excita-  
to nimis, ut plurimum debetur.

753 Febris intermittens sua tria tem-  
pora (749. 750. 751.) percurrens, fibris minimis vasculorum, et viscerum magnam infert vim, stagnando, obstruendo, coagulando, pellendo, resolvendo, attenuando; hinc debilitantur vasa, morbosa fiunt liquida, eo in primis genere mali, quo par-

tes minus assimilatas, nec æqualiter mistas habent; ex quibus simul acrimonia exoritur.

Unde ab omnibus simul facillima in sudorem proclivitas multum debilitans, ipso viscido sanguinis transsudante; tum urina mire crassa, turbida, jumentosa, pinguis; similis saliva; inde debilis, solutus, vix cohærens cruor optima parte spoliatus, residua acer et crassus simul; adeoque ex laxis vasis, et crassis acribusque liquidis hæ febres diuturnæ dein terminantur aliquando in Chronicos, scorbutum, hydropem, icterum, leucophlegmatiam, tumores scirrhosos abdominis, et quæ hinc sequuntur mala.

### 754 Cæterum, nisi malignæ (a) (753),

(a) Præcipua harum febrium divisio est in benignas, et perniciosas. *Benignæ* sunt quæ regulariter, et sine periculis symptomatibus incidunt. *Perniciosæ*, quæ prava, deleteria, discriminis plenissima accidentia tanquam ex Pandoræ pixide prodeuntia offerunt.

Boerhaavius hic vocat *malignas* febres intermitentes, quæ non perniciose, sed gravibus tantum symptomatibus stipantur. Talia sunt illa quæ Aph. antecedenti proponuntur, hicque citantur. In Inst. Med. §. 919. de malignitate morborum agens similia symptomata proponit non perniciosa et deleteria, sed gravia tantum atque periculosa; et hoc in Prælectione et notis ibi declaratur. Debilitas ingens, maxima, et præ-

corpus ad longævitatem disponunt, et depurant ab inveteratis malis.

sertim incongrua illis omnibus addenda, quæ in primis, et præcise malignitatem declarat: perniciem vero ista debilitas et alia etiam symptomata deleteria, formidanda! In Appendice de istis intermittentibus perniciosis pertractabitur.

Si tertianæ gravibus minime stipentur symptomatibus, imo simplices sint, paroxysmi inediares, sudor criticus, et moderatus, debito victus regimine utantur ægri, medela simplicissima, corpore sano in flore ætatis constituto, tempore verno . . . facile tolerantur, plus boni, quam mali facere solent, et minime Medici eas aggrediantur, sed tolerent. Amplius. Observatum est quod post quartanas febres nullis validis remediis turbatas, sed bona diæta, et verno tempore sensim solutas, firmiora fuerint inventa hominum corpora, et morbis longe minus quam ante obnoxia. Quartana diurna sæpe totum corpus ematiat dum omne pingue solvitur, et per urinam aliasve vias educitur de corpore æque ac per argentum vivum, vel per decocta sudorifera fit, unde mutatio fere radicalis humorum per resolutionem succedentem obtinetur; sicque optime disponitur corpus ad expulsum veterascentis, et instaurationem novæ vitalis materiæ; adoque corpus prudenti talium febrium regimine ad longævitatem ducitär.

Si jam consideretur, quod in frigore febrium intermittentium totum corpus tremat, et concutiatur valide sæpe per horas æque fere in internis, quam externis partibus, et contractæ arteriæ extremæ contentos humores in latiores truncos retroagant uti docet pallor, sicque obstructio-

755 Unde post accuratum examen totius historiæ intermittentium (746. ad 755.), causa proxima (*a*) constituitur, visco-

nibus circa fines arteriarum hærentibus resolvendis optima nascatur oportunitas, non mirum videbitur posse solvi, et expediri sæpe talia, quæ nullis aliis remediis obediunt; præcipue cum paulo post sequatur rapidus adeo per omnia vasa motus, qui illa, quæ visceribus infarcta hæserant per concussus illos jam mobilia redditæ ulterius expeditat.

Hinc apparet quare febres illæ toties ab inveteratis etiam malis corpus liberent, quæ frustra aliis remediis tentata fuerant. Convulsiones, cephalæa inveterata, palpitationes cordis, podagra . . dum quartana adest, silent; imo quandoque per istam visum fuit tolli, et jam Hippocrates quia etiam ista viderat asseveravit (In Epid. Aph. &c.) An tertianæ, pestilentiæ tempore, à peste præservant ut Vander Mye (Lib. de morb. bredanis pag. 5.) dixit? Cauti igitur sint Medici in istis inconsulto, atque extempore averruncandis.

(*a*) Pro causa febrium intermittentium statuenda proponitur hic sistema vasculare, et etiam nervosum, quia in utrisque vitium observatur, ut jam dictum §. 749.

Causa tam subitæ mutationis an in potentiis moventibus humores per vasa hæret? an in illo *impetum faciente* Hippocratis, quod tam facile, et à levissimis causis mutabile esse novimus? Exemplum sanissimæ virginis glire conspecto territæ quæ illico primum paroxysmum habuit quartanæ tota hieme durantis, quæ verno tempore soluta post binos menses mala fortuna iterum à petulanti puero mortuo glire in

sitas liquidi arteriosi , forte et nervosi tam cerebri , quam cerebelli , cordi destinati; inertia , superveniente dein causa quacunque velocioris , et fortioris contractionis cordis , atque resolutionis ejus quod stag- naverat.

756 Adeoque , quum ordo hic (749. 750. 751.) semper in febre intermittente obtineat , videtur is , qui primum tem- pus (a) (749), et primam causam (755), su-

vestes projecto territa quartanæ plures paroxysmos iterum passa fuit , id videtur suadere. Bo-rellus primam , et immediatam causam in suc- co nerveo possit .. Causa efficiens ab omni- bus hodie admissa sunt paludum miasmata , quæ omnino vitanda.

Van-Swietenius postquam longo sermone de causis disputavit , tandem concludit : videtur ergo potius ab epidemico miasmate excitari febris intermittens , simulque imprimi spiritibus , ner- vis , vel horum origini communi talis charac- ter , per quem statim tempore paroxysmus renova- tur. An ergo febres intermittentes ex se spiri- tuosæ dicendæ forent? Galenus jam dixerat : fe- bris fit ex humorum putredine , vel solo spiri- tu alterato ( Lib. II. de Crisibus. Cap. 7. )

(a) Aliqui persuasum habent vitato vel su- perato frigore vitatum iri paroxysmum. Hoc si- ne diæta tenuis , diluens , aperiens , sudorifica .. præscribitur , frictiones , balnea... adhibentur. Hæc non officient , si vero calidissimis aroma- tibus frigus illud febrium intermittentium supe- rari , vel præcaveri tentatur insanabiles inflam- mationes , aliaque mala procreabuntur.

perare possit, etiam totum illum paroxysmum posse tollere.

757 Dein, quum infinitæ causæ, eæque satis exiguae, possint primum statum (749) febris perfecte intermittentis (727. 737), ejusque causam (755), producere; atque tales plurimæ in ipso corpore nasci, crescere, et dato tempore adolescere queant, ut in omnibus in corpore natis, atque secretis liquoribus fit; difficilis est ex infinitis possibilibus natam jam distinguerre, quam unam possibilem excogitare, qua posita ratio periodorum dari ex legibus œconomiae nostræ possit; id autem examinanti patescit.

758 Curatio (a) ergo exigit, ut aperien-

(a) Omnium optima methodus curandi febres intermittentes illa videtur, quæ conspirat cum febre ipsa ut solvat concreta, reseret obstructa, siveque æquabilem humorum per omnia vasa motum restituat. Pro varia autem anni tempestate, ærorum diversa temperie, et ætate, epidemica constitutione, &c. diversa remedia convenient. Verno enim tempore, et in juvenili ætate à calidioribus abstinendum; autunnales contra febres in primis in hiemen usque protractæ calida aromaticæ, ut sunt contrayerva, serpentaria virginiana . . . exigunt.

Aliquando aperientia, et attenuantia nocent. Teneræ puellæ, debilis temperiei homines adstringentia, et incrasantia, simulque solidas corporis partes roborantia exigunt. Cortex tamarisci, capparidis, peruvianus . . . una cum

tibus salinis , alcalicis , aromaticis , mineralibus , diluentibus , oleosis blandis , calore , motu , fotu , frictione utamur tempore *apyrexias* , vel et in statu descripto (749.)

759 Quin abundantie colluviei in primis viis purgans , vomitoriumve (a) saepè prodest tollendæ ; dando ante paroxysmum eo spatio , quo ante hunc effectum præstat. Id faciendum cognoscitur ex victu , morbis , symptomatibusque prægressis , nausea , vomitu , ructu , tumore , halitu , sordibus linguæ , gutturis , palati , *anorexia* , amarore oris , vertigine tenebricosa ; et absoluta operatione dato opio sedatus ante febrem tumultus sit.

760 Ut et prodest idem (759) , dum stimuli (b) instar movet utrumque (759).

aromatibus vino austero rubro infusi pulcherrimum tunc remedium dant ; nimiam humorum solutionem emmendant , sudores profussos præcavent.

(a) Vomitoria , et purgantia ex se in intermittentibus potius nocent , quam pròssunt , ut mox dicetur. Casu vero colluviei in textu memoratae absolute necessaria sunt. Attendum igitur ad illa signa quæ docent talem saburram in primis viis hærere , vel non hærere , ut remedia ista utiliter administrentur , vel omittantur ea methodo , quæ in textu præscribitur.

(b) Vomitoria , et purgantia hac intentione præscripta magnam exigunt circumspectionem

761 Aliter nocet (759), dum debilitat, liquidissima elicit, digestiones hic in primis necessarias, turbat; sicque diuturnitatem morbi, vel et mortem producit. Frigus, et Febris sudorifero (a) hic tollitur saepe, dum aliquot ante tempus cognitum futuri paroxysmi horis liquido aperiente, di-

atque prudentiam; nam miro saepe stimulo, et violento movere, et turbare totum corpus, ut mutetur, imminuat, vel deleatur illa dispositio, ille character omnino latens, à quo februm intermittentium paroxysmi renovantur arduum est, incertum, atque periculosum. Consilium Galeni mitius est dum de tertiana febre agens dixit: *Vomitus autem post cibum adeo utilis est sane illis quibus hæc febris inveteraverit, ut multos norim statim post vomitiones à febre esse prorsus liberatos* (Lib. I. Method. med. ad Glaucon. Cap. II.)

(a) Si primum febris tempus frigus nempe febrile, et prima illa causa, viscositas memorata liquidi arteriosi, et forte etiam nervosi tolli non potuit, quæ erat prima methodus sanandi febres tertianas; neque purgantibus, et vomitoriis, quæ erat secunda; sudoriferis aggredienda prout hic præscribitur, et erit tertia, quam impense laudavit Sidenhamus (Sect. I. cap. 5.) in tertianis autumnalibus fugandis. Serpentaria virginianæ penetrabili aromate dives radicula ex vino (vel aqua) decocta huic scopo præferenda. Tamen febres tertianæ, et quotidianæ recentes adhuc, et in continuitatis vicinia hærentes, temperies debilis, sanguis dissolutus in sudorem pronus istam methodum abhorrent.

luente, leviter narcotico, repletur corpus ægri, dein una hora ante malum excitatur sudor, et continuatur, donec binæ ultra tempus initii paroxysmi elapsæ sint horæ.

762 Hinc et venæ sectio nocet per se semper, prodest alias casu (*a*), ut et tenuis exactaque diæta.

763 Dum febris in statu, (750) indicantur aquosa, calida actu (*b*), subacidis

(*a*) In tertianis vernalibus, in juvenili, et plethorico corpore, dum metus est ne tempore caloris febrilis rarefactus sanguis plena nimis vasa ruimpat, vel dum ingens capitis dolor ab eadem causa urget.. venæ sectio prodest. Si emeticico opus sit præmittenda ista ne inter vomendum sanguine distenta vasa in pulmonibus, et in primis in capite violentis illis nixibus rumpantur. Tenuis et exacta diæta in his febribus ut plurimum diuturnis nocet, præsertim in juvenibus naturæ biliosæ, qui in syncopen facile dilabentur si tempore apyrexias non aliquatenus refecti fuerint. In ipsis tantum paroxysmis subtrahendum cibum jussit Hippocrates in Aph. (I. 11.) et nihilominus aliquando in decremento paroxysmi cibandus æger biliosus, debilis, &c.

(*b*) Status secundus febris intermittentis est tempus ebullitionis, sive fermentationis, qua natura utitur ut in febribus morbosa materia expellatur è corpore. Status iste respondet certe vigori febrium acutarum; differt tamen in eo quod istarum *Acme* seu vigor est maxime periculosis, in intermittentibus vero periculum tunc jam non adest cum adfuerit tempore frigoris, seu

aperientibus nitrosisque permistis , vel et cichoraceis , similibusque blandis aperientibus. Quietæ , calore moderato tunc æger eget.

## 764 Ubi crisi paroxysmus solvitur

exhorrescentiæ. Hinc licet hoc tempore febris intermittentis talis gradus caloris observatur, qui periculosus foret in febribus continuis, et venæ sectionem , clysmata , aliaque debilitantia remedia posceret , quæ febris nimium impetum frenare valent ; tamen his raro indigemus nisi in valde plethoricis. Sufficit ergo talia ingerere, quæ aquosa , diluendo , et attenuando humorum auctam per calorem , et circulationis velocitatem , cohæsionem tollere , vel cævere possunt : adduntur iis subacida , quæ putredini ab iisdem causis metuendæ resistunt ; simulque pulcherri me molestam hic sitim levant. Cichorea , hordeum , avena , scorzonera , radices graminis , taraxaci . . decocta , addito nitro , succo citri , limonum , rob sambuci , ribesiorum . . . optima hic sunt. Difficultas est an ista *calida actu* ut in textu dicitur summenda , vel *actu frigida*. Hippocrates Lib. II. de Morb. versu 78. in curatione febris tertianæ notæ hæc habet : *Altera vero die qua febris detinet aquam frigidam quantum bibere volet dabit. Ubi vero remisserit febris ptisanæ succum , aut milium tenue sorbeat , et vinum album odoratum aquosum insuper bibat. Petrus Salius in Commentario (pag. 229.) ait quod altera die , qua febris detinet (hoc est in tertiana non singulis , sed alternis diebus afflidente) aqua frigida pro libitu ad extingendum febris fervorem tradatur , nam frigida in die accesio nis , et in vigore febris est exhibenda. Hippo-*

(751), prodest, ptisana vinosa, jusculis carnium, decoctis temperatis, sudori, urinæque reddere materiem; sicque hæc non vi caloris, medelæ, stragulorum exprimere, sed copia aucta promovere quam blandissime, et diu (a).

765 Porro symptomati urgenti (b) occurrit juxta regulas in acutis datas (617. ad 726).

766 Sublata febri, victu analeptico,

erates alibi (Lib. II. De Victu Acutorum, text. 49.) ait; *cum caliditas ad pedes descendit tunc potum dare expedit.* In casu isto caloris jam per totum corpus diffusæ potus *non nimis frigidus* ex Heredia nostro (cap. XL. de febribus. Sect. IV.) imperandus, cui ego assentior.

(a) In tertianis vernalibus blandi sudores diu possunt relinquiri, cum aliquando per istos copiosiores sanentur; in autumnalibus vero cum moderamine sustinendos esse, et procurandos. Justo enim copiosior sudor in fine paroxysmi intermittentem febrem in continuam periculosam, ita observante Sidenhaamo, mutare poterit.

(b) Symptomata urgentia febrium intermittentium aliquam exigunt distinctionem ab acutis cum febris à qua illa pendent remedium specificum exigat, et possideat, à quo febris et symptomata tolluntur. Sic sopor, et appoplexia ipsa non unice venæ sectionibus, vesicatoriis . . . aggredienda, sed cortice peruviano præsertim et eodem tempore originaria causa debellanda. Hydrops ab iisdem secuta non purgantibus, diureticis . . sa-

## 416 FEBRIS INTERMITTENS.

medicamentis corroborantibus æger refi-  
ciundus , dein aucto robore purgandus (*a*)  
per alvum aliquoties.

767 Si autem febris autumnalis ve-  
hemens ; corpus ex ægritudine debile;  
morbis jam aliquo tempore duravit ; ne-  
que signa adsint internæ inflammationis;  
neque collecti alicubi puris , neque obs-  
tructi admodum hujus illiusve visceris,  
Cortice Peruviano (*b*) abigetur , pulveris,

nanda , sed amaris , et aromaticis cum salibus li-  
xiviosis , vino simul infusis , et cortice ipso pe-  
ruviano medenda.

(*a*) Medicamenta purgantia in intermittenti-  
bus autumnalibus , et in ægris provectionis æta-  
tis febre penitus depulsa , et transacto ad mi-  
nus uno mense fructuose administrantur. Siden-  
hamus ex omissione hujus post febres autum-  
nales præsertim periculoso aliquem morbum  
postea secuturum pertimescebat. Dabat igitur  
catharticum , et finita hujus operatione parego-  
ricum non omittebat.

(*b*) Boerhaavius hic plurima requirit ad  
corticis peruviani administrationem , qui me-  
thodice , debitissimis cautelis , à prudenti Medico,  
non empirice , et indiscriminatim exhibendus.  
Cortex peruvianus ex sua indole innoxius est,  
hominibus debilissimis hypochondriacis , hyste-  
ricis . . . adhibetur cum fructu. Van-Swietenius  
ipse refert se sumpsisse mane jejunum bihorii  
spatio integrum corticis peruviani in pollinem  
contriti unciam , neque aliquid inde detrimen-  
ti percipere potuisse.

Nihilominus Ill. Senae prudenter monet corticem istum amarum, adstringens, tonicum, et aromaticum medicamentum esse; certis ideo in casibus, aut temperamentis si exhibeatur calorem accendere, siccitatem in universa cute efficere, stomachum laedere, dolores in eo, et aliis etiam partibus excitare, pulmoneam simul attingere, et inde non raro sanguinis sputum . . producere. Ph. Model in cortice isto invenit ferrum, substantiam resinosam, terramque calcaream, (Recreat. physiq. tom. I. p. 350.) Tom. VIII. Anal. Chemic. Lavoisierii . . extat exactissima corticis hujus analysis merito videnda. Hippol. Franc. Albertinus plurima adversus corticem etiam proposuit. Nos certiora seligemus. Si evacuationes aut excretiones ante febrim aut ejus vicinitate fuerint ut in juvene scabie laborante, et simul salivæ profluvio, quæ accedente febri intermitenti evanuerunt, fugata ista febre per corticem prodiit parotis cum inflammatione, dolore, et febre acuta. In fistula ani ichorem fundente, pedibus tunentibus, insueto quotannis cutis rubræ prurigine, et bullulis inde se eferentibus: in podagra retropulsa . . si isti febre intermitente obsideantur pessime cedit cortex iste peruvianus inconsulto praescriptus. Legi digna sunt quæ adducit Senacus Libri IV. cap. VI. de corticis peruviani non innoxii effectibus, et cap. VII. quænam cautelæ adversus noxios corticis peruviani effectus adhibendæ sint, ne tam eximiæ panaceæ usus in abusum vertatur ut ait iste pag. 335.

Hæc pro Tironibus sufficient, ne in usu hujus corticis inconsulto precipitentur.

Inquirendum igitur inter alia sedulo an ali-  
quid lateat in corpore , quod febrim exigit , ut  
cito et tuto tolli possit ; uti etiam an à febre si  
relinquatur expectari possit insignis quædam uti-  
litas sive in tollendis inveteratis malis , sive mu-  
tando corpore ita ut ad firmam valetudinem vel  
et longævitatem disponatur. In his enim utilitè  
cortice abstinendum. Præcipuæ autem ratio-  
nes , quæ hujus remedii usum postulant , varia-  
que cautelæ in ejus usu observandæ hac enu-  
merantur paragrapho. *Velox pigritia* medica-  
trorum ajebat alibi Boerhaavius (§. 1153. Inst.  
Med.) ad auditam vocem febris intermittentis  
continuo quinquinam inclamat.

In tertianis autumnalibus vehementibus ne-  
cessarius est cortex , et licet ita non sint , si jam  
ægrum debilitaverint corticis inquam jam adest  
necessitas. Vernæ tertianæ ita vehementes regula-  
riter non sunt , et ideo corticem non ita præcipi-  
tanter exigunt. Tamen sicut in tertianis autum-  
nalibus levibus non adeo necessarius cortex , in  
vernalibus gravioribus ad eum confugiendum.

In tertianis regularibus non statim sa-  
natio procuranda ; sed aliquæ accessiones per-  
mittendæ ante corticem. In usum revocanda in-  
terim illa omnia jam dicta ut diluentia , ap-  
perientia , venæ sectio , vomitoria . . . juxta exi-  
gentiam , quibus vel febris ipsa tollitur , vel  
ita corpus ægri præparatur , ut cortex vires suas  
salutiferas exerceat sine damno ullo. Maximi-  
momenti hæc regula est , ait hic van-Swieten-  
nius , qua neglecta mors quandoque , sæpius au-  
tem dira , et anomala penitus symptomata se-  
cuta fuerunt ipsa certe febre longe pejora , ut

abdominis tumores, aphonya, intolerabilis anxietas.. icterus, hydrops, asthma, nervosi systematis totius mira ataxia, dolores vehementissimi vagi.. quandoque imprudentem talem corticis peruviani usum secuta fuisse observationibus medicis constat. (Vid. Essais et observations de Medicine de la Societe d' Edimbourg tom. IV. pag. 512.) Hinc summa ratione consuluit Sydenhamus ne *premature nimis hic cortex ingeneratur*.. nisi colabescentes et jam fractae ægri vires eundem temporius summendum esse dictaverint; alias nedum ineficax, sed ne de vita ægri agatur, si sanguini omni fermentationis nixu se despumanti eam derepente injiciamus remoram (Sect. I. Cap. 5.) Quarta, vel quinta tamen accesio ut plurimum usum corticis jam permittit vel exigit. Si aliquod symptoma in ipsa prima acceseione bene cognita perniciosum appareat in eadem ipsa, vel immediate post ipsam magna dosi cortex præscribendus.

Quando aliqua adest inflammatio interna cortex iste suspendendus donec tollatur, vel mitigetur illa. Levior hepatitis species aliquando intermittentes autumnales epidemicas commitatur, quo casu semper pessime cessit corticis usus. Hoc igitur maxima cura observandum ante corticis exhibitionem.

In tabidis sæpe observatur febris quotidiana quandoque omnino intermittens, aliquando remittens tantum, quæ à pure quotidie facto, et dein per sputa educendo nasci videtur. Per talem febrim fit hujus puris concoctio, quæ si cortice peruviano dato tollatur pessime sem-

per se habent tales ægri , et summae patiuntur  
anxietatem , adeoque si vel minima suspicio col-  
lecti alicubi puris adsit à corticis usu absti-  
nendum est. Tinctura hujus corticis tamquam  
roborans , et sanguinem à purulentia præservans  
poterit ut plurimum convenire.

Obstructiones viscerum abdominalium admo-  
dum magnæ fiunt dum fervidissimæ æstates liqui-  
dissimam sanguinis partem dissipant , residuum  
spissum , et tenacius difficilis per hepatis angus-  
tias transire faciunt. Pariter summi illi æstus  
ad febres intermittentes epidemicas in autumno  
disponunt. Rebus sic stantibus lenia emeti-  
ca , decocta graminis , et aliorum apperien-  
tium cum sale polychresto .. præmittenda , sol-  
vendæ ita viscerum obstructions , et cortex eo  
usque retardandus ; nisi magna debilitas aut  
aliud symptoma urgens inducias , sive coactam  
curationem expostulent.

Cortex peruvianus in substantia seu in pul-  
verem redactus præstat quando totæ suæ vires  
necessariæ sunt. Si ratione idiosyncrasiaæ alvus  
perturbatur , vel excitatur vomitus molestus the-  
riaca , seu diascordium ei admiscenda. Si ali-  
quod symptoma perniciosum se se ofert hujus  
correctivum ei addendum v. gr. si syncops , ali-  
quod cardiacum , vinum .. si cholera morbus,  
opiata .. Sales alcalini fixi additi cortici dum  
in aqua decoquitur coccineum colorem coctio-  
ni conciliat. Cortices citri , aurantiorum , ci-  
nammomum .. saporem emendant.

Remedium istud tempore apyrexias , seu in-  
ter duas accesiones intermedio præscribendum.  
Uncia una sex , vel octo dosibus regulariter suf-

ficit. Ut recidiva præcaveatur ulterius procedendum usque ad tres uncias partitis vicibus diebus præsertim respondentibus continuanda. Regimen seu alimentorum , et potulentorum administratio arbitrio Medici relinquenda.

Remedium istud variis modis potest exhiberi. Clysmata ex quatuor vel quinque uncisiis aquæ , et tripla corticis dosi , tribus nempe vel quatuor drachmis in intestina prius alio clystere eluta , injecta , et quoties opus fuerit repetita æqualiter fere prossunt , ita Helvetio aseverante. Balnea pedum à Cl. Alexandro laudantur cruribus postquam probe fricata fuerunt immersis in vas angustum decocto ex libra una corticis et sufficiente quantitate aquæ repletum. Hæc in pueris , et morosis tentanda. Vid. Murray Apparatus Medicamentorum Tom. I. pagin. 475.

(a) Cum alibi jam dictum fuerit causam proximam intermittentium esse characterem subtilissimo fluido , et nervis impresum , aliquando iste mutari poterit sive deleri per talia , quæ subtili fragrantia in nervos , et spiritus nervosos age-re possunt. Hinc cardiae , carpis , poplitibus , vel axillis imponi solent *epithemata* aliquot horis ante paroxysmi futuri tempus.

Ad eundem finem *inunctiones* , seu linimenta ad spinam dorsi applicantur. Fuliginem cum terebinthina , millefolium saceulo inclusum . . laudavit Boileus. Erigerum sive senetionem vulgarem dictum in pultem contusum frigide applicatum cardiae die intercalari febres intermit-tentes curasse legitur. Hæc in junioribus , qui

769 Ut singularis fiat curatio singu-

sæpe pharmaca omnia respuunt, et aliunde mobile genus nervosum habent, à quibus possunt affici, aliquando profuerunt. Ista innocua censentur. Alia etiam laudantur, quæ partes, quibus applicantur stimulant, irritant, inflammant, imo et erodunt sæpe, et in toto corpore majori calore excitato frigus incipientis paroxysmi præoccupant. Ranunculus pratensis in pultem contritus intra manuum digitos alligatus aliquando profuit. Hæc tamen curatio crudelis, raro utilis, et sæpe noxia.

*Adstringentia* jam ab Hippocrate laudata fuerunt (Lib. II. de Morb. Cap. XIII.) Pentaphylli radices acetabuli quantitate (ad uncias duas) ex aqua tritas dabat. Quando ægri vel ex propria temperie, vel per morbum ipsum nimis dissolutos humores habent, et profusis sudoribus disfluunt . . adstringentia prosunt; si vero sanguinis adest crasities nimia vel viscera obstructa, ista nocent, et attenuantia, et resolventia præferenda ut jam dictum.

Cave tamen ne in hisce inutilibus utplurimum tempus nimium insumatur: aliquando enim accidit post aliquot accesiones quantunvis regulares inopinato accessionem perniciosa supervenire, quæ ægrum è medio tollat, vel in præcipiti periculo constitutat. Cortex peruvianus mirabile ipsius DEI donum his omnibus præferendum, et eo ipso tempore quo applicantur ista innoxia in ægrorum tutamentum administrandus. His nostris temporibus laudantur sacci, epithemata, balnea . . cortice isto peruviano parata; sed etiam ista omnia utplurimum insufientia.

larum, notetur 1. intermitentes veras quo minori spatio quiescunt (*a*), eo finiri citius, et contra. 2. eo itidem plus accedere ad acutarum genium, et in has mutari. 3. causam eo mobiliorem forte, et copiosiorem habere. 4. hinc vernales, superveniente calore, sponte solvi. 5. autumnales, accedente frigore, increscere. 6. inde liquere, quibus febribus (*b*) medicina facienda, et qualis (*c*).

(*a*) Quotidiana febris videtur hujus regulæ exceptionem facere, cum parvo spatio quiescant inter se paroxysmi, et nihilominus non cito, sed tardissime finiatur. Tertianæ autumnales sæpe etiam productos et geminatos paroxysmos habent, continuas febres æmulantur, et longissimæ sunt.

(*b*) Vernæ febres intermitentes benignæ, in corpore juvenili, sano... vix ullam medelam requirunt; autumnales longe difficiliores sunt magnam sæpe Medici attentionem, et multa artis molimina exigunt pro vario constitutionis epidemicæ genio, ætate, temperie.

(*c*) Qualis medicina, sive quæ methodus in intermittentibus curandis adhibenda sit notari debet. Ad id præ oculis habenda duplex illa methodus, quam optime proposuit Sidenhamus, nempe *methodus*, qua se natura liberare solet ab his morbis... vel illa, qua in ipsam causam specificam agens Medicus remediis efficacibus, ac *specificis*, seu illis quæ absque ullis turbis vel evacuationibus agunt cortice nimirum peruviano curatio perficiatur.

De hemitriteo (semitertiana) et tertianis perniciosis in Appendice agetur. Circa quartanam febrim aliqua huic capiti de febribus intermittentibus adjicienda.

Facile cognoscitur ista febris accessionibus quarto quoque die invadentibus dupli die intercalari libera. Autumno sunt febres istæ frequentes. Horrore, frigore, et aliquando rigore longo; et molestissimo incipiunt, calor ustivus et situs immanis sequuntur, dolores per varia corporis loca adsunt. Per quindecim vel decem et sex horas protrahuntur. Profusis sudoribus, et dejectionibus nigricantibus terminantur. Urinæ paroxysmis primis tenues: circa quartum vel quintum lateritiae jam solent apparere.

An bilis crasa, adusta, inflammata, vel putrefacta harum est causa? Antiqui ita senserunt. Causa ista, et harum febrium pertinacia, in corpore impuro, hypocondriaco.. eam gravem, et timendam offerunt, senibus præsertim.

Curatio aliquando diæta severissima ab initiiis obtinetur, quæ semper ita instituenda. Morbus iste ex se venæsectionem non respuit. Quæ per sanguisugas vasis hæmorrhoidalibus applicatas exercetur præferenda. Incidentia, diluentia.. salia neutra, succi depurati cichoracei, et antiscorbutici, gummata, spones.. adhibenda. Emetica præstant, purgantia attentis circumstantiis administranda. Cortex peruvianus apparente præsertim urina lateritia præscribendus, et ad quatuor ad minus uncias partitis vicibus continuandus.

Cortex iste cum sale cichorei, absinthii, tartaro martiali solubili.. sociandus. Hinc decoctum febrifugum *salsum* laudatur. Cascarilla ab aliquibus ipsi cortici pro quartana debel-

Ianda præsertur. Serpentaria virginiana fortasse validior. Sal ammoniacum est etiam optimum remedium. Nitrum iis mediis calefacentibus miscendum. Electuarium febrifugum Pharmacop. Hisp. (vulgo antiquartanarium) ex tartaro emetico, crystallis tartari, cortice kinæ, et aceti syrupo confectum remedium est herculeum. Mercurius dulcis cortici mixtus, egregius. An opium pariter? His omnibus incasum adhibitis ad aquas thermales vi purganti donatas configiendum.

Sauvagesius Cl. II. *Febres*, ordine III. *Intermittentes*. Genere X. *Tertiana*. Species: legitima (duodecim horarum) spuria (viginti) pectialis, pleuritica, arthritica, asthmatica, emetica, hysterica, scorbutica, carotica, ab seabie, accidentalis, (levissima) duplex (quæ quotidie) duplicata (quæ accesus binos habet alternis diebus ut prima et tertia, nullum vero die secunda, quarta, &c.) triplex, epileptica, syphilitica, verminosa, subcontinua (subintrans in continuam facile transiens) hemiplegica.

Cullenius Cl. I. *Pyrexia* Ordine I. *Febres*. Genere I. *Tertiana*. Species additæ: semitertia- na primi ordinis Galeni, hemitriteus Celsi . . tetanodes, cholérica, sive dysenterica, subcruenta sive atrabiliaris, cardiaca, assodes, typhodes, elodes, sincopalis, algida, epiala, leipyria, perniciosa ex Ludovico Meccato Lib. VI. de Febribus, pestilens ex Petro Salio Diverso de febri pestilentii cap. X. maligna pestilens Riverii.

Quartanæ species eadem fere sunt. Addendæ tamen: splenetica, cataleptica, nephralgica, infantum, triplicata . . continua?

A P H O R. 758.

*Medicamenta huc referenda.*

Sales herbarum Tacheniani omnes,  
quorum præcipui ex Absinthio  
Carduo benedicto  
Stipitibus fabarum..  
parantur.

## Nitrum.

## Stibiatum , et

## Stibium Diaphoreticum non ablutum.

## Sal Ammoniacus

## Prunellæ

## **Polychrestus.**

## Tartarus regeneratus

### **tartarisatus.**

**Sal Tartari cum oleo Terebinthinæ in saponaceam massam redactus.**

Herbæ omnes Aromaticæ in omnibus suis  
partibus. Vid. totum Aph. 75. N. 5.  
Aph. 54. N. 4. maxime ad titulum  
*Resolventium.*

A P H O R. 759.

### *Vomitorium in febre intermittente.*

R. \* Tartari Emetici grana quinque.  
Fiat Pulvis.

**Una dosi sumendus.**

*Pilulæ Emeticæ.*

R. \* Tartari emetici grana quinque  
 Micæ panis quod sufciat,  
 Ut fiant Pillulæ numero quinque  
 Pro una dosi.

*Haustus emeticus, valde movens.*

R. \* Vini emetici uncias duas,  
 Oxymellis scillitici drachmas sex.  
 Misce. Fiat Haustus.

*Bolus emeticus.*

R. \* Tartari emetici grana quinque  
 Gelatinæ Ribesiorum unciam semis.  
 Olei Cinnamomi guttam unam.  
 Misce. Fiat Bolus.

*Purgans.**Pulvis.*

R. Pulveris cornachini scrupulos duos.  
 Pro una dosi.

*Potus.*

R. \* Pilularum cochiarum majorum scru-  
 pulos duos

Syrupi Rosarum solutibarum unciam  
semis,

Aquæ stillatæ florum Sambuci uncias  
duas.

Fiat Haustus.

*Pilulæ.*

R. Aloes lotæ grana duodecim,  
Mirrhæ grana decem,  
Opopanaxis grana quinque,  
Salis Gemmæ grana quinque.

Misce. Fiant pilulæ numero novem.

A P H O R. 761.

*Sudoriferum Antipyreticon raro fallens,  
Misturæ forma.*

R. Salis Polychresti drachmas duas  
Syrupi quinque radicum aperientium  
uncias duas.  
Opii puri grana duo.  
Aquæ stillatæ fermentatæ Cardui be-  
nectedi , Absinthi , Rutæ , Majora-  
næ , Menthæ singularum unciam  
unam.

\*\*\*\*\* Doses hujus Tartari emetici hic ; et  
etiam in Pharmacopœa hispana , immodicæ.  
Pilulæ cochiæ majores , et minores drasticæ  
sunt , acerrimæ ; et ideo vitandæ.

Extracti absinthi uncias duas.

Misce. Capiat cochleare unum omni quadrante horæ ; superbibendo uncias quatuor sequentis decocti post singula quæque.

*Simile, Decocci forma.*

R. Radicis Imperatoriæ drachmas sex.

Ligni Sassafras,

Santali Rubri singulorum uncias duas.

Foliorum virgæ aureæ manipulos duos.

Florum centauræ minoris unciam semis.

Seminum contusorum Dauci Cretici drachmas sex.

Infusa vase arcte clauso per horas duas absque ebullitione, sed fere fervida, dein parum ebulliant, tum Decocci pintas duas Exhibe.

A P H O R. 763.

Vid. 634. 640.

A P H O R. 767.

*Pulvis in febre autumnali diurna corpore debilitato, sumendus.*

R. Corticis Peruviani boni unciam unam. Fiat Pulvis dividendus in duodecim doses.

Capiat omni bihorio unam ex vino.

*Decoctum in eodem casu.*

R. Corticis Peruviani uncias tres.  
 Aquæ communis uncias duodecim.  
 Infusa spatio duarum horarum, dein per  
 horam ebulliant, tum adde  
 Vini Galici uncias quatuor.  
 Ebulliant rursum parum in vase al-  
 to; dein  
*Decoctum purum exhibe.*  
 Capiat unciam unam, et semis omni bi-  
 horio.

*Vel.*

R. Corticis peruviani uncias tres.  
 Vase clauso spatio duarum horarum  
 in aquæ communis decoctæ unciis  
 sexdecim exhibe.  
 Capiat ut præcedens.

*Extractum simile.*

R. Decoctum præcedens.  
 Exhala ad mellis spissitudinem.  
 Sumat divisum in quatuor doses.

*Vel.*

R. Extractum præcedens.  
 Dilue in syrupi quinque radicum ape-  
 rientium uncia una.

Erit Syrupus.

Usus ut extracti.

*Vel.*

R. Extractum præcedens.

Admisce pulveris glyzirrhizæ quantitatem sufficientem,

Ut fiant pilulæ, granorum quatuor.

Consumat omnes spatio apyrexiaæ.

## A P H O R. 768.

*Linimentum calidum ad spinam Dorsi  
inungendam.*

R. Olei scorpionum

Castorei

Baccarum Juniperi

Camphoræ de radicibus cinnamomi

Laurinum

Terebinthinæ

Balsami Sulphuris Terebinthinæ  
singulorum unciam semis.

Misce. Pro linimento descripto.

*Decotum adstringens.*

R. Plantaginis totius latifoliæ uncias de-  
cem.

Radicis Tormentillæ recentis uncias  
duas.

Decoctum in aquæ pintis duabus exhibe.

Bibat uncias tres omnibihorio.

*Pulvis similis.*

R. Aluminis rupei drachman unam,  
Nucis Myristicæ drachmas duas,  
Pulveris Boli armenæ grana duodecim.  
Misce. Fiat pulvis.

Hora una ante paroxysmum hauriendus.

*Epithemata.*

R. Uvarum Corinthiacarum,  
Summitatum Lupuli,  
Salis marini, singulorum uncias duas.  
Contusa in pultem pulsuum locis applica ad Arterias.

R. Summitatum Rutæ viridis uncias duas,  
Seminum sinapi drachmas duas.  
Contusa exhibe ad Epicarpia.

APHORISMORUM, ET MAT. MED.  
PRIMÆ PARTIS.

FINIS.

## AD TRACTATUM

DE FEBRIBUS,

IN QUA DIVISIONES ALIQUOT,  
SYMPTOMATA DUO FEBRILIA, ET FEBRES  
ALIAE IN COMMODUM TIRONUM  
APRONUNTUR.

**F**ebris est : Morbus cuius ideam pulsus naturali velocior absolvit , et quem lessio functionum aliarum utplurimum committatur.

Ipsa pulsus velocitas major jam aliqua functio lessa est.

Divisiones febrium in acutam , et lentam : communem , seu epidemicam ; et sporadicam , seu huic illive homini singularem , et subdivisio febrium acutarum in continuas continentes , continuas remittentes , et intermittentes , quas Boerhaavius proponit sunt omnino retinendæ.

Inter continuas continentes , quæ uno veluti ictu suum cursum absolvunt proponitur primo diaria seu ephemera , quæ vigintiquatuor horis terminatur. Si hæc ad duos vel tres dies extenditur non dicetur

ephemera , seu unius diei , sed diaria extensa , sive synochus pura.

Febris continua inflammatoria , seu synochus non putris , quæ etiam est continua continens brevissime à Boerhaavia pertractatur Aph. unico 729.

Febris ista inflammatoria hac nostra Regione calida frequens valde est , ideo amplius pertractanda. Mox igitur uberior hujus febris descriptio proponetur.

Quando calor in feribus acutis inflammatoriis , putridis , ardentibus , et intermittentibus etiam ad summum æstum adscendit sive à putrefactione , sive ab inflammatione , sive ab utrisque simul varia symptomata terrifica observantur , quæ harum febrium divisiones utiles eformant. Tales sunt:

Febres *Epialæ* , in quibus frigus , et æstus cutaneus alternatim velociter trans-eundo ex uno ad aliud observantur. Hæ ab humore erisipelatoso interno vago , et carbunculoso procedere creduntur. Periculosum est istud symptomæ , et fere semper letale. Videatur infra febris erisipelatosa.

Febres *Lypiriæ* , in quibus summa sitis , et calor internus summus cum tempore cutis observantur. In his inflammatio caustica aortam , venam cavam , portamque circa cor , et jecur ocupare creditur , cum circa istas partes summus æs-

tus observetur, et sanguis ejusque calor ibi remoram passi ad eutim non perveniunt, hincque in ista frigus, vel ad minus tepr observatur. In us remedia suprema antiphlogistica statim adhibenda. Inflammatio ista in gangrenam præcipitato tendit.

Febres *Assodes* in quibus anxletas summa, jactatio, et inquietudo cum perpetuo stomachi fastidio, et nausea. Hæc omnia ab acerrimo humore ventriculi orificium vel ejus tunicas mordente, seu ab inflammatione ustiva in arteriis cysticis, hepaticis, cæliacis.. procedunt ut anatomiā demonstratur. Copiosus sudor, et diarrœa biliosa circa diem quartum advenientes proficiunt, et ista fortase solvunt. Venæsectio, erhetica, acida mineralia, balnea vaporis, sanguisugæ, epispastica, cortex peruvianus.. prodese poterunt.

Febres *elodes* sunt illæ, in quibus præter symptomata inflammatoria sudores colliquativi ab initio ipso observantur, vires dejicientes, linguam excantes, interna adurentes. Venæsectio in ipso initio, cortex peruvianus acidis mixtus.. sunt remedia unica; ut plurimum tamen insufficiencia.

Febres *phricodes* seu horrificæ et algidæ hæ dicuntur in quibus horrores frequenter solefit accidere. Ex mixta materia biliosa scilicet, et pituitosa emergere

creduntur. Difert ab hemitriteo quod quotidie rigores longi paroxysmum committentur ; alternis vero diebus in hemitriteo. Cortex peruvianus est unicum auxilium. An Bezoardicum jobiale Riverii à Sauvagesio citatum proderit ?

Omnia ista symptomata terrificā , atque deleteria nedum febres inflammatorias , putridas , ardentes .. commitari possunt , sed etiam intermittentes , tertianas præsertim quas omnimode perniciosas efficiunt. In his cortex peruvianus raptim , et affatim exhibitus ab orci faucibus miseros eripere fauste poterit.

Notæ etiam sunt divisiones aliæ febrium v. gr. febres eruptivæ ut variolosæ, morbilosæ miliares , petechiales.. nosocomicæ , carcerariæ .. De his postremis nuperime scripsit Sebastianus Cera brevem , sed tamen dilucidum tractatum. An. 1792.

Divisio febrium in diurnas , et nocturnas proponitur (ex Hipp. Lib. I. Epid. et aliis locis) ab Antonio Gometio Pereyra Tractatu de Febribus cap. XLV. pag. 314. et à Pet. Mich. Heredia cap. LV. Sect. IX. pag. 264.

Sunt etiam febres quotidianæ , pituitosæ sive mesentericæ , suppuratoriæ , hecticæ , catarrhales benignæ , malignæ , lacteæ , puerperales. . .

Divisio febrium continuarum iis nostris temporibus usitatissima est in sy-

nochum seu inflammatoriam ; et typhum, seu lentam nervosam , et aliam ex utraque mixtam. De Morbo *Typhus* jam Hippocrates tractavit (Lib. III. de inter. affection.) Sed tamen videndi Recentiores Cul- lenius , Huxhamus , aliquie qui spartam istam amplius exornærunt.

Denique observantur , et observatione exactissima dignæ sunt febres *stationariæ*, et *annuae* , de quibus mox ex Maximiliano Stollio , cuius etiam en duo symptoma febrilia , *malignitas* nempe *febrilis* , et *status nervosus* , quæ scitu sunt admodum necessaria , et de quibus non agit Boerhaavius inter sua symptomata febrilia verè OPTIMA !

## MALIGNITAS FEBRILIS.

**D**ebilitas *vitalis* in principio febris, sponte orta absque causis cognitis debilitantibus , plethora , inflammatione maxime abdominali , gangræna , saburra turgente , jactura humorum gastricorum per vomitum , secessum , sanguinis ; hysteria, hypochondriasi , &c. *malignitas* appellatur , cuicunque febri , frequentius tamen putridæ sociata , non bene quæsita in syndrome symptomatum magnorum , numerosorum , insolitorum ; nec in abnormi de-

eursu morbi ad exquisita remedia pervicacis, ejusque magno discrimine.

Hinc synochus putris cum hac vita debilitate invadens *cat' exochen* (eminenter) *febris maligna* erit.

Sunt ergo febris malignæ, et communia putridarum symptomata, et pathognomonicus character *virium vitalium proportionatio vera*.

Hanc produnt subita non prævissa debilitas, lassitudo, dedolatio, cum vertigine, carebaria (*capitis dolore*), sensibus internis, externisque tardis, obtusis, confusis; aspectu lugubri, lacrymoso, desperabundo, vel ob morbosam indolentiam indifferenti (unde fallax morbi perniciosi lenitas non raro); pulsu molli, tenui, debili, parvo, accelerato, remittente, intermittente, omni modo inæquali, situs erecti impotentia ob metum lypothymiae letalis.

Ubi hæc in morbi exordio adsunt, erit *Malignitas vera, primaria*; rarus morbus.

Ubi vero synocho putri serius superveniunt, sponte, mala medicatione, malignitas *secundaria, spontanea, aut facticia*; utraque non rara.

Causa proxima *malignitatis protopathicæ* ignota, atque anonymos, sola effectu enervante, mortificante se manifestans, cordis, et vasorum arteriosorum irritabilitatem, atque adeo vitam ipsam aggreditur directe.

Hujus vero , uti et *deuteropathicæ*, remotiores causæ sunt , evacuationes prægressæ , et presentes , magnæ , repetitæ, diu continuatæ , spontaneæ , artificiales, sanguinis , seri , bilis , seminis , spirituum, sudor , diabetes , salivatio ; diarrhœa ; defectus cibi assumpti , retenti , digesti , intropulsi ; humores circumneentes acri quo- cumque infecti , eorundem discrasia , undecumque nata , causæ febrium biliolarum, putridarum, plures , graviores , diutius applicatæ , vitium epidemicum , endemicum.

Ex hac idea malignitatis notio practica , directrix , nascitur , unde agenda, et agendorum rationes.

Convenit ergo , quidquid in amplissima classe titulo cardiaci venit , potissimum vinosa , spirituosa , aromatica , roborantia , adstringentia , acida mineralia dulcificata , salia volatilia acida , alcalina , media : cortex peruvianus , serpentina virginiana , contrajerva , angelica , hisque similia quamplurima , ori ingesta , ano immissa , naribus , locis subaxillaribus, scrobiculo , abdomini adplicata per modum potus , odoramenti , enematis , epithematis , frictionis , cataplasmatis , epispastici , rubefacientis , vesicantis .

Debilitatem non febrilem , virium animalium , et vitalium , in convalescentibus tollunt cibi liquidi , sanguini similes , arte digesti , gelatinosi , blandi ex anima-

libus , vegetabilibusque , vinosis , et aromaticis , secundum artem misti , s<sup>e</sup>pe , parva dosi dati , cum leni frictione externorum , repletionem efficiunt commodam , in primis si sumuntur ex idonea , contra morbi curati ingenium , materie , si et conveniens corporis exercitium , habitatio , et anni tempus opportunum accedat .

Ex his omnibus liquet cur febris maligna absque artis subsidio non sanetur , et cur cum eodem tam dificulter , ut vel probe curata occidat s<sup>e</sup>pius .

Cur in constitutionem putridam fr<sup>e</sup>quentius cadat , quam sub dominium aliarum febrium ?

Stabilito discrimine causarum utriusque debilitatis (*essentialis* , et *grabativa*) intelligi facilius potest , quomodo vi vitæ aucta , actiones animales persæpe debilitentur : cur in summa virium vitalium debilitate , præsente gangrena , pulsu celerrimo , debilissimo , vix micante : artubus frigidis , sudore frigido manantibus , facie hipocratica , nihilominus actionum animalium stupenda integritas , facilitas , quin et mentis subinde vis major , ad mortem perfec tam usque ?

Apparet quoque , quanti intersit , utramque speciem debilitatis (*mox dictæ*) accurate distinguere , cum quæ in una prosint , in altera plerumque noceant , et cum Medicus nullo instrumento metiri vires pos-

sit , quantopere adlaborandum sit illi , ut usu multo discat virium quantitatem juste æstimare ? quam rarus sit cardiacorum in acutis intellectus ? quam sit debilitas in febribus malum sæpe insuperabile ? Cur lassitudo diurna ante morbum , eundem gravem futurum prænunciet ; cur diutissime affligat post putridas , malignas , non diu post inflammatorias ?

An etiam alia febris maligna datur à volatili , et contagioso miasmate oriunda , ut quidam volunt , sudoribus motis , diu protractis sananda ? an febres hac methodo sanatae fuerunt vere malignæ ?

## STATUS NERVOSUS.

**S**ymptomata systematis nervei , illius partis præcipue , quæ actionibus animalibus præest , irritati , peculiaria , plura , diutius durantia , per febris decursum varia (et inde vitalium quoque , et animalium functionum pendentes turbæ ) , *Status nervosus* ; ipsa vero febris , quam is status commitatur , *nervosa* audit , nunc forte frequentior , quam olim .

Hæc vero sunt : tremores , horrores vagi , spasmi , palpiratio cordis , anxietas sæpe terrifica , imaginatio multipliciter læsa , animi pathemata varia plerumque tristia , validaque , desperatio .

Delirium multiplex , risus , ploratus , pavores , tenditum saltus , convulsiones , per vices , universales , partiales , temporariæ , opisthotonus .

Paralyses , semiparalyses , stupores , aphoniae , cito evanidæ , cum aliis symptomatibus alternantes .

Pulsuum perpetuae vicissitudines , in mollem , durum , celerem , tardum , parvum , magnum , remittentem , intermittentem , et varium omni modo , &c.

Horum causa proegumena morbida mobilitas (*eumetablesia*) excedens , deficiens , abnormis , systematis nervae , facultatis præprimis animalis .

Hanc dedit gentilitia labes ; educatio delicatula ; exercitia mentis præmatura , nimia , nocturna , aesthetica , vina , venus , edaces curæ , &c.

Superveniens febris , qualiscumque , undecumque nata , instar stimuli peregrini agit , vices supplens *procataartices* causæ .

Hinc febris inflammatoria , biliosa , putrida , pituitosa , hæcque frequentius , præ ceteris , et ipsa subin intermittens , nervosæ fiunt .

Nec semper abest in convalescente , ob febrim prægressam longam , evacuationes in ea magnas , neglectum curæ confirmatoriæ , labores mentis citius resumptos .

A statu nervoso febres exleges , coc-

tiones impeditæ ; crises laboriosæ , imperfectæ , suppressæ , per loca incongrua , metastaticæ , periculosæ ; convalescentia tarda , difficilis ; relapsus , nervorum mala.

Igitur cito , et efficaciter medendum , remediorum princeps est ipsius febris curatio apta.

Cæterum prosunt virosa , blanda narcotica , exhilarantia , tonica , castoreum , moschus , camphora , cortex peruvianus , valeriana sylvestris , opium prudenter exhibitum , &c. Si ea simul poscat , aut admittat natura febris .

Spes salutis , et confidentia in Medicum hic sæpe optimum cardiacum nervinum.

Ex his liquet quæ sit idea febris nervosæ verior , in praxi utilior ?

Cur febris nervosa non sit specifica , suique generis , sed revocanda ad alias febres , et ex earum præceptis sananda ? (*Num ita? Dubito. Vid. infra Febris nervosa.*)

Quanam ratione conciliandi observatores , hic tam diversa sentientes ?

Quæ sit differentia inter malignitatem , et statum nervosum , et cur utriusque con-nubium pessimum ?

Cur frigido humidoque cœlo , cur in sexu sequiore , in urbibus frequentior ?

Item quanti momenti sit tum hic , cum in aliis nervorum malis , exacte distingue-re inter emetablesian (mobilitatem exceden-

tem) cum atonia fibrarum ; et eam cum harum nimia elasticitate , rigiditate? et cur ibi (*virosa , blanda narcotica . . .*) ut prius nominata , hic vero blanda farinosa , emulsa , tepida , potu , fotu , enemate applicata , *nervina* sint?

## FEBRIS STATIONARIA.

**S**tationaria certo annorum curriculo continetur , sensim increscit , viget , atque iterum decrescit : alteri alterius indolis subnascenti locum concedens.

An *eædem stationariæ* post aliquot emensa annorum curricula certo ac stabiili quodam ordine recurrent ; num earum definitus quidam sit numerus , an vero novæ subinde nascantur , determinari non potest ob defectum observationum multis annis continuis , per industrios medicos , eodem in loco capiendarum , et cum aliis , alibi institutis , comparandarum.

Hinc ignoratur hucusque indoles , numerus , extensio , periodus febrium stationarum.

Id solum constat per observationes sydenhamianas , et nostras febrim stationariam omnibus omnino febribus , et febrilibus morbis , seu sint ab annua mutatione , seu à causa quadam singulari productæ ,

dominari, eosque in suam potestatem redigere.

In chronicos quoque, seu febriles illi sint, seu febris expertes, magnum imperium esse stationariæ febris.

Febris stationaria varios sœpe lusus habet, variosque morbos mentitur, utut eadem ubique sit et indoles morbi, atque eadem ubique medendi ratio.

Cognosci autem stationariæ natura potest, 1. ex spontanea morbi sibi relicti solutione solius naturæ viribus peracta, ejusdemque eventu vario, spontaneo, 2. ex juvantibus et nocentibus forte adhibitis, 3. ex analogia cum aliis febribus, aliunde cognitis.

Hinc intelligitur, quid agendum sit, in novæ febris ingressu.

Cum sub iisdem aeris qualitatibus sensibilibus diversæ nihilominus subinde stationariæ febres sint observatæ, patet, alias quoque dari, atque hucusque ignotas causas febrium popularium.

## FEBRES ANNUÆ.

**A**nnuæ febres dicuntur, quæ singulis annis constanti quadam lege recurserunt, seseque excipiunt, nisi quædam temporum anomalia, cœlique mutationes ab-

normes intercurrent, et hanc annuarum successionem turbent.

Sunt autem hæ annuæ: febris inflammatoria, biliosa, pituitosa, quæ quasi principes et febres cardinales considerantur, itemque intermittens.

Quarum singulæ tam late patent, ut innumeræ aliæ febres ad aliquam ex hisce reduci possint, ad eam videlicet, quacum major affinitas, et analogia intercedit.

Quælibet harum cardinalium definitæ anni parti respondet: inflammatoria adulteræ hyemi, et veri primo: biliosa æstati vigenti, atque inchoanti autumno: pituitosa vero istius fini, et initio hyemis, item veri in æstatem vergenti. Intermittens in ver atque autumnum cadit.

Quod si tempora anni consuetum suum tenuorem non observent, alias quoque erit febrium habitus ad anni partes.

Varia erit cardinalium harum duratio, intensio, modificatio, lusus, successio, degeneratio, complicatio, et intessere, et cum alfiis morbis, quæ omnia summa in medentis attentionem petunt.

Hæ quoque, quemadmodum stationariae, sensim increbescunt, vigentesque, ac sensim iterum decedunt, seu multitudinem ægrorum species, seu morbi vim.

Tum vero circa constitutionum annuarum initia, exitusque medium quod-

dam, compositumque genus febrium observatur.

Quælibet harum cardinalium morbos suos subalternos habet. Sic cephalalgiae, lippitudines, anginæ, tusses, fluxus alvini, &c. tanquam ægritudines subalternæ febri principem seu cardinalem sequuntur, eadem, ac febris dominans, ratione sanandæ.

Morbi quoque alii sub aīnua dominante observati aut ejusdem indolis sunt cum febre annua; aut, utut à causis singularibus producti, ab eadem nihilominus reguntur. Exemplo appoplexiarum, abortuum, arthritidis, hypochondriaseos, hydropsis, pthiseos, multorumque aliorum.

Unde maximi momenti lex sequitur, ut eidem ad speciem morbo sub differentiis febris annuæ dominio non eandem medicinam facias.

Febres annuæ suam denominationem sepe à quodam prædominante symptomate trahunt, unde pleuritica, peripneumonica, rheumatica, miliaris, petechialis, variolosa, morbillosa, scarlatinosa, erysipelatosa, tussis convulsivæ, dysenterica, &c. constitutio audit.

Nihilominus notio practica, et directrix morbi, non tam ex ejusmodi symptomate prævalente, quam ex annuæ febris natura, cum stationaria collata, deduci debet.

Atque universim , qui febri medetur, et annuæ simul , et stationariæ rationem habere debet : cum eadem licet stationaria , diversis anni partibus , diversa annua , diversimode alteretur.

An febres annuæ nonnunquam suos limites egrediuntur , vice temporum non suppressæ ? an tunc in alias anni partes, aliis febribus dicatas proferuntur , atque ita stationem diutius obtinent , stationariæ effectæ ?

## FEBRES SPORADICÆ , ET SINGULARES.

**F**ebres annuæ , et stationariæ nonnumquam solitariæ comparent , extra tempora sui principatus , ob causas peculiares iisdem gignendis aptas : *sporadicæ* vocantur.

Qui vero annuas , et stationarias populariter grassantes exacte didicerit , easdem ipsas non prætervidebit , utut solitariè vi-sas , et tempore non suo.

Aliæ quoque subinde febres occur-sant, horarum omnium ; nulli certæ temporum constitutioni unquam alligatæ ; à domes-tica , singulari origine natæ , idcirco *sin-gulares* dictæ.

Huc febris lactea , puerarum , vul-neraria , &c.

Hæ vero propriam licet, et originem et naturam nactæ, nihilominus vim epidemici experiuntur, in eundem commutandæ, eidem sociandæ. Inde ingens nonnunquam in eadem ad speciem febre curationis diversitas.

Idcirco in *singularium* curatione est inquirendum, 1. qua cum *cardinalium* major intercedat analogia; et 2. quæ sit potestas epidemici in *singularem*.

Ex hac comparatione *singularis* cum quadam *cardinali*, atque ex morbi simul popularis indole perspecta, velut ex dupli fonte eruitur notio practica proposita *febris singularis*: unde indicationes et indicata. Exemplo sit *febris lactea*, puerarum.

### FEBRIS LACTEA.

**F**oetu excluso, et utero contracto mutatur humorum circulantium dispensatio, uteroque exclusi mammae petunt impetuosis.

Inde febris, minor, majorve intra paucas subinde horas conclusa, nychthemeron vix egrediens, lacte ad mammae conjecto veluti crisi terminata, *ephemera lactea*.

Non reditura, nisi metastasi facta imperfecta ob excipientis ineptitudinem, vel molem excipiendi.

Tum vero mammis ob applicatas fas-

cias , thoraculos angustiores , pinguedinem multam , tumores , cicatrices , gentilitiam , nativam structuram , humoris velocius alati vim nimiam , ineptis suscipiendo toti lacti , fit turgor , plethora lactea , lacteo-inflammatoria , et effectus ejusdem varii , quorum princeps febris *lactea protracta* , seu *secundaria*.

Estque acuta in non lactantibus , vel non sufficienter , continua remittens , cum accessione quotidiana , horrore longo , calore insequente , et sudoribus largis diu protractis . Periculosa est inepte curata , aut in consortio alterius , tum forte epidemicæ grassantis .

Terminatur , 1. sudoribus sub finem accessionum , 2. spontaneo vel artificiali lactis fluxu è mammis , 3. lochiis profusioribus , lactiformibus , 4. urinis , 5. alvo , 6. miliaribus , crisi ambigua , 7. metastasi lactea , inflammatoria , ad encephalum , thoracem , abdomen ; supremum femur , &c. eventu vario .

Inde deliria , convulsiones , apoplexiæ , peripneumoniæ , asthmata , hydrops lactei , purulenti , et abscessus in locis variis .

Subinde in morbos chronicos abit , maniam ; febrim hecticam , arthritidem ; fluorem album ; concipiendi impotentiam utero laxato ; concepti emissionem ; abortiendi proclivitatem .

Comparatur protracta lactea cum febre plethoricorum, inflammatoria; synocho imputri; atque ad hanc, tanquam ad febrim illam *cardinalem* quacum est major similitudo reducitur; hinc ergo indicationes, et tota medendi ratio petenda.

Prior medelam non petit; posterior sanatur

1. Vitando frigida, aromatica, vino-sa, calorem nimium foci, lectique; medicamenta calida, utut specioso aristolochicorum titulo superbientia; animi affectus validos, iram, terrorem præprimis, quiete corporis, animique conciliata.

2. Minuendo plethoram:

*a* Diæta tenui, antifebrili;

*b* Excretiones sollicitando varias, scilicet: *a* lactis efluxum è mammis suctu tempestivo, indolente; earum fotu, epithemate laxante. *b* perspirabilis materiæ tepore lecti, potusque emollientis, sambucini, copiosi. *c* alvi ope enematum, salium mediorum, magnesiæ muriæ, &c. *d* lochiorum non aristolochicis; sed fotu emolliente hypogastrii, pudendi, vaginaliæ, uteri; injectione ex emollientibus. Quo autem natura vergit, eo præprimis ducendum.

*c* Mittendo sanguinem, fovendo partem dolentem, in motu febrili nimio, nimium diuturno, inflammatorio; dolore alicubi fixo atque inflammatorio.

Medendum et mammis nimium repletis, turgidis, tensis, dolentibus, inflammatiis, tempestivo suctu, non violento, priusquam inflammatio accesserit; omisso, si doleant: tum vero fotu, aut cataplasmate emolliente applicato: tandem, inflammatione remissiore, emolliendo discutientibus.

Est autem (quod maximi faciendum) in tota curatione inquirendum simul, an aliquid, et quantum accesserit huic febri ex morbo populari, annuo æque ac stationario, atque inde quoque agendorum rationes capiendæ.

### FEBRIS PUPERALIS.

**N**ulla febris est, quæ non aliquando in pueroram cadat; ea vero præprimis quæ *constitutioni præest*.

Hanc autem excitant in debiliore, quo cumque puererii tempore, subinde ultimis diebus graviditatis, præ ceteris partus ipse laboriosus, manu rudiore, ferro absolitus; fœces antiquæ tempore graviditatis collectæ, acres, commotæ; abusus oleosorum, opiatorum, absorventium, aristolochicorum, stragulorum; errores diabetici; aer non renovatus; febris lactea validior, diuturnior, male curata.

Hinc patet, male semper uteri, ejus

appendicum , intestinorum , mesenterii, omenti , peritonei inflammationem statui pro hujus febris causa ; neque ubique aut saburralem , aut putridam esse.

Atque universim , non esse *specificam* febrim puerarum ; sed *eandem cum regnante , modificatam solum à puerperio.*

Inde ratio quoque dissensionis inter praticos.

Tamen pauperiores ; hinc parce , maleque pastæ ; vel et aliæ ex causa quacunque antecedente debilitatæ ; tempore austriño, molli , aut pluvioso , subfrigido ; in depressis habitantes , febrim pituitosam , longam, miliarem in puerperio saepius experiuntur.

Practicorum examini subjicitur an materies lactea corpus oberrans toties , ut arbitrantur , ad diversas partes corporis deponatur ?

An vero saepius ob febrim auctam varia loca , præprimis glandulosa , aut antea obstructa , inflammentur , suppurent , aut lympham phlogisticam crisi erronea in proxima cava dimittant? ut idcirco aut pus , aut materies inflammatoria pro semi-coagulato lacte imposuerit?

Id quidem frequenter accidisse expertus novi.

*Hucusque Stollius in Aphorismis de cognoscendis , et curandis febribus.*

*Quæ sequuntur ex Medicina clinica Christiani Theophili Selle transcripta sunt.*

## DE FEBRIBUS CONTINENTIBUS.

**E**xperientia docuit, febres eo prouiores esse, uno tenore ac sine intermissione adscendere, et judicari, quo magis causa proxima in sanguine ipso continetur. In omnibus illis casibus, in quibus materia febrilis non in ipso sanguine nata est, sed semper demum in vasorum sistema infertur, febres in remissiones atque exacerbationes sunt proclives. Febres ex humoribus acribus in primis viis, aut ex ulcere, aut ex obstructionibus oriundæ numquam sunt indolis continentis.

Hæ febres nostro ævo sunt multo rariores, quam pristinis temporibus fuisse dicuntur, quia nostra vivendi ratione primæ viæ tantopere debilitantur, ut hæ semper fere officina materiæ febrilis sint, aut saltem naturam febrium immutent. Verum tamen hæ manent ideale, quod theoria necessariò determinare debet, et sine illo praxis longe vaga esset.

Felix in his febribus exitus à viribus unice pendet. Crisis semper fere contingit per sudorem atque urinam. Raro materia febrilis è sanguine in primas vias deponitur, raroque inde per vomitum aut alvum evacuatur.

Noxia igitur in his febribus sunt om-

nia medicamina evacuationem primarum viarum perficientia. Atque est princeps canon practicus: tanto in febribus cum remediis evacuantibus cautiores esse debere, quanto magis illæ indolis sunt continentis.

Dantur quidem febres continentes è remittentibus oriundæ, colluvie in primis viis contenta in sanguinem migrante, materiamque febris continenter agentem præbente. Hic autem quoque evacuationes primarum viarum raro sunt adhibendæ, in his enim casibus vires ita fere sunt debilitatæ, ut illæ talibus evacuationibus minime sufficient.

Duæ sunt species hujus febris naturales, febris *inflammatoria*, et *putrida*.

## FEBRIS INFLAMMATORIA SIMPLEX.

**H**æc febris ab auctoribus nuncupatur *synochus imputris* seu *simplex*. Melius, et significantius vocatur ea *febris inflammatoria simplex*.

Hæc febris præsertim subjecta robusta ac sensibilia, tempestate in primis existente frigida, tempore hiberno invadit. Ea plerumque è refrigerio nascitur, nonnumquam etiam ex irritationibus externis, e.

g. è vulneribus , subinde è missione sanguinis neglecta , aut hæmorrhagiis consuetis suppressis. Ea subito sine multis nunciis præcurrentibus invadit.

Pulsus est durus , plenus , celer et regularis. Lingua est pura , et muco tenui dumtaxat albo obducta , gustus est naturalis , urina ruberrima. Signa putredinis , et saburræ primarum variarum desunt. Oritur quidem subinde vomitus , aut diarrœa , cui tamen aut irritatio prima , aut vero materia è sanguine deposita occasionem præbet. Sanguis è vena missus est spissus , et plerumque crusta alba , viscidæ obductus , quæ etiam propterea *simplex inflammatoria* vocatur. Symptomata hujus febris sibi invicem respondent. Sitis e. g. conditioni linguæ , calor pulsui est proportionatus.

Methodo medendi existente apta , raro hæc febris est periculosa. Crisis præter sudorem , atque urinam fit nonnumquam per hæmorrhagias , excretionem , raro per diarrhoeam. Sudorem imminere criticum animadvertisit è secretione urinæ parciori , è cute pruriens sed molli , è pulsu molli atque undulatorio.

Hæmorrhagiam narium criticam imminentem prænuntiant rubor oculorum , gravitas in temporibus , et dolores capitis. Exitu infelici fit quædam species suppurationis universalis. Post mortem demum

hoc in casu deprehenditur, omnia intestina materia purulenta esse obducta, quæ è vasis sanguiferis expulsa atque illuc est deposita.

Methodus medendi hujus febris requirit:

1. Ut humores, quantum fieri potest, solvantur, atque attenuentur.
2. Enitendum est, ut irritabilitas partium solidarum imminuatur.
3. Opera est danda, ut transpiratio atque urina propellantur.

Ut his requisitis satisfiat, prima cura medici esse debet, ut massa sanguinis imminuatur, ut deinde restans eo facilius resolvi, atque attenuari possit, et generatim ut efficaciæ remediorum adhibendorum locum faciat, sequelisque eorum noxiis occurratur. Missio sanguinis proinde primum et princeps est remedium in hujus febris medendi ratione. Quæ vero vehementiæ febris, et viribus ægri debet esse conformis.

Nonnumquam sensationis ægroti, et pulsus ratione debilitas adesse, et venæctioni contraindicare videtur. Quodsi autem constitutio corporis aliter bona, et robusta est, quodsi nullæ imprimis debilitantes causæ sunt prægressæ, et constitutio epidemica est indolis inflammatoriæ, tunc credere possumus, quod vires non revera desint, sed tantum sint sup-

pressæ , atque hoc in casu venæsectio ele-  
vat pulsum , et vires.

Omnibus reliquis requisitis potus dun-  
taxat decocti avenacei cum oxymelle sim-  
plici permixti sufficiens sæpe respondet,  
quo humores attenuantur , corpus refrige-  
ratur , transpiratioque promovetur. Victus  
debet esse tenuis , aer purus , et calor tam  
aeris , quam cubiculi ægroti quam tem-  
peratissimus.

Ubi hoc non sufficit , nitrum quoti-  
die à drachmis duabus ad unciam unam  
in auxilium adhibetur , quod in potu sol-  
vitur , atque in forma diluta propinatur.  
*Mixtura temperans ex Nitro , oxymelle  
simplici , et aqua borraginis , vel alterius  
utilissima est.*

Quod si autem irritatio sit nimia , nec  
cutis facile reddatur humida , simulque  
congestiones versus caput observentur,  
requiritur num adhuc missio sanguinis  
iteranda. Quod si pulsus adhuc valde ple-  
nus , fortis , et durus est , vena iterum ape-  
ritur , ac mixtura diaphoretica (*ex nitro  
antimoniato , spiritu Mindereri , aqua  
sambuci*) exhibetur. Si neque per hoc dia-  
phoresis benigna efficit possit , his remediis  
camphora quotidie ad grana aliquot addi-  
tur , fomentationesque calidæ circa extre-  
mitates , et truncum fiunt.

Quod si denique neque hac ratione pul-  
sus fiat mollis , nec ullus sequatur sudor,

vesicatoria ad suras applicantur , atque ita aut natura febris immutatur , aliamque penitus requirit curationem ; aut suppurationis oritur universalis , aut evacuationes criticæ , et cum illis sanitas subsequuntur.

Opera dedita hoc de morbo ætiologice prius agere nolui , quam rationem ejus medendi indicassem , quoniam ex hac sæpe plurimum de causarum natura colligi potest.

Quæritur scilicet , num causa hujus febris nimia humorum spissitudo sit. Hoc cum quadam veri specie è crusta sanguinis inflammatoria , secretionibusque suppressis deducere voluerunt. Quod si interim consideres secretiones æque per irritationem posse supprimi , sanguinem , quan- diu is in corpore hospitatur , nulla inertiae vestigia ostendere , neque generatim circulationem sanguinis impeditam esse videri , phoenomenon crustæ sæpe à circumstantiis accidentalibus pendere , sæpe eam deesse , et semper fere in morbi vi- gore animadverti , et frequenter non tan- tum in sanis , sed etiam in aliis morbis deprehendi , qui methodo antiflogisticæ to- to cœlo oppositam requirant medendi ra- tionem , plurimum hæc opinio de verisi- militudine sua , quam prima fronte habe- re videbatur , amittit.

Ut experimenta recentiora taceam , se- cundum quæ crusta inde plane oriri di-

citur , quod sanguis nimium sit tenuis, atque hinc globuli sanguinei eo citius fundum petant , lymphamque coagulabilem in superficie relinquant. Crustam inflammatoriam è lympha coagulabili constare, quæ in febribus inflammatoriis majori in copia adesse videtur , atque à cruento , et sero separata in aere coalescit , per experimenta recentiora evictum est. Hæc lympha tamen semper causa febris potest esse, quum ea potius ut ejusdem sequela paulatim nascatur , atque in corpore ipso quam maxima gaudeat fluiditate.

Semper quoque hanc sanguinis constitutionem inflammatoriam observaremus, quod si ea sequela spissitudinis ejusdem esset , in talibus subjectis , quæ frequentibus tenuiorum humorum spissitudinibus laborant , quod tamen experientiæ non respondet.

Causa hujus febris igitur verisimiliter in acrimonia humorum peculiari est sita , quæ stimulo suo circulationem sanguinis adauget , secretiones moratur atque earum loco majori lymphæ coagulabilis secretioni ansam præbet , unde iterum, iterumque fit credibile , hanc acrimoniam sedem suam in systemate vasorum lymphaticorum habere , aut certe in primis in illud agere.

Ceterum hæc febris tam sincera , sicuti eam hoc loco descripsi , rarissime con-

tingit. Plerumque ea plus minusve ad febrem biliosam accedit. Frequentissime ea existit in nexu cum inflammationibus topicis, rheumatismis, catarrhis, dysenteriis, exanthematibus.

## FEBRIS PUTRIDA.

**H**æc febris ab auctoribus nuncupatur *synochus putris*, à recentioribus plerumque *synochus putrida*; à quibusdam ea febris *maligna* quamvis perperam salutatur. Plurimi auctorum febres cum impuritatibus putridis in primis viis, resolutione sanguinis putrida, vehementi intemperie in systemate nervoso stipatas combinant, et febrem vocant putridam. Hic nunc de ea tantum febre est sermo, in qua putredo in secundis viis generatur, cui tamen minime colluvies primarum viarum occasionem dedit, aut saltem nunc jam non ab ea pendet.

Hæc febris facillime nascitur, ubi partes solidæ nimium sunt debilitatæ, humoresque sunt acres, et resoluti. Exhalationes putridæ tempestate existente calida et sicca, victu animali pravo, eam crebro producunt. Dantur etiam contagia resolutionem humorum putrilaginosam dispositione corporis præsenti, parientia.

Denique methodo medendi minus recta ea sequela alterius febris esse potest (*a*).

Hac febri fastigium suum pertingen-te, pulsus est celer, et spasmodico-durus, calorque tam ingens, ut is contingentibus mordens esse videatur; lingua est pura, sed in siccitatem prona; sanguis forte è vena missus non facile coalescit, sæpe cuticula variis coloribus ludente est tectus, humores excreti odorem emittunt acidocadaverosum, facile hæmorrhagiæ symptomaticæ, et petechiæ nascuntur. Postre-

(*a*) Febrem istam præcedere solent temulen-tia capitis, anorexia, os insipidum, amarum, præcordiorum oppressio dolores vagi artuum, somni turbati, gravitas totius corporis, morositas.

Coortus intensior calor, aut horror validior auctis ceteris, præsentem febrim docent ad spe-ciem subinde mitem, pulsu debili, simulque ac-celerato, functionibus tamen reliquis multum læsis. Quandoque pulsus ab initio plenus, et validus est ita ut febris inflammatoria videatur.

Magna artis peritia hic requiritur ad ve-næsectionem imperandam, statim enim debili-tas insolita, insignis animi abjectio . . sequuntur.

In augmento calor ad tactum mordax, cu-tis sicca, imperspirabilis, præcordiorum opre-sio major, subsultus tendinum, oculi rubicundi non à distensione vasorum inflammatoria, sed sæpe à lympha sanguine dissoluto tincta: alias oculi flavi sunt non à bile resorpta ut in ictero, sed ab eadem sanguinis dissolutione.

mo oculi ofuscantur , reddunturque impuri , lingua fit nigra et dura , pulsus et vires labascunt , symptomata oriuntur nervosa , et non multo post sequitur mors.

Causa hujus febris proxima acrimonia humorum ad resolutionem putrilaginosam disponens esse videtur , quæ autem à scorbutica essentialiter differt.

Ea plerumque per sudorem , et urinam solvitur. Petechiæ rarissime sunt criticæ , in primis si illæ non sunt rubræ , sed lividæ , ubi illæ magis resolutionem humorum universalem indicant. Quamprimum pulsus atque vires labascunt , status est periculosissimus.

Quum causa hujus febris proxima in ipso sanguine sita sit , non magis hic eva-  
cuantia locum habent , quam in febri prius dicta inflammatoria continent. Casus etiam ipse , quod in hac febre diarrhœa critica locum habere possit , non nobis jus dat ad eam arte producendam , quandoquidem hac in febre præsertim conservatio virium præ oculis sit habenda.

Missio sanguinis etiam initio tantum febris locum habet , et quidem solummodo ubi plethora adest manifesta.

Emetica principio possunt esse utilia , partim ad cruditates tollendas , partim ad impetum versus cutim promovendum. Nonnumquam hoc natura facit ipsa præsertim ubi contagium evenit.

Initio diaphoretica duntaxat lenia aci-dula propinanda sunt. Quem in finem oxy-mel sæpe sufficit. Ratio autem ad conta-gium suspicandum adest , quod nervos fa-cile invadere posset , emetico adhibito su-bitu enitendum est , ut transpiratio per camphorata conservetur.

In febris vigore acida exhibenda sunt mineralia (*a*) , et simul enitendum , ut dia-phoresis semper conservetur.

Quamprimum observatur pulsum , et vires labascere , ante meridiem cortex pe-ruvianus cum vino præbetur , post meri-diem exhibentur alexipharmacæ , inter quæ in primis valeriana , atque angelica insig-nia sunt (*b*).

Vesicatoria non prius , quam hoc in ultimo morbi stadio locum habent , quia illa irritatione sua utilia esse possunt , quæ in primo stadio adhuc evitanda erant , ubi ista simul proclivitatem ad resolutionem augent , quod quidem etiam in ultimo sta-

(*a*) Præter ista actu frigida , glacies , pos-  
ca frigida forma potus , lotionis , epithematis . .  
Hæc , et aer frigidus in febris putridis æst-tivis cum æstu magno , delirio feroci sine inflam-matione mire componuntur , mentem restituuntur , diras cephalalgias sedant.

(*b*) Potio alexipharmacæ ex angelica , valeria-na , floribus sambuci . . decoctis , additis camphora , spiritu Mindereri (acetite ammoniacali ) valde proderit.

dio contingit , tamen propter vim irritantem superantem minus est noxium.

Ceterum evenit hæc febris , uti inflammatoria , cum aliis præcipuis atque eminentibus symptomatibus , quæ postea tamquam genera singularia in medium proferam.

## DE FEBRIBUS REMITTENTIBUS.

**A**uctores has febres quoque vocant *synochas* , seu *febres continuas remittentes*. Illæ remissionibus , atque exacerbationibus gaudent. Priores post evacuationes quasdam criticas nascuntur , et posteriores subinde rursus cum frigore , subinde statim cum calore aucto incipiunt. Hæ exacerbationes nonnumquam sunt typicæ , sed non semper , quamvis eæ semper sint regulares , atque aut quotidie , aut tertio , aut quarto die fiunt. Quædam inter febres acutas , aliæ inter febres lentas referuntur. Nobis hic tantum de febribus prioris generis sermo est.

Causa hujus febris non in ipso sanguine prognata , sed è primis viis illuc delata esse videtur. Suspicio , quæ è phænomenis et methodo medendi confirmatur. Ex hac ratione à variis scriptoribus illæ etiam *febres gastricæ* sunt appellatæ.

Quo magis materia morbi in primis

viis contenta humoribus admiscetur , eo magis remissions , atque exacerbationes fiunt incertæ , et febres tum indolis continuæ esse videntur. Hic casus in ultimis febrium putrido-biliosarum stadiis , ubi initio remedia evacuantia neglecta fuere , obtinet.

In his febribus observatur in primis viis aut colluvies *bilosarum* , aut abundantia *mucosarum* impuritatum , atque hoc in respectu quoque has febres consideremus.

## DE FEBRIBUS BILIOSIS.

 Omnes febres remittentes , in quibus (*polycholia*) abundantia bilis , tamquam perpetuum atque essentiale symptoma observatur , appellantur *febres biliosæ*. Hæc bilis abundantia pro sedis illius differentia dupli modo sese prodit. Bilis per varias causas humoribus nostri corporis immisceri potest , sine effusione in intestinis.

Quo in casu ea , lingua pura existente , per gustum amarum , per urinam rubicundo-flavam , per serum ex vena missi sanguinis flavum , atque amarum , et interdum per colorem cutis flavum , sese prodit.

Colluvies impuritatum biliosarum in

intestinis sese prodit per gustum amarum, per linguam muco flavo obductam, defectum appetitus, urinam crassam et turbidam, atque excretionem alvinam præternaturalem. In utroque casu oriuntur symptomata nervosa, neque inflammatio- ni veræ, neque putredini, neque debilitati adscribenda.

Hæc acrimonia biliosa, dispositione existente cholérica, facile nascitur post motus animi prægressos. At in primis miasmata, et contagia varia in bilem ejusque organa secretoria agere videntur, sicuti omne id, quod spasmum in abdominis visceribus producit, ad causas febrium biliosarum occasioñales pertinet.

Certum est, has febres haud alia ratione, quam bile corrupta evacuata, tolli; dubium tamen esse videtur, utrum hæc bilis effectus potius, an causa febris sit. Uterque casus verisimilis est, quod vero in curatione nihil mutat. Adest forsitan causa tertia, quæ tamen haud alia ratione, quam etiamsi non per sublatam bilem, sed post eam evacuatam à natura superari potest.

Curatione existente apta, non semper hæc febres sunt periculosæ. Quod autem illæ non rite cognoscuntur, facile malignæ fieri possunt. Crisis præcipue per vomitum, et dejectiones alvi contingit. Quemadmodum in aliis febribus crisi im-

minente materia appellatur cocta , ita hic dicitur ea *turgescere* hoc est ; in ventriculo atque intestinis deposita mobilis evacuationique apta esse. Hæc *turgescientia* proinde aut fit versus superiora , aut versus inferiora.

Materiam versus superiora turgescere cognoscitur , si mucus super lingua incipit solvi , minusque firmiter adhærescere; anima fit olida , nausea , inclinatio in vomitum oritur ; in scrobiculo cordis sensus præssionis ; extremitates algent ; cephalalgia , tinnitus aurium , vertigo atque anxieties oriuntur.

Turgescientia versus inferiora se prodit per gravitatem in lumbis et genibus, per distensionem abdominis , flatus , et dolores abdominis , moliminaque ad dejectiones alvinas.

Methodus medendi instituitur hic è naturæ præscripto. Enitimus materiam ex humoribus ad primas vias ducere , ac turgescensem reddere , et tum promovemus ejusdem evacuationem. Prius fit per remedia resolventia , antispasmodica , atque attenuantia. Sal mirabile, atque oxymel simplex , atque emetica in tam parvis dosibus, ut ea nullum excitent vomitum , sunt hunc in finem utilissima. *Mixtura solvens ex sale mirabili Glauberi , nitro depurato, oxymelle simplici, in aqua solutis adita vini emetici dosi modica huic usui apta erit.*

In spasmis pertinacibus , quibus bilis insanguinem dicitur , dantur sensim sensimque opiate lenia , quæ semper cum remediiis derivantibus conjungi debent. Quamprimum signa turgescentiæ comparent , exhibetur aut emeticum , aut dicitur alvus per pulpam tamarindorum , aut per cremorem tartari , prouti natura , et circunstantiæ requirunt. Potio laxans *ex pulpa tamarindorum , manna . . vel cremore tartari , et manna in aqua ferventi solutis* , utiles valde erunt.

Febres biliosæ in systemate naturali conficiunt genus , quod ex duabus constat speciebus , pro indole humorum cum ea coniunctorum. Sunt scilicet illæ qualitatis vel *inflammatoriæ* , vel *putridæ*.

### FEBRIS BILIOSA INFLAMMATORIA.

**H**æ febres plerumque tempore verno epidemice grassantur , quamvis eæ sæpe sporadicè etiam occurrant. Per signa diatheseos phlogisticæ , et colluviei biliosæ sese produnt , atque ex hac ratione pejores sunt hæ quam illæ , in quibus aut sola adest indoles sanguinis inflammatoria , aut sola corruptio bilis , sine insigni mutatione , atque cooperatione sanguinis.

Methodus igitur eas medendi ex utraque est composita.

Primum, quod suscipiendum est, est missio sanguinis, tam propter constitutionem inflammatoriam, quam etiam, ut hoc ipso materia ad turgescientiam aptior reddatur, atque obex ponatur, ne remedia resolventia atque evacuantia, aut inflammationibus aut congestionibus ansam præbeant. Mox adhibentur medicamina jam laudata resolventia, atque attenuantia, tum evacuantia, ac denique diaphoretica lenia.

### FEBRIS BILIOSA PUTRIDA.

**H**æc febris ab auctoribus maxime confunditur, et modo febris continens putrida, modo febris maligna, modo utraque, una eademque species febris vocatur. Sed distinguitur à priori per colluviem biliosam, atque à posteriori, quod symptomata nervosa plerumque ex irritatione acrimoniæ biliosæ nascantur, et cum evacuatione ejusdem tollantur. Tempore æstivo atque autumnali fere oritur, præsertim si exhalationes putridæ aere calido, humido, aut etiam, miasma vel contagium singulare in corpus agant.

Hic signa *bilis* et *putredinis* deprehenduntur, hincque febris est periculosior febri inflammatoria biliosa. Missio sanguinis raro hic aut numquam habet locum, nisi

magna adesset plethora , nec putredo ad-  
huc nimium esset extimescenda , quod  
vero tantum prioribus diebus locum ha-  
bere potest.

Ut resolventia atque evacuantia ad-  
hibentur hic acida vegetabilia , in primis  
pulpa tamarindorum aut tremor tartari.  
(*Potio laxans supra posita pag. 469. utilis.*)  
Acida mineralia initio suppressirent reso-  
lutionem , atque evacuationem. In ultima  
morbi periodo tamen omnino locum ha-  
bent.

Vesicatoria tum demum applicari pos-  
sunt , quod si propter nimiam evacuatio-  
nem inflammatio intestinalium est extimes-  
cenda , aut etiam intestina nimium sunt  
laxa. In utroque casu ea utiliter abdomi-  
ni imponuntur.

Evacuatione peracta , enitimus trans-  
pirationem per camphorata promovere.

In ultima morbi periodo , ubi nulla  
amplius institui potest evacuatio , agitur  
ut in febri continentia putrida.

## DE FEBRIBUS PITUITOSIS.

**H**æ febres discernuntur à prioribus,  
quod non tam *colluvies biliosa* , quam  
*pituitosa* in primis viis , et semper fere  
proclivitas humorum ad putredinem , aut

etiam debilitas systematis nervosi singularis observetur.

Inter auctores *Sarcone* priorem speciem in primis bene et proprie primum constituit. Ubi non tam resolutio humorum, quam potius debilitas nervorum adest, febris à quibusdam lenta nervosa nuncupatur. Ubi autem pituita tam manifesta est ut hic, hoc nomen est inane. In febri, quæ proprie nomen febris lentæ nervosæ meretur, constitutio pituitosa quidem etiam adesse potest, ea autem minime, uti hic, essentiam febris principem constituit.

Non enim tantum liquores gastrici, sed etiam sanguis ipse in febri pituitosa tantopere scatet pituita, ut vel vesicatoria ipsa gluten secernant, omniaque viscera post mortem pituita fuerint obducta reperta. Ea in aere frigido atque humido, diæta minus salubri, atque caritate annonæ oritur.

Lingua muco viscido est obducta. Cruor sanguinis è vena missi est resolutus atque cuticula tenaci mucosa obductus. Urina est tenuis, et pellucida, febris non magna, et pulsus debilis, atque intermittens.

Hæ febres multo sunt periculosiores, quam febres reliquæ putridæ, quia hic activitas naturæ deficit.

Missio sanguinis fere locum non habet.

Ad resolutionem pituitæ neque satis temporis , neque auxili quidquam à natura habetur , statim proinde cum evacuatione incipiendum est , quæ optime fit per vomitum. Ubi hoc contraindicatur , rhabarbara-rina cum sale ammoniaco sunt adhibenda, quia priora non debilitant , sed è contrario augent tonum , et posterius non tantum est remedium resolvens , sed simul etiam anti-septicum. Mixtura resolvens , addito si necesse sit sale ammoniaco , proderit. Vid. pag. 468.

Vesicatoria ad vires naturæ stimulan-das sunt necessaria.

Quamprimum redundantia muci est sublata , enitendum est , ut transpiratio per alexipharmacæ promoveatur. Potio ale-xipharmacæ pag 464. posita , hic confert.

Præterea victus aliquantum nutriens et roborans ordinatur , juscula carnis cum acido citri , et vino præbentur (a).

(a) Num ad istas febres pituitosas referendæ febris quotidiana veterum , latica Avicenæ; mesenterica Baglivii , et Hoffmanni , lymphatica, rheumatica , et catarrhalis recentiorum? Ita vis- detur. *Catarrhalis* enim dicitur pituitosa febris dum coryza , raucedo , tussis.. vexant: *rheumati-ca* si dolores adsunt , *lymphatica* si hi , et illa desunt , *mesenterica* , si in hac parte fomes ad-sit , quem dolor præsertim capitis et extremorum refrigeratio ostendunt , *latica* , quoniam mi-tis , et obscura ferè , et *quotidiana* seu amphi-

## DE FEBRIBUS IRREGULARIBUS.

**H**

æc febrium classis , ut nos eam hic accipimus , non omnes complectitur febres , quæ ab auctoribus febres erraticæ appellantur. Nos intelligimus sub hac tales , in quibus remissiones atque exacerbationes admodum sunt obscuræ , atque irregulares , nec ullum servant typum , eoque minus faciunt intermissiones.

merina ob quotidianas accessiones , et remissiones , licet inconspicuas admodum , seu quod die non noctu incipient , et usque in finem in illa prosequantur. Vid. pag. 436.

Omnes istæ Febres temperiei pituitosæ , alimentis crudis , et humidis onustis communes sunt , tempore frigido , et humido post calidum et siccum grassantur. Tunc enim transpiratio nedum externa , sed etiam pulmonalis impeditur , quo fit ut in exteriori corporis involucro obstrunctiones catarrhales , et pituitosæ accumulantur ; etiamque salivæ secretioni destinatæ glandulae faucium , palati , tonsilarum ; narium pituitaria membrana , lymphatici ductus pharyngis , laryngis , asperæ arteriæ ad ultimas usque pulmonum vesiculas exorrecti easdem pituitosas obstrunctiones patiuntur , unde nedum febris , v. gr. catarrhalis , cum gravedine , coryza , raucedine tussi varia ; sed anginæ diversæ etiam , peripneumoniacæ spuriæ . . facile produci possunt. Hinc maxima cura in his vicisitudinibus præcaven-

Quo ipso omnes jam febres intermitentes irregulares ex hac classe excludimus. Præterea hæ febres ab omnibus reliquis in eo distinguuntur, quod in his debilitas atque irritabilitas systematis nervosi singularis observetur, et quod phœnomena neque inter se, neque cum causis sese manifestantibus consentiant.

Ægri sunt aut longe timidi, et parvi animi, mutationibusque morbi ipsius minutissimis mortem metuunt aut credunt, se in statu periculosissimo male non habere. Dormire non possunt, tametsi neque doloribus, neque calore gaudent. Pulsus prouti circumstantiæ est aut nimis bonus, aut nimis malus. Siti lingua in sicca non gaudent, aut ore humido permul-

dis, earumque perniciosis effectibus curandis exequenda. Venæsectio anceps; purgantia valida maxime circa morbi initium fugienda. Aer frigidus et humidus vitandus. Sudorifera, et alexipharmacæ calidiora inflammations, catarrhos suffocativos, febres lertas, et hecicas . . producunt.

Febres istæ omnes pituitosæ, in pituitosis subjectis in nervosas, et malignas facile commutari queunt. De febre catarrhalia maligna cum vel sine exanthematibus apparente ample et utiliter agunt Ellerus, et Ludwigius, qui à tironibus consulendi.

Doctrina proposita super malignitate, statu, et febribus nervosis hoc aducenda.

tum bibunt. Remedia verisimiliter indicata inverso agunt modo. Signa criseos ante coctionem prodeunt, et sic porro.

Quodsi nomen febris malignæ retinendum (*a*) foret, hæ febres, propter indolem suam occultam, periculumque præcipue

(*a*) Febris malignæ nomen retinendum, quia revera febres aliquæ essentialiter malignæ sunt. Vid. *Malignitas febrilis* pag. 437. Quæ de morbis prædicatur malignitas (ait Gaubius) quamquam haud raro ignorantiae asylum, erroribusque medentium operculum præstat, cum tamen reapse detur omnino considerari debet. *Pathol.* §. 876. et 877. qui omnino consulendi ad veram malignitatem dignoscendam, et ad vitandam turpitudinem quæ occasionem dedit Sidenhamo ad asserendum inventionem pulveris pirii multo minus falsa periculosam esse. Doctrinæ locis citatis propositæ pro tironibus addendum malignam causam humores particulariter inflammare, putrefacere, convulsiones producere, aliquando sanguinem, aliosque humores coagulare, quandoque disolvere. Ista diversitas facile soporibus, vel deliriis, aliisque symptomatibus similimis.. animadvertisit, indicationesque curatoriæ ultro se offerunt. In genere notandum venæsectiones tantum in principio sub particularibus circstantiis, et semper parca dosi posse convenire. Notandum etiam alexipharmacæ, seu venenum extrudentia credita minime incendiaria, et violenta debere esse, sed mitia et congrua. Aquæ theriacalis et cordialis temperatæ ex *Pharmacop.* M. trit. radices chinæ, contrajerbæ, serpentariæ virginianæ... in decocto pro usu communi...

*malignæ* appellari mererentur. Aptius, et significantius appellamus eas *febres nervosas*.

Causa princeps sita est aut in miasmate singulariter acri, contagioso, quod in primis in sistema agit nervosum, aut in tanta debilitate, atque irritabilitate nervorum, ut etiam parvæ atque inobser-  
vabiles causæ talem febrem producere queant. Diathesis inflammatoria, putredo, sordes biliosæ et mucosæ quidem eodem tempore adesse possunt, sed eæ in se non continent rationem morbi sufficientem, quoniam sublatio harum causarum febrem non tollit, sæpe non mitigat, atque haud raro pejorem reddit.

In his febribus omnia à viribus dependent, quæ igitur in methodo medendi tanto, quanto fieri potest, sunt parcendæ. Quo magis symptomata solummodo è debilitate, et minime ex efficacitate febris oriuntur, eo magis morbus nomen febris *lentæ* meretur.

Pro diversitate causarum indicatarum distinguitur ea in *febrem nervosam acutam*, et *lentam*.

Bezoardicum animale, camphora, vinum .. præcipua sunt, et innocua alexipharmacæ, debitissimam cautelis exhibenda. Aeris renovatio optima, necessaria.

## FEBRIS NERVOSA ACUTA.

**H**æc febris plerumque aut cum proclivitate ad somnum , aut omnino cum insomnio incipit , atque in remissione observatur singularis animi dejectio , aut etiam intempestiva alacritas. Pulsus est parvus , duriusculus , atque inæqualis. Lingua est alba , sicca , aspera et tremula. Inclinatio adest ad vomitum , sine signis materiæ turgescientis. Vomitus bilis viridis aut atræ , conatus adest mingendi. Urina aut est nimis crassa , fusca et foetida , aut nimium clara et tenuis. Oculi sunt rigidi aut nitentes aut insolutes acuti. Facile oriuntur deliria et convulsiones. In primis hujus febris indeoles ex jam supra constituta symptomatum contradictione cognoscitur.

Causa hujus febris semper fere est contagium , quamvis nonnumquam etiam sporadicæ occurrant.

Illæ sunt quam periculosissimæ , atque in methodo medendi maximam requirunt attentionem.

Statim in initio omnia illa sunt evitanda , quæ quoquo modo vires debilitare possunt. Missio sanguinis à principio in corporibus duntaxat summe plethoricis , atque huic evacuationi admodum adsuetis,

in progressu morbi nunquam, locum habet.

Purgantia prorsus sunt evitanda, sed è contrario statim in initio emeticum est propinandum, non solum ad cruditates forte præsentes sordesque biliosas exturban-das, sed etiam ad effectus contagii minuen-dos, ad transpirationemque præparandam, quam statim per alexipharmacum promovere enittendum est. *Potio alexipharma-ca hic etiam commendanda.* Vid. pag. 464.

Ad irritationem internam imminuen-dam, viresque intendendas neque vesica-toria sunt hic negligenda.

Ubi evacuationes sunt nimiæ, et ta-men spasmus atque insomnium adsunt, usus opii cautus locum habet.

Ubi spasmus omnes impedit evacua-tiones, et cutis est sicca, balnea calida, aut ubi hoc fieri non potest, fomentatio-nes circa extremitates prosunt.

In insigni virium prostratione inser-viunt vinum et cortex peruvianus. Diæta aliquantum nutriens, et regimen aliquan-tum calidum esse possunt.

## FEBRIS NERVOSEA LENTA.

**E**a in constitutione hysterica, atque hypochondriaca, post multas animi pas-siones, aliasque causas systema nervosum

debilitantes , antegressas , e. g. Onaniam, oritur. Statim ab initio in remissionibus dejectio animi singularis , defectus virium, pulsus parvus , irregularis observantur.

Calor ad tactum externum est naturalis , ad sensum ægroti ardens. Subinde sentit ægrotus in capite calorem , pedibus alget. Atque ita paullatim plura comparent symptomata , quæ fere omnia sibi invicem contradicunt. Denique subito delirium placidum oritur , quod fere cum somno soporoso , atque hic cum morte finitur apoplectica.

A febri nervosa acuta distinguitur ea per divisionem acuratissimam in duo stadia, quorum prius ex levibus , sed sibi mutuo contradictibus , perque remedia consueta non superandis symptomatibus constat, atque sæpe ad diem 11. quin 15. trahitur. Stadium secundum plerumque uno dierum criticorum cum delirio , aut convulsionibus , deliquiis animi , paralysibus incipit; atque in utroque stadio insomnium plerunque est symptomata essentiale.

Causa hujus febris sita est in sistente nervoso debilitate , causa adhuc superaccedens irritans variæ indolis esse potest ; ut plurimum ea est tam occulta , ut in curatione nulla ratio ejusdem haberi possit , quamvis etiam nonnunquam materia variolosa , rheumatica , aliæque acrimoniæ huic febri ansam præbere queant.

Crisis hujus febris s<sup>e</sup>pe est inobservabilis ; nonnunquam fit ea per sudorem ; nonnunquam per exanthema miliare album ; nonnunquam sequitur metastasis in parotidem et fauces. Quod si h<sup>e</sup>c metastasis fit in pulmones , sequitur catarrhus suffocativus , atque aut mors , aut febris hectica. Est ea semper è periculosissimis.

Omnia pendent à diagnosi accurata, tractationeque prioris stadii apta , in quo quidem secundum omnes indicationes agendum , insimul vero enitendum est, ut viribus quam maxime parcatur. Sal lixiviosum acido citri saturatum cum tantillo aquæ benedictæ Rulandi mixtum , est hic maxime idoneum , quia illud materiam reddit mobilem , ad evacuationesque præparat.

Stadium secundum eodem plane pacto tractatur , ut febris nervosa acuta , præterquam quod hic remedia roborantia majori in copia exhibeantur. (*Potio alexipharmacæ validior ex essentiis angelicæ, valerianæ, aceto bezoardico, liquore cornu cervi succinato, et vino prodesse poterit*) Vesicatoria mutentur in fonticulos , victusque permittatur animalis.

Quamprimum metastasis contigerit, succurrendum est cum remediis resolventibus , atque haud raro missione sanguinis. Febris nunc malignitatem suam amisit , atque accedit magis ad indolem inflamm-

toriam. Et sic in progressu unius ejusdem febris duo longè oppositæ medendi methodi locum habent (a).

*Hucusque Selle. Hinc ex Franc. Home Principiis Medic. sequentia transcribuntur.*

## FEBRIS HECTICA , VEL MARASMUS.

**F**ebris quæ leniori gradu procedit , vires debilitat , tabemque infert , hectica dicitur.  
Distinguitur in hecticam idiopaticam,

(a) Febris ista nervosa sub nomine *Typhi* hodie significatur. Sauvagesius Cl. II. *Febres*. Ord. I. *continuae*. Gen. IV. *Typhus*. Speties : (*Typhus Hippocratis Lib. II. de Int. affect.*) carcerum : nervosus : (febris nervosa *Huxhami*) : comatosus : hysterico-verminosus : castrensis : ægyptiaca : icterodes : exhaustorum , à manipuera (succo jatropæ manioto venenato).

Cullenius Cl. I. *Pyrexie*. Gen. V. *Typhus* mitior , et *Typhus* gravior. Speties illius : febris lenta nervosa : febris contagiosa : febris maligna hectica : febris pestilens sine charactere veneni. Hujus : febris pestilens maligna : *typhus* carcerum , nosocomiorum , castrensis : febris catarrhalis maligna petechizans : febris putrida biliosa : febres malignæ , epidemicæ . . . cum petechiis . . . *Typhus* icterodes *cum flavedine cutis*.

De *Typhis* hysterico-verminosis : exhaustorum : à manipuera *Sauvagesii* ipsi aserit Cullenius non liquere.

et symptomaticam. Hecticæ symptomaticæ originem trahunt ab infarctionibus scirrhosis , et ulceribus omnium viscerum , sed præcipue pulmonis , et mesenterii , quia prior aeris externi injuriis , et totius sanguinis pertranseuntis momento patet : posterior compressioni alimentorum in primis viis , viscido chylo , et leniori sanguinis per intestina motui pœnas dat. Harum descriptio et curatio ad Morbos , à quibus pendent releganda est.

An ulla datur hectica febris , quæ primario , et immediate ab aliqua sanguinis acrimonia provenit ? Multas mihi certe contigit vidisse , ubi nullum viscus præ aliis per totum morbi decursum , laborabat. Neque fidem huic opinioni derogant viscerum obstructions , quæ semper in cadaveribus inveniuntur. Effectus enim , æque ac causæ sunt febrium hecticarum.

Huic opinioni quoque favet contemplatio causarum remotarum , quæ hecticas inducunt ; quales sunt animi pathemata immoderata , mæror diuturnus , ira , curæ , et vigiliae , nimiæ evacuationes sanguinis , lactis , seminis , salivæ , puris , sudoris vel fœcis alvinæ ; medicamenta nimis acria , uti mercuriales præparationes , purgantia acria ; debilitas primarum viarum , qua chylus crudus , vel fermentatione inquinatus ad sanguinem defertur ; morbi prægressi , uti intermittentes , variolæ , hy-

drops , scorbutus , scrophula : evacuationes cohibitæ ; frequens inebriatio.

An hæc acrimonia est salinæ , et alkalescentis naturæ? Ita videtur à prægressis causis remotis , et medela , ubi succi mucilaginosi , et acida prossunt.

Symptomata eadem fere sunt , ac in Phthisi. Adsunt calor præternaturalis , perennis , et præssicetus , appetitus prostratus , pulsus debilis , parvus , et frequens , sed sumpto cibo fortior , et plenior , sitis ; nullus ægritudinis sensus ; urina rubra , et pelle pinguedinosa cooperta ; ruborque genarum post pastum. Oculi nunc cabantur ; venter contrahitur , cutis durescit , somnus non reficit ; diarrhœa advenit , corpus contabescit , et mors lento gradu advenit.

A fluidis acribus et febre depacente oriuntur hæc symptomata.

Facillime dignoscitur ab omnibus aliis febribus lento suo progressu.

Curationem admittit si tempestive occurritur : sed quando vires maxime prosternuntur , crines defluunt , diarrhœa colliquativa , sudores nocturni , pedum tumor , urina oleaginosa , vel facies hippocratica superveniunt , actum est de ægro.

Huic sanguinis acrimoniæ obviam itur.  
I. demulcentibus , et inviscantibus medicamentis , uti emulsionibus ex amygdalis dulcibus , decoctis , ex vegetabilibus

mucilaginosis , hordeo , althea , tussilagine &c. jusculis pullinis , gelatinis , et ostreis, si stomachus ferat. 2. dieta lactea , lacte præcipue asinino , vel muliebri , seroque lactis præcipue caprini. 3 corroborantibus, et leniter adstringentibus , uti conserva rosarum rubrarum , tinctura rosarum , elixiri vitriolico , cortice peruviano , aquis ferrugineis , &c. 4. equitatione continua- ta , et peregrinatione. 5. primas vias à sordibus liberando vomitu leni , et Rheo. 6. Attentione semper habita ad causas re- motas , à quibus ortum duxit , videlicet inebriationem , evacuationes suppressas, materiam retropulsam , aliasque.

## FEBRIS PURPURATA, VEL MILIARIS, ET SCARLATINA.

**F**ebris purpurata vel miliaris nomen tenet à pustulis rubris , vel albis , seminis milii speciem præ se ferentibus. Antiquis Medicis plane incognita fuit (a) : ducentis

(a) Daniel Willelmus Trillerus de hac ipsa febre , quæ non ducentum , ut ille Homius , sed centum tantum ab hinc annis ut iste Trillerus Lipsiæ primo sese monstravit Exercitationem scripsit : *de febre miliari . . priscis Medicis grecis haud incognita*. Opusc. Med. Tom. II. p. 326. Christ. Godofr. Gruner in libro inscripto:

Distinguitur 1. in rubram, et albam; in priore pustulæ rubræ in posteriore albæ sunt 2. in Idiopathicam, et symptomati-  
cam, sæpe enim conjungitur cum variolis, morbillis, et diversis febribus.

Adoritur laxos habitus, temperamenta phlegmatica; infantes et senes sæpius quam adultos; foeminas sæpius quam viros, et inter illas nobiliores, delicatas, fluore albo affectas, et sæpissime puerperas, quia humores in harum vasis uterinis stagnant et corrumpuntur, et multum sudant.

Causæ remotæ sunt animi pathemata relaxantia, qualia moeror, et solicitude, magnæ evacuationes: vigiliæ, meditatio, vita otiosa; aer vapidus; æstas pluviosa; dieta nimis aquosa ex vegetabilibus, et dulcibus: aqua impura: alvus adstricta, sudores nimis protracti.

An causa proxima est nimia copia, lentescentia, et acrimonia tenuium hu-  
morum vasa subcutanea oppilantium? Hanc opinionem confirmant causæ præ-  
disponentes, et remotæ, medela, et cada-  
verum sectio.

*Morborum antiquitates Sect. II. §. 1. pag. 115.*  
idem demonstrat.

De ista febre Hamiltonus, Allionus, Fische-  
rus, Molinarius .. scripserunt.

Hisce symptomatibus stipatur febris miliaris. Præcedit frigus, et horror. Sequitur calor non admodum intensus: virium defectio, spirituum depressio: pulsus frequens, et debilis, respiratio oppressa, et suspiriosa, insomnium, læve delirium, lingua alba; urina naturalis, vel pallida, alvus adstricta, vel laxa; tremor manuum; remissio, et exacerbatio febris; vigiliæ; spirituum commotio; æstus in volis manuum; in puerperis lochiorum, et lactis suppressio. Insueta punctio sub cute sentitur.

Huic succedit cutis asperitas, et innumeræ pustulæ albæ, vel rubræ, miliis semen referentes, quæ sensim implentur ichore foetido. Tunc mitigantur symptomata, pulsus plenior, et mollior fit; animo reddit vigor; cutis madescit; sudor foetidus erumpit: urina devenit colorata; evacuationes suppressæ redeunt; et pustulæ, post decursum plerumque septem dierum, arescunt, et desquamantur cum molesto pruritu.

A tenuiorum humorum nimia copia, et acrimonia facillime deducenda sunt hæc symptomata.

Distinguitur à morbillis crebro, et celeri pustularum retrocessione, pruritu molesto, odore foetido, et ortu ab humoribus intus corruptis, et non à contagione, vel epidemica aeris constitutione.

Purpura rubra mitior est alba. Respi-

ratio facilis , pustulæ leni diaphoresi sese ostendenstes , remittente tunc febre , vel pulsu molliori , et ampliori , et multo sero plena , signa bona : sed corpus impurum , respiratio laboriosa , magna spirituum dejectio , sanguis dissolutus , stillæ sanguinis è naribus , eruptio pustularum tertio vel quarto die et sine levamine , mala. Si pustulæ omnino retrocedunt cum exacerbatione symptomatum , anxietate , dolore , convulsionibus , apoplexia , vel signis inflammationis internæ , actum est de ægro. In puerperis diarrhœa timenda est , quia lochiorum fluxum impedit.

Morbus ejusque curatio dividuntur in statum febrilem , et statum eruptionis. In statu febrili indicatio est , febrem in debito moderamine retinere. Huic intentioni conducunt vexicantia unum post alterum applicata per totum morbi decursum , potus ex aqua pulli , animus tranquillus , calor lecti , et situs horizontalis. Venæ sectio raro nisi urgente aliquo symptomate , vel pulsu duriusculo , prodest ; sæpe nocet.

In statu eruptionis conducunt ad materiam morbificam gradatim expellendam , fotus ad artus adhibiti , et lenissima diaforetica , evitatis sudorificis , et calefacentibus , frigoreque externo.

Si in longum trahatur morbus , si pustule et saniosum , si pulsus debilis , si

morbus remissiones , et exacerbationes habet , Cortex peruvianus adminisrrandus est.

In morbi declinatione , si pustulæ exiguae , neque materiam morbificam contineare valeant , tunc per intestina laxantibus leniter educenda est materia superflua.

Ad retrocessum pustularum , cucurbitulæ cum scarificatione , et hirudines venis temporalibus , si pulsus durus , fatus , vesicatoria , potus calidiusculus , et subacidus , calor lecti ; mens hilaris , et redeun- te madore mitia diaphoretica.

In morbo complicato cum puerperio , vel aliis febribus , curationis ratio pendet ex prudenti utriusque consideratione ; eo itur quo symptomata magis urgent.

Prophylaxis nititur aere puro , sicco , et calidiori ; cute bene perspirabili : alvo aper- ta , victu subacido , attenuantibus , et exer- citio.

Præcedenti persimilis est febris à co-  
lore *scarlatina* dicta ; ubi maculæ amplæ  
rubræ supra cutem non elevatæ , hinc inde  
apparent cum calore , ariditate , sensibili-  
tate , pruritu cutis , et febre acuta. Elap-  
sis tribus vel quatuor vel quinque diebus ,  
maculæ disparent , et cutis desquamatur.  
Curatur venæ sectione , laxantibus , et po-  
tionibus diluentibus.

## ERYSIPELAS.

**E**rysipelas, vel *ignis sacer*, vel *rosa* vel *ignis Sancti Antonii* est inflammatio in summa cute, et pinguedine, late serpens, cum dolore, calore, et rubore.

Distinguitur. 1. erysipelas cum pustulis, et sine iis 2. In ulceratum, vel non ulceratum. 3. In idiopathicum, et symptomaticum. 4. secundum partes affectas.

Ad hunc morbum dispositi sunt plethorici, sanguinei, juvenes, feminæ gravidæ, scorbutici, cacoehymici; à parentibus huic obnoxiiis progeniti, et hoc malum semel passi. Ab ano trigessimo ad quadragesimum præcipue infestat.

Causæ remotæ sunt animi affectus violenti, ira in primis, et terror; subitum refrigerium corporis à calore solis antea calefacti: liquores fermentati; potiones, et balnea nimis calida, evacuationes naturales vel artificiales suppressæ, vel omissæ; aer humidus, et pluviosus; perspiratio quocumque modo impedita.

An causæ proximæ sunt acres, et causticæ particulæ, non à corrupta bile, uti vulgo putatur, sed ab humoribus, qui secerni debent, retentis, et corrumpentibus, provenientes? Hanc opinionem confirmant causæ prædisponentes, et remotæ, symptomataque.

Sedes hujus morbi primaria est cutis,

et subjacens pinguedo, uti docet cadaverum inspectio.

Invadit Erysipelas horrore; in sequente febrili calore; siti, inquietudine, pulsu frequenti, sanguine plerumque crusta cooptato, virium prostratione; dorsi capitisque dolore: vomitu, delirio, anxietate: corporis jactatione; comate; vigiliis. Secundo, tertio, vel quarto die, cutis intumescit cum dolore, et rubore, et tumor superintegritur denso pustularum agmine, quæ in vesiculas, tenuem humorem continentes, elevantur, febre interim recedente. Serpit tumor, infestat saepe extremitates, abdomen, mammae, et glandulas axillares, sed saepissime faciem, ubi oculi clauduntur, nares, et fauces siccescunt, et sopor conjungitur. Si morbus terminatur resolutione, tumor sensim subsidit, ardor, et dolor evanescunt, color roseus in flavum mutatur; et cuticula in squamas fassicens secedit. Si in suppurationem abeat, ulcera mali moris vix sanabilia producuntur.

Hæc symptomata facillime deduci possunt à tenui, et acerrimo humore.

Tumor Erysipelatis depresso late sese diffundens, et albicans post compressionem, satis distinguitur à phlegmone, ubi inflammatio profundior, et color post tactum non recedit. A peste discrepat, quamvis in multis persimili erysipelas, quia

neque contagio oritur , neque contagio-  
sum est , neque tanto stipatur periculo.

In levioribus hujus morbi speciebus non  
magnum adest periculum ; sed si gravior  
inflammatio corpus cacoehicum corri-  
piat cum perpetuo comate , vel delirio , in  
angusto spes est. Erysipelas retrocedens,  
vel retropulsum , deliria , inflammations  
internas , asthma , spasmos , et gangrenam  
inducit. Si tumor livescat , gangrena pro-  
pe adest. Quo crassius , et albidius pus,  
eo minus ; quo tenuius , et pallidius eo  
majus periculum.

Indicatio curativa postulat febris mi-  
tigationem , ut promoveatur separatio hu-  
morum morbosorum à sanis ; exclusionem  
totalem materiæ morbificæ ; et quo minus  
serpat , ejus expulsionem è corpore.

Febris mitigatur venæsectione pulsu  
æstimanda. Exclusio perficitur potionibus  
diluentibus , demulcentibus , et medica-  
mentis diaphoreticis. Expulsio materiæ,  
quando caput occupat , vel longius in vi-  
cinas partes serpit , optime perficitur le-  
nissimis laxantibus , et emplastris epispas-  
ticis in vicinio applicatis.

Convenit dieta infirmissimæ materiæ;  
evitatis , ni pulsus deficiat , medicamentis  
internis calefacientibus.

Farina fœnugrœci vel tritici supra par-  
tem inspersa , et calor lecti tepidus est op-  
tima applicatio externa : nocent enim om-

nia repellentia , aquosa , et oleosa. Si ad-  
sint gangrenæ signa , fomentationes spi-  
rituosæ , cataplasma ex medicamentis ca-  
lorem excitantibus , et cortex peruvianus  
conducunt. Vinum in hoc morbi statu  
non alienum est.

Est erysipelatis certa species , quæ,  
quia corpus circiter umbilicum instar cin-  
guli cingit , *zona* , vel *zoster* appellatur.  
Stipatur diversis tumoribus obsitis pustu-  
lis urentibus valde dolentibus , hinc inde  
sese monstrantibus . Curatur uti prior  
morbus.

Est et alia species à Sydenhamo des-  
cripta , quam ipse , durante constitutione  
variolosa , quoque vidi. Superveniebat fe-  
bri , tertio vel quarto die eruptio pustu-  
larum (*a*) erysipelacearum , quæ humorem  
flavescensem continebant , febrem mitiga-

(*a*) Alia quandoque licet raro pustularum  
eruptio observatur , quæ febrem *pemphingos* bul-  
losam , ampullosum constituunt. Hippocrates  
Lib. VI. Epid. Sect. I. de illa loquitur dum  
ait : *alie* (febres) *inflatæ horrendi aspectus*. Vid.  
Valles in hunc locum : Gaspar. à Reyes Cam-  
pus eliseus . . Quæst. 68. ubi de variis febribus  
appellationibus haud obviis utiliter , ac eruditæ  
tractat.

In Actis Academiæ Regiæ Med. Pract. Bar-  
cinon. hujus febris observatio extat lectu dig-  
na. Tom. I. pag. 278.

bant , et post quatuor dies disparebant.  
Facillime venæsectione , et purgantibus  
cessit. *Hucusque Home. Hinc Editor.*

Vid. Not. ad Aph. 593.

## HEMITRITÆOS SEU SEMITERTIANA.

**T**lla vocatur febris composita , quæ  
ex quotidiana continua , et tertiana inter-  
mittenti consociatur.

Tempestas frigida et humida : viri , se-  
nesque potius quam feminæ et pueri febi-  
isti sunt expositi , illi viri præsertim qui hy-  
pocondriaci , calida , et debilia viscera na-  
turalia habentes , crudis , crassis , acribus,  
multisque cibis replentur ; ita ut bilem at-  
que pituitam redundantes habeant in hanc  
febrium complicationem maxime procli-  
ves sunt.

Continua certe febris ista est , ita ut  
in apyrexiam non deveniat : singulis ta-  
men diebus accesiones habet tertio quo-  
que die sibi respondentes , in imparibus is-  
tis notabiliter fortiores.

Horrore , rigore totius corporis , frigo-  
re , pedum præsertim circa meridiem in-  
cipiunt istæ : insequitur calor acris ; pul-  
sus parum celer , sed inæqualis ; dolor ca-  
pitis , somnus profundus cum delirio le-  
viusculo : lingua alba , humida , sitis mo-

dica : urina rubicunda cum sedimento sub-albo et crasso : corpus iners , ponderosum, et quasi fustibus dedolatum. Ista omnia in accesionē secundæ diei mitiora sunt , in accesionē tertiæ validiora , et alternatim ita porro.

Symptomata quæ specialiter in ista febri observantur sunt frigus , rigor , aut saltem horror accessionem totam alternatim comitantia , ita ut *horrificæ* ab Hippocrate vere dicantur istæ febres.

Crescente morbo delirium cum comate augescit , facies immutatur , inflatur, lingua sicciōr , sitis tamen non valde magna , respiratio difficilior , virium impotētia major .. quæ omnia si mors est inevitabilis non minuuntur ; sed potius idem-tidem increscunt , et comatosi , delirantes, suffocati circa decimum quartum , vel vi-gesimum diem pereunt.

Si viribus naturæ , et artis circa diem decimum quartum accessiones duratione, et intensitate minuuntur , somnus reficit, lingua humidior , vires augentur .. sperandum febrem istam urinis abundantibus, diarrhoea copiosa , vel transmutatione in intermittentem puram solitariam feliciter finiendam fore.

Causam hujus febris bilem atque pītuitam incusaverunt antiqui Hippocrate præeunte. Has ipsas causas patentur esse Vogelius , et Piquerius. Ille malignitatis

notas manifestas ubique ostendere , fomi-  
temque suum ex ingenti colluvie pituito-  
sa , atque biliosa trahere asseverat , (Acad.  
Prælect. tom. 1. pag. 69.) Iste ex pituita  
et bile certo modo alteratis atque corrup-  
tis ad frigus maximum horroremque in  
initiis , atque decursu accessionum produ-  
cenda. (*Tratado de Calenturas.* p. 229.)

Communior est quam creditur ista fe-  
bris complicata , obscura tamen , et peri-  
culi plenissima , ex Galeno (Lib. II. de  
Crisibus cap. 7.) asserente : *quando aliqua*  
*ex intermittentium genere cum continua*  
*complicatur difficillima , et vix explicabi-*  
*lis fit mixtio , ideo à tironibus sagaciter*  
*observanda.*

Hinc valde mirum est Homium , Lud-  
wigium , Sellium , Stollium , Ellerum,  
Macbridum , Quarinum .. magna in arte  
nomina recentia ! nec Boerhaavium ipsum  
horum omnium aliorumque his similium  
coriphœrum quidquam notabile de febre  
ista in medium atullisse.

Hippocrates , Galenus , Celsus .. multa  
de febre ista pertractarunt. Inter nostrates  
Hieronimus Ximenetius aliqua breviter sed  
dilucide in suis medicis Institutionibus  
(Lib. 1. cap. 10. p. 22 .. 25.) notavit. Pe-  
trus Michael de Heredia (in Syntagmate  
seu Tractatu de Febribus Quæst. 20. p. 484.)  
longius super ea excussit.. Piquerius nostras  
utiliter , et ample discussit eam , ubi supra.

Cum febris ista, ut jam dictum complicata sit dupli respectu instituenda curatio. Si accesiones tertianariæ leves fuerint, ita ut continua febris validior observetur, ut febris continua sananda venæsecione repetita, refrigerantibus, acescentibus, nitrosis, leviter alexipharmacis, seu antimalignis cum hujus furfuris pessimi, atque dolosi particeps sit febris ista, qui virium prostratione insueta proditur.

Si ex adverso accesiones validiores, longiores, horridiores.. sint, ut tertiana tractanda emeticis, diluentibus, apperientibus, amaricantibus, febrifugis, inter quæ princeps, herculeus ille cortex peruvianus.

Si neutra exsuperet media via incedendum, et remedia prædicta amico, et utili foedere prudentissime socianda.

Petrus Michael de Heredia impense laudat decoctum smilacis asperæ Corneili Gemmæ in constitutionibus humidis, et malignis, quibus ista febris grassari solet. (ubi supra pag. 493.) Legatur Auctor iste noster doctissimus super ista febri; imo universa ejus opera sedulo legenda.

Febris ista etiam observatur quando in mesenterio, omento.. aliqua adest inflammatio, quæ in suppurationem tendit. Adrianus Spigelius de ista Hemitritæo præcipue tractat in suo libello *de semiteriana*: cum in cadaveribus harum partium glandulas suppuratas invenerit. Hinç

diagnosis , atque curatio febris hujusce à dignotione inflammationis illius , istiusque in suppurationem terminationis , et curatione hisce duabus respondente petenda.

## INTERMITTENTES PERNICIOSÆ.

**F**ebres istæ regulariter procedentes alibi explicatæ (Aph. 746.) Nunc de iisdem in ruinam subdole , atque inopinato ducentibus tractandum.

Tres corporis humani Regiones adgreditur ferocia ista ; imo totum ipsum corpus. Hoc in illis sudoribus colliquativis subito fere perfunditur ; putredinosa mephitæ , convulsionibus universalibus . . aliisque similibus pessum datur. Illæ suis in functionibus respondentes tragœdias sustinent, patiuntur. *Naturalis* nempe anxieties abdominales, vomitus , cardialgias , choleras morbos , dysenterias . . *Vitalis* anxieties præcordiales , præcedentibus majores , pejoresque , palpitationes cordis , lypotimias , syncopes , asphyxias . . *Animalis* dolores capitis acerbos , aurium similes , ferocia deliria , comata , cataphoram , lethargum , apoplexiæ ipsam.

Sub hac specie intermittentium perniciosarum comprehenduntur aliunde cephalgiæ , apoplexiæ , pleuritides , colicæ . . et

alia quævis accidentia , sive affectiones morbidæ , quæ aliquot tantum horis perdurantes , licet absque febre videantur , et etiam sint , repetitioni obnoxia censentur. Ista omnia tamquam paroxysmi tertianarii perniciosi reputari possunt sub certis circumstantiis , imo debent.

Doctrina ista vere utilis , imo absolute necessaria pro dignitate proposita fuit à Ludovico Mercato , qui primus incomparabili sedulitate descriptis illam , ita Francisco Torti Med. Doct. Mutinensi asseverante.

Daniel Sennertus uratislaviensis in epilogum satis luculenter contraxit eam nihil de se ipso addens (Tom. II. Lib. II. de Febribus , cap. XVIII. pag. 767.) Defecit illi sapientissimo Archiatro Hispano corticis peruviani incomparabile invenatum , quo in curatione harum febrium felicior absdubio fuisset.

Nihilominus suam ob industriam , atque sagacitatem , maxima in suam artem , imo in humanæ sanitatis conservationem merita , laude suprema vere dignus est. Videndus hac super re prædictus Torti , qui doctrinam Mercati , atque Mortoni , additis scholiis proponit , atque declarat Libro satis grandi , quo alia utilissima etiam continentur. (Therapeutice specialis ad febres periodicas perniciosas. Edit. 4. Venetiis An. 1743. lib. II.)

Causæ ista omnia teterima producentes alterationes sunt humorum præsertim validissimæ , solutio nempe , putrefactio, colliquatio , coagulatio , inflammatio systrophica, atrabiliaria , carbunculosa.. Hæc omnia ab alimentis pessimis , corruptis .. exercitiis validissimis , iracundiis , moeroribus .. miasmatibus , epidemiis .. imo aptius et verius , licet obscurius , à veneno incognito , mirabili , furibundo .. subito intus vel extus ingruente prædicta inquam effective in corpore quantumvis aliunde sano producuntur. Hujus rei exempla omnibus obvia.

Ego ipse sanissimus , nullo modo sensibili prædispositus , aliquot ab hinc annis in ætate florenti constitutus febrem intermittentem syncopalem cum sedimento lateritio in ipsa accessione prima passus fui. Cortice peruviano statim munitus tertio die eadem ferme ipsa hora primæ accessionis ambo brachia torpida persensi , quæ ita per aliquot tantum horas duravere. Continuavi corticem , alteroque tertio die , horis iisdem , sudore placido perfusus fui sponte , quo morbus iste principio titerrimus abiit , excesit , erupit , evasit. Deo Opt. Max. gratiæ eternum à me humiliter offerendæ.

Canonicus Valentinus hic olim temporariè residens , pancreaticus , apoplexia sanissimus subito corripitur.

Remedia efficacissima quoniam urgen-  
tia in usum advocata ut enemata vali-  
da , venæsectiones repetitæ , cucurbitæ,  
epispastica , retroraures hirudines . . . à ve-  
terno isto aliquantis per excitaverunt. Tunc  
emetico-catharticum validum præscripsi,  
cujus operatione fuit integre restitutus.  
Apoplexiā istam fuisse accessionem in-  
termittentem larvatam non agnovi fateor,  
licet recuperatione prompta quantumvis  
valide procurata aliquid me debuisse sus-  
picari ultro confiteor. Regimen exactum  
imperavi. Tertia tamen die hora respon-  
denti febris immanis corripuit eum cum  
anxietate incommoda , siti valida , ardo-  
re ineluctabili , sine sopore ullo.

Hæc omnia duodecim seu quatuorde-  
cim transactis horis evanuerunt. Cognito  
jam morbo isto intermittenti cortex peru-  
vianus copia debita asumptus tertiam ac-  
cessionem , aliosque ulteriores accessus feli-  
citer præpedivit , sanitatemque integrum  
nactus fuit Æger iste , nunc adhuc vitam  
produci dignam conservans.

Dificultas igitur satis ardua utpluri-  
mum occurrit ad perniciem istam jam in  
insultu primo suspicandam atque prævi-  
dendam. Ad istud magna in Medico pe-  
ritia , exercitium improbum , atque me-  
ditabunda attentio necessario requiruntur.  
Modus incipiendi cum frigore notabili,  
rigore insolito . . . progressio pravis sympto-

matibus stipata . . terminus citior quam sperari poterat , et sic satis prompta in salubrem statum recuperatio . . perniciem istam quantumvis latentem suspicari faciunt.

In casu isto inspicienda necessario urina est , quæ si lateritia fuerit , ut regulariter accidit , demonstrationem faciet paroxymi tertianarii perniciosi , quamvis tantum unici , sive primi.

His rebus sic stantibus kina kina affatim , nullaque expectata mora in omni temperamento , in statu omni , sive prægnanti , sive menstruante , sive puerpera , sive lactante administranda in paroxysmo ipso , vel à remissione ipsius , dosi duplicata vel triplicata , duarum nempe vel trium draconarum ad duas ad minus usque uncias inter unam , et aliam accessionem , ulterioris secundi , vel tertii paroxysmi præservationis ergo : si enim status iste ita anceps , et periculosus , vel non advertatur , vel negligatur turpiter certa æque ac insuperabilis mors accidet , magna adstantium stupefactione , majori conscientiæ Medici stimulo , et Artis suæ , suique ipsius immanni , æque ac luctuoso dedecore , atque maximo miserrimi ægri damno , ita turpiter vitam suam amittentis , et cum æternitate heu! ineluctabiliter commutantis.

Sed Medicus in his febribus perniciosis ad corticem peruvianum unice con-

fugiet? In eo acquiescat? Minime gentium. Symptomati etiam urgentissimo prospiciendum esse suadet sana , tutaque Medicina. Hinc si deliria , convulsiones , dolores acerbi capitis , aurium , cardialgia, cholera morbus , tormina dysenterica ... paregorica cortici adjungantur. Anxetas, debilitas , syncops , sudor colliquativus .. cardiaca, vina, alexipharmacæ, acida , elixiria, subadstringentia.. exigunt, socientur ei.

Coma , lethargus , apoplexia .. symptomata sunt , quæ alia etiam remedia præter corticem expostulant ; ita enim affecti corticem ore non , vel vix admittunt , et cortex ille , qui , alia via exhibetur , et exhiberi debet per clysteres , per pedum balnea , per apposita ventri , carpis , inguini- bus .. vix valet , insufficiens prorsus est. Juvandi igitur aliunde etiam ægri isti præ aliis aliter quomodocunque affectis kinam ore affatim admittentibus : remedis aliis à veterno etiam excitandi v. gr. cucurbitis, sinapismis , venæsectionibus , sanguisugis retro aures ... expergiscendi , præsertim juvenes benè pasti , exercitati , tempestate verna ... aliter enim parva corticis peruviani dosi ob impotentiam admissa tantum , si aliter non succurrantur ægri in orci fauces deturbabuntur , in silicernia ignave , inerte , imo criminaliter derelicti conjicientur.

Placet in confirmationem hujus certis-

simæ , et utilissimæ doctrinæ de sociandis cortici peruviano aliis remediis symptomati urgentiori mitigando , sanandoque respondentibus Lodoici Pereyra testimonium §. 558. sui (*Tratado completo de calenturas*) positum adducere quod sic *latine redditum se habet*. In tertiana perniciosa doleribus , convulsionibus , deliriis comitata tinctura aquosa corticis (an præstat ipse cortex?) administranda acidis , opio , nitroque sociata : in soporibus sales alcalini volatiles socientur ei , et emplastra ex cantharidibus applicentur : quando hemorrhagiæ fluxusque colliquativi adsunt corticis ipsius pulvis terris lemnis , alumine , et vitriolo: quando syncopi dandus iste ipse cum Rheo , luto obliniendus æger , flavello exterius ventilandus , vento exponendus .

Quid plura?

Pro coronide hujus de febribus Tractatus dicendum febres diurnas , et nocturnas , quarum divisio alibi notata (pag. 436) ad pituitosas esse referendas juxta Herediam , seu ad biliosas nothas juxta Gomecum. Rationes majoris periculi in nocturnis præ diariis vid. apud eosdem. An verum est esse in rerum natura principium quoddam incognitum versus noctem se exercens , ut Senaco ex variis patuit experimentis? Trac.. De recondita &c. pag. 182.) Videlicet asserit iste vir machinam ita compara-

tam ut non quadam artificis industria , sed quodam naturæ motu , cui excipiendo apta erat vim arcanam decedente die recipere ; æque enim in cavo minerarum profundissimo , et summis montibus excitari solere vim istam . Trillerus eruditissimas Exercitationes duas . I. de *vespertina morborum exacerbatione* . II. de *vespertina morborum curatione divino CHRISTI miraculo peracta* , lectu dignissimas (Opusc. Medic. Tom. III. pag. 177. et 232.) evulgavit.

Dicendum etiam præter febres hic memoratas observari alias ad prædictas tam faciliter referendas , v. gr. febris *alba* , quæ in virginibus obstructis , non menstruantibus appareat . Febris menstrua ; vulneraria ; inflammatoria uterina Nietzki ; revertens Hipp. I. Epid. Sect. III. Acad. de Barc. pag. 432.

Febris quæ etiam exigit attentionem est *febris hæmorrhoidalis* ab Haeno primum observata , et à Maximiliano Stol. (Part. V. Rationis medendi pag. 359) Historiis confirmata . Ex rheumaticarum , et artriticarum familia esse asseritur . Ad podagram sanandam conferre istam contendit Stollius . Quando de isto dirissimo morbo sermo fiet (Aph. 1254) de febre ista tanquam remedio agetur .

H I C E X P L I C I T

Specimen febrium ex Boerhaavio , Stolio , Sellio , Homio .. concinatum. Res ista febrilis ita est impervia , lubrica , et fere incomprehensibilis ut celeberrimus , et laude incomparabili dignissimus Sidenhamus postquam maximam vitæ suæ partem in hisce dignoscendis insumpsisset , et quando medendi methodum ceu gladium delficum se invenisse gloriari posse à se ipso credebatur , statim didici ait , me ideo tantum aperuisse oculos ut pulvere haud quam verò Olympico iidem complerentur. (Epistola dedicatoria Joanni Mapletoft Med. Doct.)

Hinc necesse est ut præter ista horum virorum celebrium opera , exteri , et nostrates alii Auctores ulterius consulantur. Inter exteros caput extollat Illustris iste idem Thomas Sidenhamus , qui omnino consulendus. Mortonus , Torti , Senac , Huxham , Wverhofius , Ellerus , Grantcius . Sauvagesius , et Cullenius Nosologorum antistites etiam consulendi.

Inter nostrates præter viros tres eximios in Præfatione memoratos adeundi Antonius Gomecius Pereyra Tractatu de Febribus (An. 1555.) Ludovicus Mercatus (1570.) Lazarus Soto (1594.) Petrus Garcia Carrero (1605.) Matthias Llera Cæsaraugstanus (1674.) Petrus Michael de Heredia Complutensis (1688.) .. Ingentia certe Nomina , atque Volumina ; sed in-

gentis etiam utilitatis , atque doctrinæ practicæ optimæ , et hispanæ!

Postremus iste Heredia an omnibus istis æquiparandus? An præponendus? Iste eximus vir hispaniæ nostræ decus , et ornamentum inter exterros notus , celebratus , et majori usu inter eosdem desideratus. Fouquetus in commentatione observationum febrilium Lindii pag. 209. Lefeburus Zimmermannum *de Dysenteria* in idioma gallicum convertens Herediam nostrum impense laudant , majoremque hujus Viri hispani sapientissimi noticiam inter Gallos suos conterraneos desiderant. Lefeburus iste de Heredia Sidenhamo cœtaneo loquens , praxim ejus ut sanam frequenter laudans , ait : *il est etonnant que ce sçavant medecin , qui examine si sensement les erreurs de Galien, Vallesius, Mercatus, Senertus, &c. en leur rendant justice , et qui a presque dit tout ce qu' on a cru decouvert dans la pratique depuis Sidenham , ne soit pas plus connu.* (Traité de la Dyssenterie par Mr. Zimmermann traduit de l' Allemand. par Mr. Le Febure. pag. 349.)

Inter nostrates unicum exemplum adferam studii , et existimationis isti magno viro hispano debiti atque exhibiti à venerando , longævo , famigeratissimo . . . Medicinæ Professore quem honoris , atque reverentie causa nominabo. Hic fuit D.D.D. PHILIPUS MICHAEL SOLDE-

VILLA ET ROMEO, Ergavicensis Pater meus amantissimus, colendissimus. Per totos quinquaginta annos, quibus Medicinam feliciter exercuit in Oppido hispanice dicto FOZ CALANDA (Patria mea dulcissima, charissima, spectatissima) incipiens, tandemque amoenitate, atque salubritate loci, amore, obsequio, atque reverentia hujus populi totius, allectus, inter alios Auctores, quibus impallescebat, Herediam nocturna, atque diurna versabat manu, cuius studium improbum tantam absdubio felicitatem, celebritatem tantam ipsi conciliabat. Ego omnia ista videbam, reverebarque, hujusque exempli, et educationis paternæ finitæ quando memor uberrimas effundo lachrimas. Tandem octogenario major è vivis excesit, et in Ecclesia illius ejusdem Populi sepultus heu! jacet à me piè inter cœlicolas suspiciendus.

Hoc igitur testimonio tanti Viri præsertim fretus hunc Auctorem magni facio, ac aliis cum AA. hispanis indefessus vursor.

FINIS.

PROGNOSTICORUM  
 HIPPOCRATIS COI LIBER  
 E GRÆCO IN LATINUM SERMONEM  
 TRANSLATUS A CHRISTOPHORO VEGA D. M.  
 COMPLUTENSI.

P R Æ F A T I O.

- M**edicum (mihi videtur) optimum esse prævidentiaæ operam dare.
2. Prænoscens enim , atque prædicens apud ægros præsentia , præterita , et futura , et quæcumque prætermittunt ægrotantes exponens credetur magis cognoscere quæ ad ægrotantes attinent quare audebunt homines seipso Medico committere.
  3. Curationem autem optime molietur prævidens futura ex præsentibus passionibus : omnes namque languidos sanare impossibile est , hoc enim melius esset quam eventura prænoscere.
  4. Quum autem homines moriantur ex vi morbi , alii antequam Medicum vocent ; alii vero adhuc accito , statim deficiant , hi quidem diem unum viventes

illi vero paulo plus temporis : antequam Medicus arte repugnet adversus unumquemque morbum ; oportet quidem cognoscere talium passionum naturas , quantum superent corporum facultatem , pariter etiam , et si *quid divinum* in morbis inest , ejus etiam addiscere providentiam. Sic enim merito admirabilis , ac bonus Medicus erit. Etenim quos servare possibile fuerit , hos poterit rectius custodire , ex longiori tempore præmeditatus circa singula. Et morituros , ac salvandos præcognoscens , atque prænuntians vacabit criminе.

## S E C T I O I.

### NOTÆ EX FACIE , ET OCULIS.

5. Considerare autem oportet hoc modo per morbos acutos : primum quidem ægri vultum , si sanorum similis sit, maxime vero sui ipsius : sic enim optimus erit. Summe autem contrarius simili , pessimus est.

6. Erit autem talis nasus gracilis in extremis. Oculi cavi , tempora collapsa, aures frigidæ , et contractæ , et lobi earum eversi , et cutis circa frontem dura , circumtensa , et arida existens , et color to-

tius faciei chlorus, vel niger, et lividus,  
aut plumbeus.

7. Si igitur in principio morbi talis fuerit facies, et nullo modo possibile fuerit aliis signis conjectari; interrogare oportet, vigilaveritnè homo, aut venter vehementer solutus fuerit, aut fames ipsum oppresserit, et si quid aliquid horum confessus fuerit, minus malum esse existimabit: judicantur autem hæc per diem, et noctem, si ob has manifestas causas facies talis fuerit. Si tamen nihil horum esse dixerit, neque in prædicto tempore constiterit, nosse oportet hoc signum letale esse.

8. Si tamen morbo antiquiore triduano existente, talis fuerit facies, interrogare oportet de his, de quibus antea præcepi, et alia signa considerare quæ in tota facie, et in corpore sunt.

9. Et ea quæ in oculis sunt, si lumen effugiant, vel nollentes illacryment, vel pervertantur, vel alter altero minor fuerit, vel albas partes rubidas habuerint, vel lividas, aut nigras venulas in ipsis habuerint, aut sordes apparent circa pupillas, vel instabiles, vel eminentes, vel admodum cavi facti, vel pupillæ squalidæ, ac sine splendore, vel totius faciei color immutatus fuerit, hæc omnia mala, atque exitiosa esse existimandum est.

10. Considerare autem oportet suspec-

tiones oculorum per somnum. Si namque aliquid ex albo subapparuerit non commissis palpebris , non ob ventris fluxum , aut medicamenti potionem , vel non sic dormire assueto malum signum est , et letale valde.

11. Si tamen retorta fiat , vel livida , vel pallida palpebra , vel labrum , vel nasus cum aliquo ex aliis signis : nosse oportet morti proximum esse. Letale etiam est , si labia subsoluta , et suspensa , et frigida , et albicantia fuerint.

### NOTÆ EX DECUBITU , STRIDORE DENTIUM , ULCERE , GESTI- CULATIONE MANUUM.

12. **C**ubantem autem oportet inveniri ægrum à Medico super latus dextrum , aut sinistrum manibus , cervice , ac cruribus parum inflexis , et universum corpus molliter jacens. Sic enim sanorum plurimi decumbunt : optimi vero sunt decubitus sanorum similes.

13. Supinum vero cubare manibus , cervice , et cruribus extensis minus bonum est.

14. Si vero proclivis sit , ac delabatur à lecto in pedes gravius est.

15. Si vero inveniatur nudos habens pedes (ubi non fuerint admodum calidi) et manus , cervicem , ac crura inæqualiter dispersa , ac nuda , malum est , inquietudinem enim significat.

16. Letale autem est hiantem dormire semper.

17. Pariter et crura supini cubantibus vehementer reducta , distractaque.

18. Super ventrem vero cubare eum qui non sic assuevit dormire , dum sanus esset , delirium significat , vel dolorem partium , quæ sunt circa ventrem.

19. Velle autem ægrum residere vigente morbo malum est in omni acuto morbo ; pessimum vero in peripneumonicis.

20. *Stridore dentibus* in febribus , in quibuscumque id non est consuetum à pueritia , maniam , aut mortem significat , verum prædicere oportet ab utrisque futurum periculum. Si tamen delirans id efficiat , valde letale jam est.

21. *Ulcus* autem sive præfuerit , sive in morbo fiat , ediscere convenit : si namque moriturus homo est , ante mortem lividum , et siccum erit , aut pallidum , et siccum.

22. De manuum vero latione hæc nosse oportet : quibuscumque in acutis febribus , vel pulmoniis , vel phrenitidibus , vel capitis doloribus ante faciem feruntur , vel

venantur frusta , aut colligunt festucas,  
aut stamina de vestibus evellunt , vel stipulas de parietate carpunt , omnes malas  
esse , atque letales.

NOTÆ A SPIRATIONE , SUDORE,  
PRÆCORDIIS , TUMORIBUS,  
SUPPURATIONE.

23. *Spiritus* véro frequens dolorem significat , aut inflammationem in partibus, quæ sunt supra septum transversum : si vero respiretur magnus , et ex longo intervallo , delirium nunciat ; frigidus vero expiratus ex ore , et naso , valde letalis jam est.

24. Bonam autem respirationem existimare oportet , valdè magnam vim habere ad salutem in omnibus morbis acutis , quicumque cum febre sunt , et in quadraginta diebus judicantur.

35. *Sudores* optimi quidem sunt in omnibus acutis morbis , quicumque in diebus decretoriis fiunt , et integre febrem sedant. Boni vero quicumque ex toto corpore procedentes fecere ut homo facilius morbum ferret : si vero nihil horum fecerint , inutiles sunt. Pessimi vero sunt frigidí , et circa caput tantum , et vultum , et

cervicem facti : hi enim cum acuta febre mortem prænuntiant , cum leviore vero morbi longitudinem.

26. *Hypochondrium* optimum est , sine dolore , molle , atque æquale , dextra ac sinistra parte existens : inflammatum vero vel dolorem præbens , vel intentum , vel inæqualiter affectum , in dextris per comparationem ad sinistras partes , hæc omnia vitare oportet.

27. Si vero pulsus insit in hypochondrio ; perturbationem significat , aut delirium , sed oculos talium inspicere oportet. Si enim pupillæ frequenter moventur , hos *manenai* hoc est , valde insanire sperandum est.

28. *Œdema* vero in hypochondrio durum ac dolens pessimum est , si fuerit circa totum hypochondrium : si vero in altera parte fuerit , in sinistra minus periculosum est.

29. Significant autem hujusmodi *Œdemata* in principio periculum mortis brevi futuræ.

30. Si autem febris perseverans vigesimum diem transgrediat , et *œdema* non subsistat , in suppurationem vertitur.

31. Fit autem his sanguinis eruptio ex naribus in primo circuitu , et valde juvat. Verumtamen interrogare oportet , si dolet caput , vel hebetantur oculi : si namque quippiam tale fuerit , eo tendet.

32. Sanguinis eruptionem magis expectare oportet in junioribus trigesimum quintum annum agentibus.

33. Ædemata vero mollia , et sine dolore , et quæ digito compræssa cedunt, diuturniores faciunt judicationes , ac illis minus gravia sunt.

34. Si vero pertransierit dies sexaginta , febre detinente , et œdemate non subsistente , suppurandum esse significat, et hoc , et quod fuerit in alio ventre similiter.

35. Quæcumque igitur dolentia dura, ac magna sunt , periculum mortis brevi futuræ significant: quæcumque vero mollia , sine dolore , ac digito præssa cedunt, diuturniora illis sunt.

36. Ædemata , quæ in ventre sunt, minus faciunt abscessus , quam quæ in hypochondriis : minime vero suppurantur, quæ infra umbilicum sunt.

37. Sanguinis vero eruptionem maxime de supremis partibus expectare oportet.

38. In omnibus œdematibus , quæ prorogantur circa has partes , suppurationes considerare oportet.

39. *Suppurationes* quæ inde proveniunt sic oportet considerare : quæcumque enim foras vergunt , optimæ sunt , et parvæ, et quam maxime foras inclinantes , et in acutum curvatæ , quæ vero magnæ sunt,

SUDORE, FRÆCORDIIS, &c. 517  
et latæ , et minime in acutum fastigiatæ,  
pessimæ.

40. Quæcumque vero intro rumpuntur , optima sunt , quæ nihil cum exterio-  
re regione communicant , sed sunt con-  
tracta , et sine dolore , et tota exterior re-  
gio unicolor appetit.

41. Pus autem optimum album esse  
debet , æquale , ac leve , et quam minime  
fœtidum : huic vero maxime contrarium  
pessimum est.

## SECTIO II.

### NOTÆ EX HYDROPIBUS , SOMNO, ALVI EXCREMENTIS.

#### *Hyd*

1. *Hyd*ropes autem omnes , quæ  
ex acutis morbis fiunt , mali sunt , non  
enim à febre liberant , et valde dolorosi  
sunt , ac letales. Incipiunt autem pluri-  
mi quidem ex partibus inanibus , et lum-  
bis , quidam autem à jecore.

2. Quibus igitur ex partibus inani-  
bus , et lumbis hydropum initia fiunt , pe-  
des intumescunt , et alvi fluor diuturnus  
fit , nec solvens dolorem , qui ex inani par-  
te efficitur , ac lumbis , neque molliens  
ventrem.

3. Quibuscumque vero à jecore hydrops flunt, tussis, cupiditasque ipsis inest, et nihil excreant effatu dignum, et pedes intumescunt, et venter non dejicit nisi dura et ægrè, et circa ventrem flunt œdemata, quædam in dextra, quædam in sinistra parte existentia, ac cessantia.

4. Si caput, manus, ac pedes frigidi sunt, ventre, costisque calentibus, malum est.

5. Optimum vero est totum corpus calidum esse, ac molle æqualiter.

6. Eum qui dolet, ut facile convertatur, sitque resurgendo levis, oportet.

7. Si ergo grave videatur reliquum corpus, et item manus, ac pedes periculosius est.

8. Si vero præter gravitatem, unguis quoque ac digitus lividi sint, expectanda mors statim est.

9. Si digitus, ac pedes omnino nigrescunt, minus perniciosi sunt, quam si lievent: sed alia signa consideranda sunt, si enim facile ferre morbum videatur, et aliquod aliud signum salubre subindicit, morbum verti ad abscessum sperandum est, ita ut æger convaliturus sit, et corporis partes denigratæ casuræ.

10. Testes, ac pudendum contracta, fortes significant dolores, et periculum letale.

11. De somno vero quemadmodum

secundum naturam nobis est in consuetudine, interdiu vigilare, noctu dormire convenit. Si tamen hoc transgressum fuerit, deterius est: minime vero nocebit, si dormiatur, prima luce ad tertiam diei partem. Somni tamen extra id tempus pejores sunt.

12. Pessimum vero est neque interdiu, necque noctu dormire, vel enim ex dolore, et laboribus vigilabit, vel delirium inde significabitur.

13. Optima vero *dejectio* mollis est, et constans, et quæ eo tempore secernitur, quo per bonam valetudinem: quantitas vero secundum rationem ingestorum. Sic enim exeunte imus venter bene utique valebit.

14. Si autem fuerit *dejectio* liquida, expedit ne subducatur cum stridore, aut crebro, et sensim; laborans enim homo ex frequenti surrectione, vigilabit utique. Si vero accumulatim, et sæpe dejecerit, periculum est ne animo delinquit.

15. Sed oportet pro quantitate ingestorum dejicere bis, aut ter in die, noctu semel; plurimum autem subeat primo mane, quemadmodum homini consuetum est.

16. Incrassari autem oportet *dejectiō* nem, morbo eunte in *judicationem*.

17. Subruffa autem sit, neque admodum graveolens.

18. Expedit autem *lumbricos* teretes

520 NOTÆ EX HYDROPIBUS , &c.  
cum dejectione exire , morbo ad judica-  
tionem eunte.

19. Decet autem in omni morbo ven-  
trem flacidum , ac bonæ molis esse.

20. Valde tamen aquosum , vel album ,  
vel chlorum , vel vehementer rubrum , vel  
spumosum dejicere : omnia hæc mala sunt.

21. Mala autem dejectio est , si fuerit  
parva , et glutinosa , et alba , et subchlo-  
ra , ac lævis.

22. His autem magis letales erunt,  
nigræ , vel pingues , vel lividæ , vel æru-  
ginosæ , vel foetidæ.

23. Variegatæ tamen dejectiones , his  
diuturniores sunt , sed nihilominus leta-  
les : sunt autem tales ramentosæ , et  
biliosæ , et cruentæ , et porraceæ , et ni-  
græ , nonnumquam quidem simul , non-  
numquam vero vicissim procedentes.

24. *Flatum* vero sine sonitu , ac cre-  
pitu exire optimum est : melius autem est  
cum sonitu exire , quam revolvi , quam-  
vis sic procedens significet hominem ali-  
qua parte dolere , aut delirare , nisi volens  
sic flatum emiserit.

25. Dolores autem , atque tumores ex  
hypochondriis , si recentes fuerint , ac sine  
phlegmone , solvit murmurium factum in  
hypocondrio , et maxime si exierit cum  
stercore , urina , et flatu . Si vero non exie-  
rit , proficiet ubi ad inferas partes des-  
cendat.

## NOTÆ EX URINIS : VOMITU : SPUTO.

26. *Urina* vero optima est , quando sedimentum fuerit album , et lœve , et æquale per totum tempus donec morbus judicetur : securitatem enim significat , ac morbum futurum brevem : si vero intermittat ; ita ut aliquando pura mingatur , aliquando vero subsideat album ac lœve , morbus diuturnior , ac minus securus est .

27. Si vero urina fuerit subrubra , et sedimentum subruberum , ac lœve , diuturnior quidem hæc quam prior est , valde tamen salutaris .

28. Subsidentiæ vero in urinis speciem farinæ crassioris referentes malæ sunt , his autem pejores sunt squamosæ , tenues vero , et albæ , valde malæ , his vero pejores sunt furfuraceæ .

29. Nebulæ vero quæ urinis invehuntur , albæ quidem bonæ , nigræ vero malæ .

30. Quandiu urina fuerit rufa , et tenuis , crudum significat esse morbum .

31. Si autem diuturnus fuerit morbus , et urina talis fuerit , periculum est ne homo sufficere non possit , donec urina concoquatur .

32. Ex urinis vero magis exitiosæ sunt foetidæ , et aquosæ , et nigræ , et crassæ .

33. Viris autem et mulieribus urinæ nigræ pessimæ sunt , pueris vero aquosæ.

34. Quibuscumque tenuem ac crudam longo tempore mingentibus urinam , si cætera , ut in convalitiris , indicia fuerint, iis abscessum ad partes septo transverso inferiores spectare oportet.

35. Et pinguedines supernatantes , similes telis aranearum damnandæ sunt, significant enim colliquationem.

36. Considerare autem oportet urinas in quibus nebulæ sunt, an sursum, an deorsum existant , et colores quales habent, et eas quæ deorsum feruntur cum coloribus qui dicti sunt , bonas esse ac laudabiles ; quæ vero sursum cum coloribus, qui dicti sunt , malas , ac damnandas esse.

37. Nec te decipiat , si vesica ægrotans aliquam talem redidderit urinam : non enim totius corporis morbum ostendit , sed ipsius solius.

38. *Vomitus* autem utilissimus est, quam maxime pituita , ac bile commixtus , non admodum crassus , nec multus, synceriores namque deteriores sunt.

39. Si tamen fuerit id , quod vomitur , porraceum , vel lividum , vel nigrum, quicumque ex his coloribus fuerit , malum esse existimare oportet.

40. Si tamen omnes colores idem homo vomuerit , valde letale jam est.

41. Celerrimam autem mortem os-

tendit lividus vomitus , si foetidum oleat.  
42. Omnes vero subputridi , ac foeti-  
di humores , mali sunt in omnibus , quæ  
vomuntur.

43. *Sputum* autem in omnibus dolo-  
ribus , qui sunt circa pulmonem , et cos-  
tas , ut cito , ac facile rejiciatur oportet.

44. Permixtumque adpareat flavum  
admodum , sputo.

45. Si enim post initium doloris spua-  
tur flavum , aut ruffum , aut plurimam  
tussim inferens , et non admodum com-  
mistum , deterius est.

46. Flavum enim cum syncerum sit,  
periculosum est ; et album glutinosum , et  
rotundum , perniciosum.

47. Malum vero , et quod valde chlo-  
rum est , et spumosum.

48. Si vero adeo sincerum fuerit , ut ni-  
grum appareat , gravius illis hoc est. Malum  
autem , si nihil aut expurget , aut admittat  
pulmo , sed plenus in gutture ferveat.

49. Raucedines , et sternutamenta in  
omnibus morbis , qui sunt circa pulmonem ,  
præcedere , aut supervenire malum. Ve-  
rum in aliis morbis exitiosissimis sternu-  
tamenta utilia sunt.

50. Si vero sputum flavum sanguini  
non multo commixtum , in iis qui pul-  
monia laborant inter initia spuatur , val-  
de utile est , septimo vero , aut tardius ,  
minus securum est.

51. Omnia sputa mala sunt , quæcumque dolorem non sedaverint. Nigra vero pessima , ut scriptum est. Quæ vero cum rejiciuntur dolorem sedant , omnibus sunt meliora.

## NOTÆ EX SUPPURATIONE.

52. **Q**uicumque autem dolores harum partium non sedantur , aut sputorum purgationibus , aut ventre exonerato ; aut sanguinis missione , ac victus ratione , et purgatione per medicamentum , scias quod suppurantur.

53. Ex suppurationibus quæcumque pus effundunt , adhuc bilioso existente sputo , valde letales sunt , sive vicissim , sive simul bilis , ac pus rejiciantur.

54. Maxime vero si septima die morbi incipiat separari suppuratio ab hujusmodi sputo.

55. Sperandum vero est moriturum decimoquarto die eum , qui talia spuit , nisi aliquod signum bonum ei supervenerit.

56. Sunt autem bona hæc ; facile ferre morbum , bene respirare , vacare dolore , et sputum facile excreare , corpus æqualiter calidum , ac molle apparere , non sitire : atque urinas , dejectiones , somnos , et sudores , singula intelligere bona superven-

nire : sic enim omnibus supervenientibus, non utique peribit homo.

57. Quod si quædam ex his superveniant, quædam vero non, morietur utique homo, non pertransiens quatuordecimum diem.

58. Per contraria tamen horum : difficile ferre morbum, spiratio magna, et frequens, dolorem non cessare, vix spuere, valde sitire, corpus à febre inæqualiter affici, ventremque ac costas vehementer incalescere, fronte, manibus, ac pedibus frigidis, urinæ vero, et dejectiones, et somnos, et sudores, mala singula intelligere, ut descripta sunt.

59. Sic certe si sputo quippiam horum accesserit, morietur homo, antequam ad decimumquartum diem perveniat, aut nonum, aut undecimum.

60. Sic igitur conjectare oportet hoc tanquam valde letale sputum et non perducens usque ad decimumquartum diem. Eum vero qui de bonis, ac malis signis supervenientibus ratiocinatur, ex his decet prædictiones præmittere : sic enim maxime vera dicet.

61. Aliæ vero puris eruptiones fiunt, plurimæ quidem vigesimo die, quædam vero trigesimo, quædam quadragesimum, quædam autem ad sexagesimum diem perveniunt.

62. Considerare autem oportet prin-

cipium suppurationis fore raciocinantes , à prima die qua homo frebricitavit. Si quando primum rigor ipsum prehendit , et si dixerit , in parte quæ dolore vexabatur pro dolore , pondere ipsum gravari. Hæc enim in principiis fiunt suppurationum. Ex his igitur temporibus rupturam suppurationum fore sperandum est , prædictis temporibus.

63. Si vero empyema in altera tantum parte existat , hos convertere ac discere oportet , doleat ne quippiam in altero latere , et an alterum altero calidius sit. Atque cubantem super sanum latus interrograre , an videatur sibi onus aliquod desuper suspendi. Si enim ita est , in quodcumque latus pondus insit , in illo suppurationis existit.

64. Hujusmodi signis omnes suppuratos dignoscere convenit. Primum quidem , si febris non dimisserit , sed interdiu tenuiter afficiat , noctu vero plus , et plurimi superveniunt sudores , atque tussiendi cupiditas eis inest , et nihil excreant effatu dignum : oculi fiunt cavi ; malæ vero rubent , ungues manuum incurvantur , digiti incalescent , et potissimum summi , in pedibus fiunt œdemata , cibos non appetunt , et phlyctenæ per corpus erumpunt.

65. Quæcumque igitur ex suppurationibus prorrogantur , talia signa habent , et eis credere maxime oportet. Quæcum-

que vero recentes sunt , per hæc innotescent , si quid apparuerit eorum , quæ in principio fiunt , simul autem etsi difficilis spiraverit homo.

66. Quæ vero ex eis celerius , aut tardius rumpuntur , his signis cognoscere oportet. Si dolor ab initio fiat , et difficultas respirandi , et tussis , et excreatio perseveret , rupturam sperare oportet vigesimo die , et adhuc ante. Si vero dolor mitigior fuerit , et reliqua omnia secundum rationem , in his posterius ruptura speranda est. Præcedere autem necesse est ante puris eruptionem , dolorem , difficultatem respirandi , et excreationem.

67. Liberantur autem ex his , maxime quidem , quos febris dimisserit eodem die post eruptionem , et qui cibos citius appetunt , et siti vacant , et venter pauca , ac constantia demittit , et pus album , læve , uniusque coloris fuerit , ac sine pituita , et sine dolore , aut tussi vehementi. Sic enim optimè ac citissime liberantur. Sin minus hi , qui ad hos maxime accedunt.

68. Morientur autem quos febris minime dimiserit , vel cum dimisisse putetur , iterum incalescere videantur , et sitim habuerint , et cibos non appetant , venter humidus fuerit , et pus chlorum , et liquidum spuant , vel pituitosum , vel spumosum , si omnia hæc fiant , moriuntur. Quibus vero ex his quædam supervenerint ,

quædam vero non : quidam ipsorum moriuntur, quidam longo tempore salvantur; verum ex omnibus indiciis in ipsis inventis, conjectari oportet de aliis omnibus.

## NOTÆ EX ABSCESIBUS, EX VESICA.

69. **Q**uibuscumque ex pulmonia *abscessus* circa aures fiunt, et suppurantur, vel ad inferas sedes, et fistulantur, ii liberantur.

70. Considerare autem oportet talia in hunc modum. Si febris detinet, et dolor non cessaverit, et sputum non excernatur secundum rationem, neque biliosæ fuerint alvi dejectiones, neque dissolutæ, atque synceræ, nec urina valde multa, et crassa, ac plurimum continens sedimentum : paratur autem salubris ab omnibus aliis salutiferis signis ; in his oportet hujusmodi abscessus futuros sperare.

71. Fiunt autem hi quidem in partibus inferioribus, quibus circa hypochondria *Pblegmon*, id est, inflammatio quæpiam innascitur : illi vero in superioribus, quibus hypochondrium flaccidum, ac sine dolore perseverat ; si vero quando difficulter respiraverit, sine alia manifesta occasione, cessabit.

72. Omnes autem abscessus, qui fiunt in cruribus, in pulmoniis vehementibus,

ac periculosis, utiles sunt: optimi vero, qui fiunt sputo jam in pus mutato. Si namque tumor ac dolor fiant, sputo facto purulento ex flavo, et foras procedente, securissimè liberabitur homo, et abscessus citissime cessabit sine dolore. Si tamen sputum non bene processerit, nec urina cum bono sedimine apparuerit, periclitatur articulus claudicare, aut multum negotium præbere.

73. Si vero abscessus *aphanizontai* id est repente occultantur, atque recurrunt, sputo non procedente, ac febre non dimittente, malum est; periclitatur enim homo delirari, atque mori.

74. Ex empyicis, qui ex pulmonis morbis tales sunt *geraiteroi* id est, seniores potius moriuntur: ex aliis vero suppurationibus juniores potius intereunt.

75 Dolores vero cum febre facti circa lumbos, et inferas sedes, si septum transversum attigerint, inferas sedes relinquentes, valde letale. Aliis igitur signis mentem adhibere convenit. Quoniam si aliquod aliud signum malum apparuerit, desperatus homo est. Si autem assurgente morbo versus septum transversum alia signa supervenerint non mala, ipsum empyicum futurum valde speratur.

76 Quicumque vero ex empyicis uruntur, quibus pus purum, album, et sine pravo odore fuerit servantur: quibus vero

530      NOTÆ EX ABSCESIBUS,  
subcruentum , et cœnosum , moriuntur.

77. Vésicæ duræ ac dolorosæ : malæ omnino sunt , et exitiosæ. Exitiosissimæ vero, quæcumque cum febre continua sunt. Dolores namque ab ipsis evenientes interimere valent , et ventres in talibus non dejiciunt , nisi dura , et ægræ.

78. Solvit vero morbum urina quæ purulenta mingitur , album ac læve habens sedimentum.

79. Si vero urina nullatenus *endidoie* id est , concedat , neque vesica mollescat , et febris continua vexaverit , in primis morbi circuitibus speratur dolentem moriturum.

80. Modus autem iste potissimum tentat pueros à septimo in quartumdecimum annum.

### SECTIO III.

#### FEBRIS , DOLOR CAPITIS , AURIUM.

1. *Febres* vero judicantur , in eisdem diebus numero , ex quibus supersunt homines , et ex quibus moriuntur.

2. Simplicissimæ namque febres , ac signis firmatæ securissimis , quarto die , aut citius cessant : pessimæ vero , ac cum signis gravissimis factæ , quarto die , aut citius interimunt.

3. Primus itaque insultus ipsarum in hunc modum finitur: secundus autem ad septimum perducitur, tertius ad undecimum, quartus ad quartumdecimum, quintus ad decimum septimum, sextus ad vigesimum: hi igitur ex acutissimis morbis facta per quatuor additione, ad vigesimum finiuntur.

4. Fieri vero non potest, ut aliquid horum integris diebus vere annumeretur, non enim annus, aut menses integris diebus annumerari solent.

5. Post hæc autem eodem modo, et secundum eandem adjectionem, primus circuitus quatuor, et triginta dierum, secundus quadraginta dierum, tertius sexaginta dierum est.

6. Inter initia tamen horum difficilius est prænoscere ea, quæ multo temporis spatio judicari debent: si millima enim eorum initia sunt. Sed à primo die animum adhibere opus est, ac per singulos quaternarios additos considerare; nec latebit quo vertetur morbus.

7. Est autem, et quartanæ constitutio, ex tali concinnitate.

8. Qui vero minimo temporis spatio judicari debent, facillimi cognitu sunt: maxime enim ab initio differunt, qui enim convalituri sunt, facile spirant, et sine dolore agunt, noctu dormiunt, ac reliqua securissima habent; morituri ta-

men difficile spirant delirantes , vigilantes , ac reliqua signa pessima habentes.

9. His igitur ita evenientibus conjectari oportet per tempus , ac per singulas additiones , morbis euntibus in judicationem.

10. Secundum eandem rationem , et foeminis judicationes fiunt ex partu.

11. *Capitis autem dolores* vehementes , atque continui cum febre , si quidem aliquod ex signis letalibus accesserit , valde exitiosum est. Si tamen absque talibus signis dolor viginti dies transcendat , et febris detineat , suspicari oportet sanguinis è naribus eruptionem , vel aliquem alium abscessum ad inferas sedes. Donec autem dolor recens fuerit , consimiliter sanguinis è naribus eruptionem , vel suppurationem spectare oportet , præsertim si dolor circa tempora , et frontem fuerit.

12. Magis autem spectare oportet sanguinis eruptionem in junioribus trigesimumquintum annum agentibus , in senioribus vero suppurationem.

13. *Auris vero dolor* acutus cum febre continua , ac vehementi , malum. Periculum enim est delirii , atque abolitionis. Quoniam igitur fallax hic locus est , cito mentem adhibere convenit , et omnibus aliis signis à prima die.

14. Pereunt autem ex hoc morbo juniores quidem septimo die , et adhuc ci-

tius ; seniores vero multo tardius , febres namque et deliria minus eis superveniunt, et hanc ob causam aures suppurari præveniunt. Verum in his æstatibus recidivæ morbi supervenientes plurimos interimunt. Juniores tamen ante auris suppurationem moriuntur. Si autem pus album ex aure defluit , spes habetur de salute juvenis , si aliquod aliud bonum signum ei superveniat.

15. Fauces exulcerari cum febre , difficile : verumtamen si aliquod aliud signum supervenerit , eorum , quæ malis adjudicata sunt , prædicendum hominem in periculo esse.

## ANGINA.

16. *A*nginæ autem gravissimæ sunt ac celerrime interimunt , quæcumque nihil conspicuum faciunt in faucibus , neque in cervice : plurimum vero dolorem inferunt , atque orthopnœam. Hæ enim eodem die strangulant , et secundo , et tertio , et quarto.

17. Quæcumque vero dolorem alioqui alteri similiter inferunt , attoluntur autem , ac in faucibus rubores efficiunt , valde quidem letales , cæterum præcedentibus diuturniores , si magnus fiat rubor.

18. Quibus vero fauces , et cervix si-

mul rubent, hæ sunt diurniores : et maxime ex ipsis liberantur, quibus cervix, et pectus ruborem traxerint, nisi sacer ignis intro recurrat.

19. Si vero neque in diebus decretoriis sacer ignis evanescat, neque tuberculum ad externam convertatur regionem, neque pus excreet, et facile, ac sine dolore agere videatur, mortem significat, vel conversionem ruboris,

20. Securius vero est, tumorem, atque ruborem quam maxime foras verge-re. Si tamen in Pulmonem vergat, insolentiam faciet, et ex ipsis magna ex parte fient Empyici.

21. Gargareones secare, aut scarificare periculosum est, quandiu rubri fuerint, et magni. Inflammationes etenim eis superveniunt, atque sanguinis eruptiones. Sed decet per id tempus hujuscemodi tentare, aliis machinamentis extenuare. Quando vero jam separatum fuerit totum id, quod uvam appellant, et facta fuerit summa pars gargareonis major, atque orbiculata, superior vero tenuior, tunc temporis tutum est admoveare manum. Sed melius est evacuato ventre manus operatione uti, si tempus concederit, et non suffocetur homo.

22. Quibus febres desinunt, neque cum signis solutionis, neque in diebus decretoriis recidivam in eis spectare oportet.

23. Quæcumque febris prorrogatur, salubriter affecto homine, nec ob inflammationem, nec ob aliam quamvis causam manifestam, dolore detinente huic spectandus est abscessus cum tumore, ac dolore, ad aliquem articulorum, maxime eorum, qui sunt in parte inferiori.

24. Hujusmodi abscessus magis ac in minore tempore fiunt junioribus natu trigesimum annum agentibus.

25. Considerare autem oportet statim abscessus signa, si viginti diebus transactis febris detineat.

26. Senioribus vero minus accidunt, ubi febris fuerit diuturnior.

27. Oportet autem hujusmodi abscessum sperare, ubi continua fuerit febris: in quartanam vero deducetur, si intermit-  
tat, et erratico modo apprehendat, et sic agens autumno appropinquet.

28. Quemadmodum vero junioribus trigesimum annum non attingentibus, abscessus fiunt: sic quartanæ magis iis, qui triginta annorum sunt, et senioribus.

29. Scire autem oportet abscessus ma-  
gis fieri hyeme, tardius cessare, et minus  
recurrere.

NOTÆ EX VOMITIONE SPONTANEA,  
ET CONVULSIONE.

30. **Q**uicumque autem in febre non letali dixerit caput dolere , aut etiam tenebrosum aliquod ante oculos apparere, et oris ventriculi morsus huic accesserit, biliosus vomitus aderit. Si autem et rigor accederit , et partes inferiores hypochondrii frigidas habuerit , citius adhuc vomitus aderit ; quod si aliquid biberit, aut ederit , per id tempus valde celeriter vomet.

31. Ex his vero, quibus dolor fieri cœperit , prima die , quarta premuntur maxime , et quinta : ad septimam vero liberantur. Plurimi autem ipsorum tertia dolere incipiunt , quinta vero maxime vexantur , liberantur vero nona , aut undecima. Si tamen quinta dolere cœperint, et reliqua secundum rationem priorem ipsis eveniunt , decimaquarta morbus judicabitur.

32. Fiunt autem hæc mulieribus quidem et viris , in tertianis maxime : junioribus autem fiunt quidem et in ipsis, magis vero in febris perassiduis , et in legitimis tertianis.

33. Quibus autem per hujusmodi fe-

brem capite dolentibus , pro tenebrositate ante oculos apparente , hebetudo fiat , vel splendores præsententur : pro morsu vero oris ventriculi , in hypochondrio , vel in dextra , vel in sinistra parte contendatur quippiam sine dolore , aut phegmone : pro vomitu , sanguinem è naribus erupturum sperandum est : inde autem in juvenibus magis sanguinis eruptionem spectare oportet. In his vero , qui triginta annorum sunt , et senioribus , minus , sed in his vomitus sperandi sunt.

34. Pueris vero convulsiones fiunt , si febris acuta fuerit , et venter non excretat , et vigilant , ac perterreantur , et lugent , et colorem mutent , et chlorus , vel lividus , vel rubicundus emergat. Fiunt autem hæc promptissime quidem pueris quam primum editis , usque ad septimum annum. Adultiores tamen pueri , et viri non amplius per febres convelluntur , nisi aliquod signum accesserit vehementissimum , ac pessimum , qualia in phreniticis fiunt.

35. Morituros autem , ac liberandos ex pueris , atque aliis conjicere per omnia signa , quemadmodum in singulis singula scripta sunt.

36. Hæc autem dico de morbis acutis , et quicumque fiunt ex ipsis.

37. Oportet autem eum qui recte præcognoscere debet salvandos , ac morituros , in quibus etiam morbus plurium , aut pau-

ciorum dierum futurus est, cum signa dicterit, ipsorum vires raciocinatus, invicem discernere, quemadmodum de aliis scriptum est, ac de urinis, et sputis, quando simul pus, ac bilem excreaverit.

38. Decet autem morborum semper populariter grassantium, impetum considerare, nec latere temporis constitutionem.

39. Recte igitur nosse oportet, de tecmeriis, id est de conjecturis certis, atque aliis signis; nec latere, quod omni anno, et omni tempore, et mala malum, et bona bonum significant.

40. Quandoquidem et in Lybia, et in Delo, et in Scythia, quæ scripta sunt apparent veridica signa.

41. Bene igitur nosse oportet, quod in ipsis regionibus non est difficile multiplicia ipsorum consequi, si quis ediscens ipsa, recte judicare, ac ratiocinari sciatur.

42. Nullius morbi nomen desiderandum est; quod hic non fuerit scriptum: omnia enim, quæ in temporibus prædictis judicantur, eisdem signis cognosces.

FINIS PROGNOST. HIPP.

## JUDICIUM

DANIEL. WILHELM. TRILLERI

MEDICINÆ DOCTORIS

SAPIENTISSIMI

SUPER STUDIO HIPPOCRATICO,

ATQUE ORATIONE ISTA BOERHAAVII  
COMMENDANTE ILLUD.

**F**erme ultra sæculi dimidium jam quotidie sedulo agitavi *Studium istud Hippocraticum*; nec unquam manu deponam Hippocratem, nisi cum vita ipsa . . Idem vero faciant, ardenter voveo, qui me in posterum sequentur. . Reflorescat per eos studium illud Hippocraticum tam necessarium, tam salutare, et utile, quod hucusque penitus fere defloruit, exaruit, imo pæne prorsus emortuum jacet.

Hinc serio sane nunc optandum esset, ut summus ille Boerhaavius iterum suam Orationem monitoriam publice repeteret, verbis electis nitidam, ac venustam, acutis sententiis floridam, et ipsis denique

rebus gravem , ac ponderosam , de *Studio in primis Hippocratico commendando*: qualem scilicet jam olim A. 1701. mirantibus auditoribus solemniter habuit. Cujus inde argumentis luculentis sane , et efficacibus *Studium istud Hippocraticum*, quod tum nonnihil refixerat , denuo lætius , latiusque revixit , ac reviruit. Unde postea laudatissimo isto quidem exemplo incitati sensim splendide prodierunt Medici summi vere Hippocratici van-Swietenius : Gaubius : Gorterius Haenus . . .

Deplorat denique suis terris Hippocratem desertum , ac tacentem , quoniam nempe ille Medicinæ Princeps a paucis nunc consulitur , a paucioribus intelligitur , et a paucissimis denique in ipsum usum practicum advocatur. Quum tamen sine ipsius ope , plerumque in spisis tenebris omnes Medici palpant , reptant , cespitant , imo labuntur . . Ita graviter , ornatè , veraque asserente longævo isto Sene artis nostræ meritissimo Antistite. Hæc Trill.

Volum. III. Opusculorum suorum Medicorum ac Medico-Philologicorum. Præf. p. XX. A. 1772.

## HERMANNI BOERHAAVE

## ORATIO.

## DE COMMENDANDO

STUDIO HIPPOCRATICO.

**E**xigit hujus Loci auctoritas, atque ipsa hæc, quam ago, persona, ut de rebus Medicis verba faciam. Illarum vero quum magna sit copia ad dicendum, eam eligendam putavi, cujus enarratio Medicinæ Cultoribus utilis in primis esset, atque tempestiva. His quippe omnis hicce apparatus, His omnis hæc dicata est festivitas. Quid autem res ipsa monet? Quid tempus postulat? Nisi de eo agendum, quo, licet in arte medica palmarium sit, haud aliud tamen negligitur turpius, vel magis perfunctorie tractatur. Ea scilicet hoc sæculo in schola Medicorum oscitatio dominatur, an superbia, ut spreta Hippocratis monumenta nullo in usu, vix ullius habentur pretii! Hæc tamen scrutanda, hæc nocturna versanda atque diurna manu prius, quam bonæ frugis quidpiam à Medico in ægros redundare queat, persuade-

re conabor. Quæ dum in animum induco, late patentem orationi campum natus exspatiarer pro rei copia ; sed reprimit impetum , verbaque mea in brevis horæ curriculum cogit, Vestræ, P. C. Præsentiae Majestas , Vestri temporis Patriæ sacrati justa æstimatio. Illis minime abutti , sed ea , qua par est , cum veneratione frui animus dictat , dum contemplamur Vestra in capessunda fœliciter Rep. Merita , atque Virtutes , quæ claro sanctissimæ veritatis præconio æterna , gratae Posteritati laudis materiem , virtutum exempla , dabunt. Attica ergo lege , nulla exordii pompa gravis , pauca in medium proferam , quibus juveniles animos excitem , ut inflammato studio rapiantur ad purissimos salutis fontes , quorum salubrī latice sua conscripsit Pater ille atque Princeps Medicorum. Hoc agenti attentionem parat , benevolentiamque conciliat rei opportunæ dignitas : timorem vero tollit , additque animum propria Vobis et spectata in audiendo semper lenitas.

Ut itaque propositum absolvam , ante pauca de Officio Medici explananda habeo , quam de ipso Hippocrate dicam. Medicum esse atque haberi eum , qui corporis humani sanitatem tueri , atque infestos ei morbos propulsare novit , omnibus in ore est. Divina quisquis hac arte pollet , primum sibi in consessu Apolli-

neo locum vindicare , eumque digne exornare poterit. Neque vero aliis habet opus, quo ægrorum votis , suoque animo satisfaciat. Pauca quidem hæc atque pulchra, quæ medicinam consummant , etiam ignoris apparent , sed rerum peritis ardua comperta sunt. Enimvero , sanitatis natura et morborum in obscuro latet ; illorum causæ sunt imperscrutabiles, remedia haud satis habentur explorata. Hæc tamen perspecta tenenda illi , qui ad artis adspirat perfectionem , res ipsa clamat , consentiunt omnes. Sed magnum semper inter Auctores , Scriptoresque rerum medicarum, certamen fuit , vi ne rationis , an experientiæ usu MEDICINA magis procederet? Neque defuerunt unquam præclaro ingenuo Viri , qui utrumque horum per se indigens , alterum alterius auxilio perficere, cum laude laboraverunt. Ægri enim , ante nata Medicinæ primordia , morborum cruciatibus impulsi ad certos dolores incerta tentaverunt remedia , quorum ubi nonnulla fortuna magis , quam arte , salutaria comperissent , eorum annotatione prima jecerunt artis fundamenta. Postea vero ægrotos in forum et compiata exponentes unumquemque prætereuntium similia forte passum lege lata compilere , ut laboranti esset solatio , ut manifestaret remedium , cuius auxilio ipse ejusdem mali pericula effugerat. Cernitis A. alterum Me-

dicinæ statum , quem sapientiæ humanæ antiquissimi auctores Babylonii , et Chaldæi inchoaverunt : à quibus , ut artium reliquæ ; derivatus in Ægyptum , pro subtilitate atque industria Gentis , sensim magis magisque fuit promotus . Quid enim ? morborum species , et auxilia votivis insculpta tabulis ad delubra Deorum suspendingo , atque unicuique malorum singulos præficiundo Medicos , indigestam experimentorum molem bene et composite digesserunt in formam artis , usui accommodatam . Postremo , progresso cum tempore usu , sola remedia non sufficere experti mortales , judicium rationis implorabant , cuius sibi luce in primis opus esse , ad dignoscenda , et curanda mala , in plurimis et solius ratiocinii lumine distinguendis circumstantiis , dudum observaverant . Tumque statim , ut in talibus fieri notum est , subtilitati ingenii magis , quam experiundi tædio , dediti , ea , quæ sapienter , et ex rei necessitate , à Majoribus conjuncta acceperant , separaverunt . Tum , ne consulta quidem experientia , excogitatam speculatione rationis disciplinam nobis obtulerunt . Verum , licet ad eloquentiam composita , et Philosophantibus accepta brevi adolesceret , ægris tamen perniciosa comperta fuit , et fatalis . Neque mirum id videbitur ei , qui in rem ipsam introspicere proprius non dedigna-

tur. Est nempe tam sanitas , quam morborum quilibet , definitus omnino effectus , oriundus ab determinato et singulari concursu omnium illorum , quæ juncta , in illo effectu producendo , causæ officio funguntur. Hanc ergo ut lege rationis investigatam causam evidenter demonstres mathematica , oportebit prius exactissime cognitas habere singulas ejus proprietates et vires seorsim spectatas , atque deinde ex iis , ad se mutuo comparationis ope relatis novas , quæ hinc deteguntur , invenire. Quum vero mentis nostræ intellectum non illustrent illæ proprietates , nisi per effecta sua , quæ sensibus se cognoscenda præbent ; palam est , omnia illa , quæ causæ , accidentium , vel effectorum ratione in sano vel morboso statu adsunt , indaganda et describenda esse , antequam de prospera vel adversa valetudine , atque utriusque mediis , statui quidquam possit. Agitur hic enim de rebus ipsis , prout ab suis causis in rerum natura constituuntur : quæ semper singularissimæ , et à peculiaribus circumstantiis undique dependentes sunt , in quas proinde vis demonstrationis abstractæ , universalis , et indefinitæ non eam lucem infundit , quæ rebus gerendis requiritur. Si autem tanta ægritudinum varietas , si in unaquaque illarum tam multa observanda , ut ratiocinii tantummodo colligan-

tur fundamenta ; quis erit , qui vitæ fluxam fragilitatem non deploret ? stupiditatem attentionis quis non doleat ? in primis , quum tot impedimenta nulla arte evitanda , occupatum in his animum quavis hora avocent , atque in aversa abripiant . Tanta hæc , tamque difficultia sunt , ut nulli mortalium ætas , oportunitas , corporis , vel animi vires sufficient , ut ab se uno hæc absolvenda speret . Quorsum igitur hæc dispuo ? Ut intelligatis quam necessarium sit , ut ex aliorum laboribus eligamus , nobis quod ex usu sit ; ut videatis , consulendos esse à nobis mortuos , si vivos imperitiæ primo dissentium , si eos primorum experimentorum periculis , eripere studemus . Ita se res habet , vel de integro semper est ineunda ratio , adeoque unius ubique industria stabit vel cadet Medicorum scientia , quod quam absurdum sit , patet , vel inevitabilis incumbit necessitas legendi scripta eorum , qui ante nos de hac arte commentati sunt .

De hoc quum liquido constet ; quod superest , inter illos præter omnes nostra attentione dignissimum esse Coorum Principem , haud equidem difficulter demonstrabo . Quodcunque in adversaria medica referri meretur , ut scribendæ historiæ et dirigendo ratiocinio inserviat , tam evidens sit oportet , ut de eo sanæ mentis dubitet nemo , vel cum ratione disputet .

Neque minus necesse est eadem illud narrari simplicitate , qua sensibus ab ipsa natura revelatur ; Huic omnis nocet factorum immutatio , obest additamentum aut detrimentum rei vel minimæ. Talia quæ sunt , clara , vera , atque æterna erunt , et relata ad causas indigandas eam habebunt rationem , quam in Geometricis *Data* habent ad *Quæsita*. Quisnam vero aptus erit , in factorum historia , solam naturam ducem sequi? Quis non divagabitur ? Quis dubitandi occasionem evitabit? Solus ille , mea quidem sententia , qui omni partium studio liber , nulli opinioni serviens , omni denique præjudiciorum amore vacuus , ea discit , ea recipit , ea narrat , quæ videt. Hic autem provocare juvat ad unumquemque Vestrum , cui Veterum placita , vel Recentiorum super hac re scripta excussisse , volupe fuit. Recolatur memoria , atque inter tot Scriptorum millia , unus modo nomineatur , qui et sua tractet , et ad liberæ veritatis sanctitatem castigatus sit. Solus ille nostræ scientiæ Conditor , mira hic puritate nitet , solus liber est. Nusquam precario quatuor elementorum figmento , vel editis inde supposita nativitate quatuor primariis qualitatibus , morborum fata obscurat , vel nativos sanitatis inquinat colores. Nunquam inanis de prima tempeste simplicium vitæ staminum disceptatio ejus animo offecit , quo minus in veros

rerum eventus penetraret. Frustra in prudenterissimo Viro acria illa de calido innato , de radicali humido certamina quæsi-veris. Non ullibi tot subtiles, atque adactis evanidas distinctionibus , morborum atque causarum differentias apud magnum Medicinæ Parentem invenire est. At joco quidem ille , refutatione non dignus seria , qui ludrica opera abutens , Chemicis deceptum fabellis Præclarum Senem , orbi imponit, quasi scilicet suavia illa de acido , et sale ex cineribus resuscitato somnia , tantum optimæ menti veternum incussissent , ut in describendis natura et remediis malorum haud deliravisset aliud. Non ita est. Meruit hanc laudem , et meruit fere solus, quod non visa nullibi effinxerit , quod videnda nunquam neglexerit , quod opera naturæ narraverit , non autem detorserit, vel mutaverit , quo labili aliter Hypothesi honos permaneret et perennitas. Qui, quum talem se gesserit omni vita , dignissimus certe fuit , qui duraturam per tot secula observatorum delineationem posteris consecraret : atque vel hoc nomine omnem Bonorum diligentiam , omnia studia ad se trahere meretur. Illi tamen jure adjungas paucos quidem , sed ejusdem castitatis observatores religiosos , ex ejus doctrina sapientes Aretæum ex Cappadocia , atque Rufum Ephesium , vel alios , sed paucos admodum ante Galeni

tempora, Græcos. Componantur vero Cœrum oraculis cæterorum, qui de medicina scripserunt, inventa. Vah quot commenta opinionum! Quibus decepti, pars rerum apparentias eo narrant ordine, quem suasit, cui serviunt, Philosophorum secta; alii rerum faciem ementitis coloribus deturpant, reliqui vero parum solliciti de factis, indagini causæ physicæ omne applicant ingenium.

Alterum, quod in historia medica requirit ratio, est dictionis simplicitas res ipsas brevi et perspicuo sermone explanans. Quo sales? quo joci? quo fabulæ? ubi res agitur maxime seria, atque præ aliis gravissima? Absit studio conquisita vocum obsoletarum obscuritas! absit Rhetorum flores, et verborum lenocinia! absit vana et in hoc negotio intempestiva Historiæ antiquæ ostentatio! Neque subacti Vir judicii pomposam variarum de quæsita veritate sententiarum enumerationem desiderat, neque subtilem et præmaturam causæ ultimæ inquisitionem. Literatorum epulis suavissima hæc condimenta stomachum movent illi, qui huic uni sedulo operam dat, ut certa et clara signa atque remedia utriusque valetudinis addiscat, qui id sibi in primis credit negotii datum, ægris ut placeat, non eloquentia, sed sanatione. Nos, quibus nihil pensi est scire quid mellita lingua, quid acre ingenium de-

Medicina dictet, Hippocratica folia, Sibyllinis veriora, revolvamus; in quibus gravia naturæ oracula sonant. Illis intento, non obtunditur judicii acies verborum obscuritate, ambagibus resolvendis, conciliandis aduersis bonum non conteretur otium, sed sensu turgens Laconum brevitas, Attica perspicuitate facilis, gravissima rerum pondera legentibus revelabit. Si ab uno discesseris Hippocrate, quis illi par? Si usquam, hic vero locum habet vetus illud, RARI BONI. Qui enim animi instruendi ergo ad reliquos adit Auctores, vel recocta reficietur crambe, aut meram offendet barbariem, aut postremo affectatam, sed inopportunam ostentationem Linguarum, Antiquitatum, Hieroglyphicorum et Fabularum. Adeo pauci splendorē referunt artium præclarissimæ debitum. Dum enim inter Arabas, atque barbaros Galeni interpres spurcitiem sermonis detestamini, apud eruditos, qui in Hippocratica commentantur, plura inventis, quibus disertum Oratorem, quam quibus utilem ægris perficiatis Medicum.

Sed ego hæc omitto, restant enim alia, et majori pondere argumenta, quorum vi, omnibus aliis præferendus demonstratur Hippocrates. Verum ad quid me convertam? Quid dicam prius? Larga est et dubia rerum memorabilium copia. Quid itaque memorabo? An vividam illam, at-

que nullo fractam labore attentionem animi , qua ad omnia circumspexit? An admirabilem , neque unquam torpentem diligentiam , qua quidquid ad rem facit , indagavit? An incomparabilem et plusquam Humanam, qua suo parta labore Orbi communicavit , benevolentiam atque fidem? Quodeunque horum speculatur animus, agnoscit ubique supra invidiam clarum, ubique supra humanam sortem felicem, ubique verum , Apollinis æmulum , Corum Æsculapium! Quæ sint , quæ fuerint, quæ ventura examussim omnia in quilibet ægritudine referre , soli datum fuit oculatissimo illi NATURÆ contemplatori. Si quis advertit animum ad miram illam, qua Prudentia distinguit natos per Medicum , Ministros , Medicamenta , atque ægrum , in morbis errores , ab iis malis, quæ ipsa morbi indoles produxit , Lynceum sibi , Phosphorum aliis fuisse pronunciabit. Ego equidem , quod res cogit, ita sentio Aud. omnes , quorum memoria exstat , omnium sæculorum viros Medicos, tot in morbis phœnomena , ne junctis quidem operis descripsisse , quot nobis relinqua curavit solus ille arcanorum vitæ scrutator. Quis anniversarias cœli tempes- tates , ut solemnum morborum causas, evulgavit? Hippocrates. Quis peculiares aeris vicissitudines , æstus , frigora , im- bres , squallores , ventorum furores , ho-

rumve silentia , hos illosve morbos generare , aperuit? Hippocrates. Quis ex regionum situ , natura soli , aquarum copia, motu , vel stagnis , quis ex telluris exhalationibus , ex montium positura , causas popularis necis detexit , quis integras hac sapientia gentes servavit? Hippocrates. O salutarem generi humano , neque unquam satis laudandum Virum! Nam quid Ego de industria illius dicam? Qua vitam , victum , potum , labores , atque mores Gentium examinans in ortum vernaeuli ipsius mali penetravit. Quid memorem relatas ab ipso eas rerum minutias , quarum aspectum refugerent ignari , quas tamen illius monitis prudentes satis graves experiuhtur? Vos , quibus in adyta veritatis penetrare amor est , intrate firmo pectore in penetralia Salutis , quorum atria tabulis Hippocraticis superbiunt , quibus ille Naturæ oracula de Aere , Locis atque Aquis inscripsit.

Verum si major menti vestræ cupido , neque vestibuli ornamento contenti ipsum musæum ingredi lubet ; ite audaces , ut contemplemini Venerandum Senem describendis epidemicis occupatissimum : neque mora erit , quin audituri sitis gravem Sapientis vocem , qua dictat suis , non observanda taptum sexus , ætatis , atque indolis discrimina , non modo notanda exercitia , mores , victum ægrorum , neque aë-

ris sufficere descriptionem , quoties designandi sunt illi , qui hac illave populari peste præter cæteros egregie infestati fuerunt. Sed videbitis præterea eum depingentem oculorum , capillorum atque cutis nativos colores , cernetis exarantem an lingua volubilis an balbutiens , an vox gracilis , an vero gravis fuerit , atque infinita quidem talia , non hic memoranda. Ideo omnia vos docet ; ut singulare cognoscatis temperamentum eorum , qui grassisanti malo magis obnoxii erant , quam reliqui , qui illis notis destituebantur. Eo hæc vobis inculcat , ut ducem habeatis , cuius ad exemplum vosmet in observandis ægris geratis. Eo hæc adfero , ut constet , signa dignoscendi morbos neminem exactius , propria illis mala neminem accuratius , artem de illorum fatis vaticinandi neminem verius tradidisse. Sive illorum primordia , incrementa , exitus , sive et miras illas , atque raro descriptas permutationes addiscere juvat , solus ille honesto satisfaciet desiderio. Et dubitamus adhuc in nostrum commodum uti tantorum laborum fructibus ? Aut ex eo colligere facta sine periculo , quæ novo aliter discrimine discenda erunt ?

Sed deficeret dies , si cuncta attingerem. Et Vos Aud. qui perspicientiam Viri in detegendis morbis admiramini , ut de felicitate , qua eosdem profligaverit , pau-

ca dicam , exspectatis. Ita enim in artis exercitatione se gessit , ut suo docuerit exemplo , post nitidam morborum delineationem , haud aliud Medico incumbere , quam ut probe compertam , atque successuum prosperitate confirmatam eosdem tollendi viam inveniat. In his investigandis fuerit ne altiori usus sapientia , an in communicandis candore animi , haud facile dixerim. Priori certe se , altera virtute nos , ab erroris periculo liberavit. Hanc gratos agnoscere , mirari illam , imitari utramque decet. Nulla Viro in applicando remedio temeritas. Nulla illi in observando effectu festinatio. Nulla in sinistris eventibus occultatio. Nulla in extollendis prosperis jactantia. Obtemperans morbo , ei imperat : suis illum artibus vincit. Dumque deficientis vitae vires erigit , vel furentis in sua damna impetus temperat , pauca , sed certa , vilia , sed apta , remedia invenit. Non in comparanda horum varietate , quod vanum , sed in cognoscenda vera et tempestiva illorum necessitate , quod in hac re summum , sollicitus , quibus opus esset , et quali eorum exhibitione , cogitavit. Non ad abditas , sed evidentes , respiciendo causas , certa et explorata dubiis præferebat. Quis vestrum non suspiciat ? Quis Medicorum non imitetur ? Quis ægrorum non optet suis malis Medicum , fulgentissimum illud Græ-

ciae dicam , an Orbis Lumen? Ille morborum itinera atque velocitates speculatorus , atros horum albosve dies observans, materiae morbosae motibus vel moderans vel obsecundans , ejus cruditates digerens, matura per vias ab ipso morbo indicatas comitans , eorum secessus dirigens , expellenda promovens , imitator denique et auxiliator potius , quam temerario ausu perturbator , omnibus salutis , nulli necis artifex celebrandus est. Nocentia , quae sors, juvantia , quae ars vel casus , obtulit , rimatus , remedia reperit. Tempus , modumque quo hostem visceribus excutit sibi permissa natura , contemplatus , utendi medicamentis regulas stabilivit. Ea postquam annosa , et quotidie exulta munivit experientia , postquam mille eventuum felicitate comprobata dedit , tum demum satis idonee instructum se existimavit , qui Herbarum , fossilium atque animalium virtutes traderet. Neque nudas enarravisse illas contentus , cautelas addidit et monita, quibus artis imperitus ab ejus exercitio arceret. Si vera audire juvat , si vera eloqui sine invidia licet , haec vera est , haec sola ægrotis succurrendi via. Non est , non invenietur alia , nisi qua in perniciem humani generis , non in salutem , itur. Unica haec admirabilis , utilis , imo prope divina est , quam calcavit , quam nobis et opere et verbis præmonstravit artis Auctor.

Vos, O præclari Juvenes, Sacra Phœbo Pectora, quibus re quam oratione convinci gratius, ipsam accedite scaturiginem in vitæ solatia salientem; cujus salutari lympha disfluunt, quæ de Morbis, de Affectionibus, de Internis, atque de prædicendi Arte vobis volumina dedicavit. Heu! quantum descivit sequutis dein sæculis à prisca gloria Medicina! Quam turpiter ab efficacissimo artis Magistro, USU, ad figmenta ludentis ingenii defecit! Damnosa quid non imminuit inertia! dum ab laboriosa observatione, ad Philosophorum placita, ab dictatis naturæ, ad garrulitatem, ab Hippocratis effatis, ad lubidinem fingendi devolutam dolemus! Quis æquo ferat animo jactari palam et ubique sanationes malorum, quæ, si jactata medela pellere tentes, irritata et aucta, non sublata, neque sopita indignamur? Cuinam ea lenitas, ut non commoveatur tot circulatorum Panacæis? Apage anili vix dignas lucubratione Personatorum Chemicorum fabellas! Apage vana promissa, in artis Hermeticæ dedecus nata! Apage Cyclopas, qui Phœbi sacra Vulcano dicant, Qui artium utilissimæ Chemicæ usum in cyclicorum technas convertunt! Quantæ tamen auctoritatis hæ nugæ pluribus habentur, neque naris tamen obesæ viris! Quasi satis non fuisset simplicium numero, compositorum confusione, methodo-

rum mole obrui , nisi in malorum complementum impudentis ignorantiae portenta accessissent! Sin vero ad alios te converteris , minus formidolosa quidem, solida tamen in hac re vix reperire dabitur. Qui enim rerum usu occupati , raro scripsere ; cæteri inventa rationis disputatione , vel tradita ab aliis descripserunt remedia et medendi formam. Restat ergo, nam plura urgere vетор , in omnes optimus Hippocrates.

Sed alia aliis mens est. Durum his , atque alienum à veritate videtur , quod persuasum volumus ; quos , quia neque rationis specie carent , audire fas est. Nonne , rogam , observationis usu constat Medicina? Ajo. Nunquid ergo temporis filia, ab eodem incrementa capit? Annuo. Ergo sub primæ artis Conditore infans imbellis humi serpsit ? Neque id negaverim. Itaque sub primo inventore Hippocrate rudis , tot dein sæculorum cultu polita, hoc tempore masculo vigore splendet. Id vero affirmantem multa nescire necesse est. Errat qui suis modo sapuisse Virmum credit , et rem ignorat. Testor Historiarum monumenta , quæ docent ab Apolline , primo inter Grajos Medico, oriundum Hippocratem , primævæ in Græcia Medicinæ arcana hæreditario jure posseditse. Phœbi proles Æsculapius tradita ab eo secreta perfecit, suisque inventis auc-

ta posteris reliquit. Ab hoc dein descendenterunt, quæ admiratur antiquitas, Medicinæ lumina! Celebrat enim Chrisamidem, Cleomuttadem, Theodorum, Sostratem, Nebrum, Gnosidicum, Hippocratem majorem, atque nostri Genitorem Heraclidem, omnes Medicos, omnes Arte claros. Adeo ut in Hippocratem de traduce in traducem propagata sint artis mysteria; quem recta serie ab stirpe nonum decimum in sua familia fuisse Medicum accepimus. His ubi curas, diligentiam, longævam ætatem, peregrinationes artis ergo per Babylonios, Ægyptios, Seras, et Indos susceptas, addideris, liberatus hoc errore, rudem Medicinæ adinotum non arbitraberis. At ille, quamvis tam amplis suæ gentis instructus esset præceptis, non acquievit; intelligenda aliorum dogmata putans, quæ jam tum evulgata erant, expedit. Erat ea tempestate fama notissimum in Cnido Fanum cuius parietes undique obvelati tabulis, in quibus continebantur Historiæ pulcherrimarum in facienda Medicina observationum. Hoc ille Juvenis admodum invisit, sibique exarata descriptsit, factus Cnidiorum arcanorum Symmysta. Neque adeo infantem tum Medicinam fuisse credet, cui, vel eo tempore in sectas eam divisam, scriptis evulgatam, atque adfinium disciplinarum auxilio promotam fuisse ex historia notum est.

Plura adferre super hac re supersedeo.  
Inspiciat , cui lubet , libros de prisca me-  
dicina , de victu salubri , de cibo acuto-  
rum , et de iis , quibus manus medetur ,  
omnes Hippocratis conscriptos stylo. Unum  
addam , ex innumeris , quibus acceptam  
à Parentibus vel Extraneis Medicinam ip-  
se provexit. Atque tale quidem id fuit ,  
ut ipsi uni proprium , ipsi singulare fuisse ,  
rerum omnis memoria testetur. Thes-  
salum majorem natu filium in Thessa-  
liam , Draconem , qui alter ab illo annis  
erat , in Hellespontum , Polybium gene-  
rum suum in aliam Græciæ regionem , tum  
ingentem Discipulorum numerum dimi-  
sit per reliquam Hellada , omnes imbutos  
artis regulis , omnes instructos remediis ,  
ut per totam Græciam ægris mederentur.  
Hi expositos in trivia sanare , morborum  
eventus , remediorum effectus annotare ,  
ad Hippocratem cuncta referre. En vobis  
adversariorum Thesaurum! En modum  
adquirendæ sapientiæ medicæ verum! Hæc  
felicia artis fata! Hæc fortunata tempo-  
ra! Quum unus , atque idem Sapientissi-  
mus tot Artificum peritorum opera ute-  
retur! Quum omnium Coryphæus tot la-  
bores , tot experimenta aliorum suis perfi-  
ciens in corpus redigeret ordinatum! Eant  
jam , qui ignorantia adflati vel invidia  
tanto Viro obtrectant. Comparetur illi  
quem volunt ; quam dispar erit ratio. Alii ,

quid unius , hic , quid plurium industria  
valeat , exhibet. Atii suis modo vident  
oculis , hic multorum usus est acie. Cæ-  
teri per singulos ægros , hic per eorum  
agmina experimenta fecit. Pauci , quid  
intra arcta unius Urbis pomœria morbi sit,  
tradiderunt , ille , quæ in tot vicos , urbes ,  
regiones , et regna lues grassaretur , obser-  
vabat. Hanc Ego Causam , quo minus  
alios huic pares statuamus , in primis mag-  
nam puto. Profecto Sapientia artis major  
longe in illo fuit , qui tantis ad Medicinam  
auxiliis usus est , quam in reliquis , qui ,  
quamvis cætera æquales , his destituti  
fuerunt. Atque inde natam arbitror , eo-  
rum , quæ scripsit , æternitatem. Hinc or-  
tam puto , illorum qua viginti trium sæ-  
culorum examen sustinuerunt , integritati-  
tem. Evolvatur illorum ordo , mutata  
Hippocraticæ veritatis facies nullibi ap-  
parebit. Executite Grajos , cognoscite Ro-  
manos , versate Arabas , repetitam atque  
confirmatam ubique invenietis doctrinam  
Hippocratis. Ex his enim , quorum ad nos  
memoria pervenit , Diocles Carystius , Are-  
tæus Cappadox , Rufus Ephesius , Sora-  
nus , Galenus , Ægineta , Trallianus , Ae-  
tius , Oribasius , et alii , quidquid habent  
eximii , Illi debent. Romani , quos inter  
Celsus excellit , et Plinius , Hippocratem  
Numinis loco habent , ad ejus effata , ut  
ad oracula , configiunt. Arabum optimi

purum putum describunt Galenum, qui ubi verus ibi totus Hippocraticus est. Inter recentiores de Medicinæ usu scriptores, paucos, si ulli sunt, Veterum perfectionem attigisse dolendum, quum reliquas artis medicæ partes cum gloria eos exornasse, atque priscorum inventa longe superasse exsultemus. Unum eximium habeo Thomam Sydenham, Angliæ lumen, Artis Phœbum; Cujus ego nomen sine honorifica præfatione memorare erubescerem: quem quoties contemplamur, occurrit animo vera Hippocratici Viri species, de cuius erga Remp. Medicam meritissimum ita magnifice dicam, quin ejus id sit superatura dignitas.

Sed reverso, unde me deduxerat Optimi Viri contemplatio, objicitur: An ergo solius Hippocratis intellectum Medico sufficere, aliorum labores illi nec decoros, nec utiles, neque necessarios existimem? Minime. Ingentis Viri defectus, quos habuit, quos agnovit, sciens, minimis tamen urgeri demonstrans, optimum prædico. Inter ignarissimos autem habear, si Vesalii, Asellii, Harvæii, Pecqueti, Uberrii, Whartoni, Drelincurtii, atque Bartholinorum, quibus corporis humani fabricam explicarunt, inventa ignorem; ingratissimus audiam, nisi venerabundus illorum dignitati assurgam. Uni Malpighio liquorum semitas, Spirituum rivos, Uni

Malpighio Dædaleam viscerum structuram , Uni Malpighio quidquid ad totam corporis compagem spectat , patuisse , quis ignorat ? Summos in re Herbaria profectus et novi utcunque et laudo : Castigatam sæculi industria Chemiam amo , atque colo . Mechanicorum , Aquilegum , atque Physicorum radiis illustratam eam scientiæ partem , quæ naturales corporis actiones explicat , atque hoc nomine Boylei , Borelli , Bellini , Malpighii , Pitcarnii atque aliorum utilissimos esse conatus ; omnis clamabit posteritas .

Quapropter , ut quæ sentiam libere , sed compendio dicam , non inepte equidem , opinor , is , qui Geometrica atque Arithmetica primo instillanda , suadebit animis eorum , qui Phœbo devoti sunt . Hujus consilio ipsa ratio , ipse suffragabitur Hippocrates , imo ejus ipse filio suo , in datis ad eum litteris auctor est , addito illo argumentorum pondere , quo vel invitissimo assensum exprimat . His imbuto , præclara hujus ævi inventa addiscenda per omnes Medicinæ partes . Postremo autem , ubi , quod primarium est , artis exercitio se accingere student , ubi morborum fata , ubi sanandi Regulas addiscere cupiunt , tum vero ante omnes alias consulenda Hippocratica , arbitror . Unum restat hominum genus huic adversum sententia , quibus placet ex Universalibus rerum prin-

cipiis, materia, motu, atque figura corpusculorum, à priori, ut vocant, demonstrare sanitatis, morborum, et medicamentorum naturas. Postulatorum illi copia, datorum inopia, haud quam deterriti, indeterminatam effingunt Hypothesin, ex cuius assertione si via analytica et plausibilis ratiocinii spetie unum alterumve satis generale deduxerint, rebus id applicant, atque inde sanandi regulas ex suo ingenio excogitare non verentur. Verum, quanta spe decidunt, tum demum constat, ubi hæc subtilitatis figmenta rebus gerundis adhibere, cum summo ægrorum damno experuntur. Atque utinam hi quibus Mathematicorum viam laudare solemne est, re illos, non verbis modo, sequerentur. Diligentius data, prudentius demonstrationes, tardius conclusionem, formarent. In solvendo problemate non ad unam forte obviam, sed ad omnes, quæ propositionem determinant, conditiones attenderent. Figuras adeoque incognitas, velocitates incompartas, meatum obscuritates, Elementorum generalia, pro claris atque distinctis demonstrationum fundamentis non admisissent. Quid enim jubent Geometrarum leges, in demonstrationibus rerum naturalium, quæ semper singulares, definitæ, atque ab aliis omnibus per minima diversæ sunt, colligenda esse quæcunque ullo nomine ad eas spectare observantur, sive has præce-

dant, comitentur, vel sequantur: illa dein collecta monent cognoscenda esse singula quam clarissime, denique ad hæc omnia singulatim probe cognita attendendum quam accuratissime, atque ita demum concludendum, prout hæc omnia simul exigunt, severitate summa. Ita res ratiocinia, non hæc illas, determinarent. Ita conclusiones non vagæ essent cuilibet aptandæ quæsito, atque abstractæ, sed definitæ, exactæ, atque rem hanc singularem, prout est, describentes. Tantum ergo abest, detrahi observationum dignitati per Mathematicos, ut contra nulli clarius earum pretium demonstrent. Sequuntur, itaque, id enim unice speramus, optimos veritatis Cultores Geometras! Quam arctos fines suis habebunt fictionibus! Quæ horum severitas præcipiti illorum ratiocinio moderabitur! Quam dura ipsis incumbet necessitas imitandi Hippocratem, antequam ratiocinia valere in hac arte possint. Atque his hæc sufficient! Rationis enim quisquis dicto audiens, haud difficulter ab errore resipiscit. Alios autem non moramur, qui, nescio quibus insulis salibus, aut tectis invisibilium machinulis superbi, vix sibi visum vilipendunt Naturæ Genium. Illis equidem, si quidquam fuisset pensi, non tam inepta de summo Viro judicia evulgavissent.

Ad Vos, quorum pectora Salutis hu-

manæ amor inflammat: Ad vos, egregia juvenum manus, mea se tandem convertit Oratio. Utile in primis est, atque decorum consilium, quo illi ætatem devovetis sapientiæ, cuius usus miseris mortaliibus cœlestis habetur. Omnem laudis meretur memoriam spectata satis sollicitudo, atque industria, qua perfecte prius discere, quam exercere, studetis eam artem, cuius abusus humanæ genti pestiferus atque exitialis est. Audivistis ea, quibus instructos esse decet Medicinæ candidatos; Audivistis, ubinam illorum vobis liberalis detur copia. Quis enim Vestrum ignorat, quos suis Hippocratica Pandora Thesauros distribuat? Horum et cupidi et potiri estis capaces. Est enim in medio posita palma, volens facilisque sequitur, Vos in primis, quibus innatæ dotes arte cultiores omnia fælicia, omnia pulchra promittunt. Divitiæ, decus, gloria vos expectant, quique hæc longe exsuperat, animus pulcherrime actorum conscientia lætus. Si ergo ad Sapientiæ, cuius hæc præmia sunt, Principatum adspiratis, Illum sectemini, qui eam condidit: facile iis artibus hanc scientiam augere est, quibus initio parta fuit. Non est, quod ignorantiae pericula, dubitationis scrupulos, temeritatis errores horreat, qui consultit effata Maximi Medici: luculenta est, pura, omnique errorum fœce purgata doctrina,

quæ tot ætatum , hominum , artium atque experimentorum opera caliginem discussit , qua involvebatur tecta veritas. Qui medicæ laudis gloria ducitur , haud felicius eam consequetur , quam si audiverit Hippocratem : Hippocratem , qui peritiæ fama peruptis Hellados claustris , in Persicæ regiam atque hinc per totum transvolavit orbe: Hippocratem , qui æterna artis gloria decoratus temporis edacitatem incolmis sustinuit: Hippocratem , qui omnes Humanos , quid humanos memoro? Qui divinos honores vivus accepit , mortuus sibi confirmavit. Eumne sequi dedecori cuiquam fiet? Eum? Quem et Thessali , et Coi , et Argivi , et Macedones , et Athenienses , quem et Phocenses , et Dorienses ob servatam arte Patriam cælesti honore decoraverunt? Quam laudabile , quam gloriosum est eum imitari , ad quem colendum omnes Bonos habemus auctores! Quam turpe , eum contemnere , quem Illyrii , quem Pæones , quem Barbari Reges publicis legationibus , ut genium tutelarem imploravere! At , si quem honesta magis rerum quibus vita commode fertur , quam gloriæ cupidio tenet , tallem se gerat , ut Illi reddatur similis , cui Persarum Rex , auri quantum vellet , obtulit , cui tot Gentes tanta munera , virtutis præmia , miserunt. Quot nobis Historia Viros memorat , quos sola Hippocratica Doctrina Regibus caros , opibus

affluentes , fama celebres effecit? Vos vero, qui altiora spiratis , qui virtutem sibi solam habetis premium , qui sapientiam ambitionis , cuius exercitatio ægris salutaris , Patriæ utilis, Parentibus gloriosa, Vobis honesta fit ; in hujus Viri laboribus vos exercete. An de peritia ejus dubitetis? quam scripta Viri , quam sæcula , quam omnes Boni uno ore prædicant. An vero de fide? Sed hanc res ipsa , hanc omnes celebrant Historiæ. An de pretio scriptorum? Verum artium inventrix atque earundem æstimatorum optima Urbs Minervæ , eorum Auctori ob evulgata eadem sacros honores decrevit. At enim , quis dixerit genuinos ad nos codices pervenisse? Stylus , res , omnes Veteres ordine eum sequuti , atque inter illos Princeps cum Eretiano Galenus. Quid ergo? Quum tuta et expedita , quum decora atque utilia omnia cernatis , hunc amplexemini , qui horum Vobis Auctor. Si placet , en paratum me adhortatorem, en socium ; qualem vultis , habetote! Vobis operam meam , Vobis , si quid in me laudabilis posuit natura , si quid effecit exercitatio , id omne dico! Vestris prodesse studiis , ea demum votorum mihi summa! His dum invigilo erit hic mihi labor , hæc mei instituti ratio : Ut scilicet in describenda primo loco corporis humani fabrica nostri sæculi locupletissima inventa promovendæ Medicinæ applicen-

tur. Illustratum speculatione nostræ compagis animum exhilarabit deinde contemplatio tot, tamque diversæ indolis liquorum, qui per Mæandros dedaleæ machinæ circumacti, variis locis varii oberrantes, Vitæ, motusque nobis officia præstant. In hac vero materie exascianda, Helmontii, Boylæi, Tachenii, atque Travagini opera utentes laudem Chemiæ Justam agnoscentis. Hac in parte fulgebunt luculenta illa de transfusis atque injectis in vivorum venas liquoribus, experimenta. Hæc ubi experientia atque ratio illustraverit, dabo operam ut fide Historica enarrentur ea, quæ ægro vel sano actiones eveniunt spontaneæ vel arbitrariæ: Ubi opus erit consulere Veterum atque Recentiorum observationes, quibus præfulget Hippocrates. Ex his dein summo collectis studio, tanquam ex datis problemata nascentur, in quibus solvendis Mechanicorum, Aquilegum atque Chemicorum imploranda auxilia, et Geometrarum methodus, ea tamen lege, ut facta semper factis potius explicentur, quam figmentorum licentia. Recreatam hac speculatione et firmatam mentem res ipsa methodo medendi adjunget; in hac vero stabienda Hippocrates, Sydenhamus atque pauci præter hos veri Medici consultores nobis et auctores erunt. Denique horum præcepto firmis, observandi arte, dignoscendi judicio, providendi

sagacitate , atque agendi prudentia instruc-  
tis , quid aliud incumbet , quam remedia  
horumque indicare fontes? Veterum hic  
simplicitate non contempta , quæ Che-  
micorum labor bona dedit , adjungam,  
horum præparationes ipso vos opere do-  
cebo. His finibus coercede mea ; hæc de-  
cursui meo meta erit. In his quicunque  
meum consilium , vel adjumentum sibi  
aliquid efficere posse judicat , suo me ju-  
re utatur. Altiora quidem illa quæ Me-  
dicum consummant , Clarissima hujus Aca-  
demiae Lumina , Artis Salutaris Profes-  
sores , vobis demonstrabunt. Cæterum ego  
Illos ætate , sapientia , et loco Piores , con-  
sili , factorumque meorum Auctores ve-  
nerabor. Ut ita una mente , uno animo  
ornandæ Salutis Ædi invigilemus! Utinam  
his pro voto inchoandis , atque omnis vi-  
tæ curriculo perficiundis vires dederit ap-  
tas Salutis Auctor et Consummator DEUS!  
Tum demum confiderem aliquam me pos-  
se gratiam referre vobis , Viri Illustrissi-  
mi , Minervæ Batavæ Curatores , Patriæ  
Patres. Neque enim me fallit , quantum  
cum maximo Vestro favore negotium  
sustineam. Vestræ Munificentia , Amplis-  
simi Viri , me supra reliquos mortales de-  
vinctissimum semper profitebor. Tantis  
beneficiis , Vestrisque de me conceptis vo-  
tis , ut pro ea , qua sum tenuitate , ut-  
cunque respondeam , summis animi et

corporis viribus acerrime annitar. Hanc  
à Vobis inire gratiam , quæ vigilando,  
agendo , bene conando conciliatur , sum-  
ma ope affectabo.

D I X L

# INDEX CAPITUM

## PROLEGOMENA.

Morbi fibræ solidæ simplicis . . .	PÁG. 7.
Morbi fibræ debilis , et laxæ . . . . .	7.
Morbi fibræ rigidæ , et elasticæ . . . .	18.
Morbi vasorum minimorum , et majorum . . . . .	25.
Morbi viscerum debilium , et laxo- rum . . . . .	26.
Morbi viscerum fortium , et rigido- rum . . . . .	29.
De simplicissimis Humorum vitiis, et spontaneis . . . . .	39.
Morbi spontanei ex accido humore.	ibid.
Morbi à glutinoso spontaneo . . . .	47.
Morbi ex Alcalino spontaneo . . . .	67.
De Morbis oriundis ab excessu mo- tus circulatorii solo . . . . .	79.
De Morbis ex defectu circulationis et Plethora . . . . .	84.
Morbi compositi simplicissimi , Obs- tructio , et Vulnus. Obstructio.	86.
De Vulnere in genere . . . . .	97.
Hæmorrhagia . . . . .	140.
Dolor . . . . .	141.
Convulsio . . . . .	144.
Vulnera Capitis . . . . .	148.

## INDEX.

Vulnera Thoracis . . . . .	166.
Vulnera Abdominis. . . . .	169.
Contusa . . . . .	173.
Ossa Fracta . . . . .	182.
Luxata . . . . .	187.
Inflammatio . . . . .	189.
Abscessus. . . . .	206.
Fistulæ . . . . .	214.
Gangrena . . . . .	218.
Sphacelus . . . . .	238.
De Combustione . . . . .	245.
Scirrhus . . . . .	250.
Cancer. . . . .	258.
De morbis Ossium . . . . .	267.
De Morbis Internis , et de Febribus in genere . . . . .	280.
Frigus febrile . . . . .	319.
Tremor febrilis . . . . .	323.
Anxietas febrilis . . . . .	325.
Sitis febrilis . . . . .	333.
Nausea febrilis . . . . .	337.
Ructus et flatus . . . . .	342.
Vomitus febrilis . . . . .	347.
Debilitas febrilis . . . . .	350.
Calor febrilis . . . . .	353.
Delirium febrile . . . . .	359.
Coma febrile . . . . .	363.
Pervigilium febrile . . . . .	365.
Convulsio febrilis . . . . .	366.
Sudor febrilis . . . . .	367.
Diarrhoea febrilis . . . . .	370.
Exanthemata febrilia . . . . .	374.

## INDEX.

Febris Continua . . . . .	378.
Febris Continua Putrida . . . . .	382.
Febris Ardens . . . . .	388.
Febris Intermittens . . . . .	399.
APPENDIX ad Tractat. de Febribus.	433.
Malignitas Febrilis . . . . .	437.
Status Nervosus . . . . .	441.
Febris Stationaria . . . . .	444.
Febres Annuæ . . . . .	445.
Febres sporadicæ , et singulares . .	448.
Febris Lactea . . . . .	449.
Febris Puerperalis . . . . .	452.
De Febribus Continentibus . . . . .	454.
Febris Inflammatoria simplex . . .	455.
Febris Putrida . . . . .	461.
De Febribus Remittentibus . . . . .	465.
De Febribus Biliosis . . . . .	466.
Febris Biliosa Inflammatoria . . . .	469.
Febris Biliosa Putrida . . . . .	470.
De Febribus Pituitosis . . . . .	471.
De Febribus Irregularibus . . . . .	474.
Febris Nervosa acuta . . . . .	478.
Febris Nervosa Lenta . . . . .	479.
Febris Hectica , vel Marasmus . . .	482.
Febris Purpurata , vel Miliaris , et Scarlatina . . . . .	485.
Erysipelas . . . . .	490.
Hemitritæos seu Semi-tertiana . . .	494.
Intermittentes perniciosæ . . . . .	498.
PROGNOSTICON Hippocratis Liber . .	509.
ORATIO DE COMMENDANDO STUDIO HIPPOCRATICO.	539.

# ERRATA.

PÁG.	LIN.	CORRIGE.
xii.	16.	præfactoris
2.	19.	obtupescet
15.	10.	semisæ
19.	1.	faciat
31.	18.	fæcillime
80.	23.	vere
100.	32.	observabit
106.	19.	teterebra
111.	11.	comprimen
118.	32.	vulnerat
130.	5.	fat
138.	17.	flunt
253.	26.	attenuat
253.	31.	valenti
262.	20.	historicæ
285.	28.	adhunc
293.	32.	ilia
324.	19.	Sentilis
339.	18.	autis acutum..
360.	21.	aut optis
383.	22.	vididæ
396.	11.	diffata
464.	27.	restituuntur
496.	22.	Coruphærum
498.	28.	cepha algia
508.	1.	Ergavicensis
513.	18.	Stridore
514.	3.	parietate
543.	27.	compiata

69-2-6

Costó ve pesetas dia 11 de  
Marzo de 1804







H. GOERLAVY  
CURSUS  
MEDICUS



13.305